

~~C 8077~~

Uc 9294

Biblioteka Jagiellońska



sidr0015456

Uc 9294

VICTOR & VICTVS
VINCENTIVS CORVINVS
GOSIEWSKI.

Supremus M. D. L. Thesaurarius & Campi Mar-
schalcus, Wielisiensis, Puniensis, Marcoviensis,
Łozdżiciensis Capitaneus: Oeconomiarū Mohilo-
viensis, Graudētensis, & Olitensis Administrator,
repræsentatus,

A.

SAMVELE WĘSŁAWSKI
IOANNIS CASIMIRI Poloniae & Sveciae Regis
Notario M. D. L. & Cubiculario.
Tribuno Vpiteni 1664.

atq;

Inter suas revolutiones
VICTRICIA & VICTA Regna POLONIAE,
LITVANIAE, MOSCHOVIAE
Nunc primū in lucem producuntur.

A.

MICHAELE WĘSŁAWSKI
Tribunida Vpiteni Academico
Vilnensi, An: 1691.



Nulla me res delectat diu, quam mihi
uni sciturus sum. Seneca.



Illustrissimo & Excellentissimo D. Domino
IOSEPHO BOGVSLAO
S L V S Z K A

Castellano Vilnensi & Campi Marschalco M.D.L.
Pienianensi, Iezierzyscensi, Punienfi Capitanco.
Nec non eiusdem lectissimæ Consorti,

Illustrissimæ & Excellentissimæ Domine
T H E R E S S I Æ
G O S I E W S K A

Paterni Sægvinis, Magnanimitatis, Opū, Hæredi:
Coniugalis Thalami, & Honorum Sociæ.

R Edivivum VINCENTIVM CORVI-
NVM GOSIEWSKI, Supremum Thesau-
rarium & Campi Marschalcum Parentem
Vestrum veneremini Illustrissimi & Excellentissimi
Domini. Prodit ille in tacem, non tumuli squalore
deformis, (nam hunc vos omnem filiali obsequio amo-
vistis

vistis, quando dignum eius aternitate, dignum Vestrâ liberalitate perennaturi amoris monumentum ere perennius, in marmoreo tumulo excitâstis; sed illâ atate, illâ Martij vultûs Majestate, oculatis seræ posteritatis desiderijs se obijciens, quâ florentissimam VLADISLAI IV Aulam, ipse Aula decor, atate, moribus, opibus florentissimus, Dapifer M. D. L. incoluit.

Videre videmur Lituanum Achillem nostrum, factis indomitum, Clypeo gladioq; potentem, hostilibus jugulis etiamnum incumbere, & per infensas Patriæ acies, per ignes & mille volantia tela ad Loiom, Irpien, Dimir, Pinsk, Mozyr, primùm Colonellum, deinde Generalem Artileria volitare. Dum Kiovios arcus, pharetrasq; rebelles captivas tradit Dux RADIVILE Tibi.

Excubat etiamnum pro Patriæ integritate, immortalè pervigil famâ, illâq; prudentiâ, quâ decem millium Exercitum, omni fortunâ sibi fidum, proprio ere conscripsit: illâ fortitudine, quâ Victor ad Prostki, in Prussia, Lituania, Russia, Livonia, contra Moschos, Suecos, Brandeburgicos, Thesaurarius & Campi-Dux decertavit.

Mirabuntur serò ventura sacula, infractam illam

lam Ducalis animi fortitudinem, quâ tot calamitates in Moschico carcere, grandi illo scilicet GORVINIANÆ magnanimitatis teatro, sustinuit. Adorabunt flexanimam inter arma & lituos, Imperatorii oris facundiam, vibratis in ferale Patriæ excidium ensibus imperantem, persuasissq; Moschis, Brandeburgico, Tartaris, & Kozacis, ad Bialocerkviam fœderibus, immanem illam belli tempestatem (qua univèrsa Polonia supremum naufragium minabatur) avertentem. Sed quia magnæ Fortunæ, magna cognata est mutatio, & felicissimæ prosperitatis cursus, palmari plerûq; infortunio terminatur (nam Alexander, Germanicus, Annibal, veneno; Cyrus, Cæsar, Pompejus, coede; Marius, Bellizarius egestate; Camillus & Africanus, ille Gallis devictis, hic triumphatâ Carthagine, Civium oppressi odijs, negaturi suos cineres ingrata Patria, voluntarium sibi indixerunt exilium) hic quoq; Victor, eandem victoriam subiit sortem, cum legatio jure gentium sancta, eum libertate & Patriâ exuisset, receptum in Patriam seditio militaris, vitâ; cui sedante sese devoverat, illâ oppressus perijt tempestate.

VICTORIS & VICTI, par gloria, par
in

in Patriam studium; nam quemadmodum Victori propugnata Patria, sic victo precautionum missarum in Patriam, restincti militaris incendij, compositiq; Civilis belli, debetur palma: ut Victor & Victus, liber & Captivus, paribus encomijs, à sera celebretur posteritate.

Hiscè in Patriam meritis augustus, tot Civis, Muralib9, Obsidionalib9 coronis redimit9, hac gloria sublimis Illustrissim9 Pater Vester, etiamnù post fata superstes, Orbis universi aspectibus à Genitore meo, Illustrissimis Vestris Nominibus devinctissimo, proponitur. Tibi tamen imprimis presentatur, Lituanè Mavors, Magne Castellane, & Campi Marschalchè gloriosissime, qui filialis obsequij gloriam cum hereditate, & magistratu militari, in Te transcripsisti; Decora GOSIEVIANÆ Domûs Tuis, Tua GOSIEVIANIS conjungens. Communi plausu (Patrum memoria) uterq; Avus Vester, hinc ALEXANDER SŁVSZKA Palatinus Trocensis, inde ALEXANDER CORVINVS GOSIEWSKI, Palatinus Smolenscensis, Prorex Moschovia: uterq; Vester Patruelis, hinc SIGISMUNDVS SŁVSZKA, Supremus M. D. L. Vexillifer & Colonellus, inde
CHRI.

CHRISTOPHORVS GOSIEWSKI Palatinus Smolenscensis, in Galliam Legatus, pro eliberando CASIMIRO Polon: Principe: hinc Parentes Vestri BOGVSŁAVS SŁVSZKA Curia Thesaurarius, inde VINCENTIVS CORVINVS GOSIEWSKI, Supremus Thesaurarius: hinc DOMINICVS SŁVSZKA Palatinus Polocensis, inde VINCENTIVS CAROLVS GOSIEWSKI posthumus, Fratres vestri, utriq; Domui gratulantur, Vos sociali junxisse foedere dextras, inq; commune decus, utriusq; Domûs ornamenta contulisse.

Dammaretur profectò non immerito Parens meus ingrati silentij à memori CORVINIANÆ virtutis posteritate, si hac, quæ Moscua triennio, & omnis fortuna comes, in Regia, in Castris Polonicis, Lituanicis, Moscoviticis, Kozaticis, Tartavicis; demum Regum Polonia IOANNIS CASIMIRI & IOANNIS III, ad Magnam Moschovia Principem ALEXIUM MICHAŁOWICZ, quinquies Ablegatus; in Vkrainam quoq; & ad Tartarorum Principes ipse vidit, & quorum pars magna fuit, immemori tumulasset oblivione. Paucis enim natus est, qui populum suæ ætatis cogitat.

Ego

Ego alieni Operis Minister, dum Victorem & Vi-
ctum in lucem produco, Tuoque Nomini inscribo, Tu
Parentem Tuum optimum venerare; Victori applau-
de, Victi in-victum animum mirare; eaque humanita-
te, qua Nomen & merita CORVINI prosequeris,
posthumum in lucem prodeuntem foveas. Authorem
quoque & me Oratorem, Tua benevolentia prosequere.
At meo, quidquid studijs nunc excolitur, & dein-
ceps

Crescet in ingenio, serviet omne Tibi.

Illustrissimarum Excellentiarum Vestrarum

Humillimus Servus
MICHAEL WESEAWSKI.
Tribunides Vpitensis
Academicus Vilnensis.

Epigramma

*In opusculum SAMVELIS WESEAW-
SKI Tribuni Vpitensis*

In-victus Patria obsequijs, senioque laborem
Scribendi, multos vincis & historicos.
Victorem Victum scribis, vitamque redonas,
Seraque victurum vincere secula iubes.
Iam dele Victi probrum, bona causa triumphat:
In-victus calamo coepit hic esse Tuo.

STEPHANVS IOANNES SLIZIEN

Notarius Terrestris Ofzmianen:

Sacr: R. M. Secr:

Eidem Authori.

Quem super aethereos fama sonus extulit axes,
Huic nihil infesta falx fera mortis obest
Insans funesto CORVINVS victima ferro
Concidit: immanis quid nocet iste furor?
Illum de tumulis altisque latentibus umbris
Vindicat, & mundo sistit amica manus:

Hoc

*Hac duce per memores tendens in secula fastos
Non potuit vitâ nobiliore frui.*

Applausit Historiæ

MICHAEL à POTOK POTOCKI Castellani-
des Camenecensis, AA. LL. & Philosophiæ

Magister.

Eidem.

*Incolit æthereas sublimis gloria sedes,
Quò volucris pandit non nisi penna viam:
Hac tendens alijs CORVINVS non eget alis,
Quem tua W. S. E. A. V. I penna sub æstra vehit.*

Accinuit.

PETRVS à POTOK POTOCKI

Castellanides Camenecensis,

Auditor Eloquentiæ

INDEX CAPITVM

quæ in hoc opere continentur.

- CAPVT I. VINCENTII CORVINI natales,
deinde res gesta, Belli Moschoritici initia, Vilna
excidium. pag. 1.
- CAPVT II. Bellum Sueticum & Rakoteij contra
Polonos, Moschorum contra Svecos. pag. 15.
- CAPVT III. Bellum Moschoriticum recrude-
scit: & aduersus conflictus in campis Wercen-
sibus. pag. 27.
- CAPVT IV. CORVINVS GOSIEWSKI vi-
ctus Moscuam deducitur, Moschorum ad Ko-
notopum clades. pag. 47.
- CAPVT V. Valida Moschorum expeditio & cla-
des ad Czudno-viã, Basiam, Czereiam pag. 114.
- CAPVT VI. Ingressus Legatorum Cesareorum
Moscuam; ubi Moschorum splendor describitur.
Precautiones GOSIEVII in Patriam missa.
Acta in Comitij Regni, super electione vi-
vente adhuc Rege instituenda, & super liber-
tate GOSIEVII pag. 172.
- (2) CAPVT

- CAPVT VII.** *Clades Moschorum ad Kuszliki. Confederatio Exercituum Regni, & M. D. Lithuania. Occasio libertatis GOSIEVIANÆ* pag. 224.
- CAPVT VIII.** **CORVINVS** *Moscuâ liber in Patriam recipitur.* pag. 250.
- CAPVT IX.** **VINCENTIVS CORVINVS GOSIEWSKI** *seditioni militari sedanda immiscetur, & interimitur.* pag. 324.
- CAPVT X.** *Captivati fontes, nexus militaris resolutus, deq; fontibus iudicium.* pag. 338.
- CAPVT XI.** *Elogium Historicum, Natales, honores, gesta in Patria & extra illam, calamitates & obitum VINCENTII CORVINI GOSIEWSKI complectens.* pag. 362.
- CAPVT XII.** *Corollarium Historia seu Ætas Regnorum Polonia, M. D. Lithuania, & Moschoria, per annos distincta.* pag. 371.
- In fine additur Processus Iudiciarius in causa cædis*
VINCENTII CORVINI GOSIEWSKI. pag. 429.

(*)(*)(+)(*)(*)

CAPVT. I.

VINCENTII CORVINI *Natales, deinde res gesta, Belli Moschoritici initia, Vilnæ excidium.*

Rerum gestarum ærumnarumq; memoriam, quamvis dulcem esse Sapiens iudicaverit, *Seneca* nihilominus cum fuerit in fatis **VINCENTII CORVINI GOSIEWSKI**, Magni Ducatus Lituaniæ Supremi Thesaurarij, & Campi Ducis, tot trophæa, eventu atroci in Patria terminâsse; acerbâ & prodigiosâ, orbis meritò iudicavit. Dulcem tamen fore, recognoscenti hoc opus, minimè ambigo; cum duæ prævalidæ gentes, non tam de Russiæ integro imperio, & opibus, quàm de origine tot bellorum Smolensco, certantes, (utrâq; quindecennio depugnante, & faciente iacturam, quâ Regna emissent) tot hostium clades, tantæ bellorum moles, in uno Regno recolendæ, sese simul obijciant. Seriem rerum feliciter gestarum recensere esset animus; nec enim deest materia scribendi, & virtus se-

A

pten-

ptennali antè hac bello Kozatico, multis prælijs exercitata, sese offerret uberrima: sed quandoquidem casus adversi virum probant, & post trophæa, perplexa fortuna

tot volvere casus,

Virgilius

*Insignem pietate Virum, tot adire labores,
Impulit;*

hinc proindè ordiar factorum eius initium, unde difficillimis Patriæ nostræ temporibus, enituit in eo pro Patria, opum, libertatis, sanguinis, & vitæ prodigalitas. Nec te absterreat ô Lector, Carceris Moschovitici deformitas, immò parem trophæis æstimes, cum Magni B OHEMVNDI Antiochiæ Principis *a*, BALDVINI & GVIDONIS, Hierosolymorum Regum *a*, LVDOVICI Sancti *a*, PHILIPPI *a*, Galliæ Regum, Saracenicus *a*: RICARDI Angliæ *a*, FRANCISCI Galliæ *b*, Regum, Austriacus: VALENTINIANI Imperatoris *c* Persicus: LVDOVICI Cæsaris *d* Italicus: MAXIMILIANI Archiducis, SZVYSCHII Moschi *e* Polonicus: BALDVINI Imperatoris, Bulgaricus: ROMANI Imp: *f* Persicæ
IOAN-

a. Emilius de rebus Græc.

b. Spondanus. c. Baro-wins.

d. Sleidan de monarch.

e. Pioski.

IOANNIS *f* Galliæ, & DAVIDIS Scotiæ *f* Angli-
gicus: FRIDERICI Austriæ, *d* Bavaricus: VI-
TIGIS *c* Belisarianus: atq; adeó ipsiusmet BE-
LISARII *c* casus (ut omittam Syphaces, *g* A-
fricani filios, *g* Aristomenen *f* Philopomænen
g cæteraq; vetustatis vocabula) multis nomini-
bus inter trophæa, victoriaq; promiscuè cele-
bretur carcer.

CORVINIS Roma originem, Hungaria Regū progeniem, Lithuania Natales VINCENTIO contulêre. Quos Parentibus ALEXANDRO Palatino Smolen: Matre EVA PACOWNA fortitus, primam ætatem studijs Vilnæ, Viennæ, Romæ, indeq; redux in Aula VLADISLAI IV. excoluit. Hoc magno Rege vitâ functo, multiplicia bella Remp: excepêre. Quibus iam tunc septennio durantibus, magnitudo animi, & aviditas bellicæ gloriæ, in illo omnibus in Rep: tum maximè IOANNI CASIMIRO Pol: Regi probata extitit, postquàm eius directione, Comitia Regni Pol: Mq; D. L. continuata, electionem sui, Kozacis rebellibus ad Bialocerkwiam pacē

A2

per-
medat.

*f. Degli-
oni in
theatro
Princi-
pum.
g. Livius*

*Vincen-
tio Cor-
vino bel-
li & pa-
cis artia
bus Regi
Pol: cō-
medat.*

Thesaurarius renuntians.

persuasam, ubiq; profusis opibus, Princeps vidit; facile in animum suum induxit, ut Tanto Viro Senatorium in Rep. Thesaurarij Supremi, demā-daret munus. Postquam ab eodem, proprio ductu ad Irpien decem millia Kozacorum deleta; ad Dimir triginta millia profligata: alienis autem auspicijs ad Loiow inter acerrimum belli certamen, glande icto & confosso iam equo, aciem restitutam, primum victoriæ momentum additū: ad Loiow secundò, Mozyr, Bobroyk, Pinsk, operam navatam, ubiq; fortiter ac gloriosè, inaudisset, eundem militari destinabat imperio.

Cum emoriente interim publica Polonorum & Lithuanorum fortuna, multorum Poloniae Procerum emoriebatur vita. Plurimos inter, supremum obierat diem IANVSSIVS KISZKA Palatinus Polocensis, Supremus Exercituum in Magno Duc; Lith: Generalis. Cuinam imperatoria in exercitu demandaretur potestas, eò magis ambigebatur, quòd Resp: iam septennali bello cum Kozacis exacto, impendentis quoq; Moschovitici belli metu, laborabat. IANVSSIVS RADZIWIŁ

DZIWIŁ Palatinus Vilnensis hucusq; Campi Marschalcus: VINCENTIVS CORVINVS Supremus Thesaurarius, officio idonei, bello gerendo pares habiti. Ille Supremus Exercituum Generalis, hic Campi Marschalcus renuntiatus, Magna quidem nomina, magnis Magistratibus destinata, sed deerat robur, eos magistratus capeffentibus. Vires non adeò validæ à Rep: decretæ, quàm temporum ratio, ac hostis Moschovia, viribus & numerosissimis copijs ferox, postulabat. Quindecim millia descripta in Lithuania censebantur, fortalitia longâ pace collapsa, à Repub: nec restituta, nec provisa, Miles stipēdia exposcebat, Resp: alieno ære laborabat. Deniq; non omnibus decus publicum curæ; plures tuta, pleriq; indicto bello, fugam non consilium arripiebant.

ALEXIVS MICHAŁOWICZ Magnus Moschoviae Princeps, contra Polonos & Lithuanos, diu meditatam bellum, non ultrâ dilaturus: quam vetustate pacis coalitas vires & audaciam apud se haberet, omnium tamen primū Koza-

corum Polonos.

Tum Campi dux.

Anno 1654. M. Moschoviae Princeps movet contra Polonos.

Apparatus belli

Kozacorum rebellem insolentiam (quæ illâ tēpestate, parem se potentissimis Regnis, potentiâ ferens; Turcis, Moschis, Suecis, Tartaris, Transylvanis offerebat amicitiam) sibi in clientelam, & belli subsidium, assumpsit. Iuramentum à *Bohdano Chmielnicki* quantocyus recepit: *Kioviæ*, *Nizyno*, *Pereaslaviæ*, *Czerniechoviæ*, alibiq; per *Vkrainam*, imposuit præsidia: Trecenta insuper millia Moschorum armavit. His copijs per *Vkrainam*, *Wołyniam*, *Severiam*, *Smolensciam*, *Polociam*, *Vitebsciam*, & *Livoniam*, velut uno agmine, simul intulit bellum. *Basilio Buturlin* cum 30000 *Vkraina* commissa; *Polocia*, *Vitebscia*, *Szeremethio* cum 30000 demandata. *Mscislaviam*, *Orsam*, belli Ducibus *Czerkascio*, *Odoienscio*, *Trubeccio*, *Dolgorukio* centum millia præmissa. Ipse Princeps residuus, *Smolenscum* (quod olim ereptum SIGISMUNDO I Pol: Regi, iterum SIGISMUNDVS III iam apprimè munitum, de integro Moschoviæ Imperio capto, adiunxit *Lithuaniam*, ingentis scilicet prædæ tenuem portionem, & magni

magni posteris originem belli) cinxit obsidione.

Initia belli non infeliciter *Lithuanis* cesserunt, nam *Odoienski* *Astrachaniæ* Governator, à *Gankoffio* castris exutus: ad *Szkloviam* cētum millia Moschorum, à *IANVSSIO RADZILWIL* acie submota: reliquum belli cessit fortunæ Moschorum. *Lithuanicæ* copiæ, ipsâ multitudine hostium ad *Szepielice* oppressæ; fortalitia ope destituta, aut capta, aut dedita. *Polocia*, *Newcl*, *Siebiez*, *Mohilow*, *Szklow*, *Homel*, deditioem paciscuntur. *Dubrowna*, *Vitebscia*, inexpugnabiles quidem gerebant animos; ita tamen, ut *Smolenscensium* acerrimè sese tuentium, circumspicerent exitum. *Smolensco* vi, assultu, & metu tracto, & illæ deduntur. Duo restabant per totam *Russiam* fortalitia: *Bychovia*, *Wielizya*; quorum præsidiarij mœnibus munitis, se ipsos in annos sequentes tutabantur.

At ubi belli exorti fama ad Regiam delata est, *IOANNES CASIMIRVS* Pol: Rex, *Grodnam* concessit: unde consilia Regni Mq; D.L. & arma in hosticum expedit. Promotæ in utramq; *Russiam*

Initia
belli fau-
sta Lit-
uanis;
eventu
crisiano

siam copiae, suppetiae Moschorum profligatae, Mohilovia cincta obsidione. Vbiq; irrito conatu: nam Mohilovia contra Lithuanos egregie defensa. In Vkraina verò mediâ hyeme STANISLAVS POTOCKI, GEORGIUS LVBOMIRSKI cum Polono exercitu adverso Marte, contra Moschos & Kozakos conflixerunt ad Držypole.

Anno.
Domini
1655.

Moschi
movent
in Li-
thuaniam

At Moschoviam, quamvis hyeme, saevissima pestis pervagata est, praesentissimum Numinis vindicis telum; nihilominus primo vere à M. Moschoviae Principe non parabatur, sed iam gerebatur bellum; numerosissima Moschorum & Kozacorū agmina in Russiam albam effusa, Borysthenem, mox Berezynam superarunt. Anteibant 40000 Kozakorum, Ductore *Zolotorenko* Korsunensi, Ducenta millia Moschorum Equitum peditumq; ductu *Czerkascij* in Lithuaniam irrumpunt. Decem leucarum intervallo, omnium postremus cum robore belli, M. Princeps in utraq; fortunam subsequebatur: ut sive vinceretur *Czerkascius* à Lithuanis, in expedito haberet integras copias: sive vinceret, dissipatos hostes in fugam, perse-

persequeretur. Viginti millia pedites Praetoriani, optimo ordine, triginta millia equites Moschi, exoticâ disciplinâ instructi, Custodes Corporis, Principem stipabant. Tanto apparatu ad Minscum, Osmianam, magnis quidem ausibus renitentem, imparem tamen, obruit Lithuaniam.

Lithuanis tantâ mole belli circumfessis, in socia Rep: Polona, (cuius causâ utrumq; bellum conflatum est) Polonis, iam Suetico & Moschovitico in Vkraina bello, implicitis, in Tartarorum Krymensium Hano spes erat: sed cunctis aliena pericula deferentibus, aut desiderio indigentium auxiliij, tardius cuncta movebantur. Iam etenim Moschi, Smolenscensi, Vitebscensi, Nouogrodensi, Seueriæ, Kioviæ, Czerniechoviæ, Braclaviæ, Palatinatibus, mirâ celeritate subactis, aut exustis, Vilnae imminebant.

Præda
Moschorum.

Vilna, vastitate, opulentiâ, commercijs, frequens, à Lithuanis, Polonis, Germanis, Italis, Russis, Scotis, Tartaris, Iudæis, latissimè incolebatur: publicorum privatorumq; ædificiorum

Vilnae
excidium

culturâ, multa Europæa æquabat emporia: liberalitate in Divuos ac Delubra, cum pijsissimis certabat Regnis: optimarum artium cultrix, profanarum, in Septemtrione, domicilium. Sed quòd Sociorum & suæ antehac potentiae præfideret, non situ aut munimentis, tuta mænia, (quæ ferocios animos facerent) habebat; idcirco Moschis minùs formidolosa habebatur. Vbi in conspectum Vilnæ ventum est; tot incultarum gentium vocibus, tot tormentorum ictibus, Vilna florentissima in excidium vocabatur. Tantâ barbarorum ferociâ, *Caput amplissimi Ducatus petebatur, quo scilicet presso, levi negotio ipsum Lithuania Corpus opprimendum, non vana conjectura erat.* Pugna quidem in aditu fori à populo, vano impetu, non perseverantiâ commissa est: animo, arte belli, armis, impar vulgus cæditur, ac inde profugum, Viliæ vorticibus hauritur. Trucidati in Vrbe inermes armatiq; , fæminæ pariter ac viri. Quidquid intra & extra Urbem sancti amæniq; erat, incensum: residua diruta, nec tecta solùm, sed etiam sepulchra. Sic nil
Divi-

Divini humane iuris, quidquam integrum, præ impotenti ira servatum: ut appareret, Vilnam petenti hosti, nil præter Vilnæ excidiũ cordi fuisse. Generalissimi Lithuaniae, quanquã cunctatione & viribus sese opponerent; tantæ nihilominus potentiae impares, desperatâ Vilnæ defensione, residuas copias ulterioribus casibus Reip: reservare, decreverunt. Iam etenim ex immani illo Kozatico bello, velut è femente quadam, Moschoviticum, deinde Sueticum, erat exortum. *CAROLVS GVSTAVVS* Suec: Rex, bellum externum pro suo habendum ratus, accessit Moschorum fortunæ socius, inq; aliena victoria, hinc Maiorem Poloniam, Minorẽq; deditam utramq; inde in Lithuania Samogitiã, suam prædã facit.

Spectatâ igitur ab adversa Viliæ parte, Urbis conflagratione, consumptis antiquissimis delubris, pacis diuturnæ, Regiæq; opulentiae ornamentis ab hoste direptis, pontis solummodò defenso aditu, in Samogitiam itum. Pars Lithuani exercitûs, seu Ducis Supremi exuens militare imperium, seu Suecorum in Samogitia e-

*Sueticũ
bellum
oritur in
Polonia.*

vitans protectionem, per Moschorum occurrētes acies, & crebros in campis Ponarensibus cōflictus, Caunam, inde Brestiam, Ductore CASIMIRO ZERONSKI, locum tenente GOSIEVII, euasere: ipse fato, non consilio, dum Moschis cum Principe RADZIWIŁ, ad pontem resistit, dum hostiles insultus profligat, pontēq; incendit, abreptus CORVINVS in Samogitiam: quandoquidem iter sibi cum ZERONSCIO destinaverat; sistere Moschorum victorias; expedire consilia, dum paria obijcere arma non licebat, habebat animum.

Dum verò deditā Suecis Samogitiā, solus superesset, qui fidem suam scripto obligandam Suecis negabat, liberi eius passus Arresto præpediti, Suecorumq; Regi tradendus Captivus, (quamvis non iure belli interceptus esset) à Suecis assumitur. Cæterum Magnum *Gabrielem de la Gardie* Generalissimum Sueticum, ingenij sui dexteritate & colloquijs, usq; adeò conciliavit, ut extra publicum odium, priuatim arctissimam omni deinde vitā coluerint amicitiam. *Tantum valuit,*

valuit, vel apud hostes, Martia Fortitudo, simulatâ licet humanitate temperata.

Iam Captivus, M. Moschoviæ Principem, Vilnæ tunc degentem, clandestinâ interpellavit legatione: quâ, ut sisteret Victricia arma; præferret ambigua amicitia Suetica, iam bellum contra se, pro Samogitia & Lithuania, evidenter molienti; Polonicam semper fidam, armis, vestitu, linguâ, asfinem: & qua post sera fata IOANNIS CASIMIRI, liberis votis Se, vel unumquemq; Liberorum suorum, Regem Polonia dictura foret. Iuncta verò utraq; Regia, quam metuenda quibusvis finitimis evaderet, cum inde Mari Caspio, Ponto Euxino, Septentrionali, hinc sinu Finnico & Baltico, terminaretur imperium, persuadebat. In cuius rei fidē pacta conventa Suecorum cum Samogitis, (in quibus Sueci pro vindicanda Lithuania & Russia, suam contra Moschos obligarunt operam) transmisit. *Servatur consilio, quod peribat Marte.* Nempe, tantum valuit apud Magnum Mosch: Principem, iusta & grata oratio, ut clam datis CORVINO, firmatisq; fæderibus, excesserit Lithuania,

*Gosievig
belli in-
ter Mo-
schos &
Suecos
concita-
tor.*

niâ . Captâ interea Caunâ, Grodnâ, firmatisq; præfidijs, commiffæ acies cum *Vroffovio*, ad Breftiam & Wierzchovice, Duce PAVLO SAPIEHA Palatino Vitebsceni: illa ceflit Lithuanis, hæc Mofchis; utrobiq; ftetit victoria penes pugnantes pro vita & desperatione. Anno autem fequenti Succis per Livoniam, M. Mofch: Princeps, bellum indixit: Rigam ipfe numerosiffimis copijs cinxit obfidione: Duneburgum, Kokenhaufum viva vi, Derpatû per deditiõnem accepit. In Lithuania verò, impositis loco opportuno præfidijs, Nobilitati in fua bona reditum proclamari iuffit; militiam fequi contra Succum, feu in fuo, feu in Samogitico exercitu vellent: iura antiqua, libertatesq; coli permiffit. Ipsâ facilitate clementiæ, animos Lithuanorum conciliavit: fed hæc â Gubernatoribus Mofchis poftea Religio fracta eft: & tandem recrudescen- tibus inter Principes odijs, cuius conditionis effent victi, fenfere. Querebantur quidem, non in fervitutem, fed in fidem M. Principis fe- fe tradidiffe, fibi imperari quæ moris Patrij non fint;

*Eis con-
citatio-
nis fru-
ctus.*

fint; frustra demum ingemifcendo, parere Vi-
ctori coacti. Sed hæc à Mofchis acta Anno
fequenti.

CAPVT II.

*Bellum Sueticum & Rakotcij contra Polonos, Mo-
fchorum contra Suecos.*

CAROLVS GVSTAVVS post-
quàm utramq; Poloniam, Pruffiam, Samogi-
tiam, Mafoviam, rarâ quadam felicitate, anno
elapfo obtiniffet, inter prædas, CORVINVM
Lithaniæ Thefaurarium, à Magno *de la Gardie*
Sueciæ Thefaurario, Captivum accepit: ignarus,
quantum fibi prædæ & thefauri foret per hunc
deceffurum, quamdiu apud fe Captivus viveret:
nam præterquàm quòd Mofchos armavit contra
Livoniam, iam dum inter Suecos degit, Quar-
cianis militibus, (qui desperatis Poloniæ rebus,
cum KONIECPOLSCIO Vexillifero Regni, in
partem Sueticam transferant) communicato cõ-
filio cum nonnullis Proceribus, reditum ad Re-

*Anno
1656.
Corvini
Sueciæ
Regitra-
ditus.*

gens

gem Pol: persuasit. Ibidem ut Sueco grataretur, ad porrigendum *CAROLO* supplicem libellum, exules Patriâq; extorres Lithuanos & Ruthenos permovit. Suecus verbotenus iuvit, bonis spoliatae Genti, solatium duntaxat præbuit: *quàmprimùm verò pacatâ Poloniâ, pro recuperandis Lithuania, Russiaq; Provincijs, omnes suas vires contra Moschoviam impensurum: Smolenscenses muros etiã in visceribus Moscua se requisiturum, scripto exulibus dato firmiter promisit. Rescriptum Sueticum CORVINVS M. Mosch: Principi, clam transmisit: externo sanguine ulturus Patrie Nostrae clades, bellum in æstatem proximam Suecis insperatum conflavit. Sueticus Legatus (dum id ipsum Moscua ferociùs urget) triennio instar Captivi hæsit. Scilicet Suecorum sacrilegia, Moschi per omnia vindicârunt. Ita Superis res nostras versantibus: *hostis Lithuania alterum eiusdem premebat hostem, immaniùq; eladium vindicem egit, qui nil præter clades, Gentisq; universae excidium moliebatur.**

Horum inscius *CAROLVS*, fidelem *CORVINI*

VINI animum erga suum Principem, cumprimis carum habuit: magnitudinem verò animi scripto, super non innovandis rebus contra se, restringi voluit. Eum vicissim Regiomonti, in tutela Electoris Brandenburgici, vivere liberum permisit. Sed post lapsum surgente Polonorum fortunâ, in Sueciam ablegandus destinatur: porro è tutela Brandenburgici, quâ ratione Elbingam elici posset honestè, deliberatum. Pace partâ, cum solenni convivio Suecorum Rex Bar-tumfzni exciperetur, Brandenburgicus, per Reginam Sueciae, de *CORVINO* sollicitatus. Re exploratâ *CORVINVS*, quandoquidem Suecus sibi non iure belli capto, sed intercepto promissi fidem violaret, vicissim suae libertatis iniuit rationes. Septem in comitatum assumptis, dissimulatâ personâ & habitu, in Poloniam direxit iter. Literis (quas Brandenburgicus Legato Polonico concesserat) passus exhibitis, ubiq; elusit præsidia. Tandem ad confinia Masoviae, (non sine graviore periculo à Masovitis, vestitum Sueticum abhorrentibus) deniq; Varfaviam,

In Sueciam destinatus elabatur

*In castra
R. per-
venit.*

18

magnis itineribus ad Regem liber evasit. *Hic in acie formanda miram præstitit operam, similibus curis jam inde ab adolescentia imbutus; hinc in belli negotijs expeditus semper ac extemporaneus. Verterat interea Fortuna rotam, Superisq; res Polonas jam pœnè collapsas erigentibus, humana quoq; non deerant consilia.*

Iam Polonia Sueticam Protectionem detestata, protectores insuper Regno exactura, post Varecensem cladem Suecis illatam à STEPHANO CZARNECKI, Varfaviam cinxerat obsidione. PAVLVS SAPIEHA, primùm inter confluentem Sanum & Vistulam, Regem Sueciæ cinxerat obsidione, deinde retrocedentis in Prussiam extrema carpebat agmina. Tandem Varfaviæ Lithuanas admovit copias. Crebris assaultibus impares Sueci, pacti deditioem, in manus CORVINI Urbem simul & Generalissimum *Wittembergium* captivum resignârunt. Obierat interea IANVSSIVS RADZIWIŁ Supremus Exercituum Dux. Lithuanorum Copiæ CASIMIRO LEONI SAPIEHA M. D. L.

Pro-

19

Procancellario, ac post eius præmaturum decessum, PAVLO SAPIEHA Palatino Vitebscensi adhæfere. Eius Ductu ad Brestiam & Wierzchovice cum Moschis iacta belli alea: ad Sanum Suecus conclusus: deniq; Varfavia cincta obsidione. Post reditum ex Prussia, ut PAVLVS SAPIEHA Supremus belli Dux, CORVINVS verò iterum Campi Marschalcus diceretur, vicit authoritas Regis & Senatûs. Sic positissimulatibus privatis, communi animo consilioq; administrandâ Republicam susceperunt. Provincia non permistæ Regionibus (ne inter Collegas plura quàm cum hoste contingerent certamina) sed diversæ decretæ. Supremus Dux Polonis assistere, CORVINVS cum mille equitibus Samogitiam Provinciam, sumere iussi.

Pultoviæ, postquàm fama velocior, Sueticum excidit præsidium, de imminentibus Suecorum copijs adfertur nuntium. Primâ velitatione GOSIEVIANI superiores, sibi ominabantur victoriam, sed Dux ex captivo Sueco edoctus, illic Sueciæ Regem, Principem Brandenburgicum, omnesq;

*Paulus
Sapieha
Supre-
mus bel-
li Dux
declara-
tus.*

*In Sa-
mogitiâ
expedit.*

Cz

Cum Re-
ge Succ:
confligit

omnesq; Generales, integrâ belli mole instare, casum flexit in consilium. Trecentorum Equitum manu, pernicibus equis obiectâ, reliquas cohortes arenosissimâ acie subduxit: eo consilio, ut si hostilis equitatus (equis plerumq; gravior, nec ad pugnam idoneis) se insequi destina- ret, arenoso fessus itinere, peditatu destitutus, fa- cilè profligaretur, aut sui subducerentur. Hac ratione hosti pugna simul & victoria eripitur. Succus præsentissimum telum sibi ereptum, ul- tro dimisit, nam insequi desistens, iter suum Varfaviam, (quo Poloniæ Rex numerosas Re- gni cõegit copias) direxit: dignitati namq; Vr- bis & opportunitati loci, id à Regibus datum est, ut de summa belli, in corde pacis decer- taretur.

Iam CORVINVS ad Narviam confederat, iamq; validi ad Varfaviam increbrescebant tormentorum ictus, cum Regiæ adferuntur li- teræ: *hostem instare, numerosas copias & vires quæ ad manum sunt, opponi & instrui oportere, eum rebus gerendis, ardentissimè expectari, denuntiant.*

Sed

Sed quia præposterum suum adventum, aut ho- sti suam manum, post cladem Sociorum, impa- rem numero, post Victoriâ, inanem fore conij- ciebat, regredi Varfaviam neglexit. Seu for- tè dolor, in præfens civiliter habitus, memo- riâ valebat.

Postquàm ad Varfaviam, bello minùs prospe- ro decertatum est, consilia Lublini expedita, quâ ratione Sueticis armis obviam iretur. COR- VINVS huc adscitus, Suecos per Poloniam urgendos, Brandenburgicum belli eius socium, ad tuenda propria avertendum, si CZARNEC- CIANVS miles cum Tartaris, in Marchiam Brandenburgicam excurreret: Prussiam verò Du- calem non meruisse, cur diriperetur, nec exa- sperandam bello: Magnum Moschoviæ Principē, Daniæ Regem, in unionem armorum invitandos censuit.

Moschoviticæ res CORVINO commissæ, Da- nicæ conficiendæ cæteris demandatæ. Cæte- rum saluberrima remedia, Polonis in vulnus abierunt: nam à privatis, opibus suis circa con-
finia

31. Julij
1656.
Post cla-
dem con-
silium.

finia Marchiæ metuentibus, (Cancellario præfertim Regni) everfa. In Pruffiam Brandenburgico fubiectam cum Lithuanis irrumpere, sociosq; belli Tartaros fecum ducere iuffus CORVINVS, complures Regni cohortes eò pertraxit: Pro Lithuanicis Breftiæ PAVLVM SAPIEHA convenit; humaniterq; exceptus, auxiliares inde accepit copias,

Dum pariter Lithuani ac Tartari, CORVINVS & Zupankazyaga, in Borufforum confpirant cladē, cædib9 & incendijs emenfi Ducalem Pruffiam, ad Proftki (ubi Brandenburgicus per Legatos, numerosas oppofuit copias) pervenire. Primò intra vallum, præfidio limofi fluminis securi hoftes, feſe continebant: territi deinde, fugam parant: accenſi aviditate certaminis Lithuani, Tartari prædæ, flumen quoq; & vallum ſuperârunt: nec aliâ re quàm velocitate tuentes ſe hoſtes cædunt, tantâ prædæ & ſanguinis fatietate, ut è cæde ſuperſtites, poſtero die in proxima ſylva ſupereſſe paſſus ſit CORVINVS, cladis & ſuæ Virtutis nuntios.

Cæſtris

*Vincen-
tius Cor-
vinus ad
Proſtki
de Bran-
denbur-
gico Vi-
ſtor. 4.
Octob.
1656.*

Cæſtris direptis, & captivorum cuſtodiam ſu-
iſmet demandatâ, in hoſtilem agrum victores
effunduntur, debellatum eſſe rati, ſi quàm pluri-
mi in illo pavore cæſi aut capti forent. Me-
tus apud omnes valuit, ne Oppida deditionem
recuſarent, dedita incenderentur. Tandem ipſa
prædæ ſanguiniſq; fatietas, Tartaros placabi-
les effecit. primùm impetu acres, cunctatione
languere, & in perfidiam mutari cæperunt, de-
niq; prædâ graves, Pruffiâ exceſſere. Poſtea-
quàm Lithuanicæ quoq; Copiæ retroiſſent
iam impar viribus CORVINVS, impari confi-
ctu, ad Filipoviam præmiſſo, in Samogitiam con-
ceſſit. Iam Samogitæ ſervitutis impatientes,
quàmvis nulla ſubſidia pro tunc adderent ani-
mos, Siculas veſperas celebrârunt. Velut è
condicto, uno eodemq; die diverſiſſimis locis,
bacchantes adhuc Sueci cædebantur, tantâ ſtra-
ge poſt edita ut reſidui cum facilè deleri poſſent,
à Victorib9 Rigam regredi cogereſtur, mox
à Moſchis obſidendi. In ipſo limine Samogi-
tiæ, nova virtutis bellicæ oblata occaſio, cum
Magnus

*Cæſtris
ad Filip-
oviam.
21. Octob.
1656.*

Magnus *de la Gardie* recentissimè Moschoviticâ solutus obsidione, Birzēnsibus mitteret succursum. ZERONSCIVS magnis itineribus ad Radziwilifzki affectus hostem, profligavit.

*Cōflictus
ad Radzi
wilifzki
12. Nov.
1656.*

In Samogitia mirum dictu, quantâ celeritate florentissimum decem millium exercitum, suo Nomini omni fortunâ fidum conscripsit: & quod magis mirêre, publico ærario pro tunc nullo, privatum patrimonium in fidem publicam erogavit. Omnium primùm, iniit cum Nobilitate rationes defensionis: Provinciæ arma & rectum ordinem providit, quod solum illis partibus defuit, cùm virtutis haud pœniteret. mansitq; media inter Moschorum, Suecorum, Pruthenorum arma, invincibilis. Vna eademq; hyems, conscribendo militi, & expeditioni bellicæ fuit. Birze, insigne Principum RADIVLIORVM fortalitium, à Suecis interceptum, obtinebatur. Ut ponerent arma, armamentarium, fortalstium apprimè munitum ac opportunum resignarent, valuit apud hostes VINCENTII Victoria.

*Birze re
superat.*

Magnus

Magnus Moschoviæ Princeps, postquam sibi minùs ex voto Rigensem solvisset obsidionem, Splendidam ad CORVINVM GOSIEWSKI, per *Artemium Serbeiewicz* tunc Dapiferum & Colonelium suum, expedit legationem. quâ se eius persuasione & consilio, ex hoste, Poloniæ Regi amicū, Suecis ex amico hostem professum, velle communibus armis Suecos urgere in Livonia, memorabat. Constare sibi insuper, equè auri ac armorum apud Lithuanos ad presens inopiam; quam subleuare nitrato pulverere, armis, tormentis, & pecuniâ promittebat. De ulterioribus belli rationibus, se dedisse plenipotentiaris Athanasio Naszokin suo per Livoniam Gubernatori, cum quo communia esse arma, & consilia oportere, suadebat.


*Legatio
M.
Mosch.
Principis
ad
Gosiewi-
um.*

CORVINVS ut bello inter Moschos & Suecos, suâ operâ excitato lætatus erat, ita utrius gentis mallet esse Victoriâ; quem à Balthico mari vicinum, imminere Lithuanis expediret, incertis adhuc Patriæ suæ viribus, fluctuabat animo. Moschorum dubia pax, nisi hanc peregrinum bellum sancivisset: sed posteaquàm Derpatum,

D

patum, Dineburgum, Kokenhauzum, iam Moschorum iuris erat; Danorum Rex terrâ mariq; Suecis bellum indixit; Moschorum Magnus Princeps, aurum & arma suppeditare in commune bellum promisit; ex Polonia quoq; facilius Sueci, quam Moschi, belli artibus exigendi videbantur; ad fortunam Moschorum, Poloniæ Regno peropportunam, inclinavit. Iamq; Plenipotentiarijs ab Aula instructus, æquè honorificam legationem ad M. Mosch: Principem per ZERONSCIVM instruxit. cuius ætate & personæ dignitate observatâ, verè de pace agi, Moschi sibi persuaserunt. Legatio honorificè Wiazmæ audita, promissa confirmata quidem, sed fato præpedita. Ipse CORVINVS ac Nasczokinus ad Kokenhauzum convenère, posthâc ultiores belli rationes, per internuntios collaturi.

CAPVT



CAPVT III.

Bellum Moschoviticum recrudesceit, & adversus Consuetus in campis Vercensibus.

Anno
1657. &
55.

Annus hic magnis nominibus, minimè favorabilem sese exhibuit: nam Daniæ Rex, quavis emptâ pace, iterum per Suecos circūventus, & Kopenhagæ cinctus obsidione, opulentissimarum Provinciarum iacturâ redemit libertatem. Dux Curlandiæ IACOBVS, neutralitati præfidens, oppressus, in Sueticum carcerem deductus est. Rakotzius suum interitum immediatè numerabit. Tot inter herodes CORVINVS GOSIEWSKI, huic anno suum carcerem acceptum referet.

Ad initium anni Curlandiæ Duce, Nittaviæ convento, reliquum hyemis ac ver, militi reficiendo impensum. Ineunte Iunio magna nomina in sua Patria NICOLAVM PRAZMOWSKI, Regni, CHRISTOPHORVM PAC M. D. L. Cancellarios; CYPRIANVM BRZOSTO-

Dz

STO.

STOWSKI M. D. L. Referendarius, à Rege delegatos, Kieydanis excepit. Tantis hospitibus non verba sed rem monstrare parabat. Vbi iam bello gerendo matura adolevit æstas, provisâ ab averfa Livonia Samogitis securitate, motus è stativis ultra Chronum in Prussiam exercitus, pontem ad Srzednik superavit. Omnium primùm ad ripas Chroni, tanquam eodie cum hoste decernendum esset, miles in aciem productus instruitur: in ordines dispositus, perpetuò eidem ordini in repentinis casibus attendere iussus: in alas descriptæ cohortes, certo ordine, una antecedere peditum, altera claudere agmen, alternatim edoctæ. Equitatus veterum Polonorum induit disciplinam, Artiglieria exoticâ arte instructa: eius currus, equi, requisita, exquisitissimè provisâ: Officiales adesse ordinibus iussi: militi seu movenda, seu locanda essent castra, silentium indictum. Sociorum villæ ne diriperentur, per divisionem in Cohortes, & præscriptum Christiano more, provisum. Veterum Imperatorum bellicas artes imitatus, cum

*Gosiewi-
us movet
in Prus-
siam.*

cum Lithuanam militiam, belli gloriâ nemini secundam, militari disciplinâ excoluit.

Bellum decretorium gerere animus erat; ad Wirzboloviam belli sedes destinata: castra bel-
lorum casibus obnoxia, munita. Quò facilius hostis ad pugnam elici posset, lixæ & calones (nam hâc ratione integritati exercitûs providebatur, & si illi interissent, exiguum damnum: si integri ingens militiæ impedimentum) sub signa descripti, in Prussiam prædabundi dimissi. Hi celeritate, cædibus, & incendijs Regionem pervagati, intra triduum Regionem ostentatis incendijs, prædâ onasti revertuntur. Cruenti belli ostentatione, fracta Borufforum pertinacia est: ut ferri agiq; res suas viderunt, Legati Principis Brandenburgici, simul Baro de l'Isola Cæsareus mediator, in castra GOSIEVIANA delati, quânvivis ob Suecorum metum armistitium ferre se iactitassent, pacem attulère: quam postea Brandenburgicus cum CORVINO Vistaviæ congressi, dicto, scriptis, approbârunt, cò lætioribus animis, quia pacem prudentiâ firmârunt,

*Cruenti
belli ostē
tatione
pacem e-
vincit.*

*Legati-
ones.*

mârunt, quàm si bellum per acies confecissent. Legationes, Cæsarea, Moschovitica, Brâdenburgica, auditæ & expeditæ. Certè magnificū id erat CORVINO, tot Gentium Legatos, suam pacem amicitiamq; expetentium, venisse.

*Rakotzi.
us vichy.*

In Polonia crescentibus iam Provincijs, & latiùs Regis contra Suecos patefcente imperio, *Georgius Rakotzi* Transylvaniæ Princeps, inductus Suecorum persuasione, per se adortus est Rempub: (quæ ei liberis suffragijs, post sera fata Regnantis, ultrò offerebatur) suæ ditionis vi facere. Iamq; Cracoviæ, Varsaviæ, Brestiæ imposuerat præsidia: mox à socijs belli desertus, ipse Cracoviam & Varsaviam deseruit: Brestiam, MICHAELI PRINCIPI RADZIWIŁ coactus restituit. demùm per SAPIEHANOS & CZARNECCIANOS undiq; se profligante fortunâ, apud Polonos emptâ pace, ipse ægrè elapsus, suas copias Tartaris in prædam reliquit.

Pace partâ in Prussia, quòd alterum latus Samogitiæ ab adversa Livonia periclitaretur, CORVINVS magnis itineribus, prætergressus Samo-

Samogitiam, præter spem Livoniæ offensivum bellū intulit: atq; ad ripas Dunæ, ex adverso Kircholmi confedit. Kircholmum, omnium primùm, occupatum, resectum. Interea dum in cohortes divisa navigia (ab *Athanasio Nafczokin* iam ante clàm destinata, nunc secundo flumine Kokenhanzo demissa) per vastum flumen transportant exercitum, propugnaculum Rigense irritò conatu attentatum: in penitiori Livonia, Velmiria deditione, Ronenburgum vi capitur. Rigam Moschorum armis attritam, tolerandæq; longæ expeditioni imparem, obsidere totis viribus erat animus, sed cùm pestilens lues in castris grassaretur, utendum recenti terrore ratus, ad occupandam Livoniam metum hostiū intendit. Illuc pergit non infesto in agros exercitu, ne spem deditis auferret, neq; remisâ curâ, gnarus facilem mutationibus gentem. Audacibus cæptis præter omnium expectationem, affuit fortuna. Signis collatis in media Livonia Colonello *Thol* superior fuit, & quidquid Rigam inter & Parnaviam bellicosum iacet,

*Gosier-
us bellū
moveret
in Livonia.*

cet, succubuit eius virtuti. Deditis nil detractum, quò promptius obsequium integri retinerent. Venda caput olim Provinciæ, Armet, Rumbork, Helmeth, Felin, Treydan, Oberpal, Sasel, Lode, compluraq; alia castella capta; Revaliam excursions attigerunt; Parnavia cincta obsidione. Hæc valido munita præsidio, altiores gerebat animos; crebris equitum simul & peditum excursionibus, non tam pro libertate quàm pro Suecorum dominio decertabat. Cumq; aliquando prævalidi numero ferociùs Sueci excurrissent, MICHAEL PAC irritato prælio sponte refugus, festinationem sequentium hostium elicit; iamq; longiùs à mænibus arte protractos, tantâ strage retrò compulit, ut hostium fugientium turbæ permixti nonnulli Lithuanorum, intra oppidum penetrârint. Cæteri intra portam excitato ab hoste incendio, victores mænibus exclusi.

Arbanasius Nasczokin huius belli socius, iisdem diebus Mariæburgum Livonicum aggressus, apertâ vi capit. Creberrimas excursions Sue-
ticas,

Parnaviam obsidet.

ticas, dum ad Parnaviam exagitat, assultumq; molitur CORVINVS, crebriùs Regiæ adferuntur literæ, quibus ad congressum Procerum Varfaviam pro 2. Febr: indictû ardentè evocabatur. tantumq; eius fuit desideriu, ut ob eius absentia, ad 16. Febr: differretur indictio. Magnitudo rerum gestarum effecit, ut triumphanti similis Varfaviam ingressus, rectâ ad osculum Regalis dextræ proficisceretur.

Varfaviæ commorante Duce, potestas belli Livonici penes ZERONSCIVM erat; qui mox mille equitum excursionem Sueticam profligavit; & vere imminente, (cùm in paludosam illam regionem, æstivoq; tempore nusquam perviam, non nisi hyems iter aperiat.) Oberpaliâ expugnatâ, in Lithuaniam, Victorem reduxit Exercitum.

Varfaviâ redux CORVINVS, maturâ æstate, iterum in Livoniam, ad solvendam Wolmariæ obsidionem, victrices nuper ibidem Copias movit, cùm *Georgius Dotgoruki* Moschorum Generalis, moram Legatorum à Rege Vilnam destinato-

Anno 1658.

Varfaviam evocatur.

Bellum Moscho-viticum post triennium crudescit Anno 1653.

stinatorum, graviter ferens, conceptum im-
 miti pectore furorem, in apertum bellum pro-
 trusit: Vilnâq; moto Exercitu, nec Caunæ diu
 moratus, demùm Viliæ ponte superimposito,
 infestis armis Ducatum Samogitiæ ingressus, so-
 lo omnia æquabat, nil post se præter busta &
 funera, latissimamq; vastitatem relinquens: do-
 nec repentino fatalis sibi belli nuntio, primùm
 excitus CORVINVS, versâ deinde fronte, ma-
 gnâ celeritate advolat Kieydanos. Hic cæsis
 Moschis, ubi iam cum audacia crevisse hosti ne-
 gligentiam, ac effusos passim vagari perspexisset,
 decem cohortes alarias, ad consecrandos extra
 castra prædatores, emisit. Secuta consilium
 Ducis, militum Martia industria: divisiq; trifa-
 riam, qui dextrum iter petiverant, recens rever-
 sos, prædâq; opulenta onustos quingentos ho-
 stium, desperatâ magis, quàm forti defensione
 frustra renitentes, circumvenère. Trecenti
 alibi; diversis in locis complures obuij, excisi
 aut intercepti: quinq; ferè millium iacturâ per-
 solverunt Moschi suas per Samogitiam excursi-
 ones

*Moschi
 in Samo-
 gitia ex-
 cisi.*

ones Caunæ viginti millium exercitu potens,
 degebat *Dolgorukius*: *Michaël Wolynski* suus
 Collega, ab adversa amnis parte, è Samogitia
 redux, castris decem millium positus, excubabat.
 Vsurus in suam fortunam cladibus Moschorum
 ZERONSCIVS, castra *Wolynscij* fortiter
 æquè ac generosè aggreditur. Hic fracti Mo-
 schi, cum nullo ordine, ad pontem vi compulsi,
 Lithuanorum se manibus eripere, amnemq; pro-
 miscuè tranare contendunt, pars Missilibus con-
 secta, pars fluminis vorticibus absorpta; re-
 liqui, quibus fatum fortuna protraxerat, ipsâ
 fugientium multitudine, pontisq; fracti ruinâ
 oppressi interiêre. Potiti victoriâ Lithuani,
 dum reliquos Moschos fato suorum superstites
 oppugnant, numerosior hostilis equitatus (pon-
 te unâ ferè horâ reparato) gravis esse Lithua-
 nis cepit. Adfuit suis CORVINVS: Moschos
 per cædes audaciùs & longiùs ad Łopie pro-
 gressos, iterum in fugam cœgit.

Demptâ ferociâ, redijt Vilnam *Dolgorukius*.
 castra ad utramq; amnis ripam egregiè munit.

E2

Tan-

*Preliū
 Caunen-
 se.*

*Cōgresso
 Legato-
 rum.*

Tandem Legati utriusq; Gentis, in campis Vilnensibus, pro pace fancienda, utriq; populo felici, convenère. Generalissimi Lithuaniae, si ve quòd sexennali bello confecti essent, & pacis partæ gloriam sibi deberi censerent, si ve quòd Vilnam Regum & Legum Patriam oppressam, cuperent per se restitui, Legatorum munus obituri, Vilnam pervenère: & quidem Palatinus Vilnensis, suis copijs præfidens, & victoriam & pacem sibi pollicebatur: **COR VINVS** cum præpotente populo, eâ potissimum tempestate, quâ Suetico bello Polonica vires distrahebantur, tutiora pacis media incertæ victoriæ præferenda suadebat. Placuit deinde colloquio tempus & locum destinare: prævio itaq; securitatis iuramento, non nisi trecentorum equitum numero ab utraq; Gente, sub ipsa Urbis mænia celebrandum edixit. Relicto deinde exercitu in Samogitia, mille ducentos equites, fide magis publicâ securus, pro sui præsidio, Werkos adduxit. His copijs in hostilè terrâ, in Moschorum potestatem (quibus plerumq; ex fortuna-

fortuna pendet fides) in fidem inexpertam, pacis conficiendæ desiderio, sese commisit: *avida quippe est periculi virtus; & quò tendat, non quid passura sit cogitat: siquidem & quòd passura est, Seneca. gloria pars est.*

Legati Moschovitici, opibus, potentiâ, rerû successu tumidi, primâ cæterisq; in posterum sessionibus intractabiles extiterunt. Alterâ parte Viliæ, summotis pari spatio armatis, **COR VINVS** bellum moderatione animi compositurus, sub tentorio cum Moschis expetiit, instituitq; colloquium. Verum ut de mandatis à Rege, de statu præsentis, deq; ablatorum restitutione, agi cæptum est; animi exasperati sunt. Intractabiles Moschos expertus, nihilominus præstolabatur Commissionis eventum. Deniq; cum iam nulla spes pacis superesset; *Dolgorukio* verò ab utrinq; Lithuanicis copijs circumfuso, necessitas armorum impendere manifestè videretur, Generalissimi Lithuaniae sibi invicem se laturos opem, quantum per flumen liceret, promittunt. Sed prudens Nostrorum consilium, hostis

hostis celeritate prævenit.

Nam posteaquàm ei receptus nullus; nec uspiam sibi, hinc & inde circumfuso, nisi in certamine spem evadendi videret, pertinaciter de integro cepellit bellum; & vigesimâ primâ Octobris numerosas copias, silenti agmine, in campos Vereenses, noctu produxit. Hostem ubi adesse, ex stationibus attulere nuntij, ad arma conclamatum est: nec mora; signo dato, compositi ordinatiq; in aciem ruunt GOSIEVIANI. Quamvis enim paucitas parùm tuta esset, nihilominus dum hostis cogeret, suorum probatæ fortitudini Dux confusus, armis decernendum, habendamq; eam fortunam, quam is dies dedisset, decrevit. *In loco necessitas, spes in Virtute, salus in victoria reposita.* Dextrum cornu ZERONSCIO commissum, levum LIPNICCIO datum: eques primùm levioris armaturæ conferit cum hoste manus, mox ubi maior vis hostium ingruit; quadraginta equites catafracti in confertissimos hostes, tanto ardore sunt inveci, ut duodecim signa Moschorum,

Gosievius ad Werki cum Moschis configit 21. Octob.

Livius

rum, in turpem coniecerint fugam. LIPNICCIUS eadem usus fortitudine & fortunâ, Moschorum legionem acie dimovit. BOGVSLAVS RVDOMINA, ALEXANDER MIRZYNSKI, cæteri q; suis cohortibus, singuli tantâ fortitudine, quod obvium & validû erat, hinc inde perfringunt, ut numerosissimis legionibus depulsis, in quinque horas protraxerint certamen. Ipse Dux, illos fronte hilari, & animabat, & ad certamen medios inter hostes præibat; hos à certamine reduces, pro re fortiter gesta, gratus excipiebat; ignavos verbis castigabat: spem victoriæ suo exemplo, hostium ignaviâ, ostentabat. Non aliud sibi reliquum, quàm tenere libertatem, aut mori ante servitutem eligerent. Tandem Dolgorukius duas novas Prætorianas legiones peditem, ultimû belli subsidium, in aciem substituit, postquàm omnes aliæ sunt submotæ. Fessi Lithuani, novâq; imminente acie nonnulli confestinati, in fugam sese coniecerunt, cæteri exemplum secuti. Ibi CORVINVS dum

obcqui-

obequitat suorum turmas, ut aut pudore, aut periculo suo, fugam silteret, à suis met deseritur: tandem nequicquam consternatorum permotis animis, ultimus equo effundit habenas. Sed iam circumfusus undiq; hostium alis, opprimitur, capiturq;. Vbi cognitus est, præ inopinato gaudio, & præ memoria pristinae eius fortunæ, pars ad *Dolgorukium* accurrunt, fufum Lithuanorum exercitum, GOSIEVIVM captum adduci nuntiant; pars captivum, lætum Moschoviæ spectaculum, exhibent.

Postquàm teneri captivum GOSIEVIVM rumor attulit, id adeò cunctos hostes gestire fecit, ut *Dolgorukius* insolitâ contentus prædâ, signum receptui cani iusserit: captum adduci in castra cum esset nuntiatum, velut ad spectaculum triumphij, *Odoienscius*, *Szeremetbius*, *Wotkinscius*, *Almazius*, Legati, obvij *Dolgorukio*, mutuis osculis sibi gratulati sunt victoriam. Stetere in armis Prætorianæ cohortes campo qui præiacet: ter exoneratæ in castello, campestris in castris machinæ: peditatus clam ex acie redux

(quò

Post certamen 6. horarum capitur.

(quò numerosior ad sarcinas ostentaretur) è vallo triplici sono, publicè victori applaudebat. Præcedebant vecti equis notabiliores captivi. ponè & Ipse proprio adhuc insidens Turcico equo, iam inermis sequebatur Dux, demùm victor assistentibus Legatis, turbâq; militari circumfusus, castra ingreditur. E Prætoriano Ducali tentorio (ubi signa imperialia deponi, unde leges militi, pœnæ & præmia decerni, edicta promulgari est moris) prodijt Sacerdos, humeris sacrum vestitum, manu Iconem Tutelarem belli præferens; hanc victor equo delapsus, supplex veneratur: secuta in tentorio insulsa Hymni decantatio. Non defuit officio Palatinus Vilmensis: nam speculatorias primùm præmisit cohortes, deinde Ipsemet accurrit: sed hostis præmunitis castris defensivè se gerens, elici prævallo non potuit; offensivè autem ad Werki urgens celeritatem conflictus.

Recensiti primùm captivi; exacta nox ad cõmunem focum: inquisitio habita: deducti in Urbem. Ipse CORVINVS firmissimo mille

F

Præ-

Victoris & Victi ingressus in castra.

Prætorianorum præsidio, quaquaversus cinctus, intra castra Vnicus detentus: nonnisi altero die quaternos è captivis suo obsequio assuetos, obtinuit. Vfus equi, armorum, calami insuper ademptus: metuebat nimirum hostis, *ne in ipsis vinculis aliquid virtutis, animus libertati assuetus attentaret.* Captus fatali malo Lithuanix & fuorum CORVINORVM detrimento, quando mox ab eius interitu, publicæ spes magnâ ex parte collapsæ sunt.

GOSIEVIANI Exercitûs decus & imperium militare SAMVELI KOMOROWSKI delatum; mox eo, multis rebus cõtra Suecos & Moschos gestis, vitâ functo; singulari cum gloria atq; autoritate MICHAEL PAC idem obtinet.

Seu contentus suâ præda Moschus, seu quod in alieno solo nescijs iniquo, victoriam & hostem prosequi diffideret, post octiduum, iter Moscuam versus indixit: mota incensaq; castra vigesimâ nonâ Octobris. Præibat cis mænia Vilnæ, numerosissimus equitatus, nullo servato ordine:

Dolgorkius Moscuam movet.

ordine: non miles signis, non tribuni præstò aderant, sed quò quisq; & quàm longè à signis vellet, palabundus excurrerebat. Longè alia morum via peditatui. quippe servatis ordinibus sese extendebant agmina. Ex his mille Prætoriani, perpetuis excubijs destinati, vehiculo circumfusi, ad prima castra CORVINVM (qui non minore animo quàm necessitate temporum longinquum ingressus iter) deducebant. Iam castra in proximo nuntiabantur, cum inassueto clamore territi captivi, suspicabantur loco aliquo opportuno, Lithuanorum contra hostem ausus; sed à Moschis edocti, eam esse normam metandorum castrorum, ut unusquisq; miles, datâ suis mancipijs & aurigis tesserâ vocali, tamdiu inclamet, donec ij vicissim eandem tesseram inclamando, extra castra reperiantur. Magnû chaos implebat circumiacentes sylvas, cum more gentis triplicibus locata castris, multitudo illa vociferaretur. Hûc adfuere 1200. pedites Moschi, re fortiter gestâ, contra alam Lithuanicam ad Miedniki.

Ratio metandorum castrorû apud Moschos.

*Trepida
tio Mo-
schorum.*

Septimis castris ad Radofzkowice perventū, cum adfertur SAPIEHANOS non longè abesse, adoriendiq; hostem captare momenta. Hic miles signis adstare, arma in promptu, expeditaq; habere iussus; sed quòd pleriq; prædandi causâ essent dilapsi, præsentés quoq; in alieno agro animis fracti, consternati incedebant. Noctu Tribuni ad Prætorium adesse iussi, imperium accepere, (quod nomine Magni Principis expediri solet) ut si compareret hostis, eques inter peditatum se reciperet, GOSIEVIUM quàm arctissimè quidem teneret; at si firmior vis ingrucet, eum æquè ac alios captivos trucidaret; deniq; per fylvas olim impervias penetrare iussi, acie congregari prohibiti. Nec vanus erat Moschorū metus: quippe ALEXANDER POLVBINSKI Notarius Cæpestrus cum duobus millibus Lithuanorum complures Moschos, licentiosius palantes, villasq; exurentes, diversis locis oppresserat, aggressurq; Moschorum castra, sicubi rei ferendæ fortuna sese obijceret. Sed nondum fata Lithaniæ propitios

*Potabini-
scius Mo-
schos in-
tercipit
predato-
res.*

pitios Nobis promebant successus: nam hostis, improbo labore superatis primùm paludibus, mox difficillimo Smorodinâ, tandem Berezynâ, in campis Borissoviensibus extra omne periculū confedit. Hic datâ militi per triduum quiete, castigatisq; ijs omnibus, qui signa in via deseruerant, multò maiori quàm ante disordine, metu vacua Szkloviam promota castra. Szkloviæ septem otio impensè dies, reficiendo militi longo viarum tractu fesso, seu reprimendis Lithuanis (qui non tam ullâ spe, quàm impetu fortuito tracti, Vitebscum versùs excurrerant) sed eadē temeritate quâ processum est in Russiam, à Generali Moschoviæ Sukino, Albâ Russiâ eiectione: captis signis, Smolenscum (quò & Dolgorukius iam penetraverat) 2dâ Decembris Sukinus victor ingressus.

*Dolgoru-
ki Boris-
soviae.*

*Szklo-
viae.*

*Lithua-
ni profi-
gati ad
Biesieko-
wieze.*

Smolensci totus Moschorum exercitus, manibus inclusus versabatur. Nobilitas Smolensciana iam edomita, victorum edocta mores, ad serviles operas à Moschis damnata, durius tractabatur: murorū insuper altitudo, crassities, am-
bitas,

*Smolen-
scii.*

bitus, excubiæ, securitatem undiq; præstabant. Lautius itaq; & liberius *Dolgorukius* indulgebat quieti, gloriosam suam ostentans Prædam: GOSIEVIVM conveniri à Nobilitate & civibus, captivos insuper omnes intra Oppidum pervagari permisit. Dum liberè parvagantur, quidam vigilum suorum, primùm securitate, tum viâ per muros exploratâ, noctu aufugit. Ea res tantam *Dolgorukio* excitavit bilem, ut ob contemptum Smolenscianæ munitiois, & suæ erga victos benevolentiaæ abusum, præter GOSIEVIVM omnes reliquos in publicum carcerem detrudi iusserit. Descripti, interq; latrones ac fures nocturnos conclusi, explebant in illis angustijs numerum personarum centum quinquaginta sex. GOSIEVIVS acerbissimè ferens suorum Concivium commilitonumq; calamitatem, non id magis Polonæ Gentis Captivis, quàm Victori fore erubescendum, *Dolgorukio* proponebat: si inter vexationes, contumelias, fatorem encarentur iure belli capti; quorû fors humana, equè Nostris ac Moschorû dominatur rebus. Sed nihil apud hominem recentibus tumidû successibus effectû est.

*Captivi
in publi-
cum car-
cerem de-
trusi.*

CAPVT IV.

CORVINVS GOSIEWSKI Victus Moscuam de Anno
ducitur, Moschorum ad Konotopum Glades. 1699.

Iam fama Vercensis victoriæ, ad Magnum Moschoviæ Principem pervenerat; infessis enim hætenus vijs, cursoribus oppressis, plurimis militum anteire Exercitum cupientibus, captis, occisis, submersis, suspensa animo Moscuam, de eventu rerum ad Vilnam gestarum, hucusq; tenebatur. Internuntius oblatâ Principis gratiâ *Dolgorukio*, attulit mandatum: ut quàmprimùm Moscuam cum Prætorio milite festinaret: equitatum in hyberna dimitteret. Simul premium vicioriosum obsequij, quingentos aureos dono missos à Principe deprompsit, villamq; ducentorum iugerum attribuit. Ceterùm gratiam, honores, fauores Principis, præsentis præstandos Moscuæ, pollicitus. Stando primùm, mox capite terram usq; attingendo, huiusmodi mandata Principis excipere, mos est. *Dolgorukius* usu receptam præstitit quidè submis-

*Inter-
nuntius
M. Prim-
cipis.*

submissionem: sed cum multò maiora sibi deberi, spe præconcepisset, adit CORVINVM: pollicetur se Ei Patris loco Moscuæ futurum, libertatem acceleraturum, dummodò is coram Proceribus, deinde coram Principe sistendus, fateretur decem millia Suorum ad Verki fuisse profligata. Hæc eùm magni spiritûs Vir non pateretur, scilicet Sibi Suæq; Genti fabulosam irrogari cladis & ignaviæ ignominiam, publicum privatumq; è *Dotgorukio* sibi effecit hostem. Perversasit quippe ne in conspectum Magni Principis admitteretur, ut durius tractaretur, arctè & cōtemptim exciperetur, inq; bellorum remedia reservaretur.

Dotgorukius publicus & privatus hostis Gotscheo efficitur.

Iter Moscoviam.

Rebus pacatis, exercitus Smolensco reductus, velut relictâ sævitiâ ac licentiâ in hostico, incessit: nil gestum insolenter in via: nullas vidiffes rapinas; ac si quæ contigissent, exactè iustitia administrata est. Digressi Smolensco, præterijmus Dorohobuz, Wiazmam, tandem Mozayscum; hîc ad arcem Ecclesiâ & miraculosâ Divi Nicolai Episcopi imagine sacram, tantiq; nominis

nis ministram pervenimus. Castellum amæno *Mozaysk* colle situm, muro, turribus novem munitum, fluvio Moscuâ alluitur. Quotannis Magni Ducis Templū hoc visitaturi, comitati aliquot millibus equitum adibant. Imago ipsa est *di villevuo*, auro, argento, lapidibus pretiosis splendida, mirâ popularium colitur religione. Anno millesimo sexcentesimo decimo, quando auspicijs SIGISMUNDI III Poloniarum Regis à STANISLAO ZOŁKIEWSKI Exercituum Duce, fatale Moschoviæ bellum imminabat, Moschi post exactum tridui arctissimum ieiunium, hanc Imaginem secum in castra & aciem, devotè simul & honorificè, deportaverunt. Prælio, immo magno bello, ad Kluszynum victi, (quandoquidem tunc non de victoria, sed de fortuna & imperio totius Moschoviticæ Regni decertatum est) protrusam à se, allisamq; terræ Iconem, tanquam suas res deserentē, in prædam Polonis reliquerunt. Est enim Moschis etiamnum usitatum (dum quidpiam à Deo & Tutelaribus impetrare volunt) frequens accendere *Cultus imaginū apud Moschos* lumen

lumen, inclinari poplite: si non impetrent, eandem Divi rerum suarum Tutelaris Iconem, quam paulò antè, adeò sublimi cultu, vocalibusq; supplicationibus pœne sub sidera efferebant, jam terræ allidere, aut ablegare in villam, ibiq; sine lumine & veneratione relinquere; nonnunquàm in flumen, nonnunquàm effosis oculis in angulū proijcere.

Necdum in via de superando Victi CORVINI animo desperabat *Dolgorukius*. Idcirco dū in villa Kubieńsko *Simeon Streszniow* Magni Ducis Avunculus, & *Michaël Dolgoruki*, gratulabundi ei occurrissent, integram noctem exegit insanā hilaritate: adhibito namq; ad cœnam (quæ in profundissimā noctem protracta est) CORVINO, inter crebras potationes vini adusti, interq; usitatos suæ genti saltus, ferviliaq; Officialium exercitia, (nam eos iam in terram omnes procumbere, iam levare iubebat, saumq; factum, magnificentiam, opes, fortitudinem, in sua Patria potentiam, deprædicabat:) nuperū iteravit postulatam. Sed metu carceris, & spe obtinen-

obtinendæ libertatis, potior fortiorq; erat, etfi Captivo, Fama.

Diem Natalem Domini ritu veteri, celebrare Moschis placuit *Wiaziomæ*: locus hic distat ab Vrbe octo milliaribus. Sacerdos loci, quòd integro biennio ob vini (ut aiebat) inopiam, sacra non celebrâset, iussu *Dolgorukij*, virgis (*botagi* dicuntur) cæsus, vinoq; auctus celebravit.

Eodem die *Dolgorukius* Moscuam profectus, ferâ iam nocte adiit Principem: ibiq; *gratulatus* gloriosam per se partam *Prædam*, pro cuius restitutione *Polonos* certò resignaturos tot *Provincias*, quot ipse *Magnus Princeps* resignandas decerneret, affirmabat; adduci nempe à se (aiebat) *Virum* *Regibus* *Vngariæ* oriundum, (habent in suis *Annalibus* descriptum genus & gesta huius Domûs, ex occasione *ALEXANDRI CORVINI GOSIEWSKI*, quem *Proregis* officio, rei *Moschoviticæ* arbitrium obtinuisse, infra dicemus) eo *Parente* ortum, qui nomine *SIGISMUNDI III* Imperium *Moschoviticum*, *Proregis* titulo administravit: illum *Ducem*, cuius *Nomini*, tantam *potentissimi* *populi* *tribu-*

tribuerint, ut Eius arbitrio pax Moschoritica, Brandenburgica, Suetica à Rege Polonia committeretur. Iam opibus in sua Patria, tantum Eum excellere iacebat, ut nemo Ei equiparari posset. Hunc solum copias decem millium, proprio ære contraxisse; suâ quoq; prudentiâ Viêtricia Moschorum arma in Lithuania stitisse ac delusisse: Moschos contra Suecos armasse: Suecos è Samogitia exegisse, Livoniam occupasse memorabat. Deniq; dum suum decus Victoriâq; extollit, quantum plurimum potest, addit gloriam Victo. Tantum Virum quin Poloni avulsione suarum opum vindicaturi non essent, impossibile censebat. (constans nimirum tunc erat apud Moschos opinio, neminem Nostrorum Ducum fortius & prudentius CORVINO, Poloni Nominis rem lapsam, adversus externos hostes fuisse defensurum) ipsam carceris acerbitatem Magnanimo Duce indignam, posse accelerare pacis tractatum. Hoc ni profuerit, exoluturum in carcere calamitates, quas perpessa est olim sub eius Parente Moscua: maiorumq; manibus ab eius Patre caesorum, parentaturum.

Nec in Vrbe Moscua ignobile erat
COR-
VINI

Consiliū
Dolgoru
kij.

VINI Nomen. Iam Fama Eius, superato Balthico mari, ultraiacentes etiam Regiones antè impleverat; nec minor per amplissimas Russiæ Regiones, longè illi in Moscuam prævolaverat. Optabant videre universi Ducem, qui tot annorum bella, Moschorum cladibus numeranda reliquit posteritati. Nota iam & Magno Principi Moschoviæ magnitudo Eius & prudentia, cuius tacitâ legatione persuasus, desperatissimis rebus Polonicis indulgit armistitium, Suecis indixit bellum, ipsumq; honorificis, Kieydanis, Wierbołovix, Varfaviæq; interpellavit legationibus. Nec tamen movit eum pristina fortuna Viri cū præsentis collata, aut recordatio fæderis publicè ac privatim iuncti: sed facilè sibi à Proceribus persuaderi passus ea, quæ suus Dolgorukius adferebat: sancitumq; illâ nocte, ut postridiè huic magnificus, Victo informis pararetur ingressus.

Regressus ab Vrbe in adjacentem villam, illic postero die CORVINVM præstolabatur: sextâ Ianuarij inde pompâ publicâ ad Castellum hoc ordine

*Publicus
ingressus
Victoris
Moscu-
am.*

53

ordine profectus est. Inflabant dissonè tubas duodecim Moschi; ducenti Aulici Ducales splendè vestiti præcedebant: tum duodecim equi, aureis argenteisq; fellis instrati, ordine ducebantur. Hos subsequatur victoris Ducis filius; deinceps amici affinesq;. Deniq; ipse Generalis medius inter suos Collegas, vestem auro intertextam indutus. Agmen claudebāt mille pedites ceruleo vestitu, aliiq; mille purpureo spectabiles, ab expeditione bellica reduces. Circumfusa spectantis populi multitudo viam publicam Twerensem, illuc de industria compulsa, implevit. Hâc pompâ Victor Urbem & Castellum invehens, post solennem Principi datam relationem, ad osculum manûs accessit; mansitq; in Regia, eo die ad Ducalem mensam adhibendus, ibidemq; poculum è manu Principis, aliaq; munera accepturus.

*Ingressus
Victoris
Hi.*

Paulò seriùs invehens CORVINVM, ante portam Kitayensem, carpento descenderet, moment. Præferebantur signa captiva octo: Hussarorum hastæ duodecim; Ipse medius inter du-

omibz

os No-

54

os Nobiles Moschovitas cæteris captivis præibat; quorum singuli inter duos pedestres Moschos medij, in longum protenso ordine, ab utrinq; deducti. Ante Castellum caput detegere iussi, causantibus Moschis depictæ Divi Nicolai imagini in porta, eum honorè deberi. At Mendax Religio, per fastum Castello sui Principis, ab Exteris eâ reverentiâ exhiberi requirebat. Ingressus Urbē spectate M. Principe, totâq; eius Aulâ de fenestris Superioris fastigij, deductus in Cancellariam: vbi iam Generalissimus *Trubecki, Chytrov, Almazius*, eum præstolabantur. Assurgunt primùm prædicti Proceres: tum, ex mandato Magni Principis *CARI, & Magni Ducis ALEXII MICHAËLOWICZ*, totius Magnæ, Minoris, Albæq; Ruffiæ Monarchæ, aliorumq; multorum Regnorum Orientalium, Occidentalium, Septentrionalium Domini, Successoris, Hæredis, Principis &c. tribunal se conscendisse professi, confederunt. Captivum Hospitem, stantem respondere placuit.

Quæsitus omnium primùm:

Quantis viribus ultimo Prælio conflixerit?

Quanta

*Quante vires residua Polonorum & Lithuanorum
super sint?*

Quis status belli Suetici in Polonia?

Cur Tractatus pacis non coaluerint?

*Quâ ratione demum pax coalitura sit. Foretne Resp:
Polona contenta restitutione ablatorum, quo usq; allui-
tur Berezyna aut Borysthenes?*

*Respon-
sa
Gosiewij
in Can-
cellaria.*

Veritati congrua, forti suæ consentanea, Pa-
trix proficua edidit responsa; ad postrema re-
spondit: non aliter pacem inter hæc duo potentissimâ
Regna coalituram, nisi omnium ablatorum, Captivo-
rumq; restitutione. Quod vero attinet ad Berezyna
aut Borysthenis terminos, dubias eas esse voces:
cùm Gens Polona post tot acerrima bella, suis viri-
bus iam sit restituta; quæ quandoquidem bellis undiq;
conflictata, avelli sibi Provincias non patiebatur, nunc
resumptis viribus, nullatenus id ei posse persuaderi.
Quæsitus, quot Poloni cessuri essent Provincias, pro
Eius Personæ restitutione? Respondit: ne unum pal-
mum. Facundam esse Viris Poloniam, nec pro mor-
talibus, immortalia Regna commutari debere. Mur-
murantibus Moschis, ac mendaciû suo idiomate
obijci-

obijcientibus, subiunxit illud Africani dictum:
*Si me bonum, aut bellicosum, aut si ita vultis, poten-
tem in Rep: mea Virum creditis, credite multos mei
similes in Polonia reperiri. Imminentia bella dabunt
documentum, non mecum Nomen Polonia extinctum;
immo ex omni servitia fortune etiâ me absente emerju-
rum.* Responsum hoc, non magnanimi sed su-
perbi spiritûs, Moschi iudicârunt. Expedienda
quantocyûs in Poloniam & Lithuaniam arma: Ca-
ptivum stringendum, carcere minuendos spiritus in-
domita Genti, palam proclamârunt. Iam densâ
nocte, raptim in Cancellaria digredientibus
cunctis, CORVINVS datur Artemio Serbeiewicz
ad hospitium deducendus: quem à Magno Duce
ad Eum obijisse legationem, memoravi. Vbi ad
Aulam, Sueticorum Legatorum detentione in-
signem, portæ Twerensi propinquam, iam pe-
ditatu & armis infessam, perventum est, infra
vnam horam (vti Moschi vocant) mensa Ma-
gni Principis adfertur: viginti quatuor patinæ
à singulis peditibus, vasa quoq; cum potu vario
à binis illata. Reliquos inter Captivos, libera-
H lissimè

lissimè victualium copia distributa.

*Alexius
Trube-
cki
150000
mouet in
Vkrainam.*

Nec dictis quàm factis ferocior *Trubeccius*, iam antè conscriptum validum exercitum centū quinquaginta millium, in *Vkrainam*, *Putiwliam* versus movit. Ultrò pleriq; Nobilitate insignes, authoritatem Ducis secuturi, Colonelliq; seu maiorem gratiam præmiūq; apud Principem aucupaturi; seu bellicæ gloriæ & prædæ cupidi, magnâ alacritate sub eius signa convolabant; quasi vnusquisq; victor adducturus esset Captivos Generales. Passim iactabant, ignobiles & servituti nata mancipia, *Moscuæ* desides vivere: fortium virorum esse, extra patriam alieno vesci pane: palàm oppida prædæ & excidijs destinabant; nec redituros se in Patriam profitebantur, nî prius aut extremè domuissent, aut perpetuis excidijs delevissent *Vkrainensium* nomen.

*Aliud
Responsū
Gosievij.*

In tanta ferocia, tentandi *CORVINI* non omiſſa cura: negotium *Artemio* commissum. Is obtento apud Eum familiari colloquio, confidentiùs inquit: Num *Fortunam Moschorū* notam

orbi

orbi, potentiam formidabilem (scilicet præter præsidarios) centum millium peditum, ducentorum millium equitum, Artiglieriæ vim incomparabilem, retroactis annis toties productam, producendamq; Poloni non metuant? Persuaderet *CORVINVS* Patriotis: sanguinem Christianum sistant, Victori morem gerant, de eius manu, quatenus alluit *Berezyna*, accipiant. In maius detrimentum *Reipublicæ* olim cessuram pacem, quia seriùs conclusam, quàm poterat. Ad hæc *CORVINVS* avitam magnitudinem, etiam inter angustias fortunæ retinens: Quæ nuper in *Cancellaria* dixerat, non elati animi, aut fastûs fuisse verba, (cùm non inscius esset præsentis *Suæ* sortis) sed veritati consentanea. Idem se nunc censere, respōdit. Adiecit insuper. *Rempub: Polonam* hisce annis non tranquillo navigasse, sed iam decumanis procellis penè submersam, nunquam iniquis conditionibus acquiescisse. Quamdiu stabit *Nomen Polonum*, quantum virium *Polonis Lithuanisq;* supererit, restitutionem *Provinciarum bello avulsarum, & Captivorum*; ni pacis præfuerint media, per extrema belli discrimina attentaturos.

H2

Ina-

Inassuetis Proceribus vera audire, ferox responsum visum est: idcò vt Principi persuaderent duriorē Eius tractationem, (cùm per se humanus & Clemens esset Princeps) admonuerunt: ne CORVINVS simulato Excubitorum habitu, profugeret noctu, excubiasq; falleret: nec domi custodiendum, nec cuiquam custodiam Eius, tutò credi posse, suadent. Innuunt deinde nonnulli, esse locum extra muros ultra flumen Moscuam, retrò palude circumfusum, egregiè palis septum; intùs ipsam domum enormiter crasso muro elaboratam, fornicibus depressis oclusam, fenestris unū cubitum non excedentibus, cratibusq; ferreis crassis ac densis munitam. Approbantibus cunctis consilium in Senatu, hùc post septimum diem, loco potiùs quàm hominibus custodiendus deducitur.

Comme-
tum Mo-
schorum.

Carcer
Gosievi-
anus in
Moscho-
via.

Amoto Artemio homine civili, ac non inerudito, suffectus Alexius Mesczeryn Colonellus, homo per omnia crudus. Is sepimenta domùs circumquaq; munivit; vigiles itidem, qui diu excubarent, octo disposuit: noctu verò duplicatos, super columnas accensis lampadibus in a-

Excubi-
arum ra-
tio.

rea

rea, excubare infomnes iussit. In foribus aperti cubiculi GOSIEVIANI, perpetuum incendit lumen; ipse ex opposito lectuli, ut moventem sese, intueretur noctu, excubabat magis quàm dormiebat. Adstabant vigiles duo, quos singulis ferè quadrantibus, expergefactus, accedere cum lumine ad lectulum iubebat; inspicereq; num non aufugisset, aut non avolasset Captivus. Videns namq; lectioni continuò intentum, eam de Illo præconceperat opinionem homo barbarus, quòd posset facilè arte magicà avolare: idcirco & exiguas quasdam fissuras in testudine, cæmento obstrui quàm firmissimè iussit. Accessus externorum, æquè advenis (magis tamen his) ac Moschis, perpetuò interdictus. Excubitoribus, si quis literas aut schedulas clam perferret, aut nova aliqua Captivis communicaret, pœna suspendii, in porta eiusdem domùs, edicta. Concaptivorum numerus diminutus; dempti omnes, in ulteriores amandandi Regiones: ex omni numero viginti sibi opportuniore, deligere permissus. Extra portam

tam

tam domûs nemini unquam exire, ac ne rimari quidem licuit. Si quid emendum occurrebat, id alicui ex custodibus erat demandandum. Colonello excubanti, Centurio cum septuaginta peditibus adiectus. Cæterum ratio victûs liberaliter præscripta ex mandato Magni Principis: & si opus foret, auctio promissa. Per eisdem dies, venit Moscuam Regis Poloniæ Internuntius. Literarum quas attulit, hæc fuit summa: *Ex mandato Sacræ Regiæ Maiestatis COSIEVIUM pro pace sancienda, Vilnam prævio utrinq; supra securitatem iuramento ivisse: eum postea contra Iura Gentium à Dołgorukio circumventum & captum esse. Restitui mandaret Magnus Dux Legatum, cuius munus Iura Gentium sanctum esse voluerunt. Ad has Moschi ferocius, dum adhuc Fortunam crederent sibi famulari, rescripserunt. Internuntius ne adire quidem CORVINUM permissus; literæ tamen Regiæ aliorumq; resignatæ, redditæ sunt.*

IOANNES CASIMIRVS D. G. Rex Pol: M.
Dux Lithu: Ruf: Pr: Samog; Mas: Liu: Smol:
Czer.

Regis
Poloniæ
Inter-
nuntius.

Czern; Nec non Suec: Got: Wand: hæreditarius Rex.

Perillustris, Sincerè Nobis Dilecte. Quò magis probatâ Sinceritatis Vestrae in omni Reip: obsequio experti sumus dexteritatem, eò acerbius præsentem Eius acceptamus sortem. Nihilominus cum hæc Divinis pareat edictis, (prout & Nosmet inter præsentissima naufragia Omnipotēs protexit manus) huic Sinceritatis Vestrae casui poterit mederi Divina opitulatio. Quoad humana media; hæc omnia quotcūq; liberationi Sinceritatis Vestrae inservire videntur, cum DD. Consiliarijs non gravatim adhibemus. Inter quæ, cum Sinceritas Vestra Tractatus pacis esse efficacissimos iudicat; Nobis quoq; idem constet; sincerè cupimus sistere sanguinis Christiani profusivium; quod vindicabile Dei iudicium requirit. Utinam vero desiderijs Nostris, fallax fortuna, non refragetur solitâ pertinaciâ, sed potius in Christiana concordia, vires cum gloria utriusq; Gentis, adversus communes hostes convertere velit. Domestica res Sinceritatis Vestrae, tum Consortis, Liberorumq; cura, acerbo carcere fractum non sollicitent, quandoquidem Illis non deerit in succursum No-
stra

stra Patrocinatio. Omnibus item alijs Domesticis Sinceritatis Vestrae, Paternā Nostram providentiam, ob respectum Sinceritatis Vestrae obligamus. Optimam interea Sinceritati Vestrae à Deo precamur valetudinem. Dabantur Varfaviæ VIII Dec. MDCLVIII. Regnorum Nostrorum XI Anno.

IOANNES CASIMIRVS REX.

Perill: VINCENTIO CORVINO

G O S I E W S K I

Supremo M. D. L. Thesaurario & Campi Marschalco &c. Sincerè Nobis Dilecto.

Cum eodem Internuntio spontè venerat ad obsequendum Hero suo vnus ex domesticis: qui non priùs admissus est, nisi præviâ inquisitione, num secretiores non adferret literas, & num aliquid clàm reconditi non apportaret. Vnicè namq; metuebat *Milostawscius* Supremus minister Moschoviæ (vti postea innetuit) ne pro liberatione Captivi, submitterentur magicæ artes. Itaq; probè instructus, ducentos aureos, & literas à CHRISTOPHORO PAC M. D.

L. Can-

L. Cancellario deprompsit: quibus redditis, & ipse inter Captivos, more Captivorum vixit. Ducentorum aureorum medietate suo usui reservatâ, centum aureos inter Captivos in Vrbe adhuc degentes, per manus *Pristavorum* enlargitus est: namq; mille aureis secum adventis, minùs metuebat extremæ egestatis casum. His peractis, *Alexius* denunciavit gratiam Magni Principis, licere Sibi scribere in Patriam literas, revisas tamen reddendas Internuntio, declaravit. Inter complures, Sacræ Regiæ Maieftati per modum supplicis libelli eiusmodi transmissæ.

Serenissime ac Potentissime REX

Domine Dñe mi Clementissime.

Post submississimam Maieftati Vestrae gratiarum actionem, pro Regali & Clementissima compassione (quam super sortem meam presentem, Clementer Sacra Regia Maieftas Vestra demonstrare dignata est) dum residuum factorum meorum Divino decreto subijcio, procido ante Thronum Sacræ Regiæ Maieftatis, supplicando eidem, ne permittat mori Captivum il-

I

lum

lum subditum, qui pro asserendis in libertatem Pro-
vincijs Maiestati Vestrae subiectis, factus sum præ-
da: quiq; in presenti etiam calamitate mea, (quantum
per iura moderna sortis licet) pacis studia, semper
aliàs studiosissimè promota, constanter prosequor.
Ad qua non obscure videtur inclinare Moschovia, si
Sacra Regia Maiestati Vestra, magis Tanti Princi-
pis amicitiam, armorumq; Eius societatem, quam Re-
giones rebelles Kozacorum estimare placuerit. In
quantum verò pacis artes non successerint, supplico,
ne alia eliberationis mea media prætermittere digne-
tur, qua volenti non deerunt. Paterno Maiestatis
Vestrae, dum me meosq; residuos in Patria commen-
do respectui, pro cura mei humillimas rependo gra-
tias, petens à Divina Maiestate, ut terrenas, Vestrae
Sacra Regia, & Careæ, Maiestates, quam celerrimè
unitas concordia, firmet adversus communes ho-
stes; imò ad maiorem hostium confusionem, proferat
longè gloriam, confirmet utriusq; Solium: mihiq; con-
cedat, tandem cum debita gratiarum actione, pro Pa-
terna sollicitudine, ante Solium Regale procumbere,
Maiestatis Vestrae deosculari dexteram presenti, quam
nunc

nunc venerabundâ deoscular intentione.

Moscuæ

10 Febr: 1659.

Sacrae Regiae Maiestatis Vestrae,

Dni Dni mei Clementissimi

Humillimus & Obsequentissimus

Subditus ac Servitor

VINCENTIUS CORVINVS

G O S I E W S K I

Amovetur tandem Alexius, successor datus Ste-
phanus Kukovinski Colonellus, Vir Civilis per
omnia. Is ab Alexio suapte naturâ ad crudeli-
tatem efformato, & Genti Nostræ infensissi-
mo, molestias quasdam ad divexandos Captivos
institutas amovit; reliquas tamen (desuper Sibi
metuens) exerceri permisit; præsentis interea
miserorû condolens calamitati, eos in spem me-
lioris fortunæ erigebat.

Athanasius Nasczokin (quem arctam antè
hâc cum C O R V I N O libero, colu-
isse amicitiam, tum iunctâ armorum societate,
bello pressisse Livoniam; deniq; tractandæ
pacis armorumq; causâ, utrumq; à Suo Principali
Plenipotentiaris obtinuisse, superius innui)

A Na-
sczokino
visitatur

de consensu Magni Principis, visitaturus CORVINVM accessit: pollicitus literas & quæcunq; vellet Sibi, vel hinc ad Suos transmitti, fideliter se Kokenhauzo Livonico transmissurū. Quod & præstitit posterioribus annis bonâ fide, exhibuitq; non levia civilitatis indicia, in transmittendis incorruptè medicamentis, literis, & pecunia.

Eâdem hyeme, dum res Vkrainenses vrget *Trubeccius*, ex aliâ parte *Ioannes Chowanski* valido 40000 Moschorum Novogrodensium, Plefcoviensium, Lucensium, Toropencensium exercitu, ingressus Lithuaniam, cum NICOLAO IV. DYCKI Equite Melitensi in stagnis Miadziołensibus glacie firmatis confligit. Trepidatum est primò in castris Moschorum, ipseq; numerosissimus aliàs illorum Equitatus factò congressu consternatus; cùm Lithuani quàmvis numero inferiores, (3000 censebantur) obfirmatis in omnem fortunam animis, in hostes irruerent. Verùm erexit dejectos in timorem Moschorum animos, pertinax adversus temera-

*Chowanski
confligit
Ejus cum
Lithuanis
& victoria.*

temerarios impetus peditatus, primosq; Lithuanorum cæde repressit: inde urgente iterum equitatu, in fugam effusi Lithuani, cædem suorum & Victoriam hosti reliquerunt. Addita cladi ingens hominum iactura, cùm glacie fractâ plurimi Lithuanorum mergerentur: cæsi, & aquis suffocati plurimi; captivi insuper 400 Moscuam missi. Inter quos CASIMIRVS PAC (iam nunc Episcopus Samogitiæ) HIERONYMVS PAC Palatinides Trocensis, compluresq; alij Avitâ Nobilitate & longo armorum vsu insignes. Hæc Victoria ex mandato Magni Principis, denuntiata est CORVINO in Cancellaria: non quòd scire Eum vellent res gestas in Sua Patria, sed quia ad desperationem coactum, in Moschovia ritu Græco baptizandum, perpetuò vivere iuratū cuperent. Credunt enim Moschi, nullam aliam in terris gentem suâ, Christianum ritum religiosius colere: idcirco Græcos, Ruthenos, ipsos etiam Sacerdotes (quamvis vtriq; eâdem origine profecti) ternâ submersione rebaptizant

zant. Id tamen ab Orientalibus Patriarchis Anno 1667 interdictum est. Baptismus verò, magis fit in vim iuramenti fidelitatis Magno Principi præstiti, non redeundi in Patriam; quàm Religionis. Brevi itaq; post Ioannes Zelabuski (recenter Pristavus constitutus) postquam multa fastuosè simul & mendaciter de fortunato Trubeceij successu in Vkraina, iactitasset,

Gosievius a Moschis sollicitatus ad baptismum.

suasit GOSIEVIO, precibus aggredi Principem, ritu Moschorum baptizari; opibus auctum perpetuò in Moschovia remanere. Adducebat exempla multorum Moscua Virorum. In præmium abiurata fidei, nomine Principis pollicebatur palatium (quod ab obitu Ducis Nikitæ Romanov Patruisui, non inelegans in Vrbe visitur) caterùm posse illi opes magnas, stabilemq; honorem Moscua contingere, si omissa longinquâ & serâ pacis spe, præsentem portioemq; sequeretur. Ad hæc CORVINVS:

Responsu

Sibi baptizato, illicitum esse mutare ritum, respondit. Deo ritu Romano; Regi naturâ & lege Patriâ, æquè secundis ac adversis Patria, Suisq; rebus, obstrictum Se esse. *Exempla non damnavit quidem, sed nec*

sed nec laudavit. Palatio regali inhabitâdo, Se impari censuit. Caterùm Suâ Patriâ sorte (si quando eâ frui sinant Superi) opibusq; Se contentum esse. Demùm si ita vellent Moschi, in carcere potius moriturum, quàm aliquid facturum Suâ Personâ indignum. Eiusmodi responso passi repulsam, firmum CORVINI animum, ampliùs non attentârunt.

Post quadriennale bellum, æquè Suecorum ac Moschorum animis, pacis subijt desiderium. Pro componendo Legatorum congressu, venit Moscuam Sueticus Ablegatus. Per se infensos Moschorum animos CORVINO, ad odia vulgi extendit, cùm illum facem belli inter hæc duo Regna (quâ Suecorum in Moschos merita, sociæq; victoriæ, tum ferè octoginta annis culta amicitia conflagravit) indigitasset.

Iam dudum CORVINVS, anxius de successu Patriæ, omni rerum notiâ destituebatur; cùm præter opinionem diuturnis desiderijs favens occasio sese obtulit. Excubitorum quispiam spe mercedis inde conquirendæ, ad

Ablegatus Sueticus Moscua.

Clădestini commercij literarum oblata occasio.

dæ, ad transferendas clàm schedulas, quòcun-
q; vellemus, suã offerebat operam. Res primo in-
tuitu visa (prout erat in re) plena periculi:
sed cùm homo promptus, versutus, insuper ava-
rus videretur, iuranti patrio more per oscu-
lum Crucis, terramq; voranti, datæ sunt lite-
ræ ad quosdam solâ famâ Nominis notos, sub-
scriptæ quoq; ignotis nominibus, transferendæ.
Altero die responsum attulit, monuitq; cir-
cumspectè hâc in re â Nobis agi oportere; in-
terim de sua fide benè probata nil essemus so-
liciti, se enim horrendâ chordarum inquisitio-
nem aliquoties sustinuisse, nec tamen verita-
tem Inquisitoribus aperuisse. Probavitq; di-
ctorum fidem; cùm se toto corpore diris pla-
gis lacerum ostendisset. Fideli huius viri ope-
râ longo tempore vsi sumus, donec alios quàm-
plurimos eiusdem ingenij servitores, tempora
& occasiones suggessissent: quorum obsequio
diversimodè, commercium literarium fovimus,
plurimas cautelas conquisivimus; omnia nova
ac consilia intima Moschorum exploravimus, in
Patriam

missimus, CORVINO informante, ac libera-
lissimè obsequium Tabellariorum remunerante.

Palmarum Dominica quantâ celebritate &
pompâ peragatur in Moschovitica Aula, scri-
psère varij. Motus desiderio CORVINVS
spectandæ Celebritatis, observandarumq; cere-
moniarum, per *Pristavos* à Magno Principe,
prodeundi in publicum facilè obtinuit faculta-
tem; cùm ipsimet Moschi, eo die splendidius
ornati ab Extraneis plerùmq; ardentissimè vide-
ri perambiant. Ante Castellum vetustissimo
Sanctæ Trinitatis Templo subiecta planities,
implebatur egregio cultissimèq; vestito & ar-
mato peditatu Prætoriano. Is tunc residuus
in Vrbe constabat ferè duodecim millibus ho-
minum, cæteri cum *Trubeccio* castra secuti. Me-
diâ planitie exstat præaltum (unde iura ple-
bi dantur, unde plebs de bello generali incun-
do, aut quopiam nonnisi gravissimo negotio
consultitur) fastigium, è quadrato lapide. (*Lo-*
bne dicitur) Cooperiebatur eo die peristro-
matibus aureis, pavementum panno rubro; via

*Dominî
ce Pal-
marum
celebri-
tas Mo-
souv.*

Lobne

quæ ducit ad Castellum, panno versicolore. Post sollemnissimum in Vrbe campanarum sonum, progressus è Castello Clerus: humeris Sacras vestes, manibus Cruces & Imagines præferens, insulsum vociferans carmen. Sequebantur numerosi Proceres, omnes aureâ argenteâq; veste, plerumq; Persicâ induti. Princeps Coronâ (*Małamachowa* Moschis dicitur, quam ereptam Babylone, dum illa per hydras, dracones, serpentesq; occuparetur, Constanti-nopolim, inde Moscuam à Græcis delatam fabulantur, aut credunt) redimitus; super vestem talarem gemmeū cingulo tenus pectorale: (*Pier-sida* dicitur) tum Crucem adamantinam in pectore gerens, hinc à *Regulo Hruzdzinensi*, inde à *Czerkascio*, ad prædictam Ecclesiam deducitur. Sequitur numerosissimus Aulicorum Comitatus, gestientium tum Principi obsequi, tum à populo videri. Prodeunti Principi è porta, vniversus peditatus, populufq; teētis suspensus, inclinato ad terram usq; capite, exhibuit subiectionem. Breui interiectâ morâ, ab Ecclesia ad fasti-

fastigium *Zobne* progressi. Hinc inter cantus, duo Prælati pro adducendo asino, in castellum mittuntur: rami de arbore deijciuntur, palmæ benedicuntur, distribuunturq;: stantibus circumcercâ suis locis, Proceribus, Officialibus, militiâ, populo, summo silentio & modestiâ. Post benedictionem palmarum, Coronatus Princeps, suo pollici sinistro habenas dependentes induit, medius inter Proceres, eqvum telâ involutum, asinum repræsentantem, anteiturus. Interea per absentiam Patriarchæ, *Metropolitæ Cruticensis*, aureum Archiepiscopalem habitum, tiaramq; indutus, prægrandem toto corpore ad partem obversus, conscendit equum. Sollemnissimo campanarum exorto sono, populus sua capita, armaq; terræ allidit; nec prius erigit, nisi Princeps Castelli subeat portam. Tecto ~~cuidam~~ depressiori, cum *Pristavis* Suisq; Concaptivis commodè superimpositus, pompam spectabat GOSIEVIVS: ad quem inter discedendum è fastigio, Princeps misit Colonelum *Artemium Serbeiewicz*: qui pro more Gen-

tis, titulis Magni Principis recensitis, eiusdem
 Nomine de successu valetudinis requisivit. Is ho-
 nos habetur eo die, omnibus Externorum Prin-
 cipum Legatis, qui eâdem formâ spectaculo
 sacro, super tectum impositi adhiberi consue-
 verunt. COR VINVS Suae forti præsentis,
 idoneâ vsus inclinatione, *Vivere se incolumem,*
& liberaliter gratiâ Magni Principis haberi, re-
spondit. Neminem alloqui, à nemine salutare
 permissus, redijt domum. Quòd verò Magni
 Principis Serenissimos oculos (Gentis id voca-
 bulum est) eo die vidisset, mensâ Ducali, do-
 mum scilicet publicè allatâ, honoratus. Pa-
 schalis dies non ita solenni apparatu celebra-
 ta est: siquidem sequenti die, domum ligneam
 extrui vidimus, mechanicâq; exerceri liberè,
 citra festi iniuriam: observavimus osculo sibi
 invicem, ovoq; paschali dato, ebrietate vulgi,
 tinnitu continuo campanarum, (nam cuius ma-
 lepoto, quâcunq; libucrit diei vel noctis horâ,
 turres conscendere licitum per octiduum)
 quàm devotione hi dies notabiliores.

Pascha

Ineunte

Incunte vere, visum est Moschorum Proce-
 ribus, amandandos esse flumine secundo Capti-
 vos, in remotissimas Regiones Kazaniæ, Sibiriae
 & Astrachaniæ. Porro adinventâ est hæc tu-
 ta exiliorum ratio, tum summo imperij augen-
 di promovendiq; studio; tum his præcipuè de
 causis. *Primò.* Quia per impenetrabiles sylvas
 paludesq; inde Captivi nullam occasionem fu-
 gæ possunt arripere. *Secundò.* Hinc quoq;
 absq; vigillum continuo labore, & enervatio-
 ne, securè & liberè vivunt. *Tertiò.* Absq; e-
 rogatione Thesauri publici, domos & agros co-
 lunt, piscationes exercent, mercantur &c.
 nunc verò securi aliena subsidia in carcere ex-
 pectant, sibi ignavi, fisco Principis graves.
Quartò. Omnium verò maxima ratio est augen-
 darum & excolendarum vastissimarum solitudi-
 num Sibiriae, in quibus captivi plerumq; de-
 speratione acti, ritu Moschovitico baptizan-
 tur, nunquam inde (quasi iuramento obligati)
 in Patriam redituri. Rarissimè videris fontes
 plecti, sed omne crimen Sibirienti exilio, aut
 ibidè

*Sibir
Regnum
exilij.*

ibidem labore continuo, erigendo muro, co-
quendo sali persolvitur. Hinc initio cuiusvis
veris plerūq; ad duo vel tria fontium millia,
secundo flumine in colonias deducuntur in a-
gros captivos, subsidium adversus incolas re-
belles, & imbuendis focijs ad officia legum.
Huiusmodi coloniæ incultam olim Sibiriam, a-
deò frequentem effecerunt, ut anteferatur plu-
rimis Moschoviæ Provincijs. Astrachania quoq;
Principum Tartarorum quondam vile domicili-
um, Vrbi Moscuæ amplitudine, opibus, commer-
cijs, hominum frequentia, magnâ ex parte æ-
quiparatur. Hoc anno 500 Polonæ Gentis
Captivi, fontium verò Moschovitarum duo mil-
lia, Moscuæ numerabantur in carceribus, Kaza-
niam deportandi. Præterea CORVINVS de-
cem personas in solatium carceris deligere,
cæteros à Se dimittere iussus. Quem omitti
posse? quem deligi? dubius, neq; Sibi vitam tan-
ti, si per iacturam sociorum servanda foret,
per *Pristavos* supplicabat. Delectu Officialium,
domesticorumq; habito, immemor sui, etiam
Chi-

*Decem
Conca-
ptivi re-
lict.*

Chirurgum proscripserat, nisi magnis tandem
precibus effecisset, ut numerus residuorum, in
vniuersum duodecim personis augetetur.

Adiacebat eidem domui hortus nō inamænus,
illuc ut liceret interdum cum *Pristavis* spatiari,
petiit; sed ut curas eius conquisitis molestijs au-
gerent, utq; tolleretur ulterior petendi occa-
sio, illico porta occlusa. Sic deinceps loco
perangusto, humido, fætido inclusus, nullum
aliud subsidium recentis auræ habebat, nisi quòd,
super tectum ascensus, indeq; prospectus dif-
simularetur magis, quàm concederetur.

Inter quotidianas acerbitates, inassuetus
malis animus, pro singulari solatio colebat re-
putabatq; clandestinum literarum commercium:
cui augendo, modis adinveniendis, excubitori-
bus defraudandis, plurimæ impendebantur ho-
ræ, secreti vix duobus aut tribus conscijs. Ac-
cedebat non leve huius commercij adminiculū,
quòd vigilēs (qui plerūmq; mechanica exer-
cent) pannum, telam, pelles, venum apporta-
re, & frequentius domum accedere (utpotè fi-
diffi-

*Clande-
stinum li-
terarum
commer-
cium.*

fidissimi Principis) minùs vetarentur. Ineunte Junio fidus ille Moschus, mercaturam simulat: venales luporum pelles candidas adfert. Has cum emere recusarem, laudat ille magis, at-
 trectare extrà & intrà iubet; intus attrectanti, de manu in manum dexterrimè inferit char-
 tam, à PAVLO POTOCKI ibidem de-
 gente, transmissam. Is similibus belli fatis cor-
 reptus, claritatem Generis, Moschoviticâ capti-
 vitate involvi tantisper patiebatur: liberiùs ta-
 men illic commorando, integro triennio fovit
 cum C O R V I N O literarum commercium.
 Contenta hæc. *Benè speraret; Ablegatum Regi-
 um Moscuam adventare: qui tractatum pacis, simul
 & eius uti Legati restitutionem, sit promoturus,
 nil certiùs. Moschos nunc à pace honesta non adeò
 abhorre, cum validissimas Trubeccij vires, exigua
 Kozacorum manus inclusa Konotopi, quotidianis cla-
 dibus remoratur.*

Ingens præterea incendium in Vrbe exor-
 tum, multò maiorem calamitatem videbatur
 præfagire; siquidem complurium Procerum o-
 pulen-

*Paulus
 Potocki
 Palati-
 nides
 Brasta-
 viensis.*

ulentas domos absumpsit, neq; ullâ ope ex-
 stingui potuit, quàmvis focum improbo labore,
 & ordine, omnis Prætorianus peditatus oppri-
 mere conaretur. Ob crebriora incendia, inte-
 grâ æstate singulæ domus, super tecta noctu
 alunt excubias privatas; quæ aquam ibidem fæ-
 tore incorruptam conservare tenentur. Ad si-
 gnum campanarum (dando autem incendij si-
 gno, non nisi tres in Castello destinatae, Na-
 bat, populari vocabulo dicuntur; quarum maxi-
 ma eo ipso momento, quo oriebatur incendi-
 um, fracta est) proripiunt sese omnes Colo-
 nelli, Centuriones, Peditesq; fistulis aquæ at-
 trahendæ & exonerandæ, vrnis, securibus, ar-
 mati; vnaquæq; turma propriâ sibi tesserâ, cõ-
 militones convocando. Removetur populus ab
 incendio, pars portandæ aquæ, suffocandoq;
 igni, pars arcendis tectis incendio, pars fra-
 ctis plurimis, quandoq; minùs obnoxijis incen-
 dio aulis, rescindunt igni alimentum. Finito
 incendio, notantur absentes, postridie hono-
 ratiore pœnâ carceris aut æris in usum sui
 Colo-

*Moscuæ
 incendia
 um.*

*Quali-
 ter incen-
 dia oppri-
 muntur
 Moscuæ.*

Colonelli, castigantur: gregarij, quandoq; Centuriones etiam, corpore solvunt absentiae culpam. Praesentes omnes, ex cella Principis, vino adusto postridie tractantur. Hisce aliquot horis, ne se loco moveret CORVINVS, monitus ab accurrentibus *Pristavis*: ascendere nihilominus tectum permissus, vigiliis circumquaq; auctis & duplicatis.

Ex his fortuitis casibus, Gens incantationibus & veneficijs dedita, gravem sibi met praesagebat cladem, quae iam Deo vindice, Moschorum rebus maturefcebat.

Diebus sequentibus, inter simulata colloquia, conquisitis medijs, expiscabantur *Pristavi*, num CORVINO de adventu Ablegati Regij, aliquid constaret? Tum, quae ratione pax coalescere posset? nutui magis quam verbis intenti, inquirebant. Vir per se sagacissimus & iam monitus nuper Centurionis periculo, nullam praesetulit notitiam: egitq; in similibus colloquiis exploratorem genij, morum, reruq; Moschoviticarum adeo sagacem, ut multa de
præ-

praesenti statu, Pacis & Belli consiliis, suaq; libertate, per coniecturam attingeret: quae postmodum alienis literis, clam ei scriptis, ipsoq; eventu comprobata.

Regiae literae quasi ex improviseo redditae, haec continebant: *Quamvis irriti conatus utriusq; Gentis evaserint, magisq; res dilationibus quam serio gesta, immo Ius Gentium a parte Moschorum, in Persona VINCENTII CORVINI, sit* *Regiae litterae.*
violatum; nihilominus animum Suum, rebus aduersis aequè ac secundis, a medijs iustae pacis non abhorvire. Cuius constituenda causa, Legatos Se ad confinia expedire velle. Magnus Dux vicissim, Suos expediret Plenipotentiarios. GOSIEVIVM pacis conficienda instrumentum, Iure Gentium liberum, susteret &c. Aliter nec pacem, nec tractatum praeliminaria coalescere posse. &c. Seu quod videntur Moschis literae imperiosè scriptae, seu inassueti Fortunae malis, ad Konotopum exacerbati adverso successu, ferocissimè acceperunt Regias literas: postulatorum superbiam Proccres increpabant: quasi cuiuspiam Regulo (ita per contemptum

Fortu-
na info-
leps.

83

temptum referebant GOSIEVIO) aut Du-
ci scriberet REX; sic Magnus Princeps, iubetur
Legatos expedire, sistere GOSIEVIVM, quem
iure belli captum, seu detinere, seu liberum dimitte-
re placeret, à Suo dependet arbitrio. Quò quisq;
ferociùs contra Regem inuictus est, maiorem
inde spem gratiæ sibi pollicebatur. Rescri-
ptum Nomine Principis: Tractatum inchoare se,
nec posse nec velle, nisi Legati Polonici Moscuam
veniant. Moscuam, & non alium locum congressui
Legatorum utriusq; Gentis se designare: à conventu
alibi habendo, se abhorreere, utpotè impedimentis,
momenta suarum victoriarum, & sumptus distra-
hentibus. Idem ut literarū Nominisq; Sui authori-
tate persuaderet, admonitus CORVINVS, si
vellet pacē accelerari, quæ vnica Ei in Patriam &
pristinā libertatē, occlusas hæctenus ianuas ape-
raret. Ablegatus Regius admissus ad CORVI-
NVM, ac quamdiu vellet, permissus liberè in
conclavi colloqui; Regias quidem nullas, (quòd
exemplo præteriti Internuntij desperaretur ac-
cessus) Archiepiscopi tamen Gneznensis, alio-
rumq;

84

rumq; literas attulit.

Illustrissime & Excellentissime Dñe

Domine Frater Observandissime

Quantumcunq; calamitatum, Illustrissimam Excel-
lentiam Vestram perpeti impulit bonitas DEI, id
non solùm innato animo fortibus viris, sed etiam
uti bonus Catholicus dignetur perferre, eò animosius,
quia pro Rep. Manet recens memoria Illustrissima
Excellentia Vestra æquè apud Maiestates, ac in
Collegio Nostro, omnesq; bonos Cives, id sollicitè
suspirijs ingeminantes, ut quamprimùm restituat Il-
lustrissimam Excellentiam Vestram Nobis & Pa-
tria. Quibus dum ardentissima mea adiungo vota,
semper maneo

Varfaviæ 4. Iunij

1659.

Illustrissima Excellentia Vestra
Frater Benevolus & Ser-

vitor Obsequentissimus

VENCESLAVS ALESZNO

Archiep: Gnez.

Responsum Archiepiscopo in hæc verba:

Illustrissime Celsissimeq; Princeps

Domine Dñe Colendissime.

Quidquid in me Divina bonitas sancivit, & neces-
sitas

sitas edocuit tolerare fortiter, (tum maximè ab Illustriſſima Celſitudinis Veſtra Religione firmatus) feram conſtanter, dummodò recens mei memoria non evaneſcat cum tempore, meiſq; ſit par merito cura. Cui operi quòd Illuſtriſſima Celſitudo Veſtra primam Suam in Rep: authoritatem non gravatim applicare dignatur, dum humiles rependo gratias, eandem in excipiendis Ablegatis ad præliminaria tractanda, & dimittendis cum omni hoſpitalitatis & benevolentiaè teſtimonio, ut non gravetur interponere, obnixè peto. Deniq; me in ſinum, multoties probata benevolentiaè, Illuſtriſſima Celſitudinis Veſtra depono, maneoq; Moscuæ 25 Julij

1659.

*Illuſtriſſima Celſitudinis Veſtra
Humilis Cliens & Servitor
Obſequentiſſimus*

**VINCENTIVS CORVINVS
GOSIEWSKI.**

Complures alias in Poloniam deferendas literas publicè, privatim verò monita Patriæ ſalubria, oretenus tranſmiſit. Prandio Magni Ducis

Ducis exceptus, expeditus Ablegatus, dum ſeſcilentius ab Vrbe expedit, repente ab accurrentibus trepidè Priſtavis Moſchis, quantocyus inter inire, Legatorum adventum accelerare, iubetur. Eodem die poſt ſolis occaſum, apud GOSIEVIVM numerus conſuetus excubiarum triplicatus, Sentinella duplicatæ. Insuper præter morem, terni excubitores tecta domûs ſingula conſcendere, à Priſtavo cauſante metum incendiij, iuſſi. Mercatores opificesq; ad portam domûs accedere, vigiles introire cubi- cula, cum Captivis privatim colloqui, inſuper ipſi Captivi de publico ſtatu belli Vkrainenſis percontari vetiti. Moſchus quidam, iam inde ab adoleſcentia miles, qui Martiam ætatem ad canos gravemq; ſenectam provexerat, nobis plus cæteris addictior, ex condictamine victualia ferens, brevibus indicat ſtragem Moſchorum inauditam ad Konotopum, Trubeccium cum reſiduo periculoſo periclitari. Generalem GOSIEWSKI arctius teneri, ob metum rerum novandarum inter populum, ſi fama rei geſta ad eum pervenerit. Eadem die

*Trepida
expedi-
tio Able-
gati*

die alter Moschus dicta comprobavit literis, quas attulit à PAVLO POTOCKI, ocreis iniectas.

Trubeccius (vti supra innui) validissimas Moschorum Copias effuderat in confinia Vkrainæ. Kozacorum Generalissimus *Ioannes Wyborski*, nuper in generalibus Regni Comitibus, ob reductos in obsequium Reip: Kozacos hucusq; rebelles, à Rege Poloniae Senatorio honore, opibusq; Barenensis, Lubomlensis, Czehrynenensis, Præfecturæ cumulat; ex rebelli, Regias partes tuebatur. Cùm verò se tanto apparatusi Moschorum imparem ad resistendum iudicaret, *Gregorium Vlanicki* Colonellum Nizynensem cum tribus Kozacorum millibus, in Oppido Konotopensi obsidendum, Moschorum potentia obiecit. Ipse ad Principem Tartarorum celerrimè expedit Nuntium, qui de hoste edoceret, communemq; imploraret opem. Moschis nil facilius visum est, quàm Konotopi excidium: sed primo alterove assultu fracti, temeritatem in consilium commutârunt. Primum globorum pulvere

*Obsidio
Konotopi,
Oppugnatio
& clades
Moschorum.*

pulvere pyrio impletorum, incomparabilem vim iniiciunt: tum assultum generalem indicunt. *Vlaniccus* excursione factâ, postquam ex Captivis intellexisset assultum instrui, pontem seris trajeci, militem continuas vigilias agere, vallum egregiè milite & armis impleri iubet. Moschus posse ratus ancipiti tumultu, & nocte augente pavorem, memorabilem rem geri, profundâ nocte ponti peditatum immisit. Iam Clerus Tutelares manu præferens Icones, magnaq; pars peditum pontem subierat, cùm dato signo in vallo, pons collabatur, peditatus simul & Clerus, hinc ruinâ opprimitur, inde in subitanam cladem excursione compellitur. Auxerunt prædij in hoste cladem; dum excitato lumine, quem quisq; sibi proposuisset in fossis, destitatis ictibus trajiceret. Cæteri diversis locis, pari consternatione & clade oppressi, iacturâ aliquot millium hominum, fastum persolverunt.

Dum hæc ad Konotopum geruntur, Tartarorumq; HAN socios belli Kozacos periclitari

Moscho-
rum con-
fictis &
genera-
lis cla-
des.

89

tari accepit, generali indictâ expeditione, mi-
râ celeritate centum millia Tartarorum, auxili-
ares *Wyhomscio* suppetias adducit; iunctisq; li-
gnis, tribus à Konotopo milliaribus castra lo-
cant. *Trubeccio* viribus & omni ferociâ supra
modum elato (validus namq; equitatu, pedita-
tu, & *Artiglieriâ*, quam Tartaros plusquam dici
potest, metuere fama ferebat, aderat; Tartaris
autem sola in equite vis) de adventu hostium
non ingratus accidit rumor; proinde parte pe-
ditatûs intra vallum ad onera & currus relictâ,
in aciem robur belli peditatum educit: pri-
mum omnium, equitatum totum castris pro-
ductum, præcedere, ac hostem versûs tendere
iubet. Octoginta millia equitum, Ducibus
Simeone Pożarski & *Lwovio* superabant paludo-
sum amnem, *Artiglieria* quinquaginta millium
peditatu munita, frontem aciei obtentura, suâ
mole gravis, lentius cum Generalissimo adven-
tabat. Nec mora dimicandi facta est, cum
Trubeccio & vires, & res secundis eventibus
gestæ, parandæ gloriæ; *Wyhomscio* contrâ du-
plica-

90

plicatæ vires, spem & animos vtrinq; erige-
rent. Primi Poloni, (quorum mille equites a-
pud *Wyhomscium* stipendia merebantur) & *Ko-
zaci* in frontem equitatûs, Tartari verò pars
in frontem, pars hostium alas circumvecti, à la-
teribus hostem necdum aciem instruentem in-
vaserunt. Turbatis primùm, mox circumven-
tis Moschorum ordinibus, non iam pugna, sed
fuga & perennis clades secuta est. Omnium
animis & equis ad superandam paludem retrò
conversis, obiectu cadaverum fit angustior re-
gressus, maiorq; cædes. *Pożarski* emeritus Dux,
plurimis aliàs expeditionibus Tartaricis cla-
rus, & *Lwovius* Campi Marschalcus, capti, ac dū
verbis contra Victorem ferociùs quam pro for-
tuna certant, interficiuntur. Colonelli, cæte-
riq; Officiales equitû, pleriq; aut capti aut cæsi.
Equitatus florentissimus per Smolensciam, Russiâ,
Lithuaniam, Livoniam, quinquennio Victor
circumductus, interiit. Captivorum tantus nu-
merus, ut à singulis Victoribus terni quater-
nive traherentur: quotusquisq; reliquis inter
cadave-

M2

cadavera faucius, pavidam ægrè servabat animam. Peditatus non sine strage Suorum, cum *Trubeccio*, ægrè Victorem à cervicibus repressit. Hinc verò apparuit odio furoreque; duce pugnatum esse; cum post cruentam pugnam immanesque; Moschorum cædes, cædibus superstitum insistere; nil opus Captivis, solam Gentis internecionem finem bello imposituram, *Han & Wybowscius* edixissent. Tunc in amplissimum campum Captivos productos, iuxta deditos ac captos, nullo Nobilitatis aut ætatis intuitu, promiscuâ clade involvunt. Nemo ex Tartaris abducendi vivos in Tauricam, prædæque; memor est, donec ad septuaginta millia cadaverum cupidus cruoris Furor, cædiumque; avida crudelitas pervenit. Magna hæc inauditaque; hoc sæculo clades minueret fidem, nisi pari numero, paribus armis, & æquâ spe pugnatum esset, nisi diminutæ Moschorum vires, & tot cadaveribus etiamnum spectandis operi campi, impletæ valles, grande memorabilis cladis documentum exhiberent posteritati. Certum est, Magnum Moschorum

schorum Principem nunquam posthæc tam numerosum, tamque; validum reparasse robur. Hæc pugna maturum & longâ bellorum praxi probatum militiae robur, hæc maturescentem in juventute Moschovitica exercitus florem evertit, & formidando Moschoviæ fato involvit. Intremuit Moschovia ad tantæ cladis nuntium, infaustaque; fortunæ vices non sine gravi doloris sensu excepit: ut quæ modò victricibus armis, aut deditione, integra Regna possederat, illa versâ fortunâ, hostile ferrum, infestis populationibus brevi per viscera sua grassaturum, expectaret. Magnus Princeps ad tam insperatum nuntium, capite fasciâ nigrâ obvoluto, comparuit in publico. Is Genti mos visitatus, scilicet calamitate publicâ, Supremum Caput affligi, demonstrare solitæ. Non iam Princeps ampliandi Imperij avidus, sed providus imminentium malorum, Urbis mænia (quæ immota aut modicè laceßita pax, tum perennis victoriarum successus, & virium confidentia firmabat) hucusque; contempta, colerrimè reparari mandat

*Mos
Principū
italica
su.*

mandat, nec iam intentus (ut olim) Maiestati, Ipsemet crebrò, Procereſq; vili adſtant labori. Populi ex agris profugi, tam numeroſa ad Urbem confluebant agmina, ut Vrbs capaciffima aliàs, hominum non caperet multitudinem: montium inſuper proſpectum pulverulentus àer, circumquàq; adimeret. Mæſtæ Urbis res, Principi in Regiones Wolgæ vicinas, centum leucas retrò Iaroffiam, apparabant iter: circumſpiciebat nihilominùs, quò ſe tanta verteret fortuna, & num ſuus hoſtis, prouti vincere, Victoriâ demùm uti ſciret. Extrema dum metuit, dum Legatorum Poloniæ Regis adventum Moſcuam (prouti nuper denuntiaverat) totq; ſimul Victrices Copias in tempore validiores abnuit; magnis itineribus ire in Poloniam ſuum Ablegatum Ioannem Zelabuſki iubet. Quamvis Legationi ineunda Moſcuam Urbem, nuper Suis literis per Ablegatum Polonicum deſtinaverat, nihilominùs perſpectâ difficultate, longinquitate loci, ſe Pacis ſemper cupidum, locum medium inter utramq; Regiam, Boriffoviam, & Miſcum (distant hæc Oppi-

Inſignis
ars Mo-
ſchorum
in aver-
tenais
Moſcuâ
Copia
Polonicis

Oppida ab Vrbe Moſcua centum ſexaginta miliaribus) *designare, per ſuū Ablegatum denuntiat Regi.* Metus quidem id in hoſte extorſerat, ſed maius certè erat ſtudium, à viſceribus ſuæ Gentis, Legationem armatam, ſcilicet Legatorum, ſimul & tantorum Exercituum aſſiſtentiam, (præſertim quod alterâ parte Polonos & Lithuanos cum Legatis, quaſi ſponte iam nuper Moſcuam invitatos) hæc arte reprimendi, aliòquè avertendi. Iam edocti præſenti ſuo malo, fortunam belli æquè Suis ac Vicinorum rebus dominari, modeſtiores quàm antè, Regi Poloniæ ſcripſerunt literas.

Polonus curâ Suetici belli, Comitiorumq; implicatus, omnia ſua ad Pruffiam & Curlandiam converterat ſtudia: ideò nec tam repentinis Suis ſucceſſibus bello promovendis, adeſſe poterat; cùm inſuper domeſticis ſuis malis (nam miles etiam Ducum exiit imperium) diſtraheretur. HAN quoq; Krymenſium Regulus memorabili contentus victoriâ; perfractiſq; circa confinia Moſchoviæ munitionibus, numeroſiſſi-

Cur Po-
loni non
urgent
Victori-
am.

rosissimâ hominum abactâ prædâ, rediit in Tauricam. Rex quoq; Poloniæ IOANNES CASIMIRVS, nova & mira tunc circa electionem CONDÆI, Se vivente instituendam, invitâ Rep: arripuit consilia, potius quàm belli promovendi.

Moschovia verò præsentissimo liberata naufragio, cæforum Nomina describi, funebres haberi honores; Ducem *Požarscium* (& ad caritatem suorum, & ut promptius pro Principe cæteri periculum adirent) in numerum Martyrum referri; vitam eius & *Canones* (ut illi vocant) conscribi, quò magis pateret omnibus Cæso præstitus honos, decrevit. In fontes verò cladisq; reos, ac in primis *Trubeccium*, infallibili capitis poenâ animadvertendû destinavit. *Trubeccius* cùm iam Moscuaè publicè proditor audiret, dignitatem suæ excusationi addere, Moscuaè reditum retardare, Tartaros causari; interea Procere pressare munibus; & missis ad exuendam fidem, corruptoribus, Kozacos hostes emercari non desistebat.

Anti-

Požarscius in numerum Martyrum relatus.

Antiquissimo siquidem usu receptum erat in Moschovia, Duces belli percuti securi, si improspere eventu rem gesserunt; chordis cædi. Gubernatores, si fame adacti, fortalitorum paciscuntur deditioem: si pavore & belli formidine, capitis, aut per conniventiam egregiè chordis cæfos exilio damnari. Iamq; senescentibus odiis, felix eventus publicarum rerum, lapsas res *Trubeccij* in Aula sublevavit: nam Kozacorum animi, Græcâ levitate rebelles & mutabiles vivere assueti, pulso *Wybowscio*, multis Polonorum trans Borysthenem hybernantium excisis, iterum operâ *Trubeccij*, in partes Moschorum transfierunt.

Hoc rerum successu, ac novis Copiis quinquaginta millium, intra trimestre conscriptis, iam animis elati Moschi, à pace penitus abhorreere cæperunt. Mittitur in Poloniam Ablegatus *Sieliverstiew*: hic vltiores nectendo moras, obijcit iura Legationum violata in intercipiendis Moschoviticis Legatis ad Kozacos dimissis, aliasq; causas non causas opponit, dum

N

remo-

Kozaci iterum transeunt ad Moschos.

remorari intendit Legatorum utriusq; Gentis congressum (quàmvis præteritus Ablegatus, fore in Novembri congressum, publicâ fide, & colloquio publicè instituto declaraverat) quò verò gratior foret in Polonia hospes, petiit à CORVINO, obtinuitq; Recommendatorias.

Vkrainâ in formam Provinciæ redactâ, Trubeccius in Urbem pervenit. Magnus Princeps adnitentibus Proceribus, honores Ei (scilicet quòd non desperaverit de Rep:) & præmia Victoribus dari solita decrevit. Reduci Aulicus comitatus extra Urbem occurrit, ac perhonorificè, utpote clarum bello paceq; Ducè, ad Castellum deduxit. Post resignatas Tutelares Imagines in manus Principis, humanissimè exceptus, arce Trubecko donatus, mensæq; Principis adhibitus. Quàmvis verò vix ipse cladi superstes, quòd in pretium iam occupatæ gloriæ ostentaret, non habebat, nisi salutem suam tot Suorum funeribus superstitem, triumpho adscripsisset; nihilominus signa viginti, totidemq; ferè Polonæ Genis Captivos, à Ko-

zaxis

zaxis Czernichoviæ, Pereaflaviæ, Nizyni in hibernis oppressos, in illo suo triumpho duxit.

Solutis non vano timore Moschis, solutum est quoq; excubiarum circa CORVINVM studium: liberiùs itaq; ac liberaliùs, (nam augebatur ex variis locis) clandestinum tamen, commeabat literarum commercium. Raphano inclusam, alter butyro insertam, attulit chartam. *Rediisse ex Polonia Ablegatum Zelabuscium hominem ingratum, immemoremq; hic sibi à CORVINO, illuc ab Eius Amicis præstitorum officiorum, novas excitare illi molestias, ciere bella, Moschorum animos accendere. Non longè abesse Regiù Ablegatù IOANNEM KORSAK Succamerariù Polocensem: Bychorviam quoq; per proditionem cessisse Moschis. &c.* Eventus probavit fidem: redux enim ex Polonia, fabulosis narrationibus (inde sibi crescendi materiam, & quæstum aucupaturus) & ad placitum Gentis, assentationibus aures implevit, commemorando Poloniam multiplici bello enervatam, Suetico penè infinito ob Colligationem Austriacam, implici-

N2

tam

*Reditus
Ablegati
ex Polonia.*

tam: nullos in promptu haberi conscriptos Exercitus, nec posse conscribi: quàmvis Regnū bellis plenum sit, nihil tamen minùs quàm bellum cogitari: ante omnia quo maximè moveri credebat Moschorum animos, Remp: exhaustam, auri argentiq; defectu laborare. Deniq; Regem ætate, perenni; bellorum & curarum mole consumptum, non longævam trahere vitam: omnia in Polonia in Interregnum, in bella, in fatales ipsismet motus inclinare. Ex mandato Principis ad CORVINVM admittus, eadem miro fastu, mendax iactabat. Datâ ei in Senatu fide, Magnus Dux, incunte hyeme Chovanfcio cū Plefcoviensibus, Novogrodensibus, Lucensibus, Toropccnsibus, Polocensibus Copiis, Lithuanicam expeditionem indixit, & quò alacriùs in destinatum bellum, strenui Ducis animum impelleret, sex è suo Prætoriano peditatu Legiones prædictis Copiis adiunxit.

Appulit tandem Moscuam 20 Novemb. Regius Ablegatus. Is humaniùs quàm retrò alij, ad Principem admittus, CORVINVM con-

venire

Chovanfcio in Lithuaniam destinatus cum E. exercitu.

venire, Ei literas è Patria quascunq; attulisset intactas, simul mille aureos consignare, ~~Reverendum~~ Patrem *Samuelem Kuderowski* è Societate IESV (qui peragendis Sacris Moscuæ, vltro se ad carcerem, suamq; operam desponderat) adducere cum sacro apparatu, aliâq; suppellectile adiecta permittus. Iam non exiguam manum, magni momenti Præcautionum in Poloniam mittendarum, integro hoc anno, hinc inde collegerat CORVINVS supra modum suspiciosam. Cui concederet deferendas? quâve ratione? apud Gentem (practicato aliàs exemplo) scripta Legatorum quandoq; vi scrutantem, non vanus subibat metus. Vicit metum amor publici boni Patriæq; , nam (postquam per *Losowscium* Supremo Cancellario clavim Arithmeticam, clam transmisisset) prædictas Præcautiones descriptas, in promptu haberi mandaverat. Iam nunc venienti Ablegato, inter officiosas salutationes ab vno familiarium in manus insertæ, Moschis inter salutandum nequicquam fraudem sentientibus. Id cum cessisset

Regius Ablegatus.

Corvini Præcautiones mittit in Patriam.

fisset ex voto, maioris momenti postmodum conscriptæ, iam discessuri Ablegati Filio, inter amplexus & mutua officia pari fraude & successu porrectæ. Nonnullas annectam.

Consiliorum Moschoviticorum hæc meta est, ut Tartaros muneribus corruptos, à Societate belli Polonici avellant. Tum omnibus conversis in Ukrainam viribus, iuncti Tartaris & Kozacis, de summa rei decertare intendunt.

Novis Copijs coactis, consilijsq; depromptis, ablatorum restitutionem urgere; immo iam per Chowanscium residua eripere decreverunt.

Brevi expediendus in Lithuaniam Chowanscius, bello decernet, priusquam tractatus accelerabuntur; nec prius movebunt hinc Legati, quam de eius successu edocti, hic formarent Pacis conditiones.

Vobis itaq; expedit, Tartarorum firmare animos, & amicitiam: damna ab hostibus inferenda, celeritate antevertere.

Tartaros firmabitis liberalitate & persuasione: si cum hoste opulento pacisci noletis, nã stipendia eis numeraverit: si Tartarorum Kazanensium & Astracha-

strachanensium (quòd unice Moschi metunt) libertatem proponetis. Expedit quoq; Tartaros de Commissione praeavere, ne sint suspecti tractatus Pacis inter Poloniam & Moschoviam, tanquam sibi præiudicio futuri. Quam suspicionem in Tartaris excitare nituntur Moschi per suos Ablegatos, cetera largitionibus apud Tartaros perficere sperant.

De expediendo Ablegato quatuor septimanis deliberatum: Veterine sumendi essent Spiritus? *Consiliu*
an incerta belli Fortuna, Pacis consilia præferenda? *Moscho-*
Media via placuit. Literis quidem modestè scri- *rum.*
ptis, locum congressui Legatorum, non Moscuam, sed Borissloviam & Minscum destinârunt, Chowanscio interim officium, non interrupto bello, continuisq; cladibus premendæ Lithuaniam, (cui tunc etiam Sueticum bellum gravi mole incubuit) impositum. Scriptis conformiter, initia tractatum, studio à Moschis ad mensem Aprilem distracta: sed Chowanscius primâ hyeme prætergressus Lithuaniam, Grodnâ per deditioem occupatâ, ibidem eâ quam faventior Fortunâ belli concesserat quiete, ad corpora

corpora reficienda utebatur. Redux interim ab Aula Polonica *Sielwerstius*, cum officiosa salutatione inuisit *Chowanfcium*, collatisq; de statu Polonicarum & Sueticarum rerum conferendis, magnis itineribus Moscuam repetiit. Sed iam illa omnia, quæ *Chowanfcio* communicaverat, dum Magno Principi communicanda parat, ab alio celeriori præventus obsequio, nota invenit; dumq; reversus in Patriam, affectus Principis, plaususq; populi præstolatur, citra spem improvidæ tarditatis pœnas accipit. Cum literis ex Patria missis, attulit **CORVINO** idē Ablegatus, duo affabre facta aurea horologia, nonnullaq; supellectilem. Manuscripta non indigna Principe iudicans **CORVINVS**, ut Careus Marschalcus *Theodorus Rtiszew* vetus amicus, dignaretur suo Principi offerre, per *Pristarum* crebrius interpellabat. *Rtiszewius* nunc morbum, aliquando graviora Principis obsequia simulans, hoc genus officij detrectabat: tandem res patefacta à quibusdam Moschis addictioribus, per clandestinas schedulas:

*Munera
Goservij
cur non
accepta-
ta.*

inane

inanes esse, in offerendis Magno Principi muneribus, Eius conatus: quandoquidem Amicorum Principum munera, metu incantationum, diu sacris orationibus lustrantur, priusquam in manus Principis perveniant: exacerbatum carcere Captivum, eiusq; Amicos, ne simile quid moliantur, venire in suspicionem.

Annis ferè duobus aberat ab Vrbe **NICON** Moschoviæ Patriarcha. Iam nunc diuturni impatiens exilij, (quod sibi ultrò indixerat, fremente populo ob receptos in tutelam Principis, eius arbitrio, Polonorum rebelles **Kozacos**: ob conflatum inde eius consilio bellum contra Polonum: ob exotica studia linguæ Latinæ, & in Ecclesiam tantum per eum introducendum) postquam ad instantiam Cleri & Procerum, nec Patriarchale Officium resignare vellet, nec alium sibi successorem substitui concederet, invitatus à Principe & Proceribus, hâc hyeme Moscuam redibat. Infensum sibi populum conciliaturus, simulat pietatem, exemplo Apostolico, cænâ appositâ viatorum pedes abluit, ac belli excitati reterquens in Princi-

*Patriar-
cha in
Vrbem
reditus.*

O

pem

pem odia, quasi inscius rerum, inquit, num pax cum Polono coaluerit? Negantibus, altum ingemiscit: sanguinem Christianum, rem Sacram per ludibrium profundi, nec aliam tanti profluvij, quam Smolensci Urbis dubiam prostare mercedem, aut bello durissimo diu gesto, hoc unum acturam Moschoviam, ut pacem impetret, aut redimat. Vno ferè momento plurimorum odiis obnoxius, defertur Concitator Seditionis. Princeps indignatus, eadem ipsa nocte, Patriarcham ad suum Monasterium, Hierosolyma nuncupatum, redire iubet; nisi pareat, seditionis reum, è Senatùs arbitrio puniendum edixit. Paret edicto Principis Patriarcha, Urbem vix ingressus, egreditur, in edictum Monasterium se recipit, in eoq; septennale sustinet exilium. Anno deinde millesimo sexcentesimo sexagesimo quarto, Magnus Dux indicta generali Synodo, Græcorum, Moschovitarumq; Metropolitae, Episcopis, Abbatibus, ac universo Clero; tum Proceribus, populoq; in unum coacto, citatum Patriarcham amovere Officio, ceu hominem turbulentum, suisq;

*Iterum
amanda-
tur in e-
xilium.*

suisq; rebus infensum, decrevit. Citatus, à Clero Moschovitico, utpote filijs suis spiritualibus, à Græcis, utpote pecuniâ corruptis, se iudicari non posse, respondit. Solum Pontificem Romanum, Patrum Patrem, Sanctæ & incorruptæ, nec venalis conscientia, (& ut eius verbis utar) cui non Græca anima, super se habere potestatem, professus. Insuper contra Synodum congregatam, prompsit anathema; idè etiam in ipsum Principem Authorem Synodi, Filios, totamq; Stirpem, (nisi desisteret) Clerum, & populum, vibraturus. Minantibus exilium Seleucense, respondit: se etiam pro subeunda morte esse paratum. Hæreticum quidem Moschi tunc proclamârunt, sed metu excitandorum augendorumq; per cum motuum, quietum vivere ibidem permiserunt. Cùm verò non desisteret concitare odia, incomparabili sumptu Antiocheum, Alexandrinum, Patriarchas ab Oriente, Princeps evocari curavit. Hi convictum multorum criminum, Officio absolutum, in Monasterium ablegârunt Anno millesimo sexcentesimo sexagesimo septimo.

Multa alia corrupta in illa Ecclesia, ab his Patriarchis, immutata, correcta, addita conformi doctrinæ SS. Patrum.

*Aliqua
de Reli-
gione &
de Riti-
bus Mo-
schorum.*

Siquidem pluribus iam antè locis rerum Sacrarum notitiam (ut nihil ad historiæ perfectionem desideraretur) posteritati relinquere allaboravi, nec id à Politico Scriptore censeam alienum, cum longè plures ante me idem fecisse inveniam: facturum me operæ pretium existimavi, si aliqua de Ritibus Moschorum extrinsecis, non ficta, sed quæ ipsemet in libris Moschoviticis legi, quæq; inter Moschovitas degendo, primùm quadriennio Captivus: deinde quinquies Abligatus Regum Poloniæ, IOANNIS CASIMIRI, & IOANNIS III ad Magnum Moschoviæ Principem, observavi, breviter attingerem.

*Origo
Religio-
nis.*

Inprimis notandū, perdifficile posse indagari genuinum Ritum, in libris mirum in modum fabulosis, quos tamen pertinacissimè tuentur, vocando *Pravidla Otcon Sviatych*, id est Doctrinæ SS. Patrum. Certum est, circa Annum nō-
gente

gentesimum, per invectionem Nominis Christiani Kioviam, eiusdem cultum per universam Russiam latissimè propagatum. Baptizantur *Baptis-
mus* Moschi trinâ immersione. Ruthenos omnes, & Clerum (scilicet qui Regi Poloniæ subsunt) hucusq; baptizabant, antequàm interdicto Patriarcharum Orientalium eiusmodi erronea baptismi iteratio inhiberetur.

Avulsionem suam ab Ecclesia Romana, ob *Diviso
Ecclesia-
rum* hanc causam firmissimè asseverant, quòd quispiam *Kapernos* Papa Romanus raserit barbam. *Antonium* Metropolitam indignatum facinorosi Pontificio, Sacros veridicos libros lapidi molari superimposuisse, quo conscenso, per vastissima maria navigasse, ac tandem Nowagardiam appulisse. Septem Concilia & Pontifices Ro- *Concilia* manos illius ævi recognoscunt & approbant, cætera detestantur & reiiciunt.

Nullum, ne Græci quidem idiomatis, vel *Litera-
rum cul-
tura.* saltem Sclavonicum aut Ruthenicum exercitium literarum publicè colitur, æquè populus ac Clerus, Sacrarum profanarumq; artium rudi-
dis

dis, scire legere, sufficit Sacerdoti. Conciones, discursus, Controversias de fide, nullas audiveris. Archipresbyter Muromensis prædicationem Concionum inchoaverat: ob id facinus à Patriarcha percussus anathemate, & in Sibiriam exul cum sociis pulsus.

Conciones.

Sacerdotium.

Nullus Sacerdotio præbetur honos; immo convitijs, pugnis, & virgis passim in eos sævitur. Contigit (me præsentem Moscuæ) unū villanum Presbyterum profugisse; Sacris initiatum, post annos quatuor, suus herus diu quæsitum eum reperisset, dempto Sacerdotali pileo (nam eo tantum à vulgo discernuntur) agriculturæ applicuit. Nil ignobilius filiis Sacerdotum, qui nonnisi ad Ecclesiastica vel Cancellariæ munia applicantur. Mortuâ uxore, Sacerdos privatur Ecclesiastico beneficio, sed vel Monasticam, vel privatam vitam absq; Sacerdotio (veluti suspensus à Sacris) profiteri cogitur: innovare secunda vota matrimonij, nefas est. Monasticum institutum amplecti, absq; consensu Principis aut Potestatis non licet

Monachi.

cet: ex Nobilitate potentibus, assensus rarius conceditur, nisi cupiam emerito, aut illi qui in extremo periculo valetudinis, sese voto obstrinxit. In tali casu uxor sua obligatur ad porrigendam novaculam, quâ sui mariti capillitium radatur, quasi conjugali voto eum liberatura. *Thimothæus Wtadyka* in tali casu Monasticam vitam, postea Episcopalem professus, propriam uxorem ipsemet elocavit. Monachi & Moniales claustro non continentur, sed vicissim sese adeunt, invisunt, morantur per aliquot dies & noctes. Carnium tamen esu perpetuò abstinere tenentur. Similiter sæculares, diebus ieiuniorum, etiam in periculo mortis, vesci carnibus prohibentur.

Cultus Sanctorum, mirum in modum apud illam Gentem viget, circa recentiorum delictum, & inquisitionem in vitam & miracula, nullus rigor: idcirco haud procul fabulis, plurimæ inveniuntur traditiones. Dicuntur *Plescoviæ Dowmanto* miraculis claro, dari consuevisse à Civibus omni septimanâ novæ ocreæ, quam

Cultus SS.

quam cū neglexissent aliquando consuetudinem, prodiisse in publicum, obiurgatoq; populo, indixisse hostilitatem Polonorum, quæ brevi sub STEPHANO Rege Poloniae secuta est. Ab eo custodiri & circumiri mænia, exesæ ocreæ, quàmvis mundæ indicabant.

*Traditi
oes va-
ria,*

De Sergio, de Andrea Krycki trecentarum monialium violatore, lepidæ narrantur fabulæ, Polonos in oppugnatione Pieczarensis & Mozayscensis arcis, fingunt excæcatos, cū tamen Mozayscū, & ipsa Imago pervenerit per belli rationes in manus Polonorum. Ante quadragesimam observatur in tota Russia, octiduo ieiunium cum lacticiniis: eius originem hanc uniformiter nobis Russi referebant. Regulus quispiam Ircy, zelo Religionis ductus, conscripsit Epistolam ad omnes Principes terræ, quæ persuadebat veri Dei cultum. Quod verò diffideret Legatos cum honore excipiendos, canem (cuius collo literas appendit) expedit, Tantus prædicator & Legatus à lupis discerpitur. Regulus tactus dolore, quod suus zelus
absq;

absq; effectu evaserit, prædictum indixit ieiunium. Vocaturq; etiamnum in tota Russia *Ircow post.*

Tonitruum & fulminum originem, ex suis libris SS. Patrum, incognitam esse ferunt: cūquæ vulgare Metheoricam rationem recensere, illi demonstrabant, à Beatissima Virgine Matre Dei, quæsitum hac de re S. Ioannem, indixisse silentium digito ori appposito, nî vellet iterum Filium suum crucifigi. In cuius rei fidem, monstrant Icones S. Ioannis depictas, communiter digito ori apponentis. Plura similia recensere, deq; fide controversias inducere, aut inquirere non mei officij iudico: cū & ipsi Moschi indignabundi nos audirent refragantes.

Omniū in bello cæforū, Dominicâ Septuagesimæ legunt catalogum, acclamante populo *Wiecznaia pamet, Æterna memoria.* Ibidem eulenchus legitur Proditorum suæ Patriæ, populo imprecante: *Bud pereklat, Sit maledictus.*
Eucharistiam consecrant in pane fermentato,
P popu-

Ieiunia.

113

populus sumit sub utraq; specie. Ieiunia hæc observant. *Primo.* Quadragesimale cæteris rigidius. *Secundo.* SS. Petri & Pauli, inchoando ab Octava Pentecostes. *Tertio.* Assumptionis, à die 1. Augusti. *Quarto.* Nativitatis Dominicæ, sex septimanarum.

Icones.

Imaginum cultus, usq; adeò viget, ut à simpliciori populo, cultus Latriæ, soli Deo debitus, illis exhibeatur. Non priùs ad ingressum hospiti porrigitur dextra, nisi triplici Crucis signo, & trinâ inclinatione Imagines adveniens veneretur. Credunt enim Iconibus maximè propinquare Deû, inde prospectare, precesq; mortaliû, à Deo vel Sanctis nusquam propiùs audiri.

Cæterùm devotio tota consistit in campanarum tinnitu, vulgi verò continuâ inclinatione, signoq; Crucis: nullæ præterea memoriâ tenentur, nullæ typis vulgantur preces, ne oratio quidem Dominica in populo.

Energumeni.

Energumeni primùm virgis cæduntur, deinde chordis: postremò si appareat malum non fingi, cum tota domo incenduntur.

Anti-

114

Antiquiori ætate, esus galli gallinacei prohibebatur, ideò, quòd more Bissurmanorù cõplures simul alat uxores. NICON Patriarcha, eius esum indulgit: sed leporis (quem cani consimilem & cognatum censuit) & columbi (Spiritum S. repræsentantis) carnibus interdixit.

Saccharum lacte conditum esse censuit, idcirco ieiuniorum diebus saccharo interdicitur.

Vxores tres successivè alere vivas, liberum est, sed hæc lege, ut si prima & secunda & tertia displicuerit, in Monasterium ablegentur. Quarta, lege & pœnis negatur.

Moribundi radant capillos, induunt habitum Monasticum: hinc per octo dies non adhibentur ægris medicamenta; asserendo, illos iam esse ex numero Angelorum.

Mortuis, ab Episcopis aut Parochis dantur literæ passus, his verbis inscriptæ: *Ego N. Metropolitæ Civitatis N. significo, quòd hic NN. vixerit inter nos ut verus Christianus, & quanquam commiserit aliqua peccata; nihilominus Confessione expiatus, absolutionem, & Sacram Communionem*

P2

acce-

Vxores.

Moribundi & mortuis.

accepit. *DEVM* reveritus debito modo, & eius Sanctos. Ieiunabat & orabat iuxta præscriptum. Me quoq; Confessarium suum coluit, qui eum absolvi à peccatis. Idcirco do ei hæc literas passus, demonstrandas S. Petro Apostolorum Principi, & aliis Sanctis, ut sine impedimento, permittatur intrare per portam Gloria. Huiusmodi literæ, digitis mortui inferuntur. Purgatorium negant, sed locum quendam detentionis assignant *Mytarstwo*.

Hæc de Religione Moschorum extrinseca sufficiant. Internam, & quâ in re cum Romana dissideant, describant rerum Sacrarum periti.

C A P V T V.

Valida Moschorum expeditio & clades ad Czudnoviam, Biasiam, Czereiam

Anno
1660.

INfelix anni huius initium **CORVINO** dedit, inter nefastas numeranda, secunda Ianuarij dies: quâ scilicet, diuturno squalore carceris, innumerisq; afflicto ærumnis, extrema ferè incubuit ægritudo; oppressura profecto,

etò, nisi in Virum incidisset, omnibus quæ ab adversa Fortuna immitti solent, fortiorem. *I. Ilysi tan-*
 etò Paralyti, omnibusq; capto artubus, parum *gitur.*
 abfuit, quin dies illa suprema vitæ extiterit. Spectabat attonitus, subitanam morbi gravitatem, adstans *Prixtovus*. Sed ut de periculo sui Captivi Cancellariam admoneret, (ne stationem suam deseruisse iudicaretur) magis suo tergori, quàm Generalis Captivi vitæ metuens, persuadere sibi non potuit. Ægrè nocte illâ infomni, omnibus sollicitis peractâ, postridie, nec simulatum, nec levem morbum manifestè videns, *Milostanscio* Supremo Statûs Ministro defert, communem Captivum extremè periclitari. Ingressurus viam universæ terræ, quiescebat: atq; iam supremas illum agentem curas, mæstus dolentium sociorum cætus circumstipabat, pressumq; corde dolorem parentibus iam ferè lacrymis testati, redeundi in charissimam Patriam, & in avitam libertatem, spes omnium, cum uno Duce extingui, querebantur; cum de adventu *Simeonis Streszniom*
 Avun.

Nomine
Principis
salu-
tatur.

Avunculi Magni Principis nuntiatur: strigatus honoratioribus sex Personis, domum & cubiculum ingreditur: levare lectulo, ad suam Legationem excipiendam, iubet. Cum se non posse levare diceret, surgere tamen oportere, aiebat Legatus: tandem ex vultu decumbentis, adstantiumq; mærore, cognita non vulgari ægritudine, ex mandato Magni Principis ac Domini &c. &c. Se advenisse effatus, Eiusdem Nomine, ut valeret? ut viveret? requisivit. Eius mensam mox adferendam, Medicum adhibendum, denuntiavit. Actis gratis pro Clementissima Salutatione, spirare Se adhuc DEO volente, respondit. Nec affligens moribundum importunis colloquiis, discessit. Adferuntur deinde longo ordine viginti quatuor patinæ, ex mensa Magni Principis, popularium usu & condimentis, ferculis liberaliter onustæ. Item duodecim vasa, diverso vino singula repleta, Hispanico, Gallico, Rhenano, Medone vario, aceto, cerevisiâ, à milite portantur. Omnium postremus, qui ardentissimè expectabatur, Medi-

cus

cus *Andreas Engelhart*, è Prussia oriundus, in arte Medica apprimè versatus, adducitur. Colloquium de statu valetudinis, præsentem Interprete, & *Priſtavo*, institutum. (Cremor tartari, movit eis suspicionem colloquij de Tartaris.) Medicamenta ex Pharmacopæo Ducali, omniaq; requisita liberaliter promissa, dataq;. Medicus per schedulas vocari, venireq; quoties oporteret, iussus. Ab hinc in cubiculo non Moschorum, sed familiarium Concaptivorum, perenni diu noctuq; insomni solitudine, CORVINO invigilabatur. Unusquisq; Comilitoni, Duci, Concaptivo, Domino, insomnes continuifq; vigiliis ærumnosas noctes perhibens impendebat. Cuius unius fato, omnium in carcere foret extinguenda libertas. Affectio paralytica, operâ Medici submota est; nihilominus maximè diurnam, exituq; ferè lethalem Scorbuticam lœnem contraxit, quæ quàmvis repetitis remediis domita videbatur, id tamen solatium, plerumq; decem aut quindecim dierum spatium, terminabat.

Attri-

Attritis distractisq; variò Polonorum & Lithuanorum viribus, necdum confectâ cum Suecis Olivenfi pace, *Chowanscius* infesto exercitu Lithuaniam invasit. Grodnâ, Lidâ, Słonimo, deditis, (quò magis securos redderet hostes) armistitium sancivit. Proximis diebus, profectus magnis itineribus, famam & vestigia castrorum sequens, ALEXANDRVM POLVBINSKI multis expeditionibus bellicis, Victoriisq; Clarissimum aggressus, validâ manu repressit, ac retrò Bugum egit: MICHAELM OBVCHOWICZ & ipsum armis insignem, superatum, & captum Moscuam misit: OGINSKIVS cū parva manu ad Krynki (dum vanâ sine viribus irâ, loco & armis diffiti pugnant,) pariter superatur. Vnâ celeritate & Copias Lithuanorum, recentis fæderis fide securas, cepit; & Brestiam, extemporaneis operibus vix dum munitam, iustoq; carentem præsidio, aggressus, apertâ vi occupavit. Oppido impositum præsidium, Civitas incensa, præda quâquâversus acta; villarum incendia, in profundâ

*Chowan
scij fraus*

fundam Masoviam prolata. Tandem Exercitui reditus Borissoviam ac Minscum versus, (congressui Legatorum destinata Oppida) indictus, quò feliciorum pacem his successibus elata, conficeret Moschovia. Iam pridem gravi faucibus curâ, Suxæ Domui, Pupillisq; metuebat CORVINVS, ne præsentibus malis, ipsâ celeritate (quâ tunc omnia geri, præveniriq; Tractatus edictum est) involverentur. De serie rerum omnium, & quâ ratione, Sui evaserint periculum, clam edoctus, remisit sollicitudinem.

Schedulæ huiusmodi crebrius, immo indies à plurimis Amicorum, (quos aut communis calamitas, aut ius hospitij concessi, è Moschis, Germanis, Polonis, addictos fecerat) cæparum succo, aut citrorum scriptæ, illæ igni admotæ, hæ aquis immersæ, aperiebant secretum. Porro quò secretius fraus occultaretur, aromata, sericum, papyrus emenda aut emptâ involvebatur, hæc ratione Moschis *Prisavis* tot, ne suspicantibus quidem, isthîc ali-

*Chowan
scij Bre
stiam per
netrat.*

*Clandestini com
mercij
modi.*

Q

quid

*Natalis
Filij
M. Du-
cis, Si-
monis.*

quid subesse fraudis, latoribus primùm pecuniã corruptis, publicè concredebantur perferendæ. Eâ tempestate Magna Moschoviæ Ducissa Fili- um SIMEONEM enixa est; qui postea ma- gnæ fabulæ erit occasio, Anno millesimo sex- centesimo septuagesimo quarto. Post solennem campanarum sonum, (nam hæ solæ omnis pu- blici gaudij, Victoriarum, Festivitatum, sunt in- dices) invisit GOSIEVIVM Secretarius Camerae Ducalis *Diamentius Baczmakow*; auream vestem, pileum è vulpe nigra præaltum indu- tus: *Magnum gaudium*, (cùm crederemus Nos libertati afferendos) *Magno Principi ac Dño &c. &c. Filium natum, denuntiavit.* Vetustissi- mus mos Gentis, Cubicularios Principis, ad Exercitus, Legatos, Proceres, Civitates etiam remotissimas, hoc gaudium (uti ipsi vocant) denuntiaturus, amandare; illiç donari. Postri- die Proceres, Neo- natæ Principum Soboli, af- fectus suos testaturi, magnifica pretio & splê- dore munera, ad conclave Principis ferunt, humaniterq; æquè ac liberaliter à Principe donan-

donantur. Cives, mercatores, tertiã die, su- am quoq; in oblati muneribus proponunt subiectionem; sed indonati recedunt. SIME- ON Princeps paulò post præpropceris sublatus fatis, sequenti fabulæ dedit occasionem. Compa- ruit quidam in Ukraina juvenis annorum ferè viginti, Nomen & Personam SIMONIS u- surpans, afferensq; , pio dolo unius famuli se ereptum crudelitati Novercæ, Procerumq; si- bi quidpiam imperiosum, de eius indole, eti- am in puero metuentium. Experti iam Moschi non sine gravi sua infelicitate, domesticisq; tumultibus, eiusmodi crevisse imposturas: qua- re ut malum in herba suffocarent, incompa- rabili sumptu effecerunt apud Kozacos, suos- met sequaces, ut personatus ille Princeps, Mo- scuam per eos deduceretur. Quò adductus, e- tiam manibus pedibusque præcis, constan- tissimè usurpabat sibi Principatum: ac inter e- as affirmationes, capite truncatus, paloq; infi- xus est, vigesimâ septimâ Septēbris, Anno Mille- simo sexcentesimo septuagesimo quarto. Pro- docu-

*Eiusdē
obitus.*

*Impostor
quis?*

documento referebat nonnulla arcana domestica Magni Principis: nec deerant in populo, qui illi suffragarentur. Sed *Artemon Serbeiewicz*, iam nunc Supremus Minister Statûs, eum fuisse oriundum Poltawâ Ukrainnicâ; in spem verò excitandorum tumultuum Moscuæ, (ad instar olim *Demetrii*) instructum fuisse hisce artibus à *Sienkone Razino* rebelli Astrachanico, retulit mihi; cum ibidem Nomine Serenissimi IOANNIS III Electi Regis Poloniae, agerem Ablegatum; denuntiando Eius felicem Electionem, & urgendo contra Turcas, armorum coniunctionem. Constans tamen nunc inter Moschos fama esse dicitur, eum genuinum fuisse Principem SIMONEM. Sed de his non controverto.

Anno recurrente instabat Palmarû Dominica: quominûs pompæ Sacrae spectator CORVINVS in publicum prodiret, recentiq; annuatim frueretur aurâ, continua affectio valetudini adversa, vetabat. Maior suberat metus, ne Moschi eo viso, Medicis (nam & alter, *Leo Lacesinius* Roma-

Dominica Palmarum.

Romanus, superadditus) accessum interdicerent: nisi enim aliquis decumbat, infirmus non censetur. Vt verò MICHAELI OBV. CHOWICZ recenter hospiti Captivo, cæterisq; Serenos Magni Principis oculos, intueri à longè liceret, per *Pristavos* facilè impetravit. Eâdem pompâ, quâ anno elapso Festivitas celebrata; nisi quòd Ducales equi duo Turcici, ante egressum è Castello, præsentarentur. Cæterum peditum ac populî frequentiam longè præterito, hic annus inferior. Ad conspectum prodeuntis è Castello Principis, venerabûdi, more omnibus usitato, inclinavimus capita. In Castellum redeunte, deducti domum.

Quò celsius assurgeret, ante lapsum infollescens Fortuna *Chowanseij*, auctum esse viribus recenter, voluit Princeps: iterum enim quatuor suas Prætorianas Legiones; insuper Generalem *Zmiow* è tractu Czerniechoviensi & *Hölési* in castra eius delegavit: quâ re & exercitû ad maiora audenda, & eius animû excitavit. Ne *scig* victoriæ ponere modû, cum iâ nil sibi crede-

ret

ret impervium, spe ingentis prædæ, Lachowicze SAPIEHANM, Nieświesz RADIVILIANVM, fortalitia; utrumq; egregiè munitum, aggredi & expugnare statuit. Admotis propiùs castris in Novogrodensium Lithuanorum agrum, vicis & prædiis cladem, fortalitiis obsidionem intulit. Utrobq; vallo deiectis Moschis, multisq; illatis cladibus hosti, egregiè propugnatum. Regij Legati per medios hostium cuneos, inter flammæ & cædes, Miniscum pervenère. Moschovitici iam quidem Borisslovizæ constiterunt; verùm secundis successibus intractabiles, (& quòd reliquam infallibilem victoriam *Chowanscio* pollicerentur) Paschales ferias prætendentes, ad quindecim dies distraxerunt tractatum. Ac quò magis insolens eorum foret Legatio, Kozacos rebelles, in socios eius congressus, sibi adsciverunt. Dari insuper suo Principi titulos Albæ, Minoris, & totius Russiæ, ante Tractatum exigebant. Deniq; ne ab ipsis etiam Regiis Legatis (qui iure Gentium Sancti sunt) violandis, absti-

*Insolentiaribus
secundis.*

abstinere decrevit, Moscuæ secreto consilio. Indignum id Polono Nomine (ut in re erat) videbatur, suos rebelles (cùm res geritur inter pares Solio) de quibus lis agebatur, parem secum capeffere locum. Albæ, Minoris, totiusq; Russiæ, cuinam competerent tituli? vel præfenti Legatione, vel proximè instante bello concludendum. Hæc aliq; infinita protrahendo congressui, augendisq; per tot moras successibus *Chowanscij* idonea, Moschorum Legati proponebant: *Chowanscio* interea pacem artibus belli urgente. Sistere armorum cursum, accelerata pace satagebat CORVINVS Moscuæ: sed adeò intumuerant Moschorum animi, ut non erubescerent, per *Prstavos* dare responsum: *nil Eum arma & pacem concernere, demptâ Legati & Ducis sorte.* Is demùm annus Rempublicam, longo adversus Suecos bello, absolvit. Igitur detractis Moschoviæ, belli fociis, in Polonia & Lithuania tanto fervore & furore contra Moschos bellum apparatus, ut suprema Moschoviæ iam propè adesse

*Ex secreto
consilio.*

adesse fata, non vanis proclamaretur anguriis. Rex, indomita pœne insolentiâ *Chowanscij* per-
motus, PAVLVM SAPIEHAM Lithuanicarū,
STEPHANVM CZARNECKI Polonicarum
Copiarū Ductorē, cōtra elatū recētibus trophæ-
is hostem, expedit. Ad Polonkâ Regij Duces
castra locârunt; quibus *Chowanscius* relicto in ca-
stris quinq; millium peditatu, cum illo suorum
numero, plenus non spei, sed Victoriæ, obvi-
us processit. SAPIEHA & CZARNEC-
CIVS, *non de libertate solūm agi, sed totam Polo-
niam, Lithuaniam, Russiam, Victori prædam fore:
par periculum Victis instare; neq; ullum effugium pa-
tere, & supremo sublato auxilio, supremo Patri-
am exponi excidio, illumq; diem servitutis aeternæ ini-
tium fore,* Militi proposuere. Deinde CZAR-
NECCIVS omnes requisivit Copias, *num pro Pa-
tria fortiter agere, aut tutiora sequi vellent?* Cū
omnes se morituros in acie profiterentur, e-
quo & ipse descendit, & militem descendere
iussit. Accensi non minùs in pugnam, quàm
in Heroicam mortem stenuè subeundam (si ita
adver

adversa Fortunæ alea definiret,) militares ani-
mi, omnes primū exemplo Ducum in genua *Chowan-
ski proflē-
gatur.*
provoluti; dictâq; oratione Dominicâ, alacres
pro Gloria DEI, arma expeditaverunt. DEO
itaq; votis supplicum favente, acti hostium cu-
nei, submotæ acies, effusus in fugam hostilis
equitatus, peditatus in acie omnis deletus:
Campi Marschalcus *Simen Sczerbaty* vivus in
potestatem CZARNECCII devenit. Ipse
Chowanscius desperatâ defensione, citato cursu
castra sua vineasq; prætervectus, (peditatu so-
lūm in castris residuo monito, ut sibi consule-
ret, quâ posset arte) plena omnis Fortunæ pu-
blicæ privatæq; Victori reliquit, ipse pernici
fugâ Polociam evasit.

Moschorum Legati, pacis belliq; *Chowanscij* *Legato-
rum præ-
ceps fuga*
casus secuti, etiam fugam eius non deserentes,
abiectis omnibus impedimentis, in fugam si-
mitem sese coniecerunt, compendiosis itineri-
bus Smolenscum delati, ibi primū respirâ-
runt. Moscux (ubi acceptæ cladis fama per-
crebuit) trepidatum est. Magnus Princeps
R pullâ

Moscuæ
trepida.
tio.

129

pullâ fasciâ caput præcinctus, eam cladem peracerbè se ferre testatus. Cuncti de salute Moscuæ metuebant quidem, sed interstitiis locorum freti, spem interea reparandi belli resumebant. Smolensci Legatis vivere, ac si Polonica arma finibus imminerent, pacis media obiicere, ac depromere, iniunctum.

In publico suæ Reipublicæ luctu, Senatus Moschoviticus, CORVINVM de secundis Patriæ successibus lætari non permisit: idcirco adhibitis numerosioribus excubiis; mercatorû, opificû, omniûq; exterorû accessû, excubitorum etiâ sine focio ingressum, ad interiora, & clandestina colloquia, arcenda edixit. Literas à CYPRIANO BRZOSTOWSKI M. D. L. Referendario, & pro tunc Plenipotentiaro Legato, CORVINO scriptas, (quòd continerent, quadringentorum Nostrorum Cataphractorum Equitum vi, omnes perfractas, submotasq; Moschorum acies) Princeps à se discerptas, in proprium abdidit sinum. Insolita excubiarum ratio, vigilantiaq; magnum a-

liquid

130

liquid geri indicabat: res primùm inter additiore Nobis vigiles, paucis explorata, demùm per aliquot schedulas, plenè cognita. Dolebat quidem CORVINVS, câ victoriâ solutum pacis Tractatum, à quo Sua dependebat libertas, nihilominus privatam suam calamitatem, Regis Sui Gloriæ, communi Patriæ solatio, gratulabundus condonabat; præsertim cum perenni victoriarum cursu, (si Polonicæ Copiæ Vrbi admoverentur) acceleratum iri suam liberationem, non desperaret. Ab hinc tractabatur quasi civilius, nomenq; Legati Ei passim in Vrbe tribuebatur; sed cum Procerum animi flagrarent, & recenti in Polonos odio; & antiquo in CORVINVM, (quia post Vilnam captam, Hannibalem vincere prohibuit, ut nunc vinci posset) apud Principem falsò accusatus, ex delatione Alexij Trubecki, quasi per Urbem equitaret, arctioribus militum excubiis demandatus Captivus. Inquisitum seriò inter Pristavos; sed nil quo mēdaciū confirmaretur, repertū. Porro ne fortè suum

Gossevii
sensus in
ter hęc.

Livius.

2R

suum

Angu-
stia au-
gentur.

suum errorem *Pristavi*, militesq; mutuo consensu occultâssent, sed spe suâ celerius prævenerentur, intempestâ nocte Supremus Secretarius Camerae Ducalis, ex improvise veniens, excubias, & *Pristavorum* praesentiam scrutatus est. Hoc periculo suo moniti *Pristavi*, ne unquam quidem à sua statione discedebant, certò aliàs poenam chordarum, more patrio, subituri. Authorem mendacij non aliter insectari licuit, nisi ut aliam crescendi materiam quæreret, si alienis criminibus apud Principem crescere placeret.

Iamq; Gens illa, nata reparandis, restaurandisq; bellis, è vastissimis illis Provinciis, coacto milite, replevit Exercitum; animumq; ad tentandum de integro bellum concepit. Hinc maius CORVINI augebatur in Vrbe odium; & rursus dempto Legati, Captivi inditum Nomen. Suscitaturus iterum belli incendium Magnus Princeps, Legatos Moscuam revocavit.

Basilus Borysowicz Szeremeth, in Collegas assumpsit, Ducem & Castellatum *Sczerbaty*, Ducem

Gre-

Moschi
reparat
vires &
odia.

Gregorium Kozłowski, & Ioannem Akinsejow: coactisq; Copiis millium quinquaginta, expeditionem suscepit *Kioviam*; adiungitur eidem in socium belli *Georgius Chmielnicki* (qui *Wybow-
scio*, unanimi *Kozacorum Zaporozensium* consensu, admodum iuvenis suffectus, Moschorum partes tuebatur) cum innumerabili *Kozacorum* colluvie: tantis copiis satis validi, si simul incubrissent; *Borysthenem* transfretare, *Wolyniam* opprimere, demum *Cracoviam* usq; penetrare iussi. In subsidium in tractu *Czerniecho-
viensi*, Generalis *Zmiow* cum quinque millibus constitutus.

At parte aliâ *Smolenseum* & *Mohiloviam* versus, cum quadraginta millibus *Dotgorukius* expeditus: lecti datiq; Collegæ duo: *Petrus Dot-
goruki, Osip Sukin. Streszniow* cum hisce Copiis præficiendus designaretur, æquè iussa Principis, ac incertam belli fortunam metuens, corporis ægritudinem simulavit. *Chowanseius* nuperæ cladis, novo genere obsequij oblitterandæ cupidus, in tractu *Polocensi* restaura-

Validiss-
ma Mo-
schorum
expedi-
tio.

Szeremeth cum
10000.

Zmiow
1000.

Dotgoru-
ki 40000
in albam
Russiam
producit.

bat

bat bellum.

Chowanski
12000

Tot tantæq; Copiæ, è diversis diffitisq; partibus Polonum oppressuræ, invicem sibi opem ferre, vi ingruente iussæ. Consilio quanquam mirè perfectò, felix defuit eventus; nam discordes in Patria prædicti Duces, etiam in hostico minimè convenientes, animis secum, armis cum Hoste pugnabant. *Dolgorukius* ingenio violentus, obsequij impatiens, *Szeremethio* subesse nolebat. *Chowanscius* Genus suum nobilius *Dolgorukio*, deprædicabat: proinde eius regimen detrectabat. Is vicissim bellicam experientiam, longo ac felici armorum usu probatam, gloriam regimenq; Supremum sibi vendicabat. Sic demum, cum singuli pugnant, universi vincuntur. Breviter res, Heroumq; gesta (quibus suum decus, posteritas & Annales, cuiq; pro merito rependent) attingam. Quavis sat superq; virium, apud Moschos provisum erat, nihilominus mobiles ad superstitionem mentes, populorû cladibus anteaçtis percussæ, malè ominari audiebantur. Crebris quoq; prodi-

Livius

Prodigia

prodigiis cognitum est, mutationem rerum in deterius portendi: nam teterrima exorta in Vrbe tempestas, redeuntem in mænia peditatum, in flumen egit. In carcere GOSIEVIANO, palos eadem vis ominosa prostravit. Velut prodigio territi, ruinam armato milite complent: trepidi ac semivestiti, ab Vrbe accurrunt *Pristavi*, num non arte Magicâ excitata fuerit tempestas? num non evolaverit suus Captivus? per rimas (ne nimum suspiciosi viderentur) inspiciunt. Crebriora insuper incendia, ac unum pyrij pulveris, magnâ hominum strage in Vrbe exortum, tantum valuerunt apud Gentem apprimè supersticiosam, ut ruinam Imperio, Exercitui excidium, palàm portenderet.

Dolgorukio, dñ armantur Copiæ, (moris est nõ per Generales conscribi Copias, sed iis conscriptis per Supremum Statûs Ministrum, præfici belli Duces) usu Patrio, frequenti Senatu, bellicû Imperiû denuntiatur: ibidè solenni epulo à Principe excipitur: deducitur inde ab amicis

*Publica
expedi-
tio Doz-
gorukij.*

cis domum. Postridie ad osculum Ducalis dex-
træ, publicè accedit. Valedicenti datur Tute-
laris Imago. Prætorianus interea miles, belli
comes, in arce vino adusto ingurgitatur. Post-
quàm à Principe data est potestas abeundi, ex-
cedunt Castello, Vrbeq; aulici, amici, familia-
res splendidi inter lituos; tum rhedâ Ducali
Tutelaris Imago à Clero ad prima castra deve-
hitur. Iam ipsum Generalem tibicines, dein-
de equi, splendidissimis sellis instrati antece-
dunt. Demùm Generalis omnibus splendidior,
medius inter Collegas, & natalibus, famâq; in-
signes amicos (agmen claudente vili manci-
piorum servitio) profectus.

Omnium primus *Szeremethius*, Kioviæ valido
relictò præsidio, movit castra; iamq; Vkrainam
emensus, Polonicis curribus ad Chmielnicum
post leve certamen potitur. Levi successu, æ-
quo insolentior, ac procacior factus, suo suo-
rumq; imminebat fato. Prævolabat interim
longo intervallo hostilia castra, nuntia immi-
nentium Polonæ Genti periculorum fama;
atque

atq; ut numerofo æquè ac potenti hosti, parè
opponerent manum, admonuit. Virtutem pro-
prium alienis quoq; viribus suffulturi Poloni,
Publico consensu, Tartaros firmissimo fædere
iam tunc per decennium Reipublicæ iunctos,
in huius belli societatem vocandos, decernunt.

STANISLAVS POTOCKI Palatinus
Cracoviensis, & Supremus Exercituum Regni
Dux, GEORGIUS LVBOMIRSKI
Supremus Marschalcus & Campi Dux Regni,
ad Tarnopoliam contractis Copiis, quindecim
ferè millium, moverunt. Adfuit haud inglori-
us auxiliator, numerofo cinctus equitatu Tar-
tarico, *Nuradin Soltan*, Polonæ Reipublicæ,
belloq; Christiano suas vires impensurus, dum
Christianum sanguinem, Moschi sine modo &
mensura indies profundunt ampliorem. Ad
Lubarum tandem heroicæ virtuti (cum Mo-
schi numero, Polonus animo prævaleret) de-
signata arena, collata signa, nihilq; præter
continuas suorum cædes videbant Moschi,
qui Supremum iam ferè ictum minabantur Po-

*Polonia
vires cõ-
tra Szer-
remethi-
um.*

*Tartari
auxilia-
res.*

*Prima
clades
Szereme-
thij ad
Lubarû.*

loniæ. Immani suorum clade *Szeremethius* compulsus in castra, Kioviam retrogredi statuit: sed cum Poloni & Tartari, publicas (quæ spes effugii supererat) obsiderent vias, à tergo præcisus arboribus, per paludosam eremum apertâ sibi viâ, in Czudnovienses campos sibi fatales, effudit agmina; exitum belli renuens præstolari, quem sibi exitialem præciverat. Castris itaq; egregiè munitis, imminentem hyemem expectare placuit; donec brumalibus tempestatibus victi Poloni Tartariq;, solvere obsidionem cogentur. Sed suis artibus involutus *Szeremeth*: nam Polono gladio ereptos, tanta invasit fames, ut iam equinis etiam carnibus non suppetentibus, imbelli fato vitam in numeri planè terminare cogentur; aut annonæ & salis penuriâ extremè laborantes, passim intumescendo tabescerent. Cædibus insuper quotidianis, internisq; diffidiis cum Kozacis, adeo diminuebantur Copiæ, ut iam rescissione factâ, partem Castrorum mediam, deseruerint. Vna salus, avidissimè expectabatur, si

*Szeremeth in
Ejus obsi-
dione.*

Georgi-

Georgius Chmielnicki Kozacorum Generalissimus, suorum armorum coniunctione, ipse periturus, perituris opem adferret. Is *Stobodisceze* vix attigerat, iam *LVBOMIRSCIANÆ* succumbens virtuti: bello impar, pacis ac subiectionis perpetuæ, à *LVBOMIRSCIO* accipit condiciones. Ad Czudnoviam verò undiq; vigente & crescente ad supremam Victoriæ Gloriam studio fortissimorum Virorum, destitutus auxiliis, & consiliis *Szeremethius*, pactus deditioem. Armis, signis, tormentis, omniq; apparatu dedito, se, omnes Collegas, ac totum suum, viginti quinque millium adhuc residuum exercitum, (iam enim omnia sub manu Victoris erant) inaudito exemplo, Polonis obtulit in prædam. Tantam captivorum multitudinem, primùm aspernati Victores, (quia trucidare deditos, sævum; tot verò custodiâ cingere, arduum) tum armis ademptis, pro restitutione *Vkrainæ* Provinciæ, eos commutari poscebant; & *Moscho* promittebant. Deniq; postquam Præsidarij Kiovienses, se Ma-

*Chmiel-
nicki ut-
Ejus à
Lubomir
scio.*

*Szeremethij
deditio.*

Sz

gni

gni Moschoviæ Principis militiam sequi, Eiusque hac in re, non *Szeremethij* parere mandatis: multos Moscuæ esse *Szeremethios*, respondissent; belli iure, eos Tartaris in servitium concesserunt. Tam opulentus, publicus, privatorumq; apparatus, in deditioem acceptus est, ut tantæ Victoriæ gloriam exæquaret. Ipse Generalissimus *Szeremethius* in Tauricam deductus: mancipia illa tot dedita, Constantinopolim, à Tartaris venundata, maria ac terras Orientales impleverunt. *Sczerbatius* apud POTOCCIVM; reliqui duo apud LVBO-MIRSCIVM, pleriq; apud alios diu Captivi, læti vixerunt; quòd incolumes forent, Patriæq; suæ reddendi, hostium beneficio. Ita seu malo, seu necessario facinore, diminuta viribus hostilis potentia: fociiq; belli Tartari retenti in officio. Non solum in Polonia, quam in ancipiti bellorum positam, expediebat fuisse Religiosam, sed Romæ quoq; Summi Pontificis iussu, per omnes Ecclesias, DEO Victoriarum Authori, supplicationes decretæ: appensa

penfa per Ecclesias trophæa, Triumphî acti. Infelix tantâ clade *Szeremethius*, multò infelicior, è Taurica redux; longè post, per tumultum Moscuæ interimendus.

Cæterùm pervenerat ad Magnum Moschoviæ Principem, non fama solum, (plerumq; velocior) sed Nuntij etiam, unus ex castris *Szeremethianis* profugus, acerrimæ obsidionis, mox alius deditioem, accurrere. Ad populum quidem, quàmvis fama factæ cladis supprimere. tur, nihilominus mæstum quoddam Aulæ silentium, lugubri bello finem iam impositum, & tacita divinatio imminentium malorum, præfagebatur. Tandem ubi infelix belli eventus cûctis innotuit, desperatio sine spe aliunde reparandæ Victoriæ, subiit mentes. Omnium maximè CORVINVS eius nuntij esse inscius desiderabatur: aucti supra modum *Pristavi*; opifices, mercatores, Medici adempti, cladem celari manifestè innuebant. Postero die edictura fabulam scheda, per quendam Moschorum pileo præalto infuta adfertur. Obtulit inge-

Moscuæ
acta.

ingenium Italus quidam è Nostris: qui in præsentia Moschorum, per iocum indutus tunicam primùm, mox pileum boni viri, à Moschis risu, à Nostris fictis verberibus affectus, in aream domumq; interiorē profugit. Vbi de promptâ chartâ, è conclavi ad *Pristavos* effusè ridentes profugus, quæsitâ levitate à Nostris cædebatur. Magna hæc & vix sperata victoria, tantò sublimiùs animum CORVINI in festivæ hilaritatis sudum erexit, quantò profundiùs in mærorem & desperationem, universam eū Principe Moschoviâ depresserat. Proinde inter hilares gestientium Captivorum plausus, Eucharisticasq; DEO Victoriarum Domino precatio- nes, Hymnus Divi Ambrosij decantatus. Victori- am hanc, Cynosuram Suxæ felicitatis, univer- si cum CORVINO Captivi, unicè prædica- bant; cuius beneficio post decumanos calami- tatum fluctus, post tot ærumnas, gravesq; cor- poris ægritudines exantlatas, toties naufraga salus, & ipsâ salute charior libertas, portum desideratæ felicitatis attingere videbatur; cum
pro

pro unius Sui commutatione, pares quatuor, Moschorum Polonia Captivos teneret Gene- rales; ex alia parte *Dolgorukius* Lithuanicis ar- mis, in similem cædem urgeri nuntiaretur.

Ad Basiā amnem PAULVS SAPIEHA, Eodem
mense
Dolgoru-
kius ad
Basiā
prostriga-
tur. & STEPHANVS CZARNECKI castra me- tati, avidè non tam hostem, quàm nobilem præ- dam, *Dolgorukium* scilicet cum Exercitu, præ- stolabantur. Summæ spei bellum ornaturus, Ducisq; sui vindicaturus Captivitatem GOSIE- VIANVS Exercitus, Ductore MICHAEL P A C, Castrorum Generali Metatore, quatuor millium numero, selecti Equitatus, in castra per- venit. Peditatus GOSIEVIANVS cum ZERONSCIO pro libertate Vilnæ, hosti- li præsidio vindicanda, decertabat. In campum Basiæ adiacentem; quem iam Polonus Lithua- nusq; miles præoccupaverat, spe vanâ Victo- riæ inflatus advolat *Dolgorukius*, prædasq; ma- lè speratas, non belli rationes expendens, ci- tra spem & metum fit Præda. Primo enim congressu, dextra castrorum eius Ala à CZAR- NECCIO

NECCIO, sinistra à PACIO (frontem aciem tenente SAPIEHA) cum incredibili cæde, campis submotæ. Ipse *Dolgorukius* dimisso equo, inter peditatum se coniecit. Verùm neq; peditatus evasit excidij periculum, quàmvis obices in hunc usum è ligno adinventos, equiti obiecisset. Cladi *Szeremetbiana*, intra unam alteramve horam, similis facta fuisset *Dolgorukij* cædes, nisi, iam perfracto à Nostri peditatu, nox prælium & cædes diremisset. Festo tormentorum, lituorum, Hymniq; Sacri sono, in castris, DEO Victoriarum largitori, persolutæ gratiæ. Sed restabat adhuc pars magna belli *Dolgorukius*, & novus hostis *Chowansci*. Victoriâ prosequi Polonis (dum viribus & animis hoste sunt Superiores) constitutum: sed *Chowansci* parte aliâ, cum non contemnendis Copijs imminebat. Intempestâ igitur nocte, accensis ignibus, silenti agmine, castra Lithuanorum mota. Biduo *Dolgorukianus* miles castris prodire non ausus, quòd discessum Lithuanorum ignoraret; quo tandem cognito, festinatis itineri-

neribus Mohiloviam se recepit, illatamq; cum ^{*Chowan- so j cla- des ad Czereia.*} immànî clade sibi, suoq; Exercitui ignominiam, commentitiâ velans iactantiâ, prælium fugâ Hostium terminatum, spargebat per populum *Chowansci*: interim tria millia selecti Equitis, Ductore *Toloczanow* Druckum præmisit. Hic cum primis Equitum excubiis non infeliciter congressus, Nostros in fugam agebat; cum citra utriusq; spem superveniente C Z A R N E C C I O, facilius, quàm sperabatur, certamen erat: nam primus impetus formidato aliâ prælio, initium finemq; fecit. Muniêrat quidem in omnes casus belli, sua castra *Chowansci* ad Czereiam; sed dum nuntij cladis è tãto suorû numero, paucissimi redissent; castra, tormenta, currus, ac quidquid celeritatem fugæ retardare potuit, deseruit. Demùm à prosequente Victore, ac cædibus latè patentem viciniam implente evasit.

Szklovienses, exacto Moschorum præsidio liberi; interea à Kozacis & Moschis obsidebantur. MICHAEL PAC opem & libertatem

Szklov- ensis sola ta obsidio

tem, non ita iam pertinaci obsidione cinctis attulit; *Dolgorukio* ne se movente quidem manibus Mohiloviæ, inde quinque; miliaribus distatæ.

Inter tot clades, succursus Vilenfibus Moschis parabatur Duneburgi in Livonia. Dum se itineri accingunt, MICHAEL PAC famam sui præveniens, advolat Duneburgum; levibus primùm irritamentis elicit hostem, tandem cum hoste effundente Copias millium septem in glaciè, configit, profligat, fractâq; glaciè in flumen demergit. Fatalis profectò hic annus Marti Moschovitico erat: nullum Lithuanæ, Russiæq; campum ingressus, quem non profuso vastissimè cruore, & feræ posteritati spectandis suorum cadaveribus consignaret. Quot milites in aciem producti, tot in eadem funeribus parentatum; omnes quicumq; bello Martia olim dederunt Nomina, hoc anno fusi, victi, capti, submersi, deleti sunt; paucis profugis, paucis ipsâ morte graviolem Captivitatem subeuntibus. Truncata manibus, omnibusq; planè

*Polni-
ebtor
profliga-
tus ad
Dinebur-
gum.*

nè viribus destitutâ Moschoviâ, adeò Moscuæ trepidatum, ut bello se victos, non præliis; a-
ctum esse de imperio Moschorum (si profecturi forent Poloni, Lithuani, Tartari, Koza-
ci, Victoriam) non dissimulanter proclamaretur. Res desperatæ, Principi Iaroslaviam, aut Nizni Nowogrod ad ripas Wolgæ, apparabant regressum. Nullis in promptu Copiis, iam maturi autumnus, imminentisq; hyemis tempestates pro præsidio habebantur. Firmatis tamen glaciè viis, certò inde Poloni cum Tartaris, hinc Lithuani sperabantur: direptioni non defuturi Succi metuebantur: Supremum Regnorum exitium, populi Moschovitici rebellio, ob rem infeliciter gestam, ob bellum iniustè susceptum administratumq; timebatur. CORVINVS post innumeras Gentis utriusq; clades & funera, hoc unicum præstolabatur anxius, quâ tandem poneret arce, Regnorum Fortuna Gosseni-
na caput? quis suæ calamitati exitus foret? sensus.
clandestinis sermonibus differebat. Fax mentis honestæ gloria, Victoriosum illum & ad
T₂ summa

*Quanta
trepida-
tio Mo-
scuæ.*

summa natum animum adeo accendebat; ut levem carceris quietem, ipso carcere graviolem putaret, dum Patria in praelio periclitaretur.

*Quanto flagrabant pectora voto,
Optatas audire tubas, campique cruenta
Tempestate frui, truncisque immergere plantas.*
Dolcebat, quod illud cruentum Bellonae theatrum, magnorum eventuum Actor ingredi non posset, in quo perenni Gloriam commodissima spectacula antiquus ille Tragædus Mars, & Fortuna Campi Domina proponeret: fortiora tamen solatia è sinu Reip: præstolabatur. Publicam fortunam Patriæ gratulatus, Sibi, cum ea ipsa gloria, quæ parta est, vivendum atque moriendum, (modò in Patria) exoptabat. At nec Moscuæ hoc rerum eventum ingloriam sibi posthac stationem pollicebatur, cum Paternum olim Gubernationis Moschoviticæ decus, aut pacis conficiendæ opus, Sibi imminere speraret: etenim non pauci Moschi, literas securitatis, clam ab eo exposcebant: has negantem, Nomen & insignia foribus præfigenda petebant. Magni Nominis in Moschovia Senator,

tor, clam submisit schedam: quæ pecunie quantum vellet, se daturum pollicebatur: res Moschoviticæ desperatas non obscure innuit: petiitque ut sui esset memor. Se ad Polonorum adventum, spondebat effecturum Moscuæ deditioem. Vicissim CORVINUS illi apud Aulam Polonicam, Præfecturam alicuius Provinciae Moschoviticæ, efficere recordaretur.

Tot praeliis in sua damna susceptis, ad mitiora consilia Aula Moschovitica compulsæ est. Nullam salutem bello, tot suorum funeribus edocta, spem totam vitæ in pace impetrata superare, manifestè advertit. Pax optima rerum universis proclamatur: Pacis Legati ad nutum Principis expediti esse iubentur: CORVINUS in remedium præsentium malorum reservatur. Fruitur iterum famam Sui, cum Nomen Legati, Captivo passim per Urbem tribuitur. Tum primum (tanquam id quoque honore eius daretur) non ut prudentem tantum Virum, sed propè vatem omnium quæ recenter evenerunt, deprædicant; authores belli incusant, quandoquidem
tam

*Quibus
mediis
obviatur.*

*Moschovici
sententia*

tam diuturno bello, nil se præter infames clades qua-
struisse agnoscunt. De rationibus pacis cum Po-
lono & Scythia ineundis, deliberatum in Sena-
tu. Restituendas Provincias Captivas, unanimi
consensu, decernunt universi. *Simeon Strefzniow*,
(quem nuper detrectasse bellicum imperium
memini) *Smolenscum belli Polonici prædam, etiam
extremis Moscuæ malis retinendum, seu seridò, seu
gratiæ Ducalis aucupandæ gratiâ, persuadebat.*
Princeps, contractâ in eum fronte, sceptroq;
efferbuit. **CORVINVM GOSIEWSKI**,
suo colloquio, solum admittendum destinave-
rat: sed Procerum consiliis, colloquium dilatum
sensim cum metu evanuit. Quâ de re **POTOCIVS**
uti antea præmonuerat, ita re-
centioribus his interpellavit: *Nihil tam muta-
tioni obnoxium, quàm Moschorvitica aura. Ludi-
cra sollicitis fervet Respublica curis.* Expertus &
ipse **POTOCIVS** Moschorum sævitiam:
nam ob profligatos hostes à suo Patruo ad
Czudnoviam, in exilium pulsus est.

Post exhaustas Moschorum opes, post fra-
ctas

*Gosiew-
us ad col-
loquium
M. Prin-
cipis de-
signatus.*

ctas undiq; vires, post ralas tot ingentes
Victorias, unum id ad Polonæ felicitatis co-
ronâ desiderabatur, ut quâ animorû consensione
bellum in hostico gesserunt, eâdem, in visce-
ribus Patriæ, pacem colerent, & promoverent;
tantâq; *Victoriâ uti scirent: sed Exercitus præ-*
dam & præmia, quàm stipendia malebat. Dedu-
ctus in Patriam miles, tot clarus victoriis, tot
laureis insignis, atq; cò ferocior, villanisq; gra-
vior; brevi, cum tenui Reipublicæ ærario se-
rius promuntur stipendia, Ducum exiit impa-
rium. Sacri nexûs cognomen, impietati sum-
ptum, sceleriq; nefando nomen erat virtus. Pri-
mùm professi Regi fidem & obsequium, Pa-
triæ defensionem, Legibus æquitatem & iusti-
riam, cunctis dulcedinem publicæ securitatis,
spem conservandæ, imò vindicandæ libertatis,
spondebant. At ubi armorum ius in suis ma-
nibus esse conspexerunt; Leges, quæ in pace
latæ sunt, armati abrogârunt: Patriæ defensio
in direptionem, Regalis Mensæ provisio, in lu-
xum conversa militarem. Cæterum nil sacrum
profa

*Reditus
Polono-
rum in
Patriam*

*Seditio
militum
nuncupa-
ta Sacri
nexûs.*

*Sviato-
blim
zwiazek.*

profanumve inviolatum permansit: gliscebant diu non obscura animis seditio. Convulsâ deniq; æquitate, violatis iuribus, excrevit Civium cædes, & exitium Regnorum Civile bellû, civiliaq; odia in plures annos. Quibus duranti-
bus Patriæ malis,

Hæc quantum potuit terra pelagiq; parari,

Hoc, quem Civiles hausserunt sanguine dextra.

Quàmprimùm Moschi suis cladibus satisfactum Polono, Victoremq; in Patriam redire acceperunt, tum demùm supremam se adeptos rati Victoriam, (quòd imperium ab exitiosis belli facibus intactum servâssent) alta spirare, ablatorum restitutionem nec nominare, externo metu vacui, novas vires colligere cœperunt. Tantis cladibus, cum pares referri non possent, contra Captivos Polonos odia fumpserunt. CORVINVS non plûs dignitatis habiturus, nisi quòd unico perangusto cubiculo donandus foret, in publicum carcerem à Proceribus destinatus. Res cum ad Principem delata est; & mentes Procerum sub-

biit

biit pudor, & mutua fors Captivis in Polonia subeunda, decreto Principis immutatum consilium. Edicto insuper cautum est, ne locus ille, (uti cœperat) GOSIEVIANVS carcer, appellaretur. Ad præscriptum Medicorum, suppeditabantur ex Pharmacopolio Ducali omnia requisita: sed tanto tempore multa, variiq; generis vascula apportata congestaq; lædebant oculos *Pristavorum*, credentium uno haustu debere tot, tamq; varia exhauriri medicamenta. *Morbum simulari, medicamenta intacta componi, Medicos crebrius adire agrum, nec quid exoticis linguis colloquantur, à se intelligi,* ad Cancellariam deferunt. Hinc Medici prædicti, aditu prohibiti. Demùm evidenter crescente morbo, aliquis Medicus Moschus, (quæ medendi peritum, ob egregiè multis ægris navatam operam, inter stabuli Ducalis ministros viliores connumeratum esse, *Pristavi* ferrebant) ab iisdem *Pristavis* recommendatur. Abnuenti Medicum, eius peritiam, Medicamenta (nam aniles quoq; eius superstitiones, ali-

*Medicis
ademptis.*

V

asq;

afq; nugas referebant) datus *Samuel N.* recenter ex Anglia, per mercatores Moscuæ degentes, evocatus. Hoc curatore, *Athanasius Nasczokin* transfretari fecit *GOSIEVIO* medicamenta, Venetiis apud clarissimos Medicos conquisita. Convocati omnes ad Cancellariam Medici, fractisq; sigillis indagare iussi, *verane medicamenta, an quidpiam aliud (veneficia scilicet) includerentur?* Medicamenta, probantibus Medicis, integrè transmissa. Increbescente famâ de Generalibus Regni Poloniæ Comitibus, *Varfaviæ* instituendis, *Zamiatnów* Ablegatus in Poloniam expeditus. Eodem anno, ad Aulam Polonicam Galliæ Regis Legatus Ordinarius *Antonius de la Embres*, interpositione sui Principalis, acturus de componendis inter belligerantia Regna odiis, scripsit *Nasczokino* literas; quibus mediationis operam offerebat. Sed *Nasczokinus* ne responso quidem, Gallum est dignatus.

Quandoquidem permultis videri potest, res fidem excedere, Moschorum Principatum, post
inau-

Ablegatus in Poloniam.

Gallio mediatione contenta.

inauditas hoc ævo clades, intra tres plerumq; menses collegisse numerosos exercitus: subiungenda videtur brevis informatio de potentia, amplitudine, Gubernatione, & ratione conscribendarum Copiarum in Moschovia. *Status Moschoviae.*

Quando Australis & Septentrionalis Russia, omnesq; illi Ducatus, (qui nunc in Univerfali Regni Poloniæ, Magni Ducatus Lithuaniae & Magni Ducatus Moschoviæ compage includuntur) Supremo Kioviæ parebant Principi; Moscuam quoq; tunc obscuram, Kiovienses Principes subditam habuere. Postquam verò *Svatoflaus* Kioviæ Monarcha à *G E D I M I N O M.* Lith: Duce, exutus Imperio est, Brancum in Severia, inde Wolodimiriam profugus, latè se regnare credebat, dum vixit securus. Inde per successores, Regia Moscuam trasflata, affinitatibus auctæ opes, dotalesq; adiuncti Ducatus: nihilominus graviorem, quam sub Lithuanis nacti sunt servitutum, quia Tartaris parere, tributaq; ferre cogebantur. *Orig.*
W A N W A S I L E W I C Z Moschoviæ Dux
V₂ liber-

*Vasitas
imperii.*

libertatem restituit, Tartaros oppressit, subiugatis Kazaniæ, Astrachaniæ, Sibiriaë, Pleseoviæ, Novagardiæ, Rezanæ Regnis, opes & Imperium ad eam amplitudinem, quam nunc videmus, evexit. Quod tam latè extendi, quantum occupant Poloniæ, Germaniæ, Galliæ Regna, simul sumpta, non absimile est. Adeò vastum Imperium, Moscua quidem (uti naturâ insolentior) à Magno Principe regitur, inhabitaturque: cæteræ Provinciæ per *Woiewodas* (hi biennio exercent Gubernationem) administrantur. Per hos, quicquid Nomine Principis edicitur, mirâ promptitudine, imò crudeli obsequio paretur edictis.

*Princeps
absolutus.*

Moscuaë Monarchicum Imperium est: pacis & belli, vitæ & mortis; Legum & regiminis potestas, penes Principem est. Consilia instituantur quidem in Senatu; sed in his magis de modo rerum gerendarum adinveniendò, quàm (exempli causâ) de suscipiendò bello, ad mentem Principis consulitur. Non Republicam, non Nobilitatem, non populum, non
Civita-

Civitates liberas, ad consilium isthuc advocari reperies, sed sufficit promulgatio edicti. Bellum si cum potente aliquo hoste, eventu anceps, sit suscipiendum; consulitur populus in foro publicè ex suggestu, (*Lobne* dicitur) ut in casu cladis acceptæ, culpa belli suscepti sit omnibus communis.

Senatorum ac Consiliariorum numerus, est ad placitum Principis. Communiter autem sunt *Dumnye Boiary* triginta. *Okobniczye* viginti quatuor. *Dumnye Diaranie* sex, *Dumnye Diaki* tres. Ab his omnia publica negotia, in diversis Cancellariis administrantur.

*Consilia-
rij.*

Sunt autem Cancellariæ triginta quatuor: *Przykazy* nuncupantur.

*Cancel-
lariæ.*

Prima *Taynyeh dzieł Przykaz*: estq; Cancellaria Principis Camerae, in qua secretissima quæq; excipiuntur & expediuntur negotia.

Secunda *Posolskoy Prykaz*; est Cancellaria, in qua omnia publica Legationum, fæderum, literarum, ad Externos expediuntur, & excipiuntur scripta, & colloquia Legatorum.

Tertia

Tertia. *Rozradnoy Prykaz*: Cancellaria bellica. Huc spectant expensæ belli, Copiæ, Captivi, &c.

Quarta. *Pomiestnoy Prykaz*. Cancellaria distributivæ iustitiæ; in qua distribuuntur ac conferuntur Privilegia, determinantur lites circa feuda.

Quinta. *Kazanskoy Prykaz*. Sexta. *Sibirskoy Prykaz*. In his Cancellariis tractantur ea, quæ spectant ad prædicta Regna. Insuper hîc describuntur rationes fisci, & pellium ex Sibiria advectarum.

Septima. *Dworowoy Prykaz*. Cancellaria mensuræ Ducalis, quæ cellarij, & equorum provisionem concernit. Huc spectat Legatorum provisio.

Octava. *Innozemskoy Prykaz*. Cancellaria omnium causarum, quæ concernunt externos, Moscuae degentes.

Nona. *Rajtarskoy Prykaz*. Hic administratur Iustitia, promuntur stipendia equitatu, pro anno, triginta Rubelli: (nomen est monetæ) qui

con-

conficiunt imperiales quinquaginta.

Decima. *Bolszobo Prychodu Prykaz*. Hîc teloniorum ratio, pretium panis, ac vini instituitur. Hîc solvuntur stipendia Officialibus.

Vndecima. *Sudnoy Wotodymirskoy Prykaz*. Procerum & vetustissimorum familiarium, forum competens.

Duodecima. *Sudnoy Moskovskoy Prykaz*. Nobilitatis Moscuanæ forum.

Decima tertia. *Rozbojnoy Prykaz*. Forum in causis furti, latrociniorum. Vbi inquiritur per adhibitionem tormentorum: deniq; supplicij poena irrogatur.

Decima quarta. *Puzkarskoy Prykaz*. Huc spectant tormentorum & campanarum fusores: & omnes ii, quicumq; spectant Pacis & belli tempore ad *Artiglieriam*.

Decima quinta. *Iemskoy Prykaz*. Huc spectant omnes vectores publici.

Decima sexta. *Czolobitnoy Prykaz*. Huc spectant omnes supplices libelli.

Decima septima. *Ziemskey Prykaz*. Forum omnium

mnium civium & mercatorum Urbis Moscuae. Hæc Cancellaria exercet jus, in omnes domos & fundos, quicunq; emuntur & venduntur intra Civitatem. Hic annum tributum persolvitur, concernens pontes, muros, portas, fortificationem Urbis.

Decima octava. *Chołopskoy Prykaz.* Hic describuntur contractus, atque in publica acta transferuntur, illorum, qui sponte vendunt aliis sua mancipia: vel qui testamento suorum Dominorum emancipati, alicui alteri mancipantur.

Decima nona. *Bolszoy Kazni Prykaz.* Hic conservantur telæ Persicæ, velamina, Sericum &c. aliæq; similes merces, quas consuevit Magnus Princeps, præmii loco, pro re, vel in bello, vel in Legatione benè gesta cõferre. Ibidem in fornicibus subterraneis conservatur incomparabilis thesaurus.

Vigesima. *Kazenny Prykaz.* Forum Moschoviæ mercatorum.

Vigesima prima. *Monastyyski Prykaz.* Cancellaria

laria Monasteriorum.

Vigesima secunda. *Kammenoy Prykaz.* Cancellaria Architectonica.

Vigesima tertia. *Nowogrodzkaia Czetwert.* Cancellaria, ac depositorium auri, quod apportatur è magna Nowagardia, & Nizni Nowogrod.

Vigesima quarta. *Galickoy Prykaz.* Cancellaria, & depositorium tributi Provinciæ Galicensis.

Vigesima quinta. *Nowaia Czetwert.* Hic persolvitur tributum ex omnibus publicis tabernis. Ibidem iudicantur & castigantur aut poenâ luctri, aut chordarum, aut postremò exilij, illi, qui clandestinè vendunt tabacam & vinū adustū.

Vigesima sexta. *Kostromskoy Prykaz.* Cancellaria, & depositorium tributi Kostromensis, Iarossaviensis, adiacentiumq; Provinciarum.

Vigesima septima. *Vstiugskoy Prykaz.* Cancellaria, & depositorium tributi Vstiugiensis, Kostmogorodensis, & adiacentium.

Vigesima octava. *Zolotnoy Almaznoy Prykaz.* Cancellaria auri, argenti, gemmarum opificum.

Vigesima nona. *Oruznoy Prykaz.* Hic confervantur omnia arma Ducalis personæ: omnia itē ornamenta equorum. Item armamentarium publicum. Habetur etiam hic Cancellaria omnium Officialium, qui prædictis præfunt ornamentis.

Trigesima. *Aptekarskoy Prykaz.* Pharmacopolium Magni Principis. Hic obligantur unoquoq; die Medici, Chirurgi, &c. comparere. Iurant Medici super non adhibenda theriaca, idcò, quòd ex serpentibus & viperis eam confici inaudiverint.

Trigesima prima. *Denizny Prykaz.* Cancellaria, & iudicium omnium, qui spectant ad ius cudendæ monetæ. Illis verò, qui clanculum eam cudunt, plumbum liquefactum in os infunditur.

Trigesima secunda. *Tamaznoy Prykaz.* Hic notantur omnes merces: finito verò anno, is qui præest, reddit teloniorum omnium rationē in *Bolszoy Prykaz.*

Trigesima tertia. *Zborow desiatny Prykaz.* Huc spectat

spectant decimæ, seu tributum in usum belli concessum.

Trigesima quarta. *Maloy Rusi Prykaz.* Cancellaria Vkrainæ Provincie.

Trigesima quinta. *Zysknoy Prykaz.* Huc spectant causæ illæ, quæ prædictarum nullam concernere videntur.

Singulæ prædictæ Cancellariæ, gubernantur à singulis *Boiariis*, qui unoquoq; die obligantur in sua Cancellaria, cum propriis ejus loci Secretariis, sedere pro Tribunali, usq; ad meridiem.

Præterea Patriarchales Cancellariæ sunt tres.

Prima. *Rozrad.* Archivum omnium bonorum Ecclesiasticorum.

Secunda. *Gubnoy Prykaz.* Tribunal Patriarchale.

Tertia. *Kazennoy Prykaz,* Thesaurus & redditus Patriarchales.

Leges nullæ habebantur scriptæ: idcirco Anno millesimo sexcentesimo quadragesimo tertio, ex mandato Magni Principis, pruden-

*Leges
quando
condite.*

tissimi quiq; habito congressu, scripserunt, approbataq; nonnulla decreta typis vulgârunt. Titulus libri talis: *Sobornye wlasenia*, id est Comititalia decreta. Iuxta quæ, hodie omnes causæ iudicantur & decernuntur Nomine Principis, absq; ulla appellatione & contradictione.

*Nervus
belli un-
de?*

Bellum ubi decretum est, titulo donationis, non tributis, indicitur tributum. Deinde edicitur, ut unusquisq; ex bonis suis, decimum v. g. publico obsequio sistat villanum. His præficiuntur Officiales Germani, Angli, Scoti, Sueci, qui ibidem merent stipendia. Præterea Clerus ac Monachi iuxta proportionem bonorum; peditû & equitû expediunt ad triginta millia. Ac in his villanis expediendis; Moscuamq; adducendis, minima mora (etiam iusta ex causa) severissime castigatur. In tanta verò vastitate Imperii, (quod quidam falsò, esse vastissimas solitudines, asseverant) mirum dictu, quàm brevi tempore, & quàm numerosæ congregantur Copiæ.

Streley.

Insuper Magnus Princeps alit in Vrbe Prætorianum peditatum Legionum viginti. Vocantur

cantur *Prykazy Streleckie*. Quæ legiones efficiunt ad minimum sedecim millia, & amplius. Illis stipendia rariùs, his verò Prætorianis, mentibus singulis sex numerantur *Rubelli*, pro anno verò duodecim, id est viginti imperiales. Hic peditatus constat ex solis Moschis; sunt enim Personæ & Residentiæ Ducalis custodes. Filios Principis se appellant; excubant unoquoq; die mille, egregiè vestiti.

Prætorianus peditatus.

In aliis quàm plurimis Oppidis & Castellis, etiam Moscuæ vicinis, aluntur præsidia iuxta exigentiam. Omnia in genere Castella præsidialia numerantur ter mille. Ex his, cum opus est, ad repentinos casus, deducitur peditatus; suffecto illuc novo præsidio, ex rudiori milite.

Præsidia

Equitatûs conscribendi hæc ratio est.

Primò. Nobilitas omnis, (uti multis retrò annis, & millesimo sexcentesimo quinquagesimo quarto, quinto, sexto, practicatum est, quando Princeps in Persona bellum gessit) vel, si levior expeditio est, certarum Provinciarum, edi-

Equitatûs conscribendi ratio.

cto

Et Magni Principis ad arma compellitur; singulis auxiliari stipendio, sex aut decem aureorum, ex ærario Principis plerumq; numerato.

Secundó. Præter Nobilitatem, ingentem vim equitum, exotico more stipendiarum instruxit modernus Princeps.

Tertió. Proceres ex suis mancipiis (quæ numerosa alunt) sextum aut quintum, equo & armis instructos expediunt.

Quartó. Deniq; extremis malis suæ Patriæ, Anno millesimo sexcentesimo decimo tertio à Polonis subacti, hunc conscribendi militis modum invenerunt. Omnibus mancipiis (si ex voto navassent operam, si Polonos exuissent Moschovitico dominatu) libertas servitio potior, ac cum suis Dominis coæquatio promulgata est. Tantaq; vis ejus edicti erat, ut illi exilis fortunæ milites, nudi aggressi Kitaygradum, Polonos inde excedere cogerint.

His modis Copiæ ducentorum millium equitum, peditum centum millium coactæ. Vno eodemque anno, diversissimis locis, contra Polonos, Lithuanos,

nos, Suecos, Tartaros, Kozacos, Kolmykos, hocq; iam altero decennio, memorabile gestum bellum. Hisq; deletis, alios exercitus objecit Moschovia, simili modo conscriptos.

Equorum ferax quidem regio est, nihilominus pro commoditate publica & privata, singulis annis in Augusto, à Tartaris Kazanensibus, Astrachanensibus, Nahaiensibus, Czerkasiis Czeremissis, Kalmykis, in maximo numero adducebantur venales equi. Anno millesimo sexcentesimo sexagesimo primo, triginta sex millia equorum venalium, in campis Moscuæ subiacentibus, numerata. Munera Tartaris à Magno Principe data, utq; sequentibus annis numerosiores adessent, præmoniti. Nundinæ hæc Tabur dicuntur.

Apparatum *Artiglieria*, (qualis non nisi vi quadam, aut potentiâ Turcicâ ad bella produci solet) breviter attingam. Ad oppugnandam Vilnam, Rigamq; viginti Canones & Colubrini immensi magnitudine, librarum nonaginta sex capaces: triginta Canones librarum quadra-

*Equorum
ingens
Copia.*

Tabur.

Artiglieria.

quadraginta octo: præterea librarum viginti quatuor, numero centum quinquaginta: item Campestrium tormentorum, vim incomparabilem, Magnus Princeps ex Moschovia secum adduxit. *Czerkascius* Suus Generalissimus ad oppugnandam Szkloviam, centum septuaginta tormenta adduxit Anno millesimo sexcentesimo sexagesimo quarto. Pulveris pyrij globorumque, semper par devehitur copia. Rigam censentur iniecti esse globi pulvere onusti quinque millia. Anno verò millesimo sexcentesimo nonagesimo, *Basilius Galiczyn* in Tauricam Chersonesum profectus, numero mille machinas bellicas circumduxit, præter innumerabilem vim peditum equitumque.

Fidem excedit narratio, quantæ opes Magni Principis in castra devehuntur. Præter supellectilem, certum est vehi maximam copiam victualium, piscium, farinæ, salis, vini, omnis quidem generis, maximè verò adusti, quo ante assaultum plebs militaris ingurgitari solet. Militi stipendia; Proceribus, Aulicis, Dapiferis, Colo-

Colonellis, ac omnibus his ad aulicum obsequium spectantibus, eodem more in castris, victualia & potabilia administrantur, quo Moscua degente Principe. Notandum, Moscua unoquoque die ex culina Magni Principis, expediri quatuor millia patinarum in usum Procerum, Officialium, Legatorum, Captivorum &c. Quantæ verò deportabantur pelles, pannus, sericum, pecunia, Imagines sacrae, cæteræque opes, longum esset enarrare singula.

Modus alendi peditatum.

Castra in casum cladis terna locant. Pro peditatu alendo in hostico, unusquisque eques tenetur tot mensuras siliginis contribuere ex præda pro mense, quot alit mancipia.

Pro alendis præfidiis ex toto Imperio collecta pecunia & annona, deportabatur Smo-

Præfidia

lenscum, Polociam, Mohiloviam, Vilnam, præfidiariis firmissimum adversus famem præfidium. Sola Astrachania pro triginta annis (quàmvis putridam aliquando) conservat annonam. Cæterum equitatu minùs valent; peditatu potentiores, in præfidiis insuperabiles. Gu-

*Deditio
probrum
Familie*

bernatores ob dedita Castella, capitis poenam subibant. Anno millesimo sexcentesimo decimo tertio, *Michaël Buturlin*, extremâ coactus fame, deditioem pactus; ob id Moscuae choridis caesus, ne exstaret impunitum deditioem exemplum. Ingens probrum totius Familiae, & perpetuum est, quemquam e suis deditioem Castellum alicuius fecisse. *Theodorus Wotkowski*, vi fæderum, & mandato expresso Magni Ducis, ad deditioem Bialae adigi non poterat, sed se ab Officio amoveri, aliumq; sibi substitui, per quem deditio fieret, postulavit: ne deditioem labes suae domui unquam irrogaretur.

*Duces
belli.*

Duces belli plerumq; timidi. Victoris gloria, tota Magni Ducis est: cladis illatae culpam, militiae Duces saepe immerita poenam exolvunt. *Ita nimirum Manibus militum, sanguine litatur Ducum;* ita tumultus in populo contra Principem & Proceres, ob rem improsperè gestam, ob bellum susceptum, ob amissos consanguineos, evitatur. Anno millesimo sexcentesimo trigésimo

fimo secundo, *Michaël Schein* à VLADISLAVO IV. victus ad Smolenscum, omnia Victoris Fortunae subiecit: ob id Moscuae redux, capite truncatus. Anno millesimo sexcentesimo quinquagesimo quinto *Boratynscius* Dux, ob non latas suppetias *Vrussovio*, virgis caesus, ante gradus Ducalis Palatii. *Vrussovius*, quod minus prosperè ad Brestiam decertasset, actus in exilium, *Szeremetbius* ob sui, Copiarumq; deditioem, nonnisi post annos circiter viginti redemptus. Complura alia exempla in Annalibus eorum reperiuntur.

Populus usq; ad servitutem durè tractatur; adeo ut illi, qui ab hero caeditur, capitis tuendi causa, non liceat manum opponere. Sorte vivendi vili contenti, delectantur plurimum potu vini adusti; & quidem simplicis: ut merito unus ex comitatu Legatorum Hallsaticorum, Moschis obnixè petentibus ut illud biberent, subridens responderit: *addatur parum sulfuris, & fiet potus infernalis.*

Iustitia usq; ad superstitionem colitur rigidissime

diffimè, æquè in homines ac animantia. Campana, catus, & equus (quòd hic Legatū Angliæ excusserit fessorem) chordis cæsi, ac pro pleniore satisfactiōe, ex decreto Procerum, (non tam caritate Legati, quàm ficto officio) exules amandati.

Opes.

Gazophylacium Principum, sic describit *Guaquinus ex Paulo Palezowski*. Oculis nostris vidimus (Anno scilicet millesimo sexcentesimo nono) ingentes acervos auri & argenti: tinas argenteas; duodecim Apostolos aureos, opus solidum: icones, diademata, sceptrā, sedilia, maiestates. *Demetrius* epulas instruxit Palatino Sandomirienfi, super aureā supellectili copiosissimā. Eādē ipsā horā Legatis Regis Poloniæ, centum quadraginta patinis aureis, epulas deportari fecit. Præterea adhibita vasa omnia aurea, quibus Proceres, Magnates, Aulici, Equites Poloni & Moschi tractabantur. Quādam die, pro convivio Ducissæ *MARINÆ MNISZKOWNA*, sexcentæ aureæ patinæ allatæ ex Thesauro, ad simplex mandatum Archymagy

magyri. *Herbersteinius* Legatus *MAXIMILIANI* Imperatoris scribit, se, præter aliam gazam, vidisse diadema, cui nec Imperatoris Romani, nec Regum Hispaniæ, Vngariæ, Galliæ (quæ omnia vidit) equiparari posset.

CAPUT VI.

Ingressus Legatorum Cesareorum Moscuam; ubi Moschorum splendor describitur. Precautiones *GOSIEVII* in Patriam missæ. Acta in Comitibus Regni, super electione vivente adhuc Rege instituenda, & super libertate *GOSIEVII*.

Moschorū Generalissimi, & *Zmirovius*, (quem maximi belli, eundē & cladis consortē fuisse compertum est) armis, copiis, libertate, mulctati; hic insuper vitā: nam dū *Homliam* in tractu *Czerniechoviensi* obsidet, à villano inter rudera delitescēte, glāde trajicitur. Cumq; ita, quasi uno ictu omnes Moschorum Generales sublatis, solus *Dolgorukius* omnium Collegarum interitu felix, ob reliquias exercitūs Moscuam reductas, elatior per ora vulgi ferebatur. Post

cjus

Anno
1661.

Zmirov
occiditur

Mobilis
viae Moschi
sibi excē
si.

eius discessum Mohilovienses, per seditionem exciso Moschovitico præsidio, patefactis mœnibus Regias Aquilas in viscera Civitatis susceperunt, nullum tamen acceptârunt præsidium: sed esse se, velle, & fore in posterum liberos, eoque ipso felices, polliciti.

Inter publicos suæ Patriæ applausus, lætus malis suis CORVINVS, hilarius quàm retrò ferias Bacchanales fociis apparari iussit. Tunc primùm chorda musica, rudi artificio, magis ad repetendas veteres hilaritates, quàm ad novam excitandam, elaborata ibidem, adhibita est. Præsenti bello, ingens numerus fidicinum commigraverat in Moschoviam. Res exotica & illicita visa est Patriarchæ; proindè unâ eademque horâ, in tota Vrbe, à licitoribus confracta omnia instrumenta, curribus sex extra flumèn Mosquam exportata, in publico foro concremari fecit. Idem evenit moribus cultissimo Principi, *NIKITÆ ROMANOW* Patrueli Principis: quo absente, perfractæ fores, omniaque peregrina palatij ornamenta còvulsa, asportata, exusta

*Musice
usus abo-
litus
Moscuæ
1658.*

exusta. *Dofgorukius* solus, ex omnibus, suis meritis & naturâ insolentior, Patriarchales lictores, domo suâ ejecit, dictitans: *se solus Magni Principis edictis vitam & sanguinem deberes imperium verò Patriarchale intra Aras & Clerum concludi; ad Procerum domos minimè extendi.* In Ecclesiis quoque præter insulos cantores, nulla audiveris musica instrumenta: ad mentionem organi apud Psalmistam aiunt: *linguâ & guttur hoc nomine nuncupari.* Suspecta Moschis, ac iam conscia tot cladum, videbatur Nostra hilaritas: dum itaque sensimus velle *Pristavos* ex hilarioribus hæc & illa sciscitari, de industria commixto simul, per medietatem vino Hispanico cum adusto, omnium primos sciscitatores obruimus: liberaliùs inde comestati, instituebamus colloquia.

Vigesimâ primâ Martij, noctu ingens incendium exortum in Castello, granarium & officinas Palatio adjacentes, absumpsit. Vidisses multâ in Principem adulatione, *Dofgorukium*, compluresque alios in sua Patria nobilitate insignes

*Incedi-
um in
Castello.*

signes, scandere tecta, illaq; securibus evertere ac medias ædes præscindere. Orto incendio, Castellum ob metum seditionis, incendio quovis graviolem, occlusum: nec opprimendo igni quispiam alius, præter præsidarium peditatum, intromissus. *Necesse est multos timeat, quem multi timent.*

Seneca

*Dominica
sa Palmarum.*

Repetita Dominica Palmarum solitâ pompâ, præterquàm quòd florentissimus ille peditatus diminutus, squalidus, longèq; impar illi, antea-ctorum annorum, sub signis appareret. Princeps per *Artemium Serbeiwicz*, **GOSIEWIO** super tectum constituto, ut antea-ctis annis, transmisit salutem.

Nicolaum Schultyn, curâ suorum amicorum eliberandum, clam intelleximus: idcirco & ipse optimè informatus, schedulas in Patriam deportandas, inclusas libello, à **CORVINO** accepit, in quibus sequentia continebantur.

*Præcau-
tiones in
Patriam
missæ.*

Post tot clades Moschis illatas, vim & imperium victis dedistis, dum exercitus vestri hostico abstinerunt: non pridem desperati, iam nunc altos gerunt

gerunt animos. Ablatarum Provinciarum restitutio post tot clades conclusa, iam nunc negatur.

Facilitatem Vestram in dimittendis captivis sue gentis, dum vident, facili negotio residuos sperant eliberandos: ipsimet in enecandis nostris obstinantur. Pertinaciter itaq; pro singulis captivis, singuli petendi & concedendi.

Nullis Moschorum promissis credite: nam omnia in elusionem & fraudem promittunt, non præstituri promissis fidem.

Quandoquidem impossibiles proponunt conditiones; obicienda impossibiles.

Ablegatis, de iure bona provisio competit: circumspectio verò ingens requiritur: nam vel explorandi gratiâ, vel temporis æstivi distrabendi, ad Vos mittuntur. Eosdem expediri absq; morâ, opto: plurima namq; arcaniora, è Patria nostra pleriq; Ablegati attulerunt.

Proditores quoq; in Patria complures habetis, qui intima consilia Vestra, & vires descriptas, huc transmiserunt.

Hic pacem non intendunt. Tractatus ideò pro-
mittunt

mittunt, ut astatem spe pacis distrahant: hyeme & Vos & Tartaros redituros in Patriam, Kozacos verò ad se pertrahendos, sperant. Ex Anglia mercenarium militem præstolantur. Prævenienda omnia, & quàm celerrimè suppressenda.

Captivi totam Sibiriam, olim desertam, incolunt; nullatenus restituendi, nisi bello cogantur.

Quamdiu bellum non transferetis in hosticum, aut nullam, aut cum maximo Vestro detrimento, pacem sperate.

In gratiam Paschalis solennitatis, Magnus Princeps, per Secretarium suum Baczmakovi-
um, munera misit GOSIEVIO: scilicet decem ulnas ferici flavi, & quinquaginta Rubellos argenti; centum cupri. Cæteris Concaptivis omnibus, habito personarum respectu, liberalia dona data. Adjecta contra Gentem Polonam querela, quòd alieno à Christianitate more, Moschorum Gentis Captivos in Tauricam Chersonesum pro equis & arcubus venundare non erubescant. Suum Principem nihilominus, Christianis Captivis, (quàmvis in suo positum sit arbitrio) nolle repen-

Liberalitas N. a. gni Du. ais.

rependere vicè; sed eos Christiano colere ritu, illisq; munera largiri, effatus.

Nuntiabatur iam magnâ expectatione omnium, adventus Cæsareorum Legatorum, qui duobus acerbissima odia exercentibus Regnis, mediationem, pacemq; demùm allaturi sperabantur. Quandoquidem publicarum, privatarumq; opum ostentatione, tum hominum multitudine, hic dies à Moschis prædicabatur fore mirabilis: & CORVINVS ingressû spectare, recentiq; perfrui aurâ (semper aliàs inclusus suæ mansioni) cupiebat: & Moschi (qui plerumq; propria mirari, & præferre cunctis consueverunt) Pristavi non obscure gratiam spectandi impetrandam, ultrò innuebant. Nec difficulter impetrata. In Suburbium Twerense (hæc via pro triumphali habetur) ad Prætoriam domum & porticum superiorem cæteris altiorum, equo deductus cum suis Concaptivis, primum spectavit mirè amænû illius Urbis, simulq; Castellum, hinc inde, fluviis irriguum, maximè opportunû, benèq; munitû, ac totâ Vrbe eminentè situm

Cæsarei Legati expectantur Moschicæ.

litum. Spectabat deinceps multorum Procerum filios, sigillatim cum suo comitatu splendidè in campum, Vrbe excedentes. Ex villis Principis, sedecim (veriùs ego crediderim quatuor aut quinq;) equorum millia deducta dicebantur: qui fortunæ tenuioris ministris commodati. Iam verò, quibus & natalium splendor, & opum, maiorem copiam rerum suppeditabat, ipsi auro aut argento intertextam Persicam vestem induti, torquati pectus, pileos gemmis splendidos gerebant. Zebellinæ Scythicæ pelles, vulgare quid cernebantur: generosissimi equi Turcici, Polonici, aureis, argenteisq; sellis Turcicâ opulentiâ instrati, infidebantur: sessoreq; vacui, ante signa ducebantur. Tum ingens mancipiorum famulitium, unumquodq; signum concomitabatur.

Pompa triumphalis. Ordo Aula Moscovitica.

Omnibus in campo sub signa distributis, postquam Legatis dextræ datæ, rhedaq; Principis auro splendida: primus in Urbem sub signis sese infundebat ingens numerus famulitij & mancipiorum, quæ unusquisq; Procerum, suis armis,

armis, veste, & equis instructa, triginta aut quadraginta expediverat. *Dworonye ludie* dicuntur.

Sequebantur Prætoriani pedites sexcenti vestem purpuream induti: omnes equis candidis vecti. *Streley.*

Hic locus datus est, qui vestium & equorum splendore pares cæteris, *Gostie* dicuntur.

Sequebantur sub suis signis, Ducalibus equis ignavissimè iniecti, abiectissimi Ministri Ducalium culinarum, braxatoriorum, cellariorum; pistores, ianitores &c. &c. *Kluczni Prostszye, & pochodonye stiepiennye, Łaziebniczye, Skaterniczye, Storoży, Istopniki, Chlebniki, Sytniki, Powary* &c. ductores, illorumq; præcipui eminebant vestium cultu. Ingens hominum numerus.

Equites Moschi mille, Germanico more, disciplinâ & ordine egregiè instructi, ab Officialibus Germanis ducebantur. *Ryтары, Sokolniki.*

Avium venaticarum Præfecti quadraginta. Hi erant tunc in magno apud ALEXIVM Princi-

Principem obsequio; idcirco magnoperè apud Proceres æstimati, dabaturq; iis fides, quicquid Nomine Principis edicebant. *Sokolniki.*

Artemon Serbetienicz Colonellus (qui millesimo sexcentesimo septuagesimo quarto, Senatorium munus adeptus, Supremi Ministri obibat officium) omni splendore vestium gemmarumque, Zebellinarum pellium, equorum elegantia, cultus ipse, ducebat cultiores Ministros Ducalis Equilis. Horum ordo non inlegans. Triplici ordine octodecim Equites vestem purpuream, pileos flavos induti equitabant: hos sequebantur octodecim equites, veste flava, pileis purpureis: totidem, veste rubra, pileo viridi; totidem veste viridi, pileo rubro: & sic deinceps longâ serie varij colores permixti.

Iam scribarum duo fere millia sub suis signis - - - - - *Poddiaczye.*

Secretariorum aliquot centeni - - - *Diaki.*

Longè cultiori apparatu, Nobilitas sub suis signis. - - - - - *Dworzanie.*

Tum

*Koniu-
sby.*

Tum atrienses aulici, - - - - - *Zylcy.*

Nomine, non officio, Cubicularii Principis sub sex signis. - - - - - *Strabczye.*

Dignitate, splendoreq; vestium insignes Mæ. sæ Ducalis Ministri fermè quadringenti, immensum clausisse videbantur agmen. - *Stolniki.*

Post longum temporis & loci intervallum, sequebatur absq; signis, manipulus ferè quintigentorum equitum; omnes, qui frontem vel medium, numerosi æquè ac splendidi comitatus occupaverant, vestium, equorum, gemmarum, fellarumq; splendore antecellens. Aurea aut argentea toga, communis omnium vestitus. Tibnitus verò bullarum, aut torquium, quos hætenus appendi est mos, tam numerosus validusq; erat, ut quid interim loquerentur, nec à circumfusa multitudine, nec à se invicem intelligi potuerint. Hi erant Camerarij, & Procerum Moschoviæ Filij, Nobilissimi quiq; *Kornatnye* nuncupantur.

Kornatnye.

Supremo loco rhedâ Ducali, tanto apparatu dignâ, sexigis in Urbem vehabantur Sacræ Cæsa-

Cæsareæ Maieſtatis Legati Extraordinarij. ſcilicet AVGVSTINVS Von MAY-ERN, Sacr: Cæſar: Maieſt: Cameræ Conſiliarius, & HORATIVS GVILIELMV S CALVVCCI, itidē S.C.M. Cameræ Cōſiliarij. Quorum comitatu aulico, dati equi candidi omnes. Duravit hic ingreſſus, à meridie ad profundioreſ ſolis occaſum, horis fermè ſeptem. Meo iudicio, ſi è tanto numero, ſelectiores tantùm ad ornandam ingreſſus illius celebri- tatem propoſiti fuiſſent, procul dubio ſpectan- tium maximo guſtu & applauſu, trium aut qua- tuor millium, incomparabili ſplendore & ma- gnificentia exhibuiſſent manum. Iam verò dum numeroſiſſimi videri ab Externis cupiunt, liris & calonibus ſigna complent. Hinc exortâ ſub ipſum ingreſſum pluvia, pileos recondunt, non deferentes tamen ſigna, nec quopiam pallium ſubminiſtrante, nudo capite coacti excipere nimbum.

Princeps prætereuntem equitatum ſpectabat è Caſtello, medius inter Proceres: quorùm Offi-

Officia recenſeo proprio ordine, Lectori Sta- tum ejus Aulæ, notum habere volenti. (Iarius

Diaki Dumnye. Supremi Secretarij & Cæce-

Ordo Se-
natorius

Dworzanie Dumnye. Senatores tertij Ordinis.

Kaznaczey. Theſaurarius. (fectus.

Oruzenniczey. Armorū perſonæ Ducalis Præ-

Krayczy. Inciſor.

Okolniczye. Senatores ſecundi ordinis.

Dumnye Boiare. Supremi Senatores.

Dworeckoy z putiom. Supremus Aulæ Mar-

ſchalcus.

Koniuſzy Osudarſtwienny. Comes ſtabilis, ſeu

Supremus Miniſter ſtatûs, aliàs Stabuli Ducalis

Præfeſtus. Hic deficiente lineâ Ducali,

ex vi ſui officij, erat primus Candidatus Monar-

chiæ. Hoc ſupremum officium vacat, ob metum

Tyrannidis, (uti infra conſtabit) in Magnis Du-

cibus Moſchoviæ.

Peditatus intra Urbem manſit, incendiij

(veriùs ſeditionis, iam ingenti rabie in po-

pulo gliſcentis, quæ demùm anno ſequenti e-

rupit) metu; ſed poſtridiè, dum omni civilitate

Z

(quæ

(quæ inter Austriacam & Moschoviticam Aulam sacrosanctè colitur) Legati ad osculum dextræ Magni Principis erant admittendi, in armis exhibitus. Populus quoq; ostentandæ frequentæ causâ, tam in Castellum, quàm extra compulsus. Austriacorum adventu, non revocati ad religionem animi, nec extinctæ inter Principes, bellorum faces: quum mediatores sibi non deessent; Moschi suum commodum metirentur: Polonus veterum bellorum causam Smolenscum, Severiamq; repeteret, mediacionemq; omnem, præcipuè tunc Austriacam recusaret. Accuratissimè Moschi sciscitabantur, num aliqua notitia inter Legatos & CORVINVM, antèhâc non intercesserit? num hisce diebus clam Sibi salutem & literas non transmiserint? hinc Legatis nuntiabant, Eum adventare: intereà vultum considerantes, quâ promptitudine, Hospitem falsò adventurum præstolarentur. Seu suapte prudentiâ, adversus Moschorum fraudulenta & suspiciosa ingenia instructi, seu jam à CORVINO præmoniti

moniti Austriaci, dolos *Pristavorum* eluserunt, simulandoq; ignorantiam Personæ, responderunt: *paratos se esse, ad excipiendos omnes, quâ par est humanitate, quicumq; sese invisere voluerint.* Multò verò post, injectâ ab Austriacis quâdam mentione GOSIEVII, orta est *Pristavis* suspicio. Actum ibidem inter Excubitores scrutinium, quinam Externi eo die, aut pridie illuc comparuerint? num schedulam aliquam non attulerint? dextrè tamen per ipsosmet Legatos, aversa est ab literarum latore culpa, in seniculum quendam, prorsus facti expertem: qui præstito juramento super facti ignorantia, liber à calumnia evasit. Iam CORVINVS secretiori charactere interpellaverat Legatos: à quibus vicissim, proprio, & Ducum Curlandiæ Nomine, multis nominibus commendatam receperat salutem. Ministri literis transferendis adhibiti excubitores, æquè apud CORVINVM ac apud Legatos invigilare alternatim soliti: scribingendi modus primùm Arithmeticus, mox ceparû, vel citriorû succus ad secretum

*Litera-
rum com-
mercium
inter Le-
gatos &
Goseri-
um.*

187

tum celandum inventus. Quâ ratione Sibi salutem, & quicumq; occurrerent in Vrbe rumores, ferè indies transmittent: vocabulo quidem impares, pari tamen forte & modo tractati, ferè nostris se agnoverunt Austriaci æquales, cum se ligatos Legatos, familiari scripto appellarent. De consensu Magni Principis, amandabatur Cursor Austriacus Viennam, iturus per Poloniam. Præmonitus à Legatis CORVINVS de dandis clam literis, in Patriam, certò & securè deportandis, hanc Arithmetico stylo scripsit schedulam, Supremo Cancellario Magni Ducatûs Lithuaniae.

*Precau-
tiones in
Patriam*

Pacem Vobis proficuum, non nisi in hostico sperate.
Accelerandum huc quam maximè, quousq; inopes consilij, ad seditionem pronos invenire potestis.
Si hac æstate finem bello non imponetis, vel nullam, vel post multa tempora, pacem sperate.
Tria hæc Regi suo, cautelæ loco transmiserat, quæ si intercepta fuissent, Legati proditionis suspicionem non evasissent.

Hoc

188

Hoc anno extremū obiit diem Georgianorum Princeps, Moschis dicitur HRVZDZINSKI CAR. Is ad littora Caspij maris beneficium à Magno Moschoviæ Principe acceperat imperium. Vicissim Moscuam mittere iussus suum ex Fratre Nepotem, unâ cum Matre; vel in spem imperij paterni. educandum, vel pignoris loco habendum. Octavum iam supra decimum annum Princeps ille attigerat. Dignitas ejus Moscuæ non ultra titulos Regales processit: in publico proximus lateri Magni Principis assistebat; in conviviis ab eo instructis (nunquam enim Moschorum Principem excipi convivio à subdito fas est) non inter Proceres, sed Regio more, proximus Ducali mensæ assidebat, quasi vetustate dominij, & spe imperij, post fata sui patris obtinendi, ad id gloriæ culmen proveheretur. Omnium bellorum comes individuus Magno Duci adherat, suam dignitatem in obsequio Maiestatis collocans, ad quam spe ingenti affurgebat: non quam illi è suo sensu pendens libertas, pacis an bel-

*Arz-
dini mo-
rum Re-
gula Mo-
sue.*

an belli rationes sequeretur? arbitrium Principis pro lege erat: cæterùm quò altiùs suapte naturâ in obsequium prono Moschovitico Exercitui, reverentiam sui imprimeret *Carewicz HRVZDZINSKI*, Rcx sine populo, Dux sine Militibus, graves sed inanes titulos in castris præseferabat. Equi nusquam illi concessa facultas, sed quoties in publico comparendum erat, consulto Principe, Ducalis equus, aut carpentum (non inelegans tamen) *HRVZDZINI O*, pro una aut altera hora commodabatur. Victualia & pecunia ex ærario Ducali hebdomadatim providebantur. Celsa alioqui, quia Ducali Solio vicina, ejus in Moschovia dignitas, non supra invidiam Procerum assurrexit: petebatur undiq; odiis & calumniis, hoc gravior omnibus, quò celsiùs iisdem eminere videbatur. Vix portas Moscux, fama de obitu Patru sui attigerat, extemplò citra spem & quid ageretur ignarus, ad Castellum rapitur, (omnia enim agere ex improvise & tumultuariè Moschi solent) in conspectum Principis adducitur, attol-

litur

litur Paternum ad fastigium, alienæ potentix donum; beneficiarium accipit Regnum: iterq; in Hruzdziiniam cum Matre apparare iubetur. Decem millia *Rubellorum* cupri, & viginti quadragenæ Zebellinarum pellium, ei dono datæ. Ex semicaptivo iam Regulus, viâ publicâ, dives munerum, circumfusi populi plausibus superbus, domum honorificè deducitur. Vbi dū spem restituendi domini, & hætenus dubiè fluctuantia vota, servatâ Magni Ducis fide firmari gratulatur, anteq; discessum, numerosum ex amicis & sociis itineri suo describit comitatum; apud Senatum accusatur: illicò porta domûs excubitoribus firmatur, nemo admittitur, nec priùs remotæ excubiæ, quàm instructis in flumine navigiis, honorificè à Nobilitate Moschovitica, ad flumen deduci mandaretur. Quatuordecim navigiis maioribus, cum Matre sua; cidari conspicuo, & stipato famulitio Persarû more vestito, (quibus contermini sunt Georgiani) cum præsidario peditatu (nam Wolga latrociniiis Donensium, è Tanai, per paludes & cannas irrumpentiũ

*Regulus
in Patri
am suam
destina-
tur.*

pentium obnoxius est) solvit è portu, in Occam, & Wolgam, ac usq; Astrachaniam appulit: inde mutato consilio, Moscuam retractus, donec iterum expediretur in Patriam. Mater eius discessura, per Medicum CORVINO ore tenens transmisit salutem, distitans: Filij sui sortem, ejus Fortune esse consimilem: comprecata à Deo utriq; veram libertatem. Discessum ejus spectabamus de Supremo domus fastigio.

Captivorum quispiam, abiturus liber in Poloniam, mendicans ad portam GOSIEVIANÆ domus comparuit: ei schedula Arithmetice scripta, (reddenda M. D. L. Supremo Cancellario) pani inclusa, porrecta; quæ has præcautiones continebat:

Præcautiones in Patriam missæ.

Cave, Ne à bello desistatis.

Ne Moschi Captivi vendantur.

Ne fidem infide Genti præstetis.

Ablegatorum explorationes vitate.

Pacem si bonam vultis, in hostico querite.

Quosdam amicos nostros, sibi hinc non deesse scitote.

Aliud moltò prolixius scriptum, per portum Archàngeli

geli Dantiscum, & Varfaviam, eidem M. D. L. Cancellario, transmisit.

Duo sunt, quibus Moschorum salus in casu extremo, desperatisq; rebus nititur.

Primò Legatis mediationem offerentibus, sistere pericula, & obtinere desiderata sperant. Secundò. *Præcautiones alie.* Omnino sibi persuadent, bellum brumale Polonis ipsi brevi grave futurum; dum contra potentiores armis Polonos, pertinaci obstinatione certabunt Moschi: omnibus, quæ sua sunt, in arcibus conservatis, leve damnum in iactura pagorum habituri.

Vtrumque serviet pro remedio.

Ad primum. Videntur quàm humanissime excipiendi Legati omnium Principum: non neganda mediatio, servatis servandis, & provisâ prius per eosdem, ante præliminaria, recuperatione Captivorum, tanquam primum experimentum fidei & valoris horum Mediatorum, & vera ad pacem propensionis Moschorum. Quâ in re, promissis minimè fident, donec effectivè restituantur: ostentare enim Captivos, non commutare, illis solenne est.

Ad secundum. Sic res gerenda, ut appareat

Aa

Polonos

Polonos hinc vivere velle, neq; ante confectam pacem, in suam Patriam redituros.

Cum Suecis & Tartaris, magno pretio pacem querunt, sperantq; venalem. Vos infinito prosequuntur odio, & magna vindicta flagrant cupiditate. Hinc omnem suam gloriam, & commoda, ignominiam damnisq; Nostris aucturi, quicquid per Suecos illis demitur.

Adiuro Vos, ne hac, à me scripta vulgentur: meo alias, meorumq; interitu oblitteranda.

In Polonia generalia Comitata Regni, & M. D. L. indicta; IOANNES CASIMIRVS dum viribus ætateq; adhuc benè valeret, futuræ pacis, quietis, securitatis, providus; rebus Polonicis, præfertim iam nunc adversus Externos, bello florentibus, omnia ad avitam pacem per Electionem novi Regis, Se vivente instituendam reducere decrevit. Ingentem ergo ordinum frequentiam, ad Comitata collectam, eiusmodi allocutus est oratione.

Oratio
Regis
Polonia

Non dubito quin propositio mea (qua in particularibus Comitibus, circa Electionem Me vivente instituta

instituendam, scripto Meo innotuit) admirationem aliquam in Vobis excitaverit, ex insolita ceteris Principibus condescensione; dum Me vivente liberis Vestris suffragiis, Electum cupiam videre Successorem, quem naturali serie relinquere, Fata invida Mibi denegârunt. Nec illud Mibi incertum est; rem adeo insperatam, variis sinistris interpretationibus obnoxiam esse; quas ut candida declaratione Mea extinguerem, æquum videbatur, sermone publico pressas hactenus Regali pectore, Patria faventissimas intentiones Meas depromere. Imprimis neminem velim existimare, Me de repente & inconsideratè id consilij arripuisse; etenim ab Anno millesimo sexcentesimo quinquagesimo quinto, post obitum ultimi Fratris Mei, ipsemet ætate gravis, extra spem prolis propagandæ, iamq; Supremus Domus Meæ Hæres, considerabam, id à Me deberi huic Patriæ, ne post fata Mea, supremum illi fatum, cum inseparabili ruina incumberet. Sed ob emergentia indies nova bella, dilata necessaria proposita resumpsi, quamprimum Respublica à cladibus respirare capit.

Considerans itaq; iam ducentis annis ex linea Ma-

Aaz

terna

pro instituenda
Electione se vivente
Iulij
1661.

terna: septuaginta ex Paterna, Domum Meam, liberis Vestris suffragiis, in hoc Throno Regnatricem sedisse: Memetipsum in hac Patria natum, educatum, à Vobis electum, regnare: optabam hoc monumentum gratitudinis, in mentibus Vestris relinquere, ne beneficiorum, vicissim & Domus Mea amor, Mei q̄; memoria, simul Mecum emoreretur: sed ut etiam post Fata Mea, gratam recordationis memoriam, in cordibus Vestris possem continuare, inductis Vobis, per consilium assensumq̄; Meam, ad liberam Electionem, quam non nisi Me vivente, liberam esse posse existimo.

Dumq̄; examino vires Meas, quâ ratione postremus Familia Jagellonica Hares, possem huic Reipublicae continuatum in Domo Mea Imperium compensare, nil efficacius invenio, hâc meâ propositione; super quam securè effari possum: Popule mi, quid amplius tibi facere potui, & non feci.

DEVM appello testem, nullum Me privatim bonum intendere: nam Ego per legem mortalitatis, omnia Mea & Domus Mea Fata, Mecum traham; nec video, cur in hoc negotio, intentiones Meae haberentur suspecta,

in quibus Mei videor obvisci; immò absq̄; reflexione Me expono variis Regnantium casibus, Poloniae Gentis virtuti, Meoq̄; in presenti actu Heroico amori, erga Regnum hoc, confusus.

Protestor, ante DEVM hoc genere cessionis nullum averta Vestrae libertati praedudicium, aut fieri, aut Me facere, intendere: immò in conscientia existimo, nullo modo libertatibus Vestris melius provideri posse, nisi per Electionem Me vivente instituendam.

Quò verò certiores sitis, ex Mea parte polliceor, Me relicturum Vobis omnia requisita liberae Electionis: Eum approbaturum, quem Vos elegeritis; dummodo sit Catholicus, antiquâ Principum Familiâ oriundus: non Vasallus vicinorum Principum, aut recentere creatus Princeps, aut ob arbitrio & nutu alicuius Principis, minus Christiani, dependens: aut Turcicum bellum secum inducturus. Deniq̄; ut sit Me longè annis inferior, & vegetior.

Minus opto eligi aliquem ex his, qui in Persona bellum gesserunt contra Poloniam, ne per viam
& po-

Et potentiam, Tyrannico quodam modo occupare hoc Regnum intendat.

Minimè necessarium duco, huiusce Electionis recensere commoda; non latent pericula Interregnum; id solùm revoco in memoriam, quòd quantumvis sæpenumerò Respublica feliciter superaverit Interregna, nihilominus exo presenti certò & evidenter ei foret succumbendum. Ætas illa Maiorum Nostrorum, simplicitatem, sinceritatem, amorem recti coluit: firmior erat unio animorum in Republica, non ita potens audentium ambitus. Ignoti eramus Principibus Externis: ignorarunt, in quos usus illis valere poterat Nostra Potentia, nullis promissis in partes Nostras inclinati, imò egestas & contempta ruditas Nostra, longè eos à Nobis, Nosq; ab illis avertēbant. Nullus tunc in Republica mercenarius miles, nulla seditiones militum audiebantur. Nullum suberat periculum, aut metus, ne Pars una, per potentiam alteri Regem imponeret: aut si id contigit, nil à finitimis, Partes metuebant. At hac temporum tempestate, omnia hac mala Patrie imminent: utinam sem falsus Vates: certum tamen est, absq; hac Electione

Etione cessurā Republicā in direptionē Gentium. Moschi Gentesq; Russorū, linguā & ritu sibi cognata, sese vindicabunt, Lithuaniam sibi destinabūt: finitimis patebunt confinia Maioris Polonia: de Prussia Suecus & Brandenburgicus, aut pacifcentur, aut digladiabuntur. Inde Domus Austriaca, quāvis sanctissimas gerat intentiones, in tanta direptione, Extraneorumq; vicinitate, sibi non deerit. Unusquisq; enim partem Poloniae, armis quæsitam; quam totam, antiquis libertatibus contra Principes tutam, habere malet.

Quis tandem sponsor? num Exercitus Nostri, alicujus Principis non augebunt vires? an signa sua signis alicujus ex rapientibus Imperium, non sociabunt? Novo quoq; in Republica Kozacorum Statui, ut licuit Me vivente ad Remp: accessus, ita Interregni tempore omnia audere licebit.

Velitis itaq; considerare, non posse esse liberam Electionem, nisi Me vivente: nec Vos fallat nimis moris vetusti amor; dum Regna pœnè universa, novas indies veteribus surrogent consuetudines, recentescq; rationes inveniant, quibus novas pariant, partaq; fortunas tueantur. Amplectimini supremum hunc

Pater.

Paterni affectus Mei conatum; Vobis, Posteritati, quam optimè consulite. Nec differatis hanc Electionem ad feliciora tempora; nam hæc ipsa, in quam tot tantisq; votis ferimini, felicitas tēporum Vestrorum, dependet à præsentis Electione: multum ex præconcepta ambitione remittent illi, qui huic Regno suprema mala moliuntur; ubi adverterint adversus sua arma, Vos validis infuturū munitos consiliis. Concludo hunc sapremū in Throno Vestro sermonem, Divinā exorans Maiestatē, ut eam in Vobis excitet mentē, quatenus præsens sincerus, & ab omnibus Meis privatis commodis purus amor, jaciatur in animis Vestris solidū erga Me perennaturæ gratitudinis fundamentū, & suggerat consilia, ex quibus publicæ felicitatis celsa aternaq; moles assurgere possit. Certus sum deniq; quod ejusmodi Meus affectus idipsum magis firmabit, ut in obsequio & fide Mihi jurata, ad extremum vitæ Meæ terminum, exemplo Maiorum Vestrorum, constanter perseveretis.

Aperta hæc Regis intentio vix in aliquot Principibus orbi hætenus observata, ab Origine Du-

ne Ducum Regumq; Poloniæ inaudita, grandem in Proceribus utriusq; Gentis admirationem excitavit: rapuit obtutus omnium, privatis tenebris Se involvens Serenitas, solis magnorumq; siderum naturam imitata; quæ tunc vel maximè observantur, cum aliquid in illis ex more mutatum est; tunc omnium vultus in cælo est. Sol spectatorem nisi cum deficit, non habet; nemo observat Lunam, nisi laborantē: tunc Vrbes conclamant, tunc pro se quisq; non vanā trepidat superstitione. In mores vitæq; privati eunte Rege, simul orbata Maieestas, simul Statûs Regij mutationē secuta est grandis in Regno confusio. Ivêre in diversas sententias, discordes Civium animi, intestinis motibus tota concussa Polonia, Civili-um bellorum semina, in cognatas acies, domesticæq; prælia excreverunt, formidatumq; hostibus enses, vidit & doluit Polonia,

In sua Civili converſū viscera dextrâ.

Domesticis in Polonia tumultibus, ad arma excitata Turcia: ita suis & alienis viribus in Patriæ ruinam laboratum. Suspiciabantur non

vanè universi in viduatam Principe Maiestatem obtrudi *Condaum*. Iam jura libertatis, tacitis factionibus violari, serviles tegi fallacias; bellum in Imperium favorabile Gallis, jam prope excitari manifestè videbant. Electionem hanc vivente Principe, libertatibus suis, & à Maioribus recepto usui, perniciosam fore, iudicabant. Pars, Regni competitores (Fæminæ Principes præsertim, fæmineorumq; consiliorum in Aula sequaces) plenissimis assentatione encomiis celebrant. At Exercitus, suis viribus stare Rempublicam, suis victoriis augeri, se Maiestatis custodes, suo arbitrio Principes ad Solium sublimandos (Procerum, bellique Ducum, instinctu) testabantur. Cuncti verò potissimâ rationem adversus Electionē prætendebant, metum publicum; ne *Condao* absolutū imperium factum, Genti Austriacæ hostile redderetur. Dum ita intestinis motibus tota concutitur Polonia; **CORVINVS** seu præfagâ mali mente, seu in Patria perspecta habens Civium ingenia, in varios divisa sensus, *sibi quidem*

dem in Moschorvia moriendum, dum bella consulto pro enervatione Civium trahentur; Patriæ verò domestica & externa mala ingentia prædixit. *Se-* cutæ inde namq; seditiones militum, Civile bellum, clades Regionum geminatae. At ubi hi omnes conatus pro instituenda *Condei* electione ad votum non cederent, obitus Reginae, & Regis abdicatio, extremum deniq; malorum, gravis belli Turcici tempestas, in *Podoliam, Wolyniam, Russiam, Ukrainam* effusa, nil nisi subversionem Gentis, certumq; interitum Poloniae minabatur. Et hæc quidem humana volvebant consilia, ignara quòd vagum Imperium fata destinaerent **Genti SOBIESCIANÆ**: ut jam tunc aucti Turcarum successus, & altiùs elata potentia, graviori pondere olim ad Chocimum & Viennam victore gladio **IOANNIS** Tertij rueret, profligareturq;. Interea magnorum negotiorum curâ distracto Regno; clarus in exilio, carus amicis, desiderii Civium revocabatur in Patriam, Patriæ indemnitati in carcere emoriens **CORVINVS**

*Marschal
ei oratio
pro libe-
ratione
Corvini*

N V S. Equestris ordo solenni oratione, Regem Senatūq; per Marschalcum precatus est, ut quā ratione **VINCENTIVS CORVINVS** delictum Patriæ, in Patriam revocaretur, inirent modos. Rex non difficulter & ipse Civis Emeriti fervendi cupidus; præbuit assensum, Quatuor Moschorum Generalissimi ad Czudnoviam & Polonkam capti, pro Eo uno restituendo, decreti. Scilicet: *Kniaz Osip Iwanowicz Sczerbaty*, Senatorii ordinis.

Kniaz Siemion Lukicz Sczerbaty Campi Dux

Kniaz Gregory Ofanasewicz Kozłowski Campi Dux.

Iwan Akinfieion Campi Dux.

Actum ea de re à Cancellario Magni Ducatus Lithuanie cum *Zamiatnio* Careo Ablegato: sed cum is negaret à suo Principali, sibi datam potestatem, hæc de re quidquam statuendi, liberalis declaratio Magno Moschovie Principi, in vim donationis, (salvo Iure & caractere **GOSIEVIANÆ** Legationis) per *Zamiatnium* scripta est: ac ipse **GOSIEVIVS**

in nu

in numerum Legatorum, lege adscitus. Legatis iniunctum, ut posteaquam inter Principes per Ablegatos de tempore & loco fuerit conclusum, eò res deducerent, ut inter utramq; Gentem, ex tot cadibus nova indies nascentia bella tandem opprimerent, & cum publico bono, lites ad desideratam pacis tranquillitatem reducerent. *Iidem* urgentissime instare iussi, ut **CORVINVS** ad initium tractatum statueretur, qui non modo militari, sed ad præsens Legatus, circumventus & captus, contra fidem jurejurando datam, contra Iura Gentium, iniuriosè, in præiudicium Reipublicæ, Moscuam deductus.

Cum reditu *Zamiatnii* meliora sperabantur: dum liberalitate Divinâ, adeò dives Polonorum Lithuanorumq; esset Victoria, ut de sua præda, pro unoquoq; Civium, aliquot Moschorum capita donarentur: ac insuper (insuetæ aliis annis) Ducalis Clementiæ indicia, libertatem prælagire viderentur. Nam cum *Zamiatnio* unus ex familiaribus **CORVINI**, cum literis, medicamentis, vino, pecunia, &c: rectâ eundem accedere, ac totos quindecim dies vivere & colloqui

colloqui liberè permissus. Regiæ literæ cum-
primis spem auxerunt.

IOANNES CASIMIRVS D. G.

REX Polonia, Magnus Dux Lithuania &c.

Perillustris, Sincere Nobis Dilecte.

Æquè anteaetis annis, fidele consilium Sinceritatis Vestrae presentis estimabamus, ac nunc; quando Divina bonitas, amplissimè auxit res Nostras; externa & interna undiq; removit mala; spoliis, Victoriis, trophæis ditavit Nostra Regna, estimantes idem consilium Sinceritatis Vestrae, decrevimus cum Ordinibus Regni, in presentibus Comitibus, pacis artibus magis quàm belli, cum Moschovia pacisci. Designavimus Commissarios Nostros ad Tractatum pacis, includendo Sinceritatem Vestram. Què, quandoquidem presenti calamitati iniqua sors involvit, per convulsionem Iuris Gentium, urgemus restitutionem Sinceritatis Vestrae; inde facile estimaturi in vicino Principe, sincerum desiderium pacis sancienda. Non dabitabit itaq; Sinceritas Vestra esse Nobis cordi, totiq; Republica Sinceritatis Vestrae liberationem: quandoquidem omnes possibiles adhibemus
ratio.

rationes, exoptantes quàmprimùm usui Nostro, Sinceritatis Vestrae presentiam. Quem interea benè valere cupimus. Dabantur Varavia XXV Iulij MDCLVI. Regni Nostri XIV Anno.

IOANNES CASIMIRVS REX.

Rebus sic in partem Nostram dispositis, iam proculdubiò currens autumnus carceris ærumnas terminâisset, ni recens dubium Moschos, in novas furias egisset. Nonnulli Proceres Regni, cum numerosis Moschorum capitibus ad Czudnoviam captivatis, expediverunt Moscuam Adamum Mysliszewski, dato mandato, ut de commutatione GOSIEVII quidem primariam curam gereret: veriùs, ut litrum pro Captivis, (quod ii pertæsi carceris ærumnas, ultrò obtulisse ferebantur) ex thesauro Magni Ducis numerandum exigeret.

Smolensco Moscuam præmisit Captivorum aliquot, in Poloniam redituros, si litrum negaretur. Vbi Moscuam ventum est, promissâ comâ, vesteq; squalidâ, quæ immani servitute carcerisq; pædore confusos testaretur, cum
suppli

Mysli-
szewski
Venales
Moschos
proponit

supplici libello humi coram Magno Duce, procubuerunt; tum ingentes Polonici carceris exponunt calamitates, obrui se laboribus, quotidie cedi, fame enecari; boum loco trahi à Captivis aratra; hisq; cruciatuum modis litrum à Se extorqueri, firmissimè asseverant. Longè disparem esse sortem suorum sociorum, qui apud Lituanos Captivi aluntur liberaliter, reservati pro mutua Lituanorum Captivorum commutatione. Suos itaq; subditos, in Tauricam Chersonesum Tartaris venundandos, n̄ litrum persolvatur: hos presenti calamitate, sublevaret Magnus Princeps, supplicat: Gens auri tenacissima, nec alienæ par cupiditati; insuper indignitate rei permota, non Ducem solùm, sed Regem quoq; contumeliis dirisq; (quæ sola impotentis furoris arma sunt) impetere; Mysliszeviū verò conspectui Principis admoveri, & in Urbem etiam admitti, dedignata: sed hâc & illâc indignissimè, per præruptos montes flumini impendentes, & vicos, pertractum potius quàm deductum, in GOSIEVIANO carcere, præsentè *Almazio* Supremo Cancellario,

rio, Legationis summam proponere iussit. Postulabat quidem ille eliberari **CORVINVM** per commutationem *Simeonis Sczerbaty*, nuper ad Polonkam capti, Nomine **STEPHANI CZARNECKI**; sed omne convertit studium ad litrum extorquendum. Tres dies hinc nundinis Polono Nomine indignis, speratæ Captivorum libertati perniciosis, impensu **CORVINVS**, cæteriq; Captivi, moniti à Moschis: suam rem geri: se quidem ad præsens litrum persoluturos: nihilominus suis captivis receptis, erogatum aurum in triplo à Polonis extorsuros. Si qui in Tauricam venum deportarentur; scirent, vicissim se à Moschis in Persiam, aut ad Kalmykos, venum deportandos. Non paterentur itaq; in oculis suis se proponi venales, sed acerrimo sermone, Mysliszevium ab incepto deterrent. Quarto die, easdem nundinas iterantem sine fronte Mysliszevium; modestâ & ad gravitatem compositâ oratione perstrinxit **CORVINVS**: Constare sibi (ait) ex publicis privatisq; literis, cordi esse Sacra Regia Majestati, Senatuiq; suam liberta-

Moscho-
rum sen-
sus.

Gostevij
sensus.

bertatem, cum exposcentibus Ordinibus, multoties flagitaretur, seu generalis omnium, seu particularis Captivorum commutatio. Diceret itaq; Hospes, aut mercator: publicane an privatâ auctoritate hinc appulerit? Sin privatâ: hanc publica postponi debere. Vbi amore Conci-vium, sociorumq; agendum: desisteret nudinis, aut praeferret auro Ci-vium libertatem, monuit. Exceptus deinde cæterorum prudentibus, at simul ferocissimis orationibus, indignantium, se emeritos in Patria Cives, generosa stirpe oriundos, annis tribus, in alieno solo emori, plurimos clarissimorum Conci-vium, à Patria, & ab amicis exules, iam decimum sub alieno Principe agere annum, multos in carcere nasci, ibidem educari, ibidem aequè Parentes ac liberos, inter mutuos singultus miserè emori. Hunc verò advenisse, sui sanguinis mercandi causâ; permittereq; Generalissimum Illustrissimo sanguine ortum, quindecennali expeditione bellicâ, plurimisq; Victoriis celebrem; profusis opibus, ac demùm ipsâ libertate, post tot bella victoriis coronata, tot trophaea Martiâ virtute erecta, gloriamq; orbi notam, vitam deniq; tot mortibus

Fervor
Captivo-
rum.

bus pro salute Patriæ toties objectam, infami servitute terminare. Nec erubescere se ipsos, tot! in Patria, Nobilitate, ac rerum gestarum gloriâ cuiq; pares, multis superiores. Quò Conci-ves vendidisset &c. &c. Hic jam pudor avaritiam vicit. Acerrimas Captivorum querelas & indignationes, solo silentio, (quo suam impudentiam, crudelēq; auri famem liquidò testaretur) excepit inurbanus ille mercator. Adeò fervidi indignantium Captivorum spiritus, mirum in modum Cancellario, cæterisq; Moschis placuerunt, protestantibus, multa inde Captivis bona promanatura. Adducti insuper Moschi ex Polonia reduces, ibidemq; Tykocini, Kowliæ, Petricoviæ, fame, laboribus, minis, promissionem litri, à se extortam exprobrârunt eidem Internuntio. Quandoquidem Moschi commutationem nullam admittebant; Legationis ius, belli iure abrogatum CORVINO asseriebant; Szeremethium vicissim numero Legatorum suorum inscribebant, omni spe libertatis destitutus, apud avaros Conci-ves commutatio-

Gostevio
apud Cō-
patrio-
tas Polo-
nos Ve-
nalem
querit li-
bertatē

Ccz

nem

nem & libertatem venalem quæsiturus CORVINVS, Mysiszevio septuaginta millia florenorum pro Moschoviticis Captivis refundenda, pollicitus est, dummodo is pro omnibus Captivis (quorum venalia nomina attulerat) suam urgeret commutationem. Sed mercator ille alienas opes venum apportatas prætendens, Captivos in extremam conjecit desperationem: nam altero die venit ad GOSIEVIM, Magni Principis Cameræ Secretarius. Convocatisq; Captivis, depromptit è sinu longam paginam, ejusmodi in illos edictum continentē.

Edictū
contra
Capti-
vos.

Quemadmodum Moschorum Gentis Captivi in Polonia, maximis laboribus premuntur, muro valloq; erigendo, adificiis instaurandis adhibentur, fame eneantur, trahendis aratris implicantur &c. Polonæ vero Gentis Captivi vivunt in Dominiis Moschovia, otiosi, liberali victu & amictu à Magno Principe providentur: insuper magnis muneribus tum à Principe Domo, tum à populo donantur: idcirco edicto presenti vicem rependente, declaratur: ab hinc angustiiori carcere, omnes Captivos detinendos.

dos, omnis victus tertiam partem dandam, eruendoq; sali ad Kamam fluvium addicendos. Sin vero ab hinc quempiam Moschum contigerit vendi ex Polonia in Tauricam, infallibiliter GOSIEVIM cum cæteris Captivis Polonæ & Lithuanæ Gentis, ultra mare Caspium, Persis, aut Kalmykis venundandos, edixit. Ad refrenandam quidem Nostratum avaritiam, edictum hoc promulgatum: nihilominus omnes Captivi in Urbe arctioribus ergastulis inclusi, gravioribus quam antea premebantur exubiis: nusquam admissi cleemofynarij: victus conquirendi ratio adempta: ex ærario Principis solitæ pro Captivis numerari impensæ, ad tertiam usq; partem diminutæ: complures sali eruendo ad Kamam, & in Sibiriam, Tobolscum, Astrachaniam, Tierkum ablegati; nonnulli in via fame extincti, pleriq; desperatione acti, ejus Nationis & ritu, & iterato baptismo suscepto, intolerabilem liberis mentibus Captivitatem, perenni servitute commutarunt. Idem edictum promulgatum & executioni datū Tobolsci, in Sibir-

biria Kazaniæ, Astrachaniæ. Hæc mala, quæ crudelis Concivium Nostrorum avaritia in Nos congestit, tulimus fortiter, quamdiu hostilis clementia rigorem edicti non temperavit. Promulgato edicto omnes excedere cubiculo iussi; solus ille Secretarius formato ad condolentiam vultu, allocutus est CORVINVM, duro simul & culto stylo. Dolere (aiebat) se esse destinatum denuntiando tristi novo, nihilominus parendo voluntati Magni Principis, significare; Eum esse destinatum in Tauricam Chersonesum, Hano Tartarorum iam promissum pro eliberando Szeremethio, nuper à Polonis in Tauricam abduci permissum. CORVINVS tristi ac inopinato nuntio minimè consternatus, ac in repentinis casibus extemporaneus, respondit: gratulari Sibi eam commutationem, quandoquidem Se tanto tempore, humido loco inclusum, arceri hominum visu & colloquio, destitui usu aura libera, usu equi & armorum, in publicum non prodire, nec præfigi Sibi terminum, quanto adhuc tempore sit torquendus, nec modum edici, quo vetus possit libertas amissa inveniri

Gossevius in Tauricam deportandus declaratur pro Szeremethio recuperando.

niri. Litrum illis more Patrio, nullum acceptare volentibus, commutationem Suae personæ pro quatuor Generalibus Campi Marschalci non admittentibus, (nam impares eos omnes CORVINO Moschi declarârunt) et à pace abhorrentibus, Se cogi nihil hîc præter mortem sperare, & ipsâ morte gravio rem captivitatem justinere. In Taurica vero quisq; promisso litro Captivus, usu equi & armorum, hominumq; conversatione fruitur: quò placet excurrere finitur: tandem apportato litro, sine mora Patriæ & amicis restituitur. Insuper quandoquidem Sacra Regia Maiestas quatuor Campi Marschaleos Moschos, Suae Consorti condonavit, quàmprimum quatuor prædicti, in Tauricam deportabuntur, illicò Tartaris pro uno, libentissimè quatuor personas Officio Sibi pares, acceptantibus, Se liberum fore, respondit. Miratus ille extemporaneum responsum, erectis oculis obmutuit. Compertum tamen postea est, Moschos ejusmodi commutationem Szeremethij in Taurica attentâsse: sed posteaquam MECHMET GIEGEBY Soltan Han ob amicitia iara cum Regno Poloniæ invita

Responso Gossevii

ita & fideliter servata, assensum negasset, minis adoriri Captivum censuerunt Moschi.

Alter Secretarius eodem die Nomine Principis denuntiavit, liberam transmissionem literarum in Patriam per Mysliszewium, propriis sigillis munitarum. Insuper concedi unius vel duorum è medio sui electorum missionem ad Regem Poloniae, pro impetranda Captivorum commutatione, abolitâ litri extorsione. Is demum sponsore CORVINO caterisq; redire Mosuam teneretur.

Quanquam Mysliszewio inter salutandum (Moschis fraudem non sentientibus) porrectæ iam fuerant schedulæ secretæ Regi Poloniae deferendæ, nihilominus publicè aliæ datæ literæ. De legendis è medio Captivorum, ablegandisq; in Patriam, diu dissentientibus animis deliberatum. Niewiarowscius hanc missionem ad se devolvendam (spōsore Pristavo) sibi persuadens, elabi è diuturno carcere, non dissimulanter nitebatur: nonnulli ad se munus illud trahebant; omnes (prout in posterum ipsi fassi sunt) non redituri. CORVINVS cum prudent-

Mitten
di in Po-
loniam
duos è su-
is Corvi-
no facta
potestas.

Privata
studia cõ-
quirẽde
libertã-
tis.

prudentioribus: missionem in Patriam, libens omnibus precabatur; Suam sponsonem, Sibi exitiosam, negabat. Hinc Niewiarowscius Vatinianum contra GOSIEVIVM concepit odium, quasi is libertatem suam, malis licet quæsitam artibus, præpediret. Actis itaq; gratiis Magno Principi per eundem Secretarium, pro clementissima indulgione, respondit. Quandoquidem Sibi nec litro, nec commutatione quatuor Generalissimorum præviâ, spes libertatis affulgeat, nec reditura pacis appareant indicia, nihil Sibi restare in Patriam scribendum; præter Sibi Suisq; luctuosum vale; aut de commutatione seu abolendo litro per aliquem ex suis agendum; maximè verò cum eâ de re, jam multoties scripserit Fratri Suo CHRISTO. PHORO PAC M. D. L. Cancellario, cujus auctoritatem pluris apud Regem & Rempublicam estimari, quam omnium à se hinc ablegandorum, facile constat. Homini morbis & ærumnis, tum dubiâ expectatione pacis afflicto, hic restat mortem præstolari. Quam indubiè secuturam præoccupando, Se literis ex Clementia Principis permissis,

Dd

anne.

Gosiewij
responsu.

annexurum transmissurumq; in Patriam, supremam
 mentis tabulam. Verbis rem, scilicet testamen-
 tum sigillo munitum (non tamen prius ape-
 riendum, nisi, dum constaret Eum vitâ exces-
 sisse) transmisit. Plurimas deinde schedulas
 Sacrae Regiæ Majestati, alias Cancellario clam
 deportandas, familiari suo redeunti, concre-
 didit: fraus ut coram Moschis celaretur, ce-
 parum succo, secretum literarum occultatum,
 chartæq; serico aut pellibus involvendis (ut
 munditiei conservandæ deservire viderentur)
 adhibitæ. Ac imprimis Regi Poloniae his ver-
 bis valedictoriæ inscriptæ.

*Despera-
 ta liber-
 tate tes-
 tamentū
 trans-
 mittit.*

Serenissime ac Potentissime REX

Domine mi Clementissime.

*Reddita mihi sunt literæ Majestatis Vestrae, quibus
 post præstitam Paternam mei sollicitudinem, innue-
 re Majestas Vestra dignatur, Se fidele consilium
 meum ratione pacis ineunda, etiam secundissimis Su-
 is rebus admittere, jamq; in præteritis Comitibus ar-
 ripuisse: ac tandem pro ea restituenda utriq; Genti,
 Commissarios suos destinare; Me humillimum Suum
 Subdi*

*Subditū, eorū numero inscribere; demū omnes alias mea
 liberationis rationes, non intermittendas, adhibere pol-
 licetur, per quas Majestatis Vestrae obsequio restituar.
 Sed ne iudiciū Majestatis Vestrae fallam, scriptum ra-
 tione commutationis, (qualis hinc affectatur,) transmit-
 to. Quoad meam personam, superaddo: quandoqui-
 dem sic fata destinârunt, hinc pro Dignitate Majesta-
 tis Vestrae mori, sum paratus. Ut verò non tam
 intuitu viginti aliquot annorum, in obsequio Regiæ
 Domus, ac toleratarum tot calamitatum, duplicatis
 carceris ac mortis ærumnis, sed benignissimâ Suâ
 commiseratione, Majestas Vestra commota, Consorti
 & liberis Meis Clementissimus vivere Tutor, eis-
 demq; à superveniente invidia, post fata Mea, Do-
 minus, Patronus, & Protector sit; similiter ut eorum
 omnium, qui sub regimine & signis Meis, vitam
 & obsequium Sacrae Regiæ Majestati Vestrae dica-
 verant; maximè verò illorum, qui mecum pari ca-
 lamitate involuti premuntur, dignetur recordari Ma-
 jestas Vestra, humillimè supplico. Procumbensq; coram
 Majestate Vestra, Regalem exosculor dexteram.
 Moscua 30 Sept: 1661*

Dd2

Sacra

*Sacra Regia Majestatis Vestra
Domini mei Clementissimi
Humillimus Subditus &
Obsequentissimus Servitor*
**VINCENTIVS CORVINVS
GOSIEWSKI.**

Clandestinas verò Præcautiones hæcce transmisit
in Patriam.

*Si me idoneum suo obsequio Sacra Regia Ma-
jestas censet, dignetur injungere, ante præliminaria
obstinatissimè urgeri meam liberationem, nec prius
ipsa præliminaria inchoari, nisi restituar: nam ex-
plorare Moschi intendunt, quantum terrarū illis de-
cessura sit Respublica pro Me restituendo Patria.*

*Quamprimū autē nil decedi subintelleverint, me
nullatenus sistent: Tractatus solvent.*

*Commutatio Captivorum cobibendā, antequam
restituar: nam Moschi suos Officiales bellicos (quo-
rum sunt egeni) recuperare student, Suos Captivos
ceteros minus curant. Ni itaq; suorum Officia-
lium causā, me restituant, nullus alius valebit
respectus.*

Hoc

*Hoc nō profuerit: Generales Moschovitici, ar-
tissimè detinendi: hæc insuper declaratione adjuncta:
morituros in Polonia etiam pace partā, si me hæc
mori contigerit.*

*Si Szeremethium pro Me requirent, declaran-
dum; eum posse restitui, si quatuor Moschorum Ge-
neralissimi apud Vos Captivi, Tartaris resignentur.
Eligant itaq; restitutionem qua placet, vel unius
Szeremethij, vel quatuor Generalissimorum.*

*Moschi sua Gentis Captivos, partim promissis,
partim litro recuperare intendunt. Idcirco decreta
est, ex toto Imperio contributio pro suis redimendis.
Postquam verò omnes suos eliberaverint, in duplo
vel triplo aucto pretio, ne Polonæ Gentis Ca-
ptivos vendant; videte.*

Maximæ Pacis.

*Nisi una materia concludatur, de alia vetanda col-
loquia: nunquam ultimam declarationem aperiant
Commissarij, nisi prius Moschorum exploraverint.
Id Nobis in Vilnensi Tractatu nocuit: cum enim
Electionem Magni Ducis in Regem Polonia, Co-
mitiorum decreto sancitam, manifestè vidissent, non
confi-*

considerando conditionem restitutionis bello ablatorū, imò timori Nostro adscribendo, pertinaciter inhaerunt Berezyne terminis.

Secrete conferentiae utriusq; abrogandae: nam omnia plena sunt prodicione. Minima quaeque hūc perscribuntur.

Obstinationibus Moschorum primis, minimè cedendum: hāc enim ratione explorant nostrorum facilitatem, quae si cesserit Moschis ex voto, eādem obstinatione caetera extorquebunt.

Sub tempus Commissionis, nullatenus à bello desistendum; armistitia neganda: nam hoc concesso, in infinitum distrahent Tractatus; & Principis mandatum expectari causantes, contrahent Copias.

Verbis, promissis, legatiunculis, etiam iuramentis, ne credite: imò contrarium sentiendum: quò magis jurant, magis moliuntur perniciosa consilia.

Alegatorum curam commendo: ne prater publicas personas, cum illis instituant privati colloquia; sub pretextu enim mercatura, secretiora Moschis produntur.

Millies pramoneo. Promissis non credite. *Clemen.*

mentiae officia dilipenduntur: Vestra officia reputantur pro metu.

Maximæ Belli.

Ex Anglia & Germania sperantur suppetiae. Avulsionem Tartarorum magnis muneribus attentat. Kozacos similiter incitant ad seditiones.

Nullū medium, sed extrema tentanda ad vincendū hostem: quandoquidem semper in adversis Patriæ Nostræ rebus, simulationem, non amicitiam experti sumus. Idem etiam nūm queritur.

In Vkrainam Kurakinus, Softykovius, Labanow, expediuntur. In Lithuaniam Dolgoruki, Chowanski, in Nostra Patria fructum belli questuri. Opprimendi quamprimū: his fractis, securapatebit via Moscuam usque: nulli enim alij Exercitus, prater mancipia Procerum, quibus quanquam falsò obtruditur libertas, certiozem apud nos quarent.

Belli sedem in hostico figite; quamdiu enim non premuntur, pacis abhorrent consilia. Hic in consilio Bellum Offensivum decretum est.

Omnis Vestra felicitas consistit in hoc, si Moscuae Exercitus admoveantur. Idcirco inter Occā & *Wol.*

Wolgam, conſervationi copiarum omnia in integro relinquenda. Ultra Occam & Wolgam Tartaris permittenda, ut ſuos Tartaros è Moſchorum iugo vindicent. Verſus portum Archangeli quâqua verſus cadibus & incendiis vaſtanda: nam inde opes ac peditatus, Principi & Proceribus proveniunt.

Mancipiis Procerum libertas concedenda: hâc ratione odia inter Proceres, quæ innata & exaſperata fervent, excitabuntur.

Robuſti tenendi, imbelles dimittendi ad evitandam famem.

Populatione agrorum, bellum non conficietis; nam incluſi præſidiis, bellum diſſipabunt. Expedit itaque ſedem belli figere; fortalitia expugnare, expugnatis imponere præſidia.

Defectus Moſchorum.

Præmoneo, maximâ fame Moſchos laborare: nam populus quàmvis abundet annonâ, odio tamen Nobilitatis, Oppidis eam ſuppeditare negligit.

Fremit populus ob bellum iniuſtè ſuſceptum, & tam longè protractum: ob conſumptos bello villanos ad Konotopum, Biaſam, Czudnoviam, Połonkam.

kam. Deſiderio libertatis præſtolantur noſtros Exercitus: paſſim audiuntur deteſtari chordas Moſchoviticæ.

Idcirco in Nomine DEI, ſeriò redintegrate bellum: infallibiliter, more Sibi uſitato, Principes ſuos vinc̄tos Vobis tradent.

Res evidens, fugam hîc parari: nam in Niżni Nowogrod Ducale erigitur Palatium; ubi nunquam Magni Moſchoviae Principes habitârunt. eodem convehitur annona.

Si celeritate uſi fueritis, plura meliora quàm ſperare poteſtis, in tumultuante populo efficietis.

Sat ſapienti. &c.

C A P V T VII.

Clades Moſchorum ad Kuſzliki. Confederatio Exercituum Regni & Magni Ducatûs Lithuania. Occaſio libertatis GOSIEVIANÆ.

Poſtquàm Exercitus Regni arma & impéria Ducum exuiſſet, ſoli Lithuani contra Moſchos in armis erant; hi Duce MICHAEL PAC Generali caſtrorum Lithuaniae Metatore,

Ec

re,

re, illi *Chowanfcio* tot cladibus infracto Duce, non longè Polociâ ad ripas Dunæ castris positus, de ponte flumini imponendo, crebris & cruentis litibus decertabant. Varſaviæ ſolenni conſilio, generalis per Lithuaniam expeditio indicta. Plurimi huic bello adjungendum CZARNECCIVM cum ſuis Copiis quæ à confæderatione immunes ſupererant, ſentiebant. Cancellarius Lithuanix GOSEVIANIS præcautionibus inſiſtens, Regiæ Perſonæ dignitatem & præſentiam, ad promovendum Lithuanix bellum, accendendosque in ſuſcepta expeditione Lithuanorum animos, perneceſſariam aſſeverabat. Itum in ejus ſententiam. Rex in Lithuaniam profectus, dum caſtra Lithuanorum erat ingreſſurus, CZARNECCIVS ſimul cum Polonis Regias partes ſequentibus, & Prætorianis, Regiam extra Regnum magnificè ſtipabat Majestatem. Cùm in proximo caſtra eſſent, nuntiatum eſt, Lithuanorum animos eâdem lue, quâ & Polonorum infectos, Ducum non ferre imperium.

Contra

*Expedi-
tio Regis
Polonia
in Li-
thuania.*

Contra Duces, Cancellarios, omnemq; Magiſtratum, fremere univerſos; imperij militaris dignitatem à SAPIEHA & PACIO ad *Zeronscium* tranſlatum: non Tribunos jam, non Caſtrorum Præfectum jus ſuū obtinere: vigilias, ſtationes, & ſi quæ alia præſens uſus indixerat, ipſosmet ſuo magis impetu, quàm conſilio diſponere. Inſuper *Chowanfcium*, (cùm cognoviſſet in caſtris Lithuanorum omnia tumultu, ſeditione, diſcordiis & diſordine geri) noſtra mala in ſuas fortunas verſurum, ſeditioſis inhiare. Malorū cauſam eſſe non ſoluta ſtipendia militi: qui ne venalis videretur, obformatam Electionem *Condeanam* vivente Rege, juribus Patriæ præjudicioſâ, iugū Ducū excuſſit.

Quonam modo, ſeditione jam pæne lapſas res opprimeret *Chowanfcius*, tum inquietiſſimis intra ſe rationibus, tum collato cum Præfectis Militiæ conſilio, laborabat. At ſemel irata Moſchoviæ Fortuna, aliàs in bellî evētib; leviffima, tenuit quam cœperat, in Moſchovitis premendis conſtantiam; nilq; tale me-

Ecz

tuen-

*Confede-
ratio Li-
thuanica*

*Clades
Moſcho-
rum.*

tuentis *Chowanſcij* eodem furore, quo aliorum paulò antè belli Generalium, deluſit rationes, evertit conſilia, ſuperba oppreſſit molimina. Nam ſignis cum *Zeronſcio* collatis ad *Kuſzliki Chowanſcius*, memorabili clade, & quæ ſpem Martis *Moschovitici* ad extremam deſperationem præcipitavit, ibidem deletus eſt. *Petrus Chowanſki*, Filius ſimul & Collega ſui Generaliſſimi, captus: præda opulentiffima lecta, caſtra direpta: *Chowanſcius* vix tribus quatuorve è leviori comitatu ſtipatus aſſeclis, Polociam evaſit. *Naszokinus* poſtquàm ſe cladi ſubduxiffet, per ſylvas quarto die Polociam pervenit. Actæ DEO, per decantationem Hymni, gratiæ: Regi adveniendi in caſtra, victricibus fulgentibus inſignibus ordinatæ obviam proceſſere Legionibus: ſub hoc tamen genere militaris officij, glifcentis ſeditionis latitantes igniculi non obſcurè apparebant: nam Cancellarij, qui hucufq; Regem comitabantur ingreſſu victricium caſtrorum prohibiti. Felix hæc, & quæ univerſam priſtinæ felicitati Lithuaniam reſtituit

tuit, Victoria, feſto tormentorum ſono circum jacentem latè implevit viciniam. Signa centum triginta de hoſtibus capta, pedibus Regis ſubjecta: ſolenne epulum Triumphatori Principi exhibitum. *Moscuæ* verò adeò ſoleni trepidatione pallori & pavori eſt litatum, ac ſi jam *Poloniæ* Rex, Urbis portas Victor ingrederetur. Nihilominus *Moschis* propitia Numina, extremum averterunt inde exitium, unde ingens clades imminebat. Quippe Militi, ut arma, foris nobis quàm domi, utiliora potentioraq; in opulentiffimas *Moschoviæ* ditiones promoverentur, nullatenus perſuaderi potuit. Prædâ actâ è territoriis, *Pleſcovienſi* & *Magnæ Novagardiæ* in profundiori *Moschovia*, *Kobryniam* Miles regredi decrevit.

Rex novâ auctus victoriâ, in Oppido *Glebokie Moschoviticum* Ablegatum audivit: at is jam liber metu, non pacem ſed mediationem *Cæſaream* opponebat. Hæc eadem victoria parens erat illius felicitatis, quæ *Vilnam Magni Lithuanie Ducatûs*, jam inde à *GE-*

Lithuaniam Kobryniam regrediuntur.

Rex Vilnam recuperat.

DIMINO Primo illius Conditore splendendam ac Civibus numerosam Metropolim, Moschovitico jugo vindicatam, pristinae libertati restituit. Sex illa annorum, mensium trium, dierum viginti quatuor, servitutem, sub Principe Moschoviae perpeffa, hanc demum diem anxiiis desideriiis expectabat, quâ victoriosus Rex, illam avito iure suam, à Moscho iniquo bello occupatam, novis victoriae titulis propriam efficeret. Favere desideriiis Civitatis, gemitibusq; Captivorum Civium, Superi: post varios enim assultus, promiscuasq; Polonorum Moschorumq; caedes, tandem per deditioem, Captivatumq; à suis Governatorem, Arx, & Vrbs in manus sui Principis devenere, die secundâ Decembris, Anno millesimo sexcentesimo sexagesimo primo. Lugubris hinc in praesens tristium, lætorum olim, occurrebat imago: ob innumeras pæne ruinas, Vilna Vilna *quæ sita in media*. Iacebant magna mole dirutæ ædes, ædibusq; oppressi cum suis facultatibus Cives, vindicem gladium implorare videbantur: *Exoriare aliquis nostris*

nostris ex ossibus ultor. Exusta mænia, direptæ, tot Ducum laboribus collectæ ad splendorem Civitatis opes, *squalentia liquit Fana decor:* magnæ deniq; Vrbs, nil visebatur, nisi magna vestigia; omnia tamen in victoria habita.

ZERONSCIVS Confæderationis (uti vocant) Marschalcus, qui suam ætatem armis propè excoluerat, non jam Militibus, sed Ducibus belli par, etiam aliis exercendis, ad arma cogendis, in aciem producendis, à **VINCENTIO CORVINO** Duce absolutissimo, artis bellicæ prima rudimenta se didicisse profitebatur, usq; adeò gratè studioseque, ut Eum non secus ac Parentem, singulari veneratione, æquè liberum ac Captivum recoleret. Idcirco Rege consulto, suavitè Militi ineundam Legationem ad Magnum Moschoviae Ducem, quâ Generalis sui hucusq; Captivi repeteretur libertas: facillè persuasum ambizioso populo, utrumq; decorum fore, & Legationem ad Externum Principem iniri Exercitûs nomine: & ad sua postulata magnum Nomen liberum posse pronun-

*Legatio
ab Exer
citu ad
M. Mo
schoviae
Ducem
pro elibe
rando
Gossevici*

pronuntiari. VLADISLAVS SOKO-
 LOWSKI huic muneri idoneus à ZERON-
 SCIO delectus, Moscuæ non impigrè rem
 egit. Literas primùm Magno Duci inscriptas,
 in Cancellaria deposuit: (nam per modum
 supplicis libelli excipi hanc Legationem Mo-
 schis placuit, audientix gloriâ inter pares
 Solio reservatâ.) Tum colloquium cum Pro-
 ceribus super eliberatione CORVINI, cõ-
 mutationeq; Captivorum Lithuanorum, absque
 omni litro, institutum. Cunctabundos Moschos
 compellavit: *rem geri cum Exercitu armis poti-
 us, quàm tractandis colloquiis assueto. Pacem itaque
 an bellum Moschi vellent?* requisivit. Pacis con-
 silia probantibus, *hanc nullatenus coalituram, re-
 spondit, ni ante omnia restituatur, destinatus pa-
 ci conficiendæ omnium votis CORVINVS.
 Si bellum? se eò usq; pro libertate ejus decertaturos,
 donec utralibet pars intereat.* Admissus ad
 CORVINVM, in cujus obsequio tenerior
 educatus: exceptusq; cum compluribus *Prista-
 vis liberaliori convivio, eadem Moschis impe-
 riosè*

riosè repetebat. Interea postquàm inibi, dex-
 trè ingentem literarum fasciculum sedili sub-
 jecisset, (re indicatâ) discessit. Diù su-
 per eliberatione CORVINI deliberatum
 in Senatu, tum vindictam carceris perpeffi
 metuente; tum ambigente, ratamne eam com-
 mutationem Rex esset habiturus. THEODO-
 RVS RTISCZEW Marschalcus Ducalis
 Curix, post mediam noctem (omnia enim
 consilia, convivium, colloquia, noctu plerùmque
 peraguntur Moscuæ) insperatè invisens COR-
 VINVM, idem proposuit dubium, simul quòd
 Plefcoviensium & Nowogradensium agri, lon-
 gè latèq; fumarent incendiis, & inter ipsa pa-
 cis consilia, bello à Lithuanis premi Moscho-
 viam querebatur & exprobat: num non pos-
 set cum ZERONSCIO concludi armisti-
 tium? pro quo arte aut auro comparando, jam
 miserant Moschi Internuntium. Tandem al-
 terâ nocte, apud se CORVINVM & Ab-
 legatum, benè sperare iussit.

Subsequentibus diebus in Aula DOLGO-
 FF RVKII

R VKII, Patronus domûs in præsentia RTI-
SCZEVII, STRESZNIOVII, AL-
MAZII, exorsus est orationem ad COR-
VINVM, jam serâ nocte hoc ordine. Pri-
mùm omnium loquacissimè simul fastuosissimèq; ex-
tollebat sui Principis vires, potentiam, opes: tum
fidem Procerum populiq; erga Principem. Quibus
artibus res Moschorviticæ, extra metum omnium
Exteriorum stare invincibiles, jaëtabundus exponerat.
Principem suum Clementissimum, quanquàm is
validis confidat artibus, neminem metuat, imò o-
mnibus Vicinis metuendus existat; nihilominus uti
debet Principem Christianum, ait non abnuere pa-
cis consilia, interventione Subditorum. Quod ut
luculentius tum Polonia Regno, tum cæteris Vici-
nis testetur, insistendo Regiæ declarationi ratione
quatuor Campi Marschalcorum, CORVINVM
liberum pronuntiare edixit, non tamen prius Smo-
lensco dimittendum, nisi prædicti quatuor Mobilo-
viam sistantur. Quod verò incolumis servatus sis,
quod liber, honorificè, non obstrictus iuramento,
non infectus veneno, more Turcarum (inquit) sis
abitur.

Prima
declara-
tio liber-
tatis 27.
Janua-
rii 1672.
6

abiturus, Ducalis Clementiâ, æternam eris exem-
plar. Hæc ab eo ad CORVINVM adje-
cta clausula. qui lætum nuntium nutu magis &
submissâ inclinatione, quàm verbis excepit:
absentiq; Principi, tanquam præsentis (morem
Gentis imitatus) egit gratias. Admissis in
conclave cæteris Concaptivis, eadem gratia
commutationis denunciata. Per annos tres,
falsis super sua libertate rumoribus per Mo-
schos sparsis, indurati Captivi, vix quisq; satis
credere, se vera audivisse; potiùsq; vana somnij
ludibria, quàm veros libertatis nuntios se intueri
putabant. Quò celerius finem malis suis
imponeret CORVINVS, mensem & diem
commutationis præfigi postulavit. Hæc no-
ctæ primùm, non velut Captivus, sed Socius &
Amicus, (cujusvis enim Captivi apud Mo-
schos fors contempta & infima est) cum Pro-
ceribus, solenni cænæ à Patrono domûs in-
structæ admissus: quâ in longam noctem pro-
tractâ, ab eodem in conclave uxoris deductus
(id apud Moschos magni honoris & amicitiaë

Cenâ ex
cipitur a.
pud Doct.
horukiū.

est indicium) eam splendide vestitam, more illius Gentis, inter salutandum deosculatus, caliculo vini adusti, & linteolo acu picto, ab ea donatus, ante auroram domum rediit.

*Secunda
declara-
tio.*

Ibidem post, secuta efficacior à Principe declaratio: diesq; deducendis Captivis utrinq; ad confinia, decima septima Martij dicta. Iterum epulo exceptus, deductus ad conclave, antè dicto modo salutavit matronam, ejusq; nurum: quibus apparata munuscula crySTALLINA auro inclusa dedit; & vicissim à matronis pileum Moschoviticum eleganter acu pictum accepit.

Moschis magnâ hilaritate gestientibus, eò quòd Lithuani, apud Polonos & Tartaros receptum litri usum detestarentur, SOKOLOWSCIVS datâ valedictione CORVINO, Moscuâ dimissus. Dono accepit à Principe aliquot Captivos, & quidem ex familiaribus CORVINI, duos. Præter publicè scriptas, porrecta SOKOLOVIO clàm scheda: alias LIPNICIVS & SVCHO-
DOL-

DOLSCIVS globulis inclusas; IOAN-
NES DOMASZEWSKI vino adusto im-
mersas, cerâ & plumbo involutas, in Patriam
deportârunt.

*Variis
artibus
schedula
mittun-
tur in
Patriam*

Libertatis declarationem
Sibi datam, ut quàmprimùm ad ZERON-
SCIVM perscriberet CORVINVS, ius-
sus, adjectis rationibus, quarum maxima fuit:
*ne inter Gentes brevi amicas futuras, sanguis in-
noxius funderetur, bellaq; gererentur*

illos habitura triumphos:

sic enim inclinatis ad pacem Moschis, per no-
vas offensas recrudescent animi: conveniens itaque
esse, ut armistitio quàmprimùm factò, unusquisque
se ad sua recipiat, & tam commutationi Captivo-
rum, quàm ulterioribus pacis consiliis pacatus relin-
quatur locus. Hæc monita suspectam redde-
bant Moschorum declarationem: idcirco has
Præcautiones Regi Poloniae, & Cancellario,
aliasq; ZERONSCIO transmisit.

*Ablegatus Moschorum Nestreiom in Poloniam, Præcau-
& alius ad Exercitum Lithuanicum, proximis tiones in
diebus expeditur. His injunctum est, ut impetum Patriam
belli*

belli Poloni sistant, eó usq̄ donec Legati (jam in Tauricam expediti) Principes Tartarorum, largitionibus corrumpant: ut inde vacui bello, facilius clades acceptas, Nobis rependere possint.

Meam libertatem cunctantur metu vindicta, neve Nostri à Me de statu rerum Moschoviticarum, de belli & pacis rationibus edocti, gravius illis incumbant.

Armistitia nulla admittite.

Legationes dolosas verbis duntaxat inanibus expeditite.

Ne socios belli à Nobis avellant, providete.

Promissis, quàmvis millies iurent, (nisi sint extremè pressi) non credite.

Libertatem Meam ante Tractatus urgete: hæc enim Vestris rebus, & informationi, plurimùm deserviet.

Captivos Moschovitica Gentis, anticipativè non dimittatis, moniti indiscretione: hos verò, qui pro Mea commutatione sunt destinati, diligenter cavete, ne Græci, Armeni, Polocenses & Smolèscenses, clandestinè auferant: pollicentur enim hæc in re su-

am operam Principi.

Predicti Græci &c. omnes Præcautiones hæc perferunt.

Armistitium negate: bello extorquebitis gloriosam & opulentam pacem.

Quamdiu bellum in hosticum non proferetis, pacem nullam sperate.

In consilio Moschorum, bellum decernitur; cujus belli etsi nullum aliud premium foret, hoc sufficere credunt, si diuturno bello, Nos imbelles, fractos & exhaustos, bello Moschovia inferendo impares, reliquerint: sua verò intacta conservaverint.

In eliberandis Captivis, quàm sint pertinaces, hinc patet, quòd etiam nunc in Sibiriam debebantur.

Obviate ne Captivi vendantur.

Si post cladem ad Konotopum, Polonkam, Czudnoviam, Kuzliki, bellum intulissetis, Moscua premium Victoriæ Vestrae fuisset.

Credite, ac si Me jurantem super hæc omnia audiretis.

Adjuro Vos, ne hæc & alia divulgetis, foret enim id Mihi, Meisq̄; capitale.

Pluri

Plurimæ aliæ præcautiones, variis artibus (non absq; discrimine vitæ) transmissæ in Poloniam; quas recensere cùm longum esset, consulens brevitati, omitto. Pro corona hujus capitis, siquidem toties Magni Principis fecimus mentionem, facturum me rem non ingrati postérité existimavi; si Personæ Ducalis dignitatem, potestatem &c. & moderni Principis ALEXII dotes & attributa quædam breviter perstrinxero. Vires, potentiam, alibi innui. Populos quales suo imperio habeat subjectos, infra attingam.

*Prin-
ceps M. o.
s. bovia*

est

*Lex vi.
va.*

Imperium illud (quàmvis inter Coronationis ritum, aliqua appareant vestigia liberæ Electionis,) nihilominus est hæreditariæ successione atq; Monarchicum. Solus ipse Princeps arbiter est pacis & belli, vitæ & mortis. Leges hucusq; nullæ scriptæ habebantur, ac quàmvis sub præsentis Principe aliquæ sint conscriptæ, ipse tamen eas immutat pro libitu; Clero & Regno imponit leges, indicit sacra.

Principis potestas, Divinæ vicaria in terris,

*Dei Vi-
carius.*

ris, summâ veneratione recognoscitur coliturq; : Communis opinio est, Principem pro omnibus orare, sufficereq; ejus solius orationem pro omnibus subditis.

Omnia præmia, & poenæ, edicta, sancita, edicuntur Nomine Magni Principis, etiam in remotissimis regionibus. Ii qui castigantur, Magnum Ducem inelamant.

*Vbiq;
præfens*

In bellis nunquam accingit frameam, sed longus ordo armigerorum (*Rinda* dicitur) antefert Suam pharetram, arcum, sagittas, frameam, clavam, vexilla &c. &c. Hâc ratione innuunt, quòd Princeps neminem metuat; Subditum verò unumquemq; pro Principe occumbere oporteat. Locus ejus residentie Moscua est: hinc aliò non facilè movetur; ad bella rariùs procedit; & non nisi validis copiis præmissis.

*Inermis
in bellis*

Epulo excipi, aut muneribus donari Principē, rem indignam judicant omnes: donare, vestire, alere, Principis virtutes sunt.

*Liberā-
lis.*

Nomen Principis Sanctum est; nemini li-

Gg

cet

cet eo insignire infantem. In foro audiveris populum, in Nomen Principis jurare; eleemosynas peti, faciliusq; obtineri, quàm si DEI Nomine petantur.

Ducissam (quàmvis rarissimè compareat) in-
tueri, nec licitum nec securum. Filiae Duca-
les, ne claritudinem Regnatricis Domûs in
subditorum domos ferant, nemini nubunt: ne-
minem vident; à nemine videntur, si parem
sexum excipias.

Vxor Principi non petitur ex alieno Re-
gno, sed ex subditis legitur.

Monopolia & tributa pro suo quidem bene-
placito, tamen prævio consilio & consensu
Procerum, Princeps instituit. Salis, vini adu-
sti, pellium omnis generis, Magni Ducis mo-
nopolia sunt. Tributum penditur quotannis,
ita ut appretiatis omnibus, è cuiusvis bonis mo-
bilibus & immobilibus, quinta pars ad Fiscum
Ducalem referatur. *Pietina* hoc tributum non
cupatur: nec exigitur nisi gravi bello. Præte-
rea ex adaquatione equorum, hyeme magnum
pondus

*Domus
Regna-
trix.
Vxor.
Filia.*

Tributa

pondus argenti colligitur. Ex solo vino cre-
mato, crediderim in Fiscum redigi ex toto Im-
perio, ad minimum decem milliones: cum me
præsente, pro quarta parte anni allata sint ex
Magna Novagardia 50000 *Rubellorum*. Porto-
rium Archangeli & Astrachanicum, ob conti-
nua cum exteris commercia, ingentem thesau-
rum ærario Ducali inferunt. Præterea pel-
les Ducales, aliæq; merces omnis generis, ad
portus devehuntur.

*Rubl
valet
quinq;
florenos.*

Hinc solas Princeps opulentus est, cæteri
egeni: solus Princeps liber, cæteri se vilissi-
ma ejus mancipia profitentur. Ejus potesta-
tis sunt subditi, æquè ac omnes fortunæ sub-
ditorum.

Auri & argenti fodinæ, non habentur in
tota Moschovia; sed externa moneta transfor-
matur in Moschoviticam, (est autem oblonga,
signata equite cataphrasto) ne exportetur
extra dominium.

Moneta

Principis moderni ALEXII MICHAY-
LOWICZ etiamnum in pueritia sceptrorum

Gg²

capax

capax indoles, corporisq; ad regnandum nati
Majestas emicuit, eademq; per plures annos ad
graviorem ætatem provecta, formatam à natu-
ra, avitis sceptris manum admovit. Evivis e-
nim cedente Patre MICHAËLE FIE-
DOROWICZ anno ætatis suæ decimo sex-
to, hæreditarios Imperij fasces occupavit. Ma-
gna, ab eximia munificentia & pietate in cæ-
lites, Nomina promeritus, *Blahoczestiv. Postnik,*
Milostennik, Mutebnik &c. id est Clemens, Ie-
iunans, Pius, Eleemosynarius, appellabatur.

Anno millesimo sexcentesimo quadragesimo
quinto in more habuit adire Eremitam quem-
dam, annis triginta in solitudine delitescen-
tem: inde post multa cum eo colloquia Moscuam
redux, retulit Majestatem atrâ melancholiæ ne-
bulâ confusâ. Eam mutationem Principis aliis
mirantibus, aliis perspicaci suspitione interiora
animi perscrutantibus, nil propalare voluit ex-
his, quæ ab homine solitario acceperat: nisi
quod illi quædam eventura prædixerit.

Est Princeps cum primis pietati deditus,
duris

Anno
1645. 13
Julij.

duris jeuniis se macerare, festosq; dies in Ec-
clesia, etiam nocturnis vigiliis ducere solitus.
Quotannis ad sepulchrum SERGII, in
Templo Sanctissimæ Trinitatis, duodecimo ab
Urbe miliari situm, pedestrem in Octobri pe-
grinationem suscipit. Crebrò sub seram no-
ctem publicos carceres adit in Persona, ibi-
demq; propriâ manu numerosum aurum in e-
leemosynas profundit. Æris alieni reos, &
ob hunc solum reatum carceribus inclusos li-
berat planè innumeros, integris aut mediis
debitis in se transcriptis. In Polonæ & Li-
thuanæ Gentis Captivos perquam clementè se &
munificum exhibuit: quin & de Majestate Duca-
li remittens, adiit eorum sæpenumero carce-
rem in persona; ibidemq; post liberalia dona,
alios libertate donabat, alios magnifico epulo
consolabatur. Clementiam (quæ propria Prin-
cipum virtus est) cum lacte illi natura instil-
lâsse videtur: nihilominus omnibus amabilis e-
jus moderatio animi, perversis Procerum ra-
tionibus (ut communiter Principum genii
male-

Pietas
M. De-
cis Ale-
xij.

consiliis malefactorum in deterius trahuntur)
 corrumpitur. Populos deditione acceptos
 Dubrownæ, & Vitebsci; & contra fidem da-
 tam, Moscuam abducos, Patriarcha & Proce-
 res è vivis tollendos destinaverant, edictum-
 que à Principe extorserant Anno millesimo
 sexcentesimo quinquagesimo quinto, Martiæ
 eorum in obsidione tolerata infensi virtuti,
 suæ inter oppugnandum ignaviæ. Sed cum id
 interventione Ducissæ M A R I Æ, piissimæ Prin-
 cipis, innotuisset Principi, immutatum decre-
 tum; necisq; author *Milostarscius*, convulsâ bar-
 bâ & capillo, castigatus. *Sic bonarum artium
 Principes, quandoq; sordidis ministrorum fedantur
 artibus.*

Tacitus

Vino omniq; potu abstinet.

Consilia.

Consilia seriò, solidè, pro dignitate &
 commodo suæ personæ & Gentis, (cum sit
 Princeps suæ Patriæ amantissimus) instituit.

*Legatio
 ref.*

Legationes longinquoires ad Exteros, qual-
 dam causâ promovendæ gloriæ, sui Gentisq;
 Moschorum Nominis; quasdam quòd ejus ne-
 goti.

gotiis expedirent, plurimas ac splendidas in-
 struxit. Præter Polonos, Svecos, Tartarosq;
 confines; Romam, Viennam, Constantinopo-
 lim, in Hispaniam, Galliam, Venetias, Flo-
 rentiam, in Angliam, Daniam, Hollandiam; ad
 Magnum in Asia Tartariæ Sinarum Kitaïque
 Pelingam Imperatorem, Legatos quos par est,
 cultu splendidissimos, expedivit.

Iustitia, nullo personarum discrimine, poenâ
 & præmio ab eo colitur religiosissimè: cum me-
 rito retrahi oporteat ad servitutem; ut metu cõv-
 ceantur, quos, beneficia non mutavissent. Nullum
 benè meritum videris, etiam vilissimum quem-
 que, absq; debito virtuti præmio; ut & rarò
 neminem fontem impunè discessisse. *Woi-
 nodas* biennales tantùm in præsidiis esse voluit,
 ut aliis emeritis munus Administrationis con-
 tingeret. Ingenii capacitatem, quâ omnes tum
 belli tum pacis artes, apprimè complexus est,
 anteaq; anni probârunt; cum potentissimis eo-
 demq; anno contra Polonos, Lithuanos Sue-
 cos, Tartaros, Kozacos, Kalmycos, suosque re-
 belles

Iustitia.

Tacitus

*Peritia
 belli &
 Statu.*

belles Beszkircenses, bellum gesserit: hisq; copiis deletis, alias suffecerit: cum decennali bello decertaverit, non intra suam Patriam, sed in hostico: cum in externo solo firmaverit praesidia, cum vicinorum consilia perspecta & explorata (imò prodigaliter emptâ fide) possederit.

Guber-
natio.

Gubernandæ Reipublicæ firmandæq; potentiae formam, à Turcis derivavit: totam potentiam in peditatu, contra subitanè effrenem populum, reponit. In hunc usum, viginti Legiones Prætorianorum peditum, (*Prykazy* vocantur) corporis sui custodes in Vrbe, instruxit: cum à Patre non nisi quatuor accepisset. Eorumque vi, stipendiis, & muneribus emptâ, utitur ad retinendam, proni in rebellionè, populi fidem. Chinensium exemplo confinia Tartarica, vallo ad ducenta milliaria deducto munivit: quo Tartaricæ incursiones, dato campanarum signo, per vulgi concursum arcentur; armaq; procul habentur ab Vrbe ejusmodi Præsidio; quæ Patrum memoriâ cervi-

cibus

cibus impendebant.

Populo sub gravi pœna interdixit usu tabaci: ebriosos, mimos, & scurras, otiosum scilicet & vitiosum hominum genus (quibus prona invitium ætas, primas hodie in Aulis admisiones concedere assolet) & animo & aulâ proscripsit; barbarum illum in populo morem, quo cultris sese confodiebant, sustulit; gravi interdicto securitatem publicam in Vrbe, noctu incedentibus providit.

Famam honoremq; Regum Sacrosanctum esse voluit: hinc belli etiam tempore, contra hostes Reges populum certare conviciis, sub pœna chordarum prohibuit.

Filius suus ALEXIVS ALEXIEI-WICZ, & post THEODORVS ALEXIEI-WICZ, contra veterum Principum morem, literis Latinis, Polonicis, Germanicis, antequàm populo præsentarentur, imbuti. Prior præsentatus solenniter ætatis anno decimo quinto. Anno millesimo sexcentesimo sexagesimo septimo. Alter millesimo sexcentesi-

Hh

mo

mo septuagesimo quarto. primâ Septembris. ætatis decimo quarto, antehâc populo incogniti. De SIMÉONE supra innui. Eorum itaq; ac totius Gentis usui, donari fecit Moschovitico idiomate, ex Latinis & Germanicis complures libros politicos, ac de re militari. Vsum linguæ Latinæ Kioviâ Moscuam transtulerat: sed renitenti populo per supplicem libellum (seu quia plerumq; preces ejus populi in furias & arma desinunt: seu ne literis excultus populus, politici Dominiij genus ambiret, atq; ad libertatem, quæ literatarum mentium corona est, per proculcata Monarchiæ jura eniteretur) facilè præbuit assensum. Multi privatim Latinam addiscunt linguam, publico bono servitari.

Aucupii supra modum deditus. In hunc usum ingenti sumptu aucupia ex Persia, Anglia, Sibiria, advehuntur. Canum venatione minùs impensè delectatur. Aucupiorum Præfectos quadraginta instruxit, eorumq; auctoritatem, parem intimis cubiculariis esse voluit.

Cum

Cum verò in Regno suo ab omnibus metuitur, ipse quoq; metu non caret; hinc plurimos inter populum, inter peditatum, ac inter ipsos Proceres, alit exploratores. Hâc arte supprimuntur exterminanturq; seditio- nes. Extorsit id, Gentis vitium, rerum novandarum avidissimæ.

Quales verò populos sibi habeat subiectos, alibi innuam.

Obiit tandem Anno millesimo sexcentesimo septuagesimo sexto. Die nonâ Februarii.

C A P V T V I I I .

CORVINVS Moscuâ liber in Patria recipitur.

ANNI hujus initium, VINCENTIO ACORVINO libertatem; exitus stupendum orbi, dolendum Patriæ, feræ memorandum posteritati, exitium tulit: cum servatam inter tot ærumnas ac calamitates in terra aliena, in medio hostium, vitam, in Terra sua, domi, in corde Patriæ abstulisset. Trahebant jam ad feralem terminum brevi rumpendavi-

Hh2

tæ

tæ stamina, tacita fata, ubi vindicata è turpi servitute libertas, aureum neo-natæ felicitatis filum ordiri videbatur. Nam præterquàm quòd jam quatuor Procerum conviviis, interfuit **CORVINVS**, quòd Austriacos Legatos convenire, eorum proposita audire de mediatione; atq; ibidem epulari concessum; præter solennem libertatis declarationem; Epiphaniæ insuper die, pompæ sacræ videndæ causâ, super mænia Castelli *Kremlgorod*, deductus, prætereuntem Principem è proximo venerari, permissus est. Eo die post solis occasum, mos est consecrari solenniter flumen (*Jordan* dicitur ille mos.) Quadratum itaq; ex asseribus super glaciem, securitatis & ostentationis gratiâ erigitur theatrum. Quingenti Prætoriani pedites, veste rubrâ remotiùs à theatro in quadrum dispositi, singuli gerebant accensas faces. Ad alteram ripam fluminis, peditatus sub signis collocatus; & decimo cuiq; fax data. Profundiori nocte movit è Cathedrali Ecclesia, processio hoc ordine. Portabantur

bantur ingentia vasa argentea, sacrato flumine implenda pro Principis usu: sequebantur pueri, cruces & labariola ferentes; quos Clerus numeroso agmine, splendido apparatu subsequutus. Principem anteibant Proceres, aureâ veste insignes. tum ipse Princeps coronâ capite, sceptrum manu gerens, magnæ Pars maxima Solennitatis comparuit. Ponè **MILOSLAWSCIVS**. Sequebatur ingens numerus Aulæ promiscuè gradientis, inter quos equus Principis ductus, tum carpentum egregiè veluto rubro intratum, quod unus itidem equus Turcicus trahebat: cuius caput superbum ac decorum pennæ reddebant Struthionis. Postquàm sacris flumen imbutum est, eodem ordine redibat Ecclesiastica pompa. Principi transeunti **CORVINVS** appropinquavit. Eum iussu Principis **ALMAZIVS** Cancellarius, formato ad humanitatem vultu hisce verbis compellat. *DEI Gratia Magnus Dominus, CAR, & Magnus Princeps ALEXIVS MICHAŁOWICZ &c. &c. te*
VIN-

VINCENTICORVINE GOSIE-
WSKI &c. *quærit, uti valeat.* Humili submis-
sione, pro sua præsentî fortunâ egit grati-
as, *Seque liberaliter Eius gratiâ provisum vivere,*
licet debili valetudine, respondit. MIŁOSŁA-
WSCIVS quoq; per quempiam Ducalem Auli-
cum, (quos omnes habebat ad nutum obse-
quentissimos) *de valetudine, & num Medici*
eum crebro adirent, eiq; obsequerentur, requisivit.
Actæ gratiæ; crebrior Medicorum cura expe-
tita. Eâdem nocte ad Cancellariam vocatus
Samuel Medicus, cui GOSIEVIANÆ va-
letudinis serîa cura injuncta. Tot igitur Ma-
gni Ducis, Procerum, populiq; favores incre-
dulos Captivos, jam majori spe libertatis ale-
bant. Sed & alia accelerandæ libertatis, a-
lieno casu, divinitus allapso occasio.

Postquàm militare imperium, belliq; Impe-
ratorum authoritas ad ZERONSCIVM
devenisset, atq; solutus imperio Miles, otio
marcescere cœpisset, ferro & igni omnia va-
stant. MICHAEL PAC & STEPHA-
NVS

NVS CZARNECKI, Moschorum ditio-
ni subjectum Branscensem agrum invasere.
Aliâ parte Tartari Siewscum circa & Kara-
czoviam populabundis agminibus effusi, ingen-
ti collectâ prædâ in Tauricam abigendâ. Tre-
pidatum est in Vrbe: sed quia id bellum cum
hyeme solutum iri sperabatur, minùs Vrbi,
(quam semper impensius tueri mos est) me-
tuebatur. Emissæ Moscuâ equitum aliquot tur-
mæ ad explorandum; mandatq; cunctis eti-
am externæ nationis militibus, ut ad pri-
mum belli signum omnes equum conscendere
parati essent. WROTYNSKI contra
Tartaros Dux destinatus. Provincia hæc R O-
MADANOWSCIO fuerat demandata,
sed is decubuit, animo potiùs quam corpore
infirmus. Prædâ gravis (nam 50000 homi-
num abducta censebantur) redibat in Tauri-
cam Tartaricus miles: cumq; liberius præ-
das agit, villas exurit, ab insequentibus Mo-
schis circumvenitur, cæditur, militibus aliis
caesis, aliis quâ datâ viâ in fugam dispersis,

*Miobiel
Pac Ste-
phanus
Czarne-
cki in
Moscho-
viam ir-
rumpunt*

*Tartari
invadunt
Moscho-
viam*

*Kniaz
Szyrym
captus
Moscuæ
moritur.*

Kniaz

Kniaz Szaryn Hanorum Krymensium stirpe pro-
genitus, vivus in potestatem Moschorum ve-
nit, Moscuamq; deducitur Illuc è melancho-
lia ortâ febris correptus, ejusdem Samuelis Me-
dici Angli curæ committitur: sed potentior
erat vis morbi, quàm ut artibus Medici supe-
raretur. Moritur ergo is magnæ spei Ca-
ptivus, cujus commutatione SZEREME-
THIVM è Taurica infallibiliter repetendum
Moschi sibi persuaserant, & Captivus promi-
ferat. Mortis culpa, à MIŁOSŁAW-
SCIO tota in Medicum devoluta: Medicus
verò indignabundus, suam proffitui operam,
lædi reputationem, questus: Moschorum morem
in tractandis, includendisque minis salubri loco Ca-
ptivis, incusabat, atq; idem primo verè eventurum
GOSIEVIO, cum aperientibus sese venis ter-
ra, apertum iri omnes in eo morbos, eoque ipso ac-
celerandam mortem, spopondit. Consternatus hæc
Medici sententiâ MIŁOSŁAWSCIVS,
eâdem ipsâ horâ, dictum Medici ad Magnum
Principem & Senatum detulit. In Senatu
perpen-

*Nota in-
gens mo-
mentum
accelera-
te liber-
tatis.*

perpensum est, eo moriente, mori oportere in Po-
lonia (prout ipsemet CORVINVS Moschis de-
claraverat) aut enecandos veneno quatuor Genera-
les. Accelerandam itaq; ejus libertatem, ante veris
initium, excludendumq; extra fines, quamdiu adhuc
viveret, censuerunt.

Dum hæc aguntur, Sueticus Legatus, eâdem
ferè pompâ, quâ Cæsareani (nisi quod recen-
tibus adhuc, necdumq; sopitis odiis restrictâ
solemnitate) Moscuæ excipitur: ad quam com-
modè videndam à DOŁGORVKIO invi-
tatus GOSIEVIVS, ex ejus palatio spe-
ctabat, simul & epulabatur. Hæc ergo erat
Majestas ingressus Suetici Legati. Austriaci
duobus Careis carpentis, rubro serico infra-
tis extra Urbem egressi. Postquàm in cam-
pis dextræ datæ, redibat in Urbem Moscho-
rum numerosissimus Equitatus. Hunc secuti
duodecim Suetici Cursores: Magister Aulæ e-
ques argenteum Scipionem manu præfererat,
(quem tamen postero die in Castello erige-
re prohibitus est) quem comitatus alius duode-

Coslium

*Suecorū
ingressus
16. Febr.*

cim similibus Cursorum ordo. Tum quinquaginta Nobiles Suetici, omnes *Careis* candidis vecti. Deniq; serico rubro instrata omnia dis quatuor carpenta, Austriacorum duo; Suecorum & *Pristavorum* simul, uno ordine trahebantur; ne quisquam antecedere vel subsequi (& hâc ratione quidem, aut aliis præcellere, aut contemni) videretur. Turba claudebat agmen.

Dolgorkius epulo & oratione exoptavit Gossievium.

DOŁGORVKIVS prandium à Magno Principe submissum, (usitatum, imò magni honoris est Moscux, à Principe donari convivio) simul & fastuosam instruxit orationem. *Invincibiles vires sui Principis depradicabat; ejusq; clementiam erga deditos, Captivos, & similia.* Homo rancus (& ut veriùs dicam, solus in sua Gente Orator & miles) obruebat aures. Fessus tandem, longâ plenâq; fastûs oratione, ab assidente CORVINO, *cur siletet, seu quid ad dicta responderet?* requisivit. Eo agnoscente præsentem suam sortem, & rerum ignorantiam excusante, subridens, altâ voce sub-

subjunxit: *Fore tempus quo ille loquetur, silebit Moschoria.* Inerat omni ejus fortunâ, æqua magnitudinis, apud Hostem opinio. Eo die ad unam partem mensæ omnes GOSIEVIANI, sedecim Personæ, ex adverso autem Moschi accumbere, Moschorum more epulari, omne genus vini permixtim bibere, sumus coacti. Postquàm epulæ mensæq; jam maturâ nocte remotæ, deductus à Patrono domûs in conclave fæminarum CORVINVS, jam teritiò Matronas salutavit, osculumque dedit. Cæteri unusquisq; vino adusto, è manibus Matronæ hausto, absq; osculo recesserunt. Aliam deinde familiariùs exorsus est Moschus orationem, quâ *CORVINVM cum omnibus quidem suis deductum iri Smolenscum; sed reliquis detentis, illum, tribus quatuorve in comitatum datis, rectâ in Poloniam iturum, non expectatâ commutatione, per modum secreti denuntiavit.* Eadem declaratio sequentibus diebus solemniter in Aula RTISCZEVII per prædictos Procures promulgata. *Adjecta simul Ducalis*

Postrema declaratio per Procures

Clementia deprædicatio, (similis illi, quam supra retuli) eum non obstrictū juramento, non infectum veneno dimittentis. Memorem tanti beneficij esse, & ut **PETRVS CHOWANSKI**, præter quatuor Generales, toties à Rege Polonia declaratos, dimittatur, in vim gratitudinis procurare debere. Ibidem denuntiatum est, **ATHANASIVM NASCZOKIN**, magni Legati nomine in Poloniam iturum.

*Excubi-
arum fer-
vor desit*

Hic jam desit excubi-
arum fervor: excubabatur quidem, sed jam ille pristinus rigor in admittendis extraneis clanguit. Decem diebus ante discessum, postquam annos tres, menses sex, & Vrbe & omni cœtu hominum caruissemus, permitti sumus per Urbem uno vel altero excubitore comite, securitatis Nostræ causâ, liberè spatiari: ita tamen in Vrbe hostili, restituta libertas movebat pedes, ut oculos & animos in solam Patriam converteret. Tenax nimirum Natalis foli amor, nihil extra Patriam vel videre poterat, vel audire, quo retineretur: inter pretiosissima oculorū illicia, optabat vel

*Per Vr-
bem com-
meare
permisso*

fumū

Fumum de Patriis posse videre facis.

Sueticus Legatus cuidam è Polonicis Captivis secretò apud se demonstravit Legationis instrumentum: fuisse sibi à Corona Suetica injunctam curam **GOSIEVIANÆ** libertatis. Hanc quandoquidem Divino beneficio, suorumque curâ jam adeptus esset, gratulatus libertatem, suam propensum animum ejus officiis declaravit.

*Corona
Sueticæ
studium
pro libe-
rando
Gosievio*

Decimâ quintâ Martii, actum est in consilio Moschorum, num ex dignitate Principis foret; quàmvis magni Nominis Generalem, Captivum tamen, ad conspectum ejus & osculum dextræ admitti. Plerisq; negantibus, **DOŁGORV-
K I I** sententia (maximè quòd Princeps quoq; videre hominem, hucusq; apud Se hospitem, & vix sibi cognitum, multis tamen nominibus deprædicatum, desideraret) assentientis: id non tantum expedire, sed ex omni ratione requiri, placuit. Finito consilio, ex Cancellaria

*Gosievio-
us in con-
spectum
Magni
Principis
primum ad-
mittitur*

deductus est ad palatium, sex Officialibus Captivis comitatus **CORVINVS**. Vbi in conspectum Magni Ducis ventum est, Vice

*atq;
Liber
pronun-
tiatur.*

Can-

Cancellarius oblongam prælegit chartam in hæc verba. *DEI* Gratiâ Magnus Princeps Car, & Magnus Dux *ALEXIVS MICHAY. ŁOWICZ*, totius Magnæ, Minoris, Albæq; Rusiæ Monarcha: aliorumq; multorum Regnorum, terrarum Orientalium, Occidentalium, Septentrionalium Dominus, Hæres, Successor &c. &c. &c. Tibi *VINCENTI CORVINE* &c. &c. facit denuntiari. De te eliberando scripsisse Regem Polonia, literis allatis Magno Principi Domino Nostro Clementissimo, per Internuntium suum millesimo sexcentesimo quinquagesimo nono, ut Tu, tanquam Legatus jure gentium liber, dimittereris. Ad has Magnum Principem Dominum Nostrom Clementissimum rescripsisse, Te jure belli captum, non Legatum detineri. Scripsisse & aliis literis, eodem anno, idem postulatum. Suum verò Magnum Principem ac Dominum nequicquam à proposito discessisse. Deniq; scripsisse in vim propensionis suæ, salvo jure Tuæ Legationis, quatuor Campi Marschalcos Gentis Nostræ, Se velle dimittere. Accessisse Exercitûs Lithuanici supplicationem pro
tua

tra eliberatione. Annuit itaq; *IOANNIS CASIMIRI* Fratris sui postulatis, & militari supplicationi, Teq; liberum pronuntiat. Tu verò jam nullibi in ditionibus Moschovia præpeditus, magnis itineribus perges *Varsoviam*: indeq; quàmprimùm quatuor Campi Marschalcos, Ducem *OSIP IWANOWICZ SCZERBATT*: Ducem *GREGORIVM KOZŁOWSKI*; Ducem *SIMEONEM SCZERBATT*; *IOANNEM AKINFIEOW*, remitti Moscuam: ac his superaddi *PETRV M CHOWANSKI*, procurabis. *ATHANASIVS NASZOKIN* Plenipotentarius Legatus ad Aulam Polonicam, Te sequetur; cui præstari liberum ac securum passum; ceteris quoq; Captivis commutandis delegari Commissarios, facies. Post hæc admissus cum sex focis ad osculum Ducalis dextræ, domum deductus est, Moschis passim libertatem gratulantibus: & num jam se liberum esse crederet? sciscitantibus. Is verò, ut firmiorem dictis fidem præstare, Moschos mone-
ret, (non quòd plenè crederet) tunc primùm
credi.

credidisse se in libertate constitutum, cum data per Procere declarationes, conspectu & osculo dextra Magni Principis, sunt confirmata, respondebat.

Goservio
movet
Moscuâ.

Gens fallax aliàs, promissi fidem præstitit. Decimâ septimâ Martii Moscuâ movit CORVINVS. Quadringenti Captivi Moscuâ, de domo illa servitutis educti. Currus & quadrigæ CORVINO, cæteris verò singulis vectores, duoq; pedites, Smolenscum devehendis dati. Eodem vespere ad valedicendum DOLGORVKIO & RTISCZEVIO (nam uno ab Vrbe milliari, in villa Ducali Werebeïow, mirum in modum loco amæno sita, pernoctatum) revocatus, integrâ nocte comessari coactus est. Nunc in villa primùm cæteris Captivis adire CORVINVM licuit. Prope omnes contingendæ dexteræ sui liberatoris cupidi, adire. Nec unâ die terminata læticia, sed per totum iter, gratissimis sermonibus, revocabant memoriam adeptæ libertatis.

A Capti
vis salu.
tatur.

Decimâ octavâ Martii conspectui Vrbs,
ex amæ-

ex amænissimo monte Poklonna, situm ejus incomparabilem, speculatus, omnium præ libertate gestientibus animis, valedixit CORVINVS.

Moscuâ, sex aut septem milliarium ambitu vasta, generaliter in quatuor partes dividitur: scilicet Kremlgorod: estq; Castellum apprimè munitum, triplici muro & fossis, Ducali Residentiæ, & Patriarchali, præter quinquaginta Ecclesias, multorumq; Procerum domos, destinatum. Kitaygorod: estq; Civitas cincta muro, continens forum, officinas omnium mercatorum, Procerum, Nobilium, mercatorum domos, præter Ecclesias & plurima Monasteria. Bielgorod: estq; Civitas magnitudine superans utrâque: nã suo ambitu, prædictas completitur; cingitur albo muro & turribus. Zemlany-gorod omnes prædictas Civitates, intra suam ovalem circumferentiam concludit: vallo ab extra munitur; estq; mansio ut plurimum peditatui Prætoriano destinata. Ecclesiarum tholi pinnæq; complures deauratæ solido au-

Moscuæ
amplitud.
do.

Ej, splē.
dor é lon
gino.

ro: (uti sunt Soborna Cathedralis; Błahowieszczenia, Annuntiationis; Iwan Wieliki, turris Sancti Ioannis) omnes verò aliæ, albâ laminâ contactæ, de longinquo intuentibus, magnificum exhibent spectaculum. Cum enim Ecclesiæ quingentæ (â nonnullis mille) numerentur, singulis verò quinq; communiter tholi parvi sint superimpositi, splendorem percipiunt. Hæc legationi, facillè assentior: *Intuentibus (inquit) è longinquo Moscuam, videtur representari Hierosolyma: ubi verò intus ventum est, reperitur esse Bethleem, quod vocabulum in Germania significat Civitatem paupertatis: humilibus enim & sordidis impletur casis. Habet & alios extra mœnia plurimos vicos, aulas, villas Principis, mirum in modum situ amæno, Werebeiow, Kolomensk, Siemionowsk. Monasteria item aliquot muro & turribus, per modum Castellorum, cincta, & defensionem idonea. uti sunt Dewiczy, Spasow, Alexieiw. Vectorum villæ quàm plurimæ; addeò ut numerentur Moscuæ vectorum 5000.* (crede-

In Viaggi di Moschoria lib: 2.

(crederem in toto Regno.) Unusquisq; tunc pro singulis equis è thesauro numerabat stipendium decem aureorum pro anno. In quem usum singuli villani contribuunt tres *Kopiikas*. Obligantur verò ad omnes vecturas in publicis negotiis præstandas. Diebus singulis ante Cancellariam centum vectores cum curribus & equis excubant, ad repentinos casus. Si pluribus sit opus, mirum dictu, quantâ promptitudine & obedientiâ, equos subministrant, aut ipsi iter conficiunt. Similes villæ vectorum, ferè omnibus Oppidis notabilioribus adjacent, commutationi equorum deservientes. *Cursores* verò ad prodigium celeriter conficiunt iter. Vilmâ ducenta milliaria conficiebantur novem diebus: contigit uni, octo diebus prædictum iter confecisse, idcirco præmio donatus, cæteri verberibus affecti. *Cursori* publico è via deflectere pro uno quadrante, crimen inexpiabile. Adjacent quoque Vrbi, villæ, *Pańska stoboda*, Polonorum colonia: item *Kukuy*, non inelegans, sed muniri non

Vectores res publicæ.

Cursores

Kk2

per-

permissa Germanorum colonia: à nonnullis dicitur *Krasna Sloboda*: de hac aliqua subiicienda.

Kukuy. IWAN WASILEWICZ *Car*, in Suis crudelis, idcirco ab illis metuens: in alienigenas benignus, postquam ex Germania, Anglia, Livonia, ad incolendam Moscuam complures evocasset, qui praesidium illi domi & foris mercede facerent, Urbem incolere, ac intra mœnia è cocto lapide domos erigere permisit. Totâ Vrbe præter Principis palatium, Moschis tantum unicam domum è muro incolentibus, advenas (Ethnici omnes extranei apud vulgus tunc audiebant) murum inhabitare, torvis oculis intuebantur Moschi. Proceres inuito consilio cum Patriarcha, edicunt: *Quandoquidem Germani suas devotiones intra Urbis mœnia decantant: illicitis diebus carne vescuntur, imaginibus sacris & Crucibus, per contemptum, non exhibent cultum, Moschos ad suum obsequium, & esum carniū cogunt: Idcirco Patriarcha iudicans id perniciosum legibus Religionis, Germanos extra mœnia Civitatis presenti edicto migrare iubet. Magnus*

*Edictū
Patriar-
chale.*

gnus verò *Dux*, extra mœnia concedit agrum, domibus & Ecclesia erigenda commodum: domus verò in Vrbe intra sex menses vendi jubentur. Proscripti Vrbe, & ne vel vestigia sui incolatūs superessent, domus proscriptorum vili pretio non tam venditæ, quàm amissæ. Exinde gravissimis conviciis *Szysz na Kukuy*, etiamnum vexantur. Princeps, penes quem hodie summa Imperij est, relaxavit decretum; plurimis extraneis concessio in Vrbe incolatu: immò magnis promissis hucusq; ex Germania, Anglia, Suecia, Scotia, Hollandia, incolæ evocabantur: at in Urbem receptis reditus in Patriam difficile anteactis temporibus concedebatur: sed & hic rigor præsentis ævo remissus, plurimis hinc inde liberè se transferentibus.

Abrahamus Lesle Scotus natione, emeritus in Moschovia Colonellus, cum suis in Patriam reditum apparabat; qui cum in Moschovia rationibus nullis, nullis precibus & pretio potuisset retineri, sequenti captus stratagemate, mutare consilium, vitæq; reliquum in Moscho.

Difficilis è Moschovia dimissio.

schovia agere, est coactus. Citatus ad Patriarchale Tribunal, ob contractas sacras à sua uxore imagines; poenâ capitis cum tota familia damnatur. Producentur liberi, uxor, & ipse *Abrahamus*, scelus conjugis capitali supplicio sublaturus; nî ritu Græco & iterato baptismo, crimen tollere eligeret. Vicit priorem Patriæ repetendæ sententiam, conjugis carissimorumq; pignorum amor, mortisq; præsentissimæ metus: suscepta Græco-Russica sacra, iteratus baptismus, lustralibusq; aquis extincta flagrantissima videndæ Patriæ desideria, demersa spes reditûs, & velut ex obliviosa Lethe, affinium, cognatorum, vicinorumq; perennis infusa oblivio. Simili formidine poenæ, ad Græco-Ruthena sacra suscipienda, est impulsus etiam *Leo Lacefinius* Medicus, Romanus genere; qui ob suspectam cum Russa fœmina consuetudinem, à Patriarcha, tanquam ethnicus ad poenam exustionis; solenni decreto vocabatur, nî ritu Græco baptizaretur. Mansit in Moschovia, iterato baptismo: nihilominus ritum

Gentis

Gentis detestabatur, nec aliud sibi placere aiebat, nisi quod in hac Fide, omnia bona opera, omnes preces (præter jeiunia cruda) solo signo Sanctæ Crucis concluderentur. Nullæ enim preces habentur præscriptæ, Crucis verò signum, continuo ferè usu, in consuetudinem plerisq; venit.

His artibus, plurimi rebus Moschoviticis idonei, in perpetuam trahebantur servitutem. Incolunt hanc villam Germanicam militum Officiales, Medici, mercatores, opifices; indeque non nisi de licentia Principis, aut Supremi Ministri Statûs, ad portum Archangeli, aut Plefcoviam comitant. Ibidem ad portam excubare solent Moschi, arcendorum causâ inde ebriosorum hominum: veriùs interno-rum moliminum metu.

Sunt & alij plures vici extra mœnia. Hos inhabitant Ministri Ducalis culinæ, illos Ministri Stabuli, Hortulani, Provisores fructuum Ducalis mensæ. Non fructus priùs venûlli in foro exponuntur, quàm Principi fuerint

riant

rint præsentati. Qui primus ex suo horto primitias fructuum Principi obtulerit, pretium à suis vicinis persolvendum accipit, cæteri poenâ redigendæ ad Fiscum Ducalem pecuniæ ex fructibus perceptæ, mulctantur.

Cæterum quibus civibus, quo genere populi Moscua inhabitetur, breviter edoceo. Non vacat hîc describere dissitas moribusq; diversas illas nationes, in tam vastum Ducatus Moschovitici corpus esse collectas; quibus pro Deo, pellis equina aut urforum, arbore suspensa, Ethnicâ superstitione colitur: in cibum crudas carnes aliq; à quibus humanus abhorreret animus, barbara proponit consuetudo. Sola Moscua, sedes memoranda Captivitatis Nostræ, historiæ præsentis objectum esto.

Moschorum populus subjectissimum se suo Principi, nec aliam in terris recognoscere Potestatem, nullius Procerum se metuere servitutem, fastuosè magis quàm verè gloriatur. Instar vilissimorum quidem mancipiorum, obsequium Principi, coactam venerationem Proceri-

*Gens
Moscho-
rum.*

ceribus se debere profitentur; servilia tamen jam ingenia adeò prona sunt in seditionem & tumultum, ut poena chordarum, non remedium ejusmodi intestinorum malorum, sed alimentum videatur. Legatio Hæfatica ait: *Moschorum Gentem in libertate esse pessimam, in servitute optimam*: nihilominus quâdocunq; convulso Domini freno, servitus in vim apertam furoremq; prorumpit, non tam contra Principem, quàm contra Proceres debacchatur. Anno millesimo sexcentesimo quadragesimo septimo. Magnus Princeps ALEXIVS MICHAÏLOWICZ, ex consilio BORYSSII MOROZOW, (qui tunc primis, in aula novi Principis, officiis potiebatur) non de suprema, sed media Nobilitate, Filiam ELIÆ MIŁOSŁAWSKI Ducalis thalami consortem legit. Brevi post, BORYSSII cum minore natu filia celebrantur nuptiæ. MIŁOSŁAWSCIVS tantâ tamque vicinâ Principi affinitate sublimis, jam ex Nobili Senator, ex privato vastissimi Septentrionis Gu-

*libro. 5.
Cap. 18.*

bernator, ex inope Thesaurarius, in Castellum migravit: ubi dejectâ vetustissimâ domo, dignum affinitate Principis, dignum suo nomine crexit palatium. Aulæ officiis adhibuit suos affines, homines novos, avidos, rapaces: inter multos alios, rapinis aliisq; sceleribus notatos *Leontium Plesezeiow, Czysstow, Tychonow, & Trokanitow*: hi Magistratus, ut spolia adepti, ignari summa scelera incipi cum pramio, peragi cum periculo, populum monetâ, militem stipendiis, pretio salis fraudabant universos. Cōposuit quidem gregatim populus supplicem libellum; sed accessus Principis etiam redeuntis ab Ecclesia, per Proceres negabatur. Tandem redeunti aliquando ab Ecclesia *Wstretenskoj Monastyr*, numerosa occurrit multitudo, vinoq; furorem & audaciam acuate, supplicem libellum Principi non tam porrigit, quàm intrudit. Equi Ducalis frenum violenter arripitur, in media via stare jobetur Princeps, querelasq; quas ira conceperat, furor eloqueretur, audire. Toto tumultu *Plesezeiowii tyrannis*

Tumul-
tus origo

rannis sonat, confusisq; freudentis populi clamoribus, *Plesezeiowii* tyrannis accusatur. Modestis verbis ac Clementiâ, tumultuantis populi sopivit non extinxit furorem Princeps: nam cum nonnulli Procerum, populum plagis & equis in gyros actum, lapsu & sanguine fœdâssent, sopita flamma iterum in apertum erupit incendium. Furibunda plebs â verbis & contumeliis, ad ea, quæ impotens furor subministravit, arma se convertit. Calcanti pedibus lapides, manibus plebis in capita Magnatum jaciuntur: post gravia verborum tonitrua, ejusmodi secutam tempestatem Proceres fugâ cvitant, atq; in Castellam se recipiunt: fugientes sequitur populi furor, querulusq; cum lacrymis clamor: unus omnium furoribus destinatus, ab omnibus reus accusatur, ad pœnasq; vocatur *Plesezeiowius*. Tumultus in populo seditionesq; non rarò ad solam magni pacificatoris Personam quiescere cessareq; compertum est.

--- Magno in populo cum sepè coorta est

Llz

Virgil:
libro 1.
Sedi. *Æneid.*

6. Iulij.
Ingens
tumultus
Moscuæ.

*Seditio, servitq; animis ignobile vulgus,
Iamq; faces & saxa volant, furor arma ministrat:
Tum pietate gravem ac meritis, si forte virum quem
Conspexere, silent; erectisq; auribus adstant:
Ille regit dictis animos, & pectora mulcet.*

At conceptus in pectoribus Plebis Moschovi-
ticæ furor, nec ipsius Magni Principis Perso-
nâ & verbis, (qui desuper populum alloque-
batur) sedari, componiq; ad quietem potuit:
ab ipsis undis flammæ concipere videbantur, paca-
tissimis Principis verbis, irritabantur magis
quàm sedabantur seditiosi animi, tantâ perti-
naciâ, ut nihil aliud nisi cædes Procerum ore
sonare pectoribusq; omniû spirare viderentur.
Domus *Morozeruti* diruta, opes, & Icones sa-
cræ direptæ: servitia de superiori fastigio
præcipitata. Opes tantæ populo cesserunt in
direptionem, ut pileus plenus margaritis, tri-
ginta imperialibus; par zebellinarû pelliû medio
imperiali venderetur: sericum telaq; aurea,
passim inter populum divideretur. (exercent
enim Proceres per sua mancipia mercaturam.)

Idem

Idem evenit plerisq; Proceribus, in quos tu-
multuantem plebem, publicum aut privatum
odium, commovit. Supremus Cancellarius de-
lituerat inter subera & lardum, sed â propri-
is mancipiis proditus, inventus, occisus. Fu-
rente in populo seditione, oritur in Vrbe
variis locis incendium: quo absumentur omnia,
quæcunq; albo muro *Belgorod* continetur. Va-
stum aliàs incendium in summam fere exten-
dit vinum adustum, fractis doliis, populatri-
ce flammâ correptum: hoc demùm suo genio
commodissimum nactus vehiculum ignis, in Vr-
bem & Castellum (nemine impetum insole-
scantis flammæ continente; nemine propria
tuente, sed omnibus seditioni intentis) in-
star rapidissimi torrentisolvebatur. Prodit
interim è Castello Princeps: NIKITA R.O-
MANOW Patruelis Ducalis, Vir magni No-
minis, plebi gratissimus, moribus acceptissi-
mus, ad componendos effenes in populo mo-
tus, â Principe expeditus. Hic magnâ exce-
ptus veneratione, tandem interrupto tumultu,
denun-

denuntiat: Magno Principi precipuam curam esse suorum subditorum; atq; ubi paululùm animi resedissent, administrationem iustitiæ de fontibus, & qua statim tribui possent, concessurum, edixit. A populo inclamante Magno Principi, & Duci NIKITÆ, uti Patri suo, longævus annos, expetebantur prædicti fontes ad manus, omnium malorum authores. Discordi populo & gravioris motûs timore annuit Dux NIKITA, adjecitq; juramentum, neminem fontium, præter *Pleszeiorivium*, in Castello reperi. Qui deditus, priûsquàm in conspectum populi, & locum supplicio destinatum adduceretur, continuis baculorum ictibus est occisus. Tractum demùm per lutum, calcatumq; cadaver, donec busto caput abreptum est: deniq; ab uno monacho affirmante, excommunicati hominis cadavere, sedatum iri flammam Urbem hucusq; absumentes, in media incendia projectum. Vidisses sensim flammam sedari, cum consumptione cadaveris. *Petrus Tichonov* duodecim inde milliaribus in Monasterio

rio Sanctæ Trinitatis repertus, iussu Principis, octavâ Iulii Moscuam adductus, absq; ulla mora capite plectitur. Restabat MOROZOVIVS implacabili furore unicè ad pœnas expetitus: sed quòd fugâ sibi consulisset, pœna mortis in eum lata, & ab omnibus approbata. Prodiit tandem in publicum fastigium *Lobne Magnus Princeps*: unde *Se velle populo impertiri gratias, tanquam universalis Pater omnium & Patriæ, professus est*. Acclamante populo longævus annos, factiq; silentio, Princeps vultu cõposito, se resolvit in lacrymas. Petiit deinde veniam MOROZOVIO, quem educatorem, tutorem, secundumq; Parentem nominabat. Populus manipulatim habito consilio, altâ voce proclamavit: *DEVS conservet Majestatem Vestram incolumem & longævam, fiat voluntas Tua*. Actis gratiis, firmatisq; promissis, reditum est in Castellum; publicumq; epulum à Patriarcha & à MIŁOSŁAWSCIO populo exhibitum.

Alter tumultus millesimo sexcentesimo sexage-

*Alter
tumulto
Anno
1662. 6.
Augusti.*

xagesimo secundo longè sævior, sæviori quoq; populi insolentiâ & rerum eventu, sopitus est. Præsenferat jam Princeps, sub simulata pace gliscentis seditionis latitare igniculos, in magna paulò post erupturos incendia: idcirco extra Urbem Kolomensci, venationum prætextu, uno ab Vrbe milliari, septem millium peditum præsidio validus, cum Proceribus commorabatur. In Vrbe octodecim millia sumunt arma: ex his decem armatorum millia, pro ferendo sibi succursu, intra Urbem relinquunt: sed hi projectis armis, ad expilandos thesauros Procerum & mercatorum manus & animos converterunt. Octo verò millia inermes Kolomenscum processere. *Supplicatum se Magno Principi venisse, arroganter ajunt. Principis in publicum prodeuntis, primus ferociâ, prehensâ manu, imperiosè petebat tradi populo Mitostawscium, Rtiszewium, Chytrow, Streszniow, Woratynski.* Causam requirenti Principi, hanc edisserit: *quòd eorum ductu & consilio pax Polonica non coalescât, quòd moneta cuprea*

cuprea invaluerit &c. &c. Indignabundo, vultumq; vertente Principe, equites Poloni & Lithuani à fronte in seditiosos inveci, peditatus ex insidiis, prælongis latifq; securibus (*Bardysze* vocantur) undiq; rebelles inermes à lateribus adoritur: non arma, non consilium, non fugæ locus supererat: pauci strictis prægrandibus cultris, defensionem moliti, in flumen Moscuam sese præcipitârunt. E tanto numero seditiosorum, seu securibus præcisi, seu vorticibus hausti, ad septem millia perire. Ab altera parte nonnulli desiderati, nonnulli cultris læsi. Mox ubi Urbem immanis cladis nuntius clamor attigit, decem millia residui accurrunt: sed tantâ strage sociorum consternati, arma & seditionem deponunt: *capita sibi præcidi ultrò petunt supplices, seditionis authores ducentos* produnt. Ex his pluri mi acti in cruces, in flumen demersi, manus & pedes præcisi, in Sibiriam missi: omnes deniq; alij chordis cæsi, ferroq; ignito in facie notati, mercedem seditionis, infamiam, infamiam stigma-

*Seditio-
forum
clades.*

stigmatē in feditiosis vultibus exarata, per Vrbes pagosq; circumlatam, etiam post sua fata superstitem mortualibus sarcophagis intulerunt.

Authores verò feditio- num, quàm facile reperiantur, Moschorum Annales, & retroacti anni edocuerunt.

Anno millesimo quingentesimo nonagesimo septimo. *Boryssius Godunow* Comes stabilis, stirpem Ducalem clam sustulit veneno; imperiiq; dignitatem ad se traxit.

Anno millesimo sexcentesimo quinto, *Demetrius* dum appropinquat finibus Moschoviæ ex Polonia, absens à populo Magnus Dux proclamatus. Quis verò ille *Demetrius* fuerit, varii Gentium sunt sensus.

Anno millesimo sexcentesimo sexto, *Basilius Szuyjski* in cædem *Demetrii* conspiravit, Imperiiq; insignia rapuit.

Anno millesimo sexcentesimo decimo. Totius populi consensu, *Szuyjscius* in monasterium detruditur, Polonisq; deditur: nihilominus cum

cum duo apud Polonos comparuissent *Demetrii*, uterq; pro legitimo Principe à Moschis acceptus. Alibi in Moschovia complures *Demetrii* suos sequaces habuere.

Anno 1613. VLADISLAO Poloniæ Principi, Magno Moschoviæ Duci rebelles, suffecerunt **MICHAËLEM FIEDOROWICZ**

Anno 1643. *Timoszko Ankudinow*, postquam conjugem, suorum scelerum indicem, domumq; exussisset, fugit in Poloniam, & filium se *Basilii Szuyjski* deprædicat. Ibi à mercatoribus, deinde Ablegatis Moschis agnitus, ad *Chmielnicium* Kozacorum Generalem, Anno 1646. profugit. Illic quoq; agnitus, in Turciam profectus, Mahometismum amplexus est 1648. Inde in Italiam, deinde in Transylvaniam, & Sueciam, (ubi dum apud Reginam per Legatos Moschoviæ expetitur) in Livoniam, in Flandriam; Wittembergiam profugus, Lutheranismum professus est. Deniq; in Halsatia examinatus, Moschovitico Legato traditus, Moscuam deductus, quàmvis objecta sibi for-

titer negaret, ac intrepidus mortem subiret, in quatuor partes dissectus, canibus in escam eiicitur.

Anno 1654. *Solowiey*, cum Magnus Princeps in Lithuaniam movisset, hæreditatem Moschoviæ usurpare cœperat. Anno 1669. *Sienko Razin* Astrachaniæ Regnum, & quicquid Wolgæ validum adjacet, occupaverat.

Anno 1674, in *Vkraina* quispiam filium se Magni Ducis *Simeonem* jactabat, de quo supra. Sed hæc omnia in primordiis oppressa.

Explorato ejusmodi gentis genio, Senatus Moschoviticus, indeq; Principibus imminere metum, ubi ipsimet maximè metuuntur, optimè *Vrbanæ* providit servituti: populum omnem in *Vrbe* degere statuit, ne in villas dilapsus, cœtus & secretas consultationes iniret. Nemini ab *Vrbe* in suam villam proficisci licet, nisi prius facultatem, designatosq; dies pro reditu acceperit. Cæterum ne quid intestini motûs oriatur, metu, pœnarum acerbitate, & per accuratos viarum exploratores providetur.

Cur Moschi in Vrbe pri maria sui territorij vivunt? nõ in villis.

detur.

Contra calumniatores, in causa criminali, hic modus inventus. Primus accusator chordis cœditur: at hoc persistente in sua delatione, cœditur accusatus. Is verò, si triplicem chordarum pœnam toleraverit, negando crimen, (quod frequentissimè usavenit) accusator reus calumniæ, acerrimè chordis castigatur. Et ne his quidem modis, sufficienter calumniis provisum est.

Supra moneta præteritis annis ibi invaluit: erant: ejus eudendæ domi, privatim in antris & sylvarum latebris, plurimi usum contraxerant. Sancita igitur pœna, & executioni mandata, ut fontibus in guttur plumbum liquefactum infunderetur. Credisne cohibitam licentiam? minimè.

Chordarum pœna (vulgò *Knut*) diu notuq; exercetur, dicerem crudelem, nisi ab ipsismet Proceribus audivissem, suæ Gentis insolentiam detestantibus, alio modo nequaquam cœreri posse. Virgis autem (*Botagi*) dicuntur

Calu-
mniato-
rũ pœna.

Moneta
olandesi-
na.

Pœnarũ
genera.

cuntur popularibus) quocunq; te verteris, Aulicos Principis & cubicularios (quàmvis ad ejus obsequii gloriam non nisi magna nomina, idq; ob merita parentum admittantur) in palatio; ad Ecclesias Clerum; in Cancellariis, in omnibus excubiis, in foro, in ædibus privatorum, publicè & privatim, tergo nudato, cædi videbis. Excubat in Castello ad puteum quendam publicum centurio: hûc adducti cæduntur continuò ferè ii, quicunq; intra Castellum muros, ausi fuerint verbum aliquod minus honestum proferre. Tantus in rudi illo populo Manifestatis amor. Quàmvis pœna hæc gravis sit, nihilominus pro levi apud Moschos æstimatur. *Knut* cum sit quandoq; ferreis filis intertextus, utcunq; maiori colitur metu. Sibiriam maximè metuunt, quòd opibus exuti, ab uxore & amicis avulsi, rariùs revocandi in Patriam, ad perpetuos labores damnentur. Tabaci usus interdictus. Videres indies plurimos, præcis naribus, dirissimè castigari virgis, chordis, in Sibiriam damnari & deportari.

Idem

Ducalis
Residen-
tia Ho-
nos.

Idem evenire solet, clanculùm vendentibus vinum crematum: nihilominus quia plerumque prævalent illicita, effusiùs ruunt in vetitum nefas.

Gentem ebrietati cumprimis deditam, & vitiosam, Græcorum more, vocat Iovius.

Legatio Hæfatica & *Iacobus Danicæ* Legatus vocat pertinaces, indomitos, perversos, impudentes, inclinatos ad omnia mala, utentes vi, locorationis. *Carolus de Tallerand, Principem de Car-* In *Vicaggi*
les, Gallicum Legatum, ex decreto Patriarchæ in Si- Moscho-
biriam missum: ibiq; per annos tres detentum, didi- via lib: 3.
cisse quatuor libros Aeneidos memoriter exactissimè. Cap: 17.
Similiter Cesareum Legatum detentum, eadem Le- Dea ego non mi-
*gatio memorat lib: 3. Cap 17. Nocturnis erro-*ror in tam vasti
nibus, grassatoribus, aut qui in publicis plateis Dominio repe-
crapulâ & ebrietate pressi, decumbunt; guttu- bonos & malos
ra præcidere est solenne. Contra nocturno- vi & ratione
latrones (Tatæ dicuntur) provisum est, dis- prout ratio Sta-
*positis per principales plateas excubiis: si-*tus iubet uter-
*mul edicto cautum, ne quisquam absq; Iumi-*tes.
ne noctu compareat: sed tam vastam Urbem, Latro-
omni- nes no-
sturni.

omnibus etiam per abstrusissimos angulos latitantibus latrociniis, purgare, arduum & negotiosæ plenum opus alexæ est. Per bacchanales ferias, me tunc Moseuæ degente, unâ nocte octoginta cadavera reperta sunt.

Furta.

Inter tot vitia, furtum omnium maximè punitur. Verùm etiam hunc rigorem, Gentis genius traxit in vitium: cùm re aliquâ clam injectâ alicui, facti ignari accusantur furti, puniuntur ut fures.

Ex Legatione Halstati

Debitis exsolvendis impares, coguntur filios suos oppignorare: *filius pro anno decem imperialibus; filia octo, æstimatur.* Castigantur quoque singulis diebus debitores, ab ortu solis usq; ad signum campanarum. Inter nobiliores verò, ob debitum à Domino contractum,

Debito.

Major Domûs castigatur: ut per irrogationem ignominia, (quæ servo irrogata, derivatur in Dominum) ad persolvendum debitum, Dominus inducatur.

Lis.

Lis inter Magnates, supremo decreto dirimitur, quando citatus traditur permissui, deduci-

ducitur in domum injuriati, vel in carcerem: ille tamen nullam in caput ejus habet potestatem (& frequenter evenit, ut reus deductus ad suum adversarium, eiq; traditus, protestetur, se quidem obsequi mandato Magni Principis, nihilominus æmulum sibi genere & meritis imparem recognoscere) imò tenetur ex nunc ream dimittere, contentus hoc solo traditionis honore.

De amicitia publica & privata, Legatio Halstatica sic differit. *Dirigunt ad utile proprium, non commune, nec ad virtutem cultum amicitia, quã violare vel metu soluti, vel oblatâ in turbido occasione, non intermittunt. Fraude ac perjurio petitur decus virtutis.* Inter privatos quoq; (etiam uterinos fratres) rarò videris sinceram coli amicitiam: in adversis pavidi, inter secunda non Divini humanive juris memores: cunctis in adulationes & fraudes promptum ingenium.

Viri sunt de natura fortes, sed timidi; ideoq; in propugnandis arcibus quàm campo potentiores. Bono illis firmoq; temperamen-

Nn

to

Livius.

Tacitus

to constans foret valetudo; nī otio & diurno somno affectioni scorbuticæ redderetur obnoxia.

*Ratio
Victus.*

Transmarina, præter vestitum minū appētunt, modico eoq; crudo victu contenti. Pisces recentes, rarò etiam Procerum mensis apponuntur, foetidi dummodò non falsi in deliciis habentur. Cepis & allio plurimùm delectantur. Olera per hortum deambulando cruda comedere, etiam Proceribus non postrema, inter hortenses delicias, voluptas est. Bello autem Polonico, seu mitiori cœlo, seu clementioribus accolarum ingeniis, magnâ ex parte, illa cum qua venerant, feritas cicurata est. Futuri quoque luxûs (prout olim ex Asiatico bello, inter spolia Romam commigrâsse feruntur, sic Moscua, Polonico bello) iacta sunt femina.

*Livius
Dec: 4^o*

Hæc vitia aliq; non universæ genti, Regnoque Moschorum tribuenda; Moscua ut plurimùm iis laborat: ejus insolentia præ cunctis aliis Provinciis, usq; ad servilia deprimitur.

Hinc

Hinc ille incomparabilis amor obsequii: hinc ordo rerum nullibi major: hinc denique Majestatis securitas. Id ego ab ALMAZIO Supremo Cancellario didici: nempe Regnans id

Ni faciat, maria ac terras cœlumque profundum, *Virgil.*
Quippe ferant rapidi secum, vertantq; per auras, *10. Aen.*

Qualis Princeps ejusmodi Regnum, & quântâ prudentiâ gubernet, supra innui. Quales autem antiquitûs imperaverunt, breviter describere, ratio Statûs Moschovitici videtur exigere.

Vetustior Moschoviæ Ducatus, Equite nudo, in ceris gentilibus, utebatur. IWAN WASILIEWICZ novis auctus. Regnis, novos quoque sumpsit spiritus. Genealogiam suam ab Imperatoribus Romanis dedit, Aquilam bicipiti rostro pro armis assumit: apud populares C A R, scilicet Rex, à Germanis Moscua advenis, Cæsar proclamatur: magnitudo rerum gestarum, facilè persuadebat regales illi cum diademate titulos non gravatè concedendos: sed cùm intellexisset

Nn2

se tan-

*Andr
Fredro
in Fra-
gment.*

se tanti Septentrionis Dominum postponendum Sueciæ Regibus, suam ipse ambitionem (quæ sic se elevando deprimeret) detestatus, à Regalibus titulis, ad Imperatorios (*ut semper ambitio inquieta est, nescitque fastus stare loco*) animum principesq; curas convertit. Diadema, Aquilam, & tot nomina ipso pænè timenda sono, etiamnū in diplomatibus ac literis, quæ ad Principes Externos inscribuntur, assumens.

I W A N W A S I L E W I C Z

Anno millesimo quingentesimo quadragesimo, multa suscepit bella contra vicinos Livones, Plefcovienses: Magno Ducatui Lithuanie detraxit Magnam Novagardiam, Plefcoviam, Polociam, Smolensciam: Tartarorum Astrachaniam & Kazaniam integra Regna, victor suo subjecit Dominio. Septem Ducalis tori con-

*Henri-
cus Spö-
danus in
annalibus
& Le-
gatio
Halsati*

fortes successivè, contra Patrias leges uxoris Princeps admisit, ex quibus tres tantum filios suscepit: maximus natus IOANNES, minimus DEMETRIUS, pulchra Patris Soboles, si mens quoq; recta fuisset: ille à Pa-

tre

tre ictu scipionis, hic iussu *Borystii Godunov* occisi. Medius THEODORVS, duorum fratrum funera paulò post suo coronaturus, ad Paternam coronam brevemq; imperii successionem supervixit. Moritur I W A N Anno 1584. 28. Martij, ætatis 56. morte miserabili: cuius tyrannidem etiamnum non sine horrore memorare potest Moschovia: furore & crudelitate nomen apud posteritatem promeritus, dicitur *Car I W A N Sierdzity*.

F I E D O R I W A N O W I C Z

Hic annos duntaxat non animum parem Imperio attulit; atq; ita, quam propriis non poterat, alienis viribus, gravem Reipublice molem levaturus, in Supremum Statûs Ministrum, Regniq; Governatorem, assumpsit *Borystium Godunov* Ducissæ fratrem, supremum Cancellariû; virû fraudulentû, ignavo Principi cum universa sua stirpe perniciosum, & ut plerumq;

Nulla fides Regni sociis, omnisq; Potestas

Impatiens q; consortis,

Hinc & *Godunum loci impatiens fortuna secundu,*

Acer

Acer & indomitus fastus, ad totius imperii fa-
sces Principi suo rapiendos impulerunt. In-
dies igitur opibus, clientelis, valgiq; favore
potentior, pergit

Lucanus
libro 1.

*Successus urgere suos, instare favori
Plebis, & impellens quidquid sibi summa petenti
Obstaret, gaudensq; viam fecisse ruinâ.*

Primum ambitiosæ crudelitatis virus, in Do-
mum Regnatricem effudit, Principem DEME-
TRIVM annorum novem interim, THEO-
DORVM quoque veneno tolli iussit. Ne
verò his facinoribus populi odia vindictamq;
contra se excitaret; clàm incendit Urbem, ut
unusquisq; ad propria tuenda conversus patrata
scelera simul cum damno extingueret. Obi-
it THEODORVS 1591, Regni sui 12,
Anno.

BORYS GODVNOW

Regnum hærede viduatum omnium suffragiis
defertur BORYSSIO: sed is specie reni-
tentis, in monasterium profugus, exiit suam
magnitudinem: se experiendo didicisse iactans,
quan-

quantum illa bona occultarum sollicitudinum
tegerent: *quàmq; arduum, quàm subjectum Fortune, Tacitus.*
regendi onus. Suos lacertos, ejusmodi polo
sustentando non esse pares, excusat. Inte-
reâ per amicos, suarumq; partium sequaces,
tacitam ambitionem tam strenuè promovit, ut
accurrenti ad monasterium ac lacrymanti po-
pulo, tanquam lacrymis victus, in id præbere
assensum coactus videretur, quod ardentissime
cupiebat. Hic Princeps munivit Moscuam,
Mozayscum, Wiazmam, recentemq; prædam de
Lithuanis raptam, Smolenscum, tot bellorum
causam, incomparabili sumptu, cinxit muro: cu-
jus fundam Lithuani, Moschi muros, perenni
bellorum feriè repetere non desistunt.

Regnante BORYSSIO, seu *Hryszko V.*
trepiey, Iarostaviâ oriundus, monachus, (uti Mo-
schi asserunt) profugus in Poloniam; seu non *Deme-*
fictus *Demetrius* in aula Ducis WISNIE *trii ind-*
WIECCII, ignominiosè tractatus, suam pri-
stinam sortem lacrymans commemorabat. Quis
esset? feriò quæsitus; *Demetrium se Moscho-via*
hære-

*haredem, nutricis virtuoso dolo morti ereptum, denuntiavit. Dicta probavit; cum Crucem adamantinam in sacro fonte sibi appensam; tum brachio inustam aquilam (quâ chordis cæsum, notatum asserunt Moschi) monstrâisset. Ab hinc Regali honore educatur, tantoq; nomini & educationi parem gravitatem & mores, pro futuris mox opibus induit. Palatinum Sendomiriensem MNISZEK, Virum opibus potentem accedit, Filiam ejus in consortem tori & sceptri destinat, si ejus opibus & consilio, Polonorumq; armis ad avitum thronum eveheretur. SIGISMUNDI Tertii permissu legit Exercitum quatuor ferè (nonnullis decem) millium. His viribus armisq; potens movet in Moschoviam, proximas aggreditur & occupat Civitates, deditione plura fortalitia integrasq; accipit Provincias. Alliciebâtur ignari fama nominis *Demetrii*, qui pròptos Moschorum animos ad nova & mira flexit. Maximis demùm suis successibus, seu in subitanam mortem, seu ad sumendum venenum ex desperatione, BORYSSIVM*

RYSSIVM compulit. Obiit BORYSSIVS Anno 1605, Apr. 13.

FIEDOR BORYSOWICZ

Ab obitu *Boryssii* Procerum votis suffectus quidem est in Principatum *Fiedor Borysowicz*, nihilominus cum indies *Demetrii* auferentur vires & Fortuna, à Senatu populoq; in foro proclamatur. *Concedat Deus prosperitatem Demetrio, legitimo haredi Russiæ, contra omnes suos hostes.* Veluti signo undiq; dato, omni portâ in Castellum ruunt; electum Ducem captivant; *Demetrium* per Legatos ad Solium invitant: hic antequàm Moscuam (iam sibi ferè deditam subiret, invalidum THEODORVM, cum sua Matre, mors fato propera, vel *Demetrii* venenum absumpsit.

DEMETRIVS

Iam spem ingentem potiundi Moschovitici Imperii, pænè in immensum provehentibus Polonorum, Lithuanorum, Moschorum, Kozacorû Copiis, tot viribus validus, tot manibus suæ gloriæ militantibus potens, tot deniq; popu-

Oo

lis

lis pro sua salute excubantibus securus *Demetrius* in conspectum Moschæ decimâ sextâ Iunii pervenit. Matrem suam sibi occurrentem *Demetrius*, eâ, quâ par est filiali submissione, maternoq; nomini debitâ reverentiâ, equo delapsus, veneratus est. Hæc quâvis se fortè cædes filii non latebat, nihilominus vel metu, vel desiderio pristinæ felicitatis dissimulavit imposturam. Coronatus *Demetrius* 29. Iulii.

Hactenus quidem per felices successus composita à **DEMETRIO** fabula, eundem ad sceptrâ & imperialem usque coronam evehebat: at ubi supremum optatæ felicitatis apicem attigisset, cum quò ulterius pergeret, non haberet, retro cedere cœpit: ita profectò *quisquis medium defugit iter, stabili nunquam tramite currit.* In meta gloriæ & votorum suorum quiescente **DEMETRIO**, vertit *Fortuna* rotam, cum qua res **DEMETRII** versæ, & everse; fortunati successus in tristes funestosq; se cœperunt evolvere, Corona **DEMETRII** in profundissimam

confu-

*Seneca
in octavo.*

confusionem depresso Moschos: erubescere cœperunt purpuram in Principe, quam eidem paulò antè victi victori imposuerant: felicitas sui Principis illis aperuit oculos, quos operuerat propria calamitas: pudere demum eos cœpit, quòd à moribus antiquis degeneraverint, & Ducale solium, domi natis, vel è medio sui lectis Principibus inhabitatum, alieno ex orbe petito Monarchæ, hostium artibus infecto, subjecerint. Gliscentes occultè seditionis igniculos in flammam apertam protrudebat, ipse diversus à veterum Principum institutis **DEMETRII** genius: quòd extra Patriam desponsaret sibi consortem, quòd mores & consuetudines Polonicas Moschoviticis præponeret, quòd thesaurum Ducalem prodigaliter (plerumq; in Polonos) erogaret, quòd armillas & monilia, sponsæ, Regi; Poloniæ, extra Patriam miserit, pretii incomparabilis: quòd Præfecturas Polonis concesserit; carne vitulina vesceretur; balnei quotidiano usu abstineret: usitatum apud Moschos cultum Iconibus

*Cause
cedis De
metrii.*

Oo2

non

non exhiberet; canes sequi se in Ecclesiam
fineret. Ex his omnibus ceu ex maligno fo-
mite, suscitabatur flamma in incendium, for-
tunam, honorem, vitamq; DEMETRII con-
sumpturum. Ad hæc subibat animos impostu-
ræ non vana suspicio. Exaggerabat occultè,
deplorabatq; ruinam Patriæ W A S I L I W A-
N O W I C Z S Z V Y S K I, cæteri; Proceres,
sed prodita conjuratio, in caput versa conju-
ratorum: ipse S Z V Y S C I V S seditiosorum
Primipilus, verberibus castigatur, ad extre-
mum fatali decreto reus mortis edicitur. Pro-
xima jam executio in loco supplicii plecten-
dum constituerat, at DEMETRIUS non
minùs se fortem in puniendo, quàm in parcè-
do, subjecto populo exhibiturus, donavit cle-
menter fonti vitam, quam iustè, sibi salubri-
ter, auferre poterat. Dum hæc in Moschovia
geruntur. M A R I N A M N I S Z K O W N A
Palatini Sendomiriensis filia, splendido Polo-
norum stipata comitatu, pervenit Moscuam 8.
Maii. Nuptiæ Ducales celebrantur. Læta o-
mnia

Nuptiæ
1606
Maii 17.

mnia; nil præter geniales plausus, in Ducali
auditur curia, nil nisi quod Imperialis Hyme-
næi ferentatem ostendet, conspicitur. At
longè alia rerum facies in Vrbe: dum enim
Princeps velut in altissima pace, ignarus quid
fata pararent, obruit se mero, pleriq; facto
concurfu in villa, ejuratoq; Principe, S Z V Y-
S C I O jurant fidem & obsequium. Ultimo
nuptiarum die ad signum campanæ, (*Nabat*
dicitur) tota Vrbs ad arma concurrit. In-
vadunt Castellum, & præsidium Polonicum
somno vinoq; sepultum. Cædes immanisq;
in semivivos laniena exercetur,

*Crudelis ubique
Luctus, ubiq; pavor, & plurima mortis imago.*
Postquàm Polonorum ferocissimi, per acies ce-
cidissent, penetrant in conclave DEMETRII,
quæ de fenestra jã jam se præcipitantè retrahunt.
Eâdem horâ Mater DEMETRII, sub oscu-
lo Crucis (id juramenti loco apud Moschos
habetur) examinata, negavit legitimum à se
coli DEMETRIUM. Nec mora crudelissi-
mè

*Vir. l. r.
Æneid.*

mè occiditur impostor. Poloni quiq; animosiores mille septingenti cecidère: Ducissa in Monasterium detrusa: Ducis tamen WISNIEWIECCII Aula non minùs generosè, quàm strenuè se tumultuanti plebi opposuit. Legati Poloniae Regis, OLESNICKI & ALEXANDER CORVINVS GOSIEWSKI contra jura Gentium detenti biennio. Cadaver DEMETRII fune tractum per plateas, fannis, convitiis ludibriisq; promiscui sexûs plebi expositum in medio foro, tum ignobili sepultura obruitur, iterumq; erutum igni, in cineres consumendum, iniicitur. Hoc demùm tam celeri, tamq; infelici exitu, tanta potentiâ quæsitum, per tot clades inventum imperium DEMETRII terminatum: ita profectò.

Lucan
libro 1.^o

*In se magna ruunt. Latis hunc Numina rebus
Crescendi posuere modum: summissq; negatum
Stare diu.*

WASIL IWANOWICZ SZVYSKI.

Sublato per seditionem Principe, Caput seditionis

coronatur. 1. Junii 1606. Ad initium ejus Regni Kniaz GREGORIVS SZACHOWSKI (uti Moschi affirmant) raptis inter tumultum & cædem DEMETRII, decem equis Ducalibus, profugus in Poloniam, DEMETRII nomen, Personam, & titulos assumit, adversusq; Moschoviam, numerosum æquè ac potentem colligit exercitum: secuti sunt ejus auspicia, viri magni nominis in Moschoviâ, Dux WISNIEWIECKI, SAPIEHA cæterique.

Infestis Polonorum, Lithuanorum, Moschorum, & Kozacorum Zaporohensium & Donensium copiis, in profundiora Moschoviae penetrans, ipsam metropolitanam illius Urbem intestinis à semetipsa jam pænè oppressam claudibus, biennali premit obsidione. Duo tum in Moschovia distinctis locis comparuerunt Demetrii, quorum alter Ducalem annulum, argumento fugæ monstrabat; alter quidpiam è Ducali supellectile, prædæ ostentabat. Vterq; studia Moschorum ad se, vi & artificiosâ imposturâ

posturâ trahebat. Primum tamen omnibus potentior arma Polonorum fecerunt (uti innui) hic exercitus Moschoviæ profligavit, Moscuamq; validâ strinxit obsidione. Quisquis verò ille fuerit, seu idem ille *Demetrius*, seu alius impostor, ita egit Personam *Demetrii*, ut fidissimi amici, hac de re, nil certi hucusq; referre potuerint. At in Polonia SIGISMUNDVS REX ob communem Regum causam, ob Legatorum captivationem, ob violatum jus hospitii, juraq; Gentium, bellum in Moschoviam decrevit. Ipse Smolenscum cinxit obsidione. STANISLAVM ZOLKIEWSKI Exercituum Ducem in penitior Moschoviam expedit, qui octoginta milia Moschorum ad Kluszynum fudit, ibidemque Sueticum Generalem, *Pontum de la Gardie*, profligatum captivavit: Moscuamq; Victor aggressus est. Moscuæ in foro, primùm populus, mox in palatio Proceres SZVYSCIVM infortunatum esse Principem conclamant: in campum prodeunt: Proceres, Nobilitas, Populus, con-

concludunt deserere Principem suum in pace, & in adversis præliorum exitiosum. Cuncti deinde per delegatos SZVYSCIO denuntiant, tot populorum nomine: eum esse Principem infelicem: sceptrum resignare iubent, ipsumque in monasterium detrudunt. Ita per seditionem querentibus Imperia, aut tenentibus, nihil medium inter præcipitia & summa est. ZOLKIEVVS postquam in conspectum Moscuæ Victorem produxit Exercitum, major in Vrbe metus: oppressa tumultuantium dubitatio, nonnullis jam pro VLADISLAO, quibusdam pro *Demetrio*, Vrbi adsidente, quibusdam pro *Galicino* Electionem trahentibus. Omnes concludunt deditioem Urbis tolerabilibus mediis, Electionem VLADISLAI Poloniæ Principis, petendumq; à Victore subsidium contra *Demetrianos*, Urbem jam biennio oppugnantes. Victor, VLADISLAO fidem juratam coram se dare obsidem, diadema, Castellumq; iubet: tum deditis fert opem. Et quia nusquam ibi pax consistere posset, ubi

Pp SZVY:

SZVYSCIUS esset, hunc sibi ante omnia dedi oportere declaravit. Poloni, hucusq; signa *Demetrii* secuti, (præviâ cautione, exolutionis stipendiorum, sub *Demetrio* emeritorum, à Rege & Republica) deserto *Demetrio*, sub Regimen **ZOLKIEVII** concefferunt.

V L A D I S L A V S

Decimum quintum ætatis annum agentem **VLADISLAVM**, Magnus Dux Mosch: **SZVYSCIUS**, **FILORET** Patriarcha duoq; *Szuyscii* fratres, Captivi, Victorem, totaq; Moschovia Principem adoravit: Urbem, Castellum, diademata, Thefaurum Ducalem, Arma, Sigillum, omnesq; publicas opes, **ZOLKIEVIVS** in deditioem accepit; ac ne per vim imposita imperia exuerent Victi, pro præsidio Castelli, primùm mille, monitus deinde ab ipsismet Moschis de periculo seditionis, sensim sex millia intromisit. Iuramentum in Nomen **VLADISLAI**, in persona excepit: moneta in vulgus sparsa: apud remotissimas gentes *Kolmykorum*, *Kazanensium*, Sibi-

Sibirienfium, *Astrachaniæ*, *Czeremiffiorum*, ad mare Caspium & Septentrionale fitas, **VLADISLAI** colebatur Nomen. **ALEXANDRVM CORVINVM GOSIEWSKI** Moscuæ præfecit **ZOLKIEVIVS**; ipse, primùm castra Regia ad Smolenscum Victor, mox Varfaviam, (jam quoq; capto Smolensco) triumphaliter ingressus, Moschorum Principes **SIGISMUNDO** & **VLADISLAO** in publicis Comitiiis Captivos præsentavit.

Anno 1611. 26. Ian. Populus Moschoviæ *militarem licentiam Poloni militis GOSIEVIO exposuit: Sacrarum Iconum contemptum, filiarum uxorumq; suarum prostitutionem: incusabant tributum alendo militi impositum: petebant deniq; in omnium præsentium malorum remedium, celere adventum VLADISLAI electi Magni Ducis. Poena itaq; in fontes lata, & Electi Ducis adventum acceleraturum se spondit CORVINVS. Iam verò militem suum excubare diligentius, dum Moschos sensim inolescere videt: populumq; armorum usu, abstinere iubet.*

Cumq; ingenia illa tumultus & conventicula, apertius augent, Urbem diversis locis clam incendit, divertendo Moschorum animos a publicis ad privata tuenda. Sed postquam commune incendium animos incolarum invasisset, Urbem totam exussit, excursionemq; validam factam excidit. Ducenta millia promiscui vulgi, in Vrbe tunc periisse feruntur. Vrbs tota praeter Castellum, & unam vetustissimam Sanctae Trinitatis Ecclesiam, in cineres abiit. Ex Castello, Ducalis, Patriarchalis, & Ecclesiasticus, privatorumq; thesaurus a milite directus, pretii incredibilis, usq; adeo opulentus, ut nauseans opes peditum vulgus, bombardas grossissimis gemmis oneratas, exoneraret in aërem: diademata, sceptrum, unicornum auro & adamantibus vestita, partim Ducibus, partim militi praesidiario, partim seditioso, cesserunt in spoliis.

MICHAYŁO FIEDOROWICZ

Propriis malis totq; cladibus ad saniores iam mentem Moschi impellebantur: quare unanimi

con-

consensu MICHAELM FIEDOROWICZ Theodoro Nikiticz Filoretto (qui deinde de Patriarchale Solium adeptus est) genitum, sexennem, Magnum Moschoviae Ducem dixerunt. Anno 1613. Eius auspiciis Moscuam cinctam obsidione, sed egregie defensa ab ALBXANDRO CORVINO GOSIEWSKI annis sex. IOANNES CAROLVS CHODKIEWICZ, IOANNES ZBOROWSKI geminatis Moschorum cladibus, solverunt obsidionem. Hucusq; CORVINVS fortiter Proregis sanctus officio, successorem accepit (Polonam Gentem eas honoris vices alternas esse cum Lithuanis volente) IOANNEM STRVVS. Iterum sub eo Moscuam cingitur obsidione, fameq; adacta pacificatur deditio. Potitos quoq; se dicunt Moschi tunc Smolensco, sed intra tres menses, iterum resignare ob inopiam comitatus coactos: nam Georgius Suleszom cinctis obsidione Moschi Smolensci, opem laturus, in via profligatus: Demetrius Czenkaski cum exercitu Moscu-

Moscua usq; evasit, Polonis undiq; instantibus: ipseq; VLADISLAVS Moscuam oppugnavit 1618: portam Orbacensem perfregit. Defensa tamen Vrbs operâ Germanici præsidii. Tandem Moschovia tot fessa malis, inducias 27. annorum ad Troycam accepit. SZVYSCIVS Magnus Dux Captivus obiit in Polonia. *Filoret* Patriarcha, duoq; *Szuyscii* 1619. libertatem sunt consecuti. Vixit MICHAEL Pacificus, suæ Genti gratus Princeps, nisi quòd arbitrio Patriarchæ, suscepit celebrem illam Smolensci obsidionem 1632. occasionem ingentis gloriæ VLADISLAVO IV Pol: Regi: ubi 170000. Moschorum victi, residui edomiti, signa, arma, opes publicas & privatas, Victori in spoliis reliquerunt. Obit MICHAEL 1645 Julii 12. ætatis 49. Regni 43.

ALEXIVS MICHAYŁOWICZ
Eodem anno Patri successor ALEXIVS tranquillum cum sceptro accepit Regnum: eòq; majora pacis præsidia firmabantur, cum à Patre supremâ voluntate ad colendam cum Polonis

lonis pacem obligaretur. Anno tamen 1654. atrox bellum intulit Poloniæ & Lithuaniam, dum illæ multiplici bello distraherentur. Majorum suorum prudentiam, fortitudinem, potentiam, superavit. Nationibus externis, tum fortitudinis, tum prudentiæ, omnifq; ingenii probandi exercitium, Moscuæ præbuit: sed simul in omni arte, Moschos olim rudes, militiæ omniumq; bonarum artium ignaros, excoluit. Quicquid deniq; Moscuæ exiit ferociæ, huic debet Principi. Non defuere tamè rerum vicissitudines, & elades ingentes sub ejus Dominio: pestes enim antehac inauditas perpeffa Moschovia, Princeps Civili tumultu petitus, orbatus filiis ALEXIO magnæ indolis, & in spem Regnorum Polonici, ac Moschovitici educato, & SIMEONE minorenni. *Tanti consistit bello Poloniam laceffere Gentem.* De quo fusissimè actum supra.

Hæc ex occasione Urbis Moscuæ, à nobis ferè quadriennio inhabitatæ, dicta sufficiant.

Moscuâ evoluti, Kubińscum pervenimus, illic

tria au
millia

311
Iñc Secretarius Magni Principis Cameræ, viaticum liberale attulit. Insuper sericum viride, aliudq; sericum argenteo filo intertextum, Persicum opus. Colonellis, aliisq; omnibus sedecim Concaptivis, collaudatâ eorum constantiâ, munera liberaliter data. Omnium maximum munus, libertatem, etiamnum declaratam accepit CORVINVS. Quâ lætus, munerum quoq; gratus, latorem munificè donatum dimisit. Literas verò idiomatè & stylo Genti illi accommodato, valedicturus Magno Principi, ejusmodi inscripsit.

DEI Gratiâ Magno Principi, Car, & Magno Duci ALEXIO MICHAËLOWICZ, totius Magnæ, Minoris, & Albæ Russiæ Monarchæ, aliorumq; plurium Regnorum & Terrarum Orientalium, Occidentalium, & Septentrionalium Heredi, Successori, Principi, Domino, &c. &c.
Sacra Carea Majestas.

Non longè antèbac Majestatis Vestræ Captivus, nunc ejusdem clementiâ liber VINCENTIVS CORVINVS GOSIEWSKI, humiles re-
pendo

312
pendo gratias pro omnibus mihi præstitis beneficiis, quòd me Majestas Vestra quadriennio liberaliter victu & amictu, donis insuper providere, medicis suis curam meæ valetudinis demandare, medicamenta è pharmacopolio Ducali largiri, per Simeonem Lukianowicz Stresznior Senatorem suum, me agrum Captivum invisere; deniq; libertate donare, in Patriam dimittere, conspectu suo non denegato: per Secretarium suum de valetudine meâ inquirere, auream mihi vestem & viaticum largiri dignata est. Quòd verò pristinum meum Pacis conficienda studium, grato animo acceptet Majestas Vestra, meq; ad perficiendum opus; cum Georgio Dolgoruki, cum Athanasio Nasczokin, apud Sacram Regiam Majestatem Dominum Meum Clementissimum Legato, ad amicitiam ineundam hortetur, libens Majestati Vestræ obsequar. DEVM interea precor (absq; cujus adjutorio, omne consilium vanum, omnis potentia debilis) ut tantum virium mihi suppeditet, & ingenii, quatenus Vestrarum Majestatum ad pacem inclinatos animos, labore meo, ad tam pium opus perficiendum inducam. Vt verò Majestates Vestrae san-

Qq

gui.

guinem Christianum sistant, Ethnicorum potentiam malis utriusq; Gentis auctam diminuunt, obsequia Mea Majestatibus Vestris deo vero, quantum per rationes virium & possibilitatis licebit. Quicquid Vestris terrenis Majestatibus defuerit, Divina Majestas suppleat, tam piis, orbi Christiano proficuas Majestatum Vestrarum intentiones, Suo cumulaturo auxilio. Quam precor, ne prius me sinat mori, nisi videro utriq; Imperio restitutam pacem; inter Vos Magnos Principes, Vestraq; Regna veterem amicitiam; hostium communium confusionem, & amicarum Gentium inde solatium. Id dum animatus apprecor, Majestatis Vestrae deosculor manum.

Majestatis Vestrae

Kubiński 20. Martii.

1662.

Humilis Servitor

VINCENTIVS CORVINVS

GOSIEWSKI.

Mozaysci commutatis vectoribus, Wiazmam perventum. Omnium bellorum & diuturni carceris asperitatibus infractus, parum abfuit,

quin

quin in ipso portu libertatis, grandi ægritudinis procellâ impetitus, vitæ fortunarumq; fecerit naufragium CORVINVS. Aliquantū sopito morbo, Dorohobuzum lectulo delatus: eo malo iterum recrudescente, extremè periclitatus est. Æquè Moschis ac Concaptivis de ejus vita sollicitis, commodior visa navigatio secundo Boristhene, ob evitandas infinitorum pontium incommoditates. Urgebat Kniaz Nikita Iwanowicz O D O I E W S K I per Internuntios Smolensco missos, iter ejus accelerari, cum jam verni dies infirmo periculum, à Medico prædictum, minari viderentur. Duo itaq; magna navigia ad iter navale instruuntur. Cæteri Captivi, pariter & Moschi, *Pristarvi*, excubitores, sedecim magnis navigiis Smolenscum 4. Aprilis appulerunt. Quum plerumq; meticulosa sit calamitas, timebamus ne Smolensci novum aliquod emergens cursum itineris nostri remoraretur, sed cum miles protensis in muro signis, populisq; ad ripam Boristhenis numerosus confluxisset, ut sibi liceret reducere,

Moschi
urgent
liberationem.

Smolen.
sui honore
rifice excipitur.

Qqz

corã

coram intueri & adorare: cum æquè à populo ac milite præfidiario haberentur honores; cum ab *Odoiewscio* cæterisq; Legatis, Ducalis rheda mitteretur; deniq; intra mænia honorificè deduceretur à Colonellis, tum demùm verè se liberum esse agnovit. Excubiæ adhibitæ, obsequii magis, quàm vigiliarum causâ.

A Legatis Mosch: honorificè salutatur.

5tâ Aprilis in eadem Ducali rheda Legatorum Aulam invecus, in arèa ab **A L M A Z I O** Cancellario omnium Legatorum nomine salutatus: mox in atrio à **N A S C Z O K I N O** simili salutatione exceptus: in sala à **P R O Z O R O W S C I O** dextrâ datâ: honorat9, ante conclave à Legationis Principe **O D O I E W S C I O** humaniter acceptus, in conclave deducitur:

Morgen tis.

Libertatem consequitur

hic habito primùm colloquio de accelerando Legatorum congressu, de commutatione Captivorum, de Austriacorum mediatiōe, supremum ei libertatis decus, tot suspiriis desideratum, (ejusq; usui, seu equos, seu navigia vellet, jam esse omnia in promptu) denuntiatur. Comites libertatis dati quinq; præterea gregarii duodecim, vilioribus obsequiis

quibus destinati. Pro omnibus, quòd Nationis Moschoviticæ Captivos remissurus esset, scripto cautum. Vice Colonellus honoris causâ, & 30. pedites Moschi, remigesq; dati usque Mohiloviam: iidem ut integrè Smolenscum remeare possent, similiter scripto cautum. Reliqui commutationem expectare iussi.

Sextâ Aprilis è porta Smolenscensi solvit: ipsoq; die Paschali 9. Apr: Orfam delatus, Salvatorem resurgentem, Captivorumq; liberatorem, adoravit. Die Lunæ Kopyfiam pervenit. Dum **R A D I V I L I A N V S** peditatus, populufq; sub signis prodiret, signa & arma flecteret, mœnia oppidi ignibus coruscarent, (in re quidem levi, sed apud se non nisi Principi exhiberi consuetâ) Moschi magni Nomini & honoris Virum admirabantur, quem apud se hospitem non adeò æstimabant. Rusfiæ oppida bellù pertæsa, **C O R V I N V M** ut pacis authorem cum ingenti plausu intuebantur, simul & spe haud dubiâ, si Hostis bella gerere coget, Ei victorias notis itineribus de-

Accessus in Patrè amo

stina

stinabant. Sibi salutem cum eo rediisse, & ceu salutare fidus illuxisse gratulabantur, in illo turbulento intestinorum per Rempublicam motuum statu; in illa gravissima militaris confederationis tempestate. Vnam credo fuisse omnium vocem

Te nobis trépida ceu fidus dulce carinae

Ostendêre poli: tantis qua lassa procellis

Tunditur, excusso trahitur dum caca Magistro

Tu sola pericli

Turris ades, clypeusq; trucem porrectus in hostem.

Szkloviam accedendi erat animus; sed quòd illuc Moschi venales Captivi clam deportati essent, ne hæ præpedirentur nundinæ, illa est prætergresso, nil sibi esse emendū, apud illos mercatores, inquit, cum Sacra Regie Majestatis curâ, & Hostium beneficio, donatam acceperit libertatem. Imposito tamen aresto (quod jam Regio, & Exercitûs nomine factum est) 200000 Imperialium, in Lithuaniam comite MICHAEL PAC Fratre suo, profectus est. In itinere die-rum plurimorum verbis & lætitiæ materiem suppedi-

Claudia.
no l. r.
in Rus-
sum.

peditabant præteritæ calamitates: etenim

Qua fuit durum pati

Memnisse dulce est.

Liber jam inde, præteritas calamitates in præsentis lætitiæ materiam vertit, renatæque libertati, parem animam, vultumq; induit hilariorum, nihilominus præfagam malorum mentem, ubiq; gerere visus. Minisci, Novogrodeci, Słonimi, Zyrowiciis, à populo extra mœnia prodeunte, oratione & admiratione exceptus, à Clero cum decantatione Hymni in Ecclesias ubiq; deductus, ubiq; gratum se & liberalem præbebat gratulantibus.

Kobrynæ ubi famâ vulgatum est, publico privatoq; omnium voto desideratum redire Ducem (cum stupore præsentis ibidem Internuntii Moschovitici) tormentorum sono, lætisq; inter vulgus militare circulis, domus implebantur. Magistratus autem militaris cum ZERONSCIO, tanto hospiti obviam expediendos censuit Legatos, invitandumq; ad se. Duodecim Proceres Legationis, officio, nobilita-

Seneca
in Her-
cule Fu-
rentes

bilitate, & militiâ insignes expediti. His accessit ingens numerus, gestientium intueri reducem illum Civem, pro quo liberando Romanorum Imperator, Poloniæ, Galliæ, Suediciæ, Reges, Senatus, Equestris & militaris Ordo, tantoperè defudârunt. Ab hinc frequentes militum è stativis prodeuntium turmæ, tanquam postliminio redditum, lætis pro præfenti fortuna animis, Kobriniam circumfusi deducebant. In cujus conspectum ubi ventum est, ZERONSCIVS, Consiliariorum aliorumq; (quos in oppido continuò residere oportebat) quadringentorum equitum cinctus coronâ, splendidissimè obviam medio processit miliari. Totidem ferè à parte CORVINI stabant. Vtriq; gratulatio prolixior animis quàm verbis constabat: nam obortæ utrique lacrymæ, verba præpedivêre: interim dextris datis, in oppidum itum. Ternis vicibus, omnia quotquot in Castello erant tormenta, detonuerunt. Peditatus extra oppidum pares exhibebat honores. Cænæ, applausui militari,

fre

frequentiq; tormentorum ac tubarum sono, nox data. Luce ortâ in frequentissimam militum adveniens coronam, alter alterius conspectu, mutuo paulisper conticuêre. Tum primus CORVINVS, orsus est orationem: *Quo fato in hostium manus inciderit, duriq; carceris pro Patria toleratas erumnas, exposuit. Hinc deinde per armatam Legationem, ab Exercitu Moscuvam expeditam, magna ex parte vindicatum se agnoscens, censuit inter victoriarum rerumq; ab eis gestarum gloriam, id non ultimum laudis fore, apud posteritatem exemplum, quod Dux cesserit Exercitui ab hoste, in præmium fortitudinis: quod Ducem suum belli casibus oppressum, carceris erumnis enervatum, ab amicis desperatum, victoriosâ ope sublevârint; Captivorum spolio (quos sanguine suo conquisterant) commutârint &c. &c.* Non dissimili facundiâ ALBERTVS CIECHANOWIECKI, Exercitûs nomine plurimas res ab eo pro Patria gloriosè gestas, recensuit: simul Vercense prælium, minori numero, majori fortitudine absolutum: ipsum deniq; carcerem, eodsq; depræ-

Rr
dica.

Oratio
ad mil-
ites.

dica-vit; ut merito, inter victoriarum gloriae tro-
phaea, recenseri debeat. Adjecit absentis in Patria de-
siderium, in carcere, boni publici studium, cum di-
scrimine vita, &c. Actis Ei denique gratis, Patria
& Exercitus nomine, in Ecclesiam itum. Vbi
inter repetitos tormentorum applausus, à Mi-
litari populo decantatum, *Te Deum laudamus*:
veterem victoriarum gloriam repetere, non
carceris ærumnas eo die recensere, inter tot
applausus audivisses **CORVINVM**. Tri-
plex deinde epulum exhibuit militi, tantâ li-
beralitate, ut in amplissimo horto, inter plan-
tas, plurimis instructis mensis, accumberent
quotquot vellent. Cæteris inter hortos de-
cumbentibus, vinum ad satietatem apponeba-
tur.

*Varsovi-
am in-
gressus.*

Iam crebrius ab Regia allatae literæ, mone-
bant, maturaret suum adventum. Modicâ ita-
que sibi concessâ Wolczyni quiete, Varsovi-
am profectus. Apparabatur quidem ab Amicis in
Aula, ingressui ejus pompa, sed cum se mor-
bis fractum sentiret, pertæsus tot officiorum
inter

inter pompam ingressus præstandorum, studi-
um amicorum eo die elusit. Nihilominus po-
stridie, ipso die Pentecostes, Regiam Maje-
statem, in suburbano Varsoviensi palatio aditu-
rus, veluti quispiam Externus ingrediens me-
ritis exceptus honoribus. In Curiam ubi fre-
quenti Senatu perventum est, Sacrae Regiæ
Majestati in publico, brevi, & concisâ oratio-
ne, *primum non gloriosam magis, quam divitem
Superam benignitate, victoriam gratulatus: (cum
pro se eliberando ex spoliis suis quinque Moschorum
Generalissimos, liberaliter Moschis condonarit) tum
pro Paterna sua libertatis cura, actis gratis, car-
ceris tolerati obsequium dedicavit, eamque ipsam liber-
tatem, quam Paterno Ejus beneficio se debere reco-
gnoscebat, ac residuum vite, Regiis obsequiis obstrin-
xit.* Par magnitudini Regiæ, victoriisq; oratio,
clementer à Principe audita: accepta merita:
dati pro commutatione captivi, iam omnes a-
pud privatos Cives, venales. Deinde indicto
de industria conventu, frequenti Senatu audi-
tus, nunquam inutilè boni Civis operam esse,

Rr2

& ne

nibus, medendæq; valetudini impensè) Vilnam proficiscitur. Ibi creatus Commissionis Marchalcus, huc omnes convertit curas, ut Patriæ exitialem Militum seditiosorum nexum resolveret: reductoq; milite ad obsequium, hostes Reipublicæ (si qui pacem aspernarentur) bello adortus, ad pacem ineundam sub clypeo flecteret. Iam suum Exercitum novo augere peditatu: Equitatum mille equitibus hastatis, cuius Gentium formidabile ac invictum robur, deligere constituit. Inprimis verò Militem donis, dignaq; Duce munificentia sensim ad obsequium revocabat.

Verùm utrarò iniqua Fortuna, maximis virtutibus parcat, ita piis ejus conatibus, simulque vitæ, jam cum ferali exitu, adversa propè instabant fata. Cùm *Niewiaronski* unus è Concaptivis ejus Moscuæ, qui fermè in deliriû actus Smolensci, quòd cum Duce sibi per Moschos non liceret in Patriam regressus; Moscuam se redituum, ritu Græco lustrandum, omnia publica & privata Patriæ prodituum, & se perituum (ina-

*Gesta
Gosiewii
Vilnæ.*

(inani certè conatu, ob restrictam tunc ^{origo} *seditionis* ^{numo} *CORVINI* potestatem,) lymphato similis debacchabatur. nunc, (prout & pleriq; alii,) Smolensco dimissus, ubi omniû primùm seditiosæ confederationi militari nomen animumque inscripsisset, in Deputatorum militum circulo, communi suffragio, *Director* seditiosorum electus, in caput ejus cõjurasset: *Præfectus* etiam militiæ, qui tunc Exercitui seditioso præerat (nã *Zeronseius* cum omnibus gubernationis peritis, Vilnam concesserat) milites quoq; Vilnam deputati, æquè ac in castris residui, divisi in factiones, firmi consilii expertes, tanquam in diverso æstu, extremis fluctibus iactarentur.

Constabat *CORVINO*, jam excitari contra se tumultum, ideòq; hæc ad Supremum Cancellarium, Leopolim, manu propria scripsit, Vilnâ die 8. Oct: 1662 *Hinc incessanter Kobryniam, inde viceversa Vilnam remeant literæ. Quæ hinc, plerùmq; ad incitandum, inde modestius, hinc falsa multa, quasi à nobis queratur Commissionis solutio, inde urgetur conclusio.* *U no*

verbo

*Literæ
Gosiewii
manu propria
scriptæ.*

verbo inter tot sensus de necessitate sequentur incon-
venientia. Spes boni in ambiguo. Causa malorum o-
mnium, Director cum aliquot asseclis, cui compositis
rebus, nulla spes prædominandi Reipublica: omne in
turbido consilium. Veluti ob bona sibi eripienda in-
fensus, & iratus, literis ad Exercitum datis, nostra

Præsaga facta criminari non desistit. Hic mensis aliquid de-
mali
mens,
monstrabit, utinam non extremum, quando innocens
cum fonte, sine discrimine patietur. Tunc fortè a-
gnosceremus mala, quando modus reparandi deerit. Fi-
at quod Divina Majestati placet. Ego paratus sum
fieri victima pro bono publico, nihilominus publica
res, proximum spectant interitum. Ago quantum
possum. Doleo, quòd me implicaverim presentibus
malis. Utinam me absente continuassent dementias,
quas me absente inchoarunt.

Nec vanum id erat CORVINI præfagi-
um: nã Præfecto militiæ (cum sint diversæ Ducis
ac militis artes) nec compefcere, nec dissimula-
re armati populi fremitus gnarus, impulsus e-
pistolis à Directore missis, Wolpam castra mo-
vit. Hic cinctâ Ecclesiâ peditatu, Militem ad
secre

secretum juramento firmandum cogit. COR-
VINVM proditionis, correspondentiæ cum
Rege, Aula, Extraneis, venundati Smolensci,
reum incusat: literas Directoris Vilnâ allatas
pro documento monstrat: invitandum ad ca-
stra censet. Consentientibus, nec pensantibus
qui, & à quo rationem essent exacturi, porre-
xit scriptum, quo comprehensio violenta COR-
VINI includebatur: id nonnulli consuetâ in-
solentiâ militari abrepti, nonnulli coacti sub-
scripserunt. Infessis primùm viis, ne nuntius
præveniret; 800 equites Vilnam mittit. Qui
demandatû sub noctè prosequentes iter, citato
cursu ponè sequentia urgebât fata, quò celerius
Ducis ruinæ instarent. Vnum jam Vilnâ mili-
are supererat: proinde subsistere miles iube-
tur: huic hæctenus ignaro, quò iret, quem peteret,
post præstitum corporale juramentû, de tenèdo
secreto, scriptû cõjurationis aperitur. CORVI-
NVS factorum integritate tutus, metu vacuus,
suo ordinario securus præsidio, non vanos
rumores contemnebat: cum nil opinionis, omnia

conscientiæ causâ faceret. Interea præmissæ ad
 Directorē Vilnâ literæ, denuntiabant: 1^{mo}. Mit-
 ti Equitatum Vilnam. 2^{do}. Committi rem ejus iudicio
 his verbis: si tibi videbitur. 3^{io}. Rationes & mo-
 dos, quibus aggredi opus deberet submissis miles, ab illo
 suggeri oportere. 4^{to}. Si fortè rem ad effectum de-
 duci non videretur, sub sigillo secreti conservandam.
 5^{to}. Non temerè procederet, monebatur, ne & sua,
 & Exercitûs hoc factò laderetur conscientia. Lectæ
 in conclavi literæ noctu, approbatæ, perinde
 quasi citatus, aut jure & legitimè convictus esset,
 ferale decretum dictum. Signo interim Vilnâ
 recepto, Miles movet: diluculo invadit Urbem
 C O R V I N I palatium petit & obsidet,
 per submissos in cubiculum, ad castra abdu-
 cendum invitat quiescentem adhuc: violenter
 è cubiculo productum, Z E R O N S C I V M
 verò è medio templo raptum (frustra recla-
 mantibus Monachis, immunitatesq; Ecclesiasti-
 cas & excommunicationes opponentibus) Wol-
 pam abducunt. Ac ut magis consideres in-
 fanos; non deerant inter furentes milites, qui
 iacta-

Ex lite-
ris substi-
tuti ad
Directorē
rem.

Gostevius
compre-
henditur
à seditio-
so milite

15. Nov:

iactarent: malè provisum esse huic Reip: in qua
 sapientes & potentes pollerent vitâ & regimi-
 ne. Non latebat (uti memoravi) C O R V I-
 N V M, has, quibus tenebatur, sibi strui insidias, sed
 conscia mens recti, fatis sic volentibus, nul-
 las circum se habebat excubias; hinc reputantibus
 haud prosperū vulgi favorem, breves & infaustos
 populi armati amores, monentibusq; de pericu-
 lo respondebat: ire ad Exercitum rationemq; fa-
 ctorum suorum reddere, sibi esse constitutum. Si
 à milite deduci, DEO sic volente, (uti jam præ-
 monebant amici) in castra contigerit, diluere se vel-
 le omnia obiicienda. Sed discretam hominis &
 rationabilem intentionem, prævertit malèpoti
 convivii impetus: quippe inter illas epulas alla-
 to nuntio rerum Vilnæ gestarum, ob metum
 aliquando vindictæ intentandæ, conclusum est:
 C O R V I N V M humanam victimam fore.
 De convivio sese proripientes noctu, in pro-
 ximum pagum desertum divertunt malèpoti
 Hic quod densæ noctis tenebræ omnem
 præriperent visum, accensus manipulus fi-
 gnum

gnum commilitonibus ebris (qui è convivio errabundi per campos redibant) extensam. Ibiq; schedula his verbis inscripta Ioanni Nowoszynski. Accepi adduci Vilmâ Captivos, quod verò bucusque vivi adducantur, tibi do mandatum ut predictos Captivos, absq; ulla mora, sub poena tui capitis, facias mori.

Crudeliter primùm ZERONSCIVS interemptus. Aberat tunc à castris CORVINVS sex miliaribus, in Patria hostilibus cinctus excubiis. Hùc efferato animo cum affeclis ebris Nowoszynski advenit; Ducèq; ocynus ad castra primùm properare, mox in campis Ostrinensibus, rhedâ descendere iubet: illicq; decretum mortis pronuntiat. *Ille Sua in Patriam merita, communesq; cum Exercitu pro ea exanthlato labores & sumptus, aliam postulare mercedem; aut si quid culpæ contra se compertum est, perducere in castra, iudicio damnari publico, vel absolvi petiit.* Nowoszynski *DEVM vindicem fore, Ejus sanguinis, se poena capitis cogi, ad exequendum decretum, respondit.* Iterum **CORVINVS**

Grego-

Cades
Gosewii
29. Nov.
1662.

Gregarium quemq; militem, nunquam à se absq; prævio iudicio damnatum memorabat; prestarent milites Duci suo, ut non decederet iniudicatus. Cùm etiam id negaretur; conscientiam liceret sibi confessione expiari, petiit. Data potestas confessionis ibidem in agro peragenda. Post absolutionem petenti P. Samueli Kuderowski Soc: IESV, num ignosceret inimicis? respondit: ignoscere se omnibus, æquè parricidis, ac parricidii authoribus. Iterum petenti num ignosceret? eo modo se ignoscere, quo Salvator in Cruce pendens, Iudæ traditori suo ignovit, ingeminavit. Moræ impatientes lictores illi, pios actus elicienti, auriculæ dextræ glandem è sclopeto allidunt. Vnicus ille ictus tot calamitatibus pro Patria toleratis infractum virum prostravit: nihilominus tanti ruina Ducis non stitit impetum sanguinariæ crudelitatis, in omne nefas effrenatæ: sanguine viso generosæ solent mitescere feræ, sciunt parcere subiectis.

*Corpora magnanimo satis est prostrasse leoni,
Ira suum finem cum jacet hostis, habet.*

At

At illos immanes animos (quod ignobilibus solenne belluis) innocuus sanguis efferavit, crudelibus cruoreque innoxio infectis manibus scrutabantur artus, cordisque palpitationem, num obtuso halitu animam non occultaret? alterâ itaq; cordi admoto sclopeto, tertiâq; subtus umbilicum trajectus glande. Insolenti clamore dilaniandum corpus, frangisq; discerpendum ab omnibus ebriis petebatur, ne patrati criminis superessent vestigia: sed, licet ægrè, ab ea infania discessum. Multis deinde conviciis exanime cadaver, nocte integrâ in diversorio impetum: postridie Vilnam devehî ægrè permissum est. Quo eodem tempore Præfectus Militiæ literas revocatorias ad *Nowoszyńscium* expediverat; sed scena peracta est prius, quàm ille crapulam edormivisset. Exanimis itaq; Dux Vilnâ plastro invecus, à consternato populo, pro tunc absq; ulla pompâ delatus ad Basilicam D. Casimiri. Ibidem incorruptus die, cultui honorifico publicè exhibitus: tandem sarcophago inclusus, fanebri pompæ refer-

servatus.

Is fuit exitus VINCENTII CORVINI GOSIEWSKI: nascendi gloriâ (etenim Romanos Consules, Hungariæ Reges, in serie Avorum recensere) animi magnitudine, (nil enim humile, abjectum, animo & verbisolvebat) gestis magistratibus, belli & pacis gloriâ, Viri inæstimabilis. Proprio ductu cum hostibus Kozacis conflixit ad Dimir, Iрпиен: ad Pultoviam, Prostkі, Filipow, Radziwiliszki, Wolmir, Caunam, Verki, cum Moschis & Suecis. Alienis autem auspiciis ad Łoiow, Pińsk, Moczyr, Białocerkwiam, Mohiloviam. Ex his ad Filipoviam & Verki, adversam sibi fortunam expertus, belli & pacis artibus, quantum valeret, demonstravit: cum tenui Reip: ærario, decem millium Exercitum conscripsisset, cum hinc Moschis Lithuaniam, inde Livoniam & Prussiam Suecis occupantibus, Samogitiam illæsam conservaverit: cum ad littus Curonicum in Samogitia, hætenus non practicato exemplo, ex Hollandia bellica requisita exposuerit:

ibi-

Breve
Elogiū

ibidem novum Samogitis portum, Castello imponendo erecturus. Cùm in acie formanda, in oculis totius Poloniæ ad Varsaviam, extemporaneum, cùm in præliis semper se præsentissimum & animosissimum, præstiterit. Artes pacis & consilii, in sistendis victricibus Moschorum armis, avertendis Sueticis, in colenda externorum Principum amicitia, in affabilitate, civilitate, quàm propè calleret, novit Patria & ipse invidus fatebitur livor. In consilio promptum, in sententia dicenda extemporaneum & succinctum; in adveniendis rationibus, rerumq; gerendarum mediis, facundum: Humanum, Civilem erga omnes quidem, at maximè erga extraneos, bellicæ aut Oeconomicæ Architecturæ peritos, vidimus. Ad nullã rem ardentius quàm ad liberalitatis decus anhelabat: libertas illi toto pretiosior orbe. Vultus illi omnifq; sensuum symetria ad venerationem & gravitatem composita: cùm tamen parem fortunæ, corporis præferret Majestatem arrogantia vitium effugit. Austeritas semper

altif.

altissimo nixa consilio, neminem iratus punivit, ne punivisse doleret, cùm furor recessisset. Publicum bonum totum quodam modo illum occupaverat, adeò, ut per suam ruinam Patriam stare oportere dicitaret. Pace partâ de consensu Reip: Quarcianum militem, ne iuventus otio torpesceret, in Lithuania instituendum censebat: qui repentinis Lithuania casibus, Tartaricis arcendis in Vkrainam excursionibus, armorumq; publico exercitio deserviret. In castris, vigiliis & labore cum ultimis militum certabat, nec quicquam in Exercitu, præter honorem & militare imperium habebat. Maximis honoribus eminens, animum illibatam avaritiâ, & rigidæ integritatis gessit.

Moscua tres illos annos pietati & eruditioni concessit. Sacramentis crebrius usus. Fasciculû myrrhæ, aliaq; pia opuscula, quotidiano suo usui addixit. Diu noctuq; lectioni librorum invigilabat. Magnorum Principum exëplo, assuetâ gladio manû, calamo admovit ad conscribendos libellos: quorum unus prostat in typis.

Tt

Reli-

Reliquū vitæ tēp⁹, Moscuae Architecturæ bellicæ & Oeconomicae, conquiſcendo clandestino literarum commercio, ac præcautionibus in Patriam clām deportandis, impendit. In-
tegro illo triennio, modico potu, ad sitim duntaxat extinguendam, non ad voluptatem u-
sus, cæteris liberale epulam exhibere solebat.

Vim verò animi ingeniiq; tantam in eo fu-
isse, constat, ut *quamvis infimo loco natus fuisset,*
fortunam sibi parasset. Nulla ars liberalis, nul-
la scientia sacra, profanaq; Ei defuit. Iuris,
Eloquentiæ, Mathematicæ, Architecturæ belli-
cæ & Oeconomicae, Philosophiæ quoq; & The-
ologiæ non ignarus, artes callebat. Linguas
peregrinas præter Patriam, Latinam, Italicam,
Germanicam, Moschoviticam seivit exactissimè:
Gallicæ usum Moscuae contraxit. Armorum, e-
quorum, picturæ, Architecturæ, Musicæ, o-
mnisq; elegantiae, avidus spectator & auditor.
Ad omnia hæc adco illi fuit ingenium versa-
tile, & expeditum: ut natum ad id unum dice-
res, quòd cœpisset. Cæterum Fortunam
par-

Livius
de Cato-
ne.

partam cunctatione corrumpens, & celerita-
tem belli, nonnunquam extinxit consiliis.
Cunctatione sibi noxius, quâ bis ex libertate
excidit.

Exercitum populumq; omnem, brevi (post-
quam innocentia Ejus prodiisset in apertum
constitissetq; jam, nullum ab eo Patriæ peri-
culum fuisse intentatum,) subiit virtutis, clarè-
que pro Patria gestorum memoria, boniq; a-
missi inane desiderium. Dignus CORVINI
nomine: *quod si primum ab eo inciperet,* prove-
xisset ille quantumvis exilia Stirpis suæ initia
ad eam magnitudinem, quæ hodie orbis vasti-
tatem implet: quod in vita fortia agen-
do & patiendo, in morte strenuè occumbendo
probavit. Dignus si Africani exemplo, ingra-
tæ Patriæ suos negavisset Cineres.

C A P V T X.

*Captivati fontes, nexus militaris resolutus, deq; son-
tibus iudicium Anno 1663 & 4.*

A Trox & immane, dignum quod æternâ An-
Tt2 nali-

nalium memoriâ proscriberetur facinus, non Gē-
tem modò CORVINORVM, PACIORVMque,
sed infensissimos etiam CORVINO hostes diu al-
tissimâ admiratione suspēfos tenuit. Senatus mili-
tari tumultui suâ dignitatē expositâ; Cives, oppres-
sâ Rēp: Miles longo Imperatorū sacramento imbu-
tus, arte & impulsu alieno, quàm suo ingenio traductus,
Duces insolenter à milite plecti, ne iudicio quidē
prævio, ingemiscebat: nihilominus cedendum
tempori cuncti, moremquē gerendum existima-
bant, sub armis invalido legum iuriumquē præ-
sidio. Magistratus ille militaris, expeditis ad
Archiep: Gneznensem uti primum Principem,
ad Generalissimos Regni Exercituum, aliosque
Proceres, (quorum auctoritatem esse sūmam in
Rep: & Regia constabat,) Legatis, suum faci-
nus non excusabat, sed supprimens errorem
extollebat: Proditoris morte Remp: ab interi-
tu vindicatam: secretissimas cum externis fa-
ctiones, Regi & Reip: hucusquē ignotas, in Co-
mitiis demonstrandas, per se suppressas. Le-
gati nusquam scelesti facinoris patrono reper-
to,

to, rediēre. Ne unicum quidem Civem ita
in communi Patria, in æquali Rep: eminere,
ut legibus interrogari non possit: nec minimū
libertati præjudicari, potentissimum quemque,
posse dicere causam, unanimiter rescripserunt.
Archiepiscopus insuper, postquam præcipitem
furorem inculcasset; precabatur à DEO in suo
rescripto, ut innocuus ille cruor, electuarii lo-
co, medendis Patriæ vulneribus deserviret,
nihilominus vindictam (iusti Abel sanguine
implorante) Patriæ imminere vaticinatus.

Tunc
primum
causæ cæ-
dis con-
quirunt.

Tunc primum causæ cædis dudum peractæ,
conquiri cœperunt. Infamiâ intactum, invidiâ
quâ possunt urgent. Gestu honores curæquē;
CORVINO pro crimine: toleratus carcer,
exanthlati labores pro simulatione censeban-
tur: ob virtutes certissimum exitium. Literæ
per ordinariam postam ab Aula, arithmetico
Charactere ad GOSIEVIVM scriptæ, e-
tiam tunc necdum ab illis animis intellectæ,
manifesti criminis & prodicionis loco, palam
à Substituto, militi in castris: & Vilmæ à Directo-

re ostentantur: in his Patriam vendi, Smolensco Moschis decedi (cum tamen Smolenscum armis & præsidio firmissimo Moschorum etiam nunc infideatur) corpus sibi a Moschis redditum, animum ipsos habere: in his Suecorum arma introduci: per Sueticam potentiam, libertatem suam & Regnum Gallis venundari; Exercitûs salutem periclitari, prædicant. In dicto universali Procerum, Nobilitatis, Exercitûs conventu Olitam, omnes ad juramentum seditiosæ confæderationis adigere nituntur, cujus sancitis, atq; armis impotenter sumptis, vindicta sibi impendens cõerceri, Majestas Principis, legum vis convelli, atrocitas patratae cædis approbari posse, putabatur. Nobilitatem, militemq; GOSIEVIANVM, sciscitantem de causa novæ (uti vocabant) confæderationis, ad Senatum, Senatus verò se inscium professus, ad seditiosos remisit. Iam tunc non obscure, pænitebat insaniam. Seditiosæ factionis militaris capita, vicissim in se culpam cædis, factæ coniiciebant. Indignati nam-

Conventum universali ordinibus M.D.L. indicunt Olitam: & quâ intentione.

namq; GOSIEVIANI se insciis, se inconsultis, nonnullis ad subscribendum decretum coactis, absq; iudicio, foro incompetenti, sibi ereptum præstantissimum Ducem, arma corripiebant. Vix manibus inter Exercitum temperatum. Nec ullam aliam rationem pro sui defensione opponebant seditiosi, nisi illos Characteres toto illo conventu sibi ignotos & inexplicabiles. Nullaq; re ibi gestâ, præter novas introductas subscriptiones, colendumq; fædus cum Exercitu Regni sancitum, in stativa miles dimissus. Dextra ala Brestiam & in Polesiam, sinistra verò (si sunt GOSIEVIANI) in Samogitiam deductæ. Ipse Præfectus Militiæ, Szadoviæ in Samogitia, Artiglieriæ & peditatûs præsidio securus, sibi sedē præfixit: munitioneq; ibidē crexit: ad Exercitû Regni Legatos firmandi fæderis causâ expedit, indeq; missos solenniter excepit. Scilicet hæc scelerum quærebantur præsidia, quamdiu difficillimis Patriæ temporibus, Regis & Reip: conniventiam, a suo crimine non absolverentur

Iuri

Gosievianorum ardor pro vindicta cædis sui Ducis.

Iuri quoq; parando, calumniosè formare proditorias nomine GOSIEVII, & annulo signare destinârunt. In hunc usum *Samuelem Westawski* (cui GOSIEUIVS annulum commiserat, fidelèq; ejus operâ Moscua, & in Patria expertus est multis annis) & ipsum reum proditionis incusando, ubiq; conquirebant. Verùm ille monitus CORVINI interitu, Rigam, Regiomontum, & Leopolim profugus, Regalis obsequii gloriam & securitatem nactus est. Verùm literæ illæ characteresq; obscuri, deinde explicati, majorem, quàm dici potest, in GOSIEVIANIS ardorem pro vindicanda cæde sui Ducis concitârunt: parricidæ verò (ut plerùmq; scelesti facinora cognatione quadam inter se connectuntur) non ad pœnitentiam, sed ad nova majora scelera audenda pro veteris criminis defensione processerunt. Moschorû quæpiâ Captivû, promissâ libertate & præmio decê aureorum: insuper (nî faceret, quæ suadebantur) minis coactum, venundati Smolensci, auriq; deportati Rigam, testem in iudicio

*Fraus
parricidarum.*

*Literis
lectis
sublata
suspicio.*

cio futurum, reservabant.

Tot tantaq; scelera, simul sævire in vitam famamq; demortui, longiùs ultor non patiebatur DEVS. CHRISTOPHORVS PAC Magni Ducatûs Lithuanie Cancellarius, MICHAEL PAC Castrorum Generalis Metator, Fratris sui ulturi cædem, famamq; tanti Ducis mendacibus probris fere oppressam, vindicaturi, Patriam demùm præsentis malo, confæderatorumq; oppressione liberaturi, frænandam furiosorum illorum omnem rabiem, vindicandumq; immane facinus decreverunt. Cancellarius consilii sui amplitudine, Metator verò mediis immixtus periculis, opus aggreditur. Duodecim legit socios, quibus prævio juramento aperit rem, ipso initio arduam, eventum dubiam, periculo gravem. Non defuit proditor in tam exili numero: eodem die per schedulas nonnulli præmoniti: sed piis manibus, Gentiq; superstiti propitia Numina, utrinq; sustulerunt metum, postquam MICHAEL PAC in circulo *militari proposuisset:*
Vu *iactari*

iactari à nonnullis de industria, contra se rumores, quibus in diversa agere concivium, ac demùm in mutuas cedes armare possint commilitonum animos. Satis sit semel creditum, cum quandoq; fraus fidem sibi in parvis praestruit, ut cum mercede magna fallat. Sat sanguini & cadibus datum, quae non aliunde orta in tanta mala degenerant, nisi ex narrantium & credentium temeritate. Dictis data fides, suspiciones utcumque sublatae, nihilominus PACIANI inceptis desistere coacti, Vilmâ excefferunt.

Conventu Vilmâ soluto, Magistratus Militaris Szadoviam ubi pervenit fortalitium maturari iussit: quod & seditiosorum praesidium & omnium quotquot jam suspicio notabat GOSIEVIANI sanguinis vindices, mox foret carcer. Hæc effecerunt, ut generosi militum quicq; jurati, seu in ipso fortalitio, seu in militari circulo, authores cædis in potestatem redigendos, in itâ conjuratione clam fusciperent. Fortè in villa natali epulo, à quo-
piam Officialium, Præfectus militum exceptus

com-

commorabatur inde redeuntem pars equitum à PACIO expedita, confosso primùm equo captivarunt. Conditionem temporis, vel hinc æstimare licet, quod patrati facinoris omnium mens conscia, neq; fugientem tueretur, nec quisquam propugnaret captivum, unoquoq; amicorum latebras sibi quaerente quo privatae salutis amore trahebatur, aut culpam cædis Gosievianæ à se amoveret. Legati quoq; militares Polonici in densiores sylvas cum cæteris fontibus profugi, latitabant. At in oppido MATHIAS GOSIEWSKI nuntio rei gestæ in villa accepto Artilleriam occupavit. Officiales & peditatum ad arma coactum, fidem Regiam iuramento firmare iussit. Mosehus ille hucusq; ignotus suâ sponte adiit CASTRORVM MEDITATOREM commentum aureos, promissa & minas hucusq; secretas aperuit. Nec mora, pro Direttore expeditus leuior equitatus. Iam & is conscius sibi, dum in Prussiam apparat fugâ, inter latebras comprehenditur. Tum capita se-

Vuz

ditionum

ditionum conquista quosdam ipsimet compli-
ces vel qui contagione insanierunt, in docu-
mentum fidei tradidère. Omnes pariter uti &
cædis ministri, VINDICE VINCENTIO, reti-
bus quæ texuerunt diuersis locis impliciti, in
bello seruatas animas, in carcere Marienburgi
referuabant iudicio & pœnæ. Communi nem-
pe seditionum (quæ sibi confæderationum vel
sacri nexûs anteaactis sæculis usurpauerant vo-
cabulum) exitu, ut earum authores, vel atroci
aliquo euentu terminauerint vitam, vel tenui
penu, ij qui Regum & Regnorum partiebantur
reditus, dein supervixerint inglorij. Regnante
SIGISMUNDO III rebus gloriosissimè gestis,
urbe Moscuâ potiti, gazâ opulentissimâ Prin-
cipum Moschouicæ directâ; nacti inter se diver-
sos Ductores, totâ corruperunt victoriâ. Nâ
victam urbem victæ genti reliquerunt in præ-
dam, ipsi iterum iterumq; excessère: atq; fixâ
sede, (unusquisq; Ducum instar) cum suo ex-
ercitu pars Leopoli, pars Bresciæ, pars Grod-

na

na confederunt. Nec sufficiebat, magno illi Regi eripuisse
fructum victoriæ; prodidisse Moscuam; captum duo-
rum annorum spacio, & tot cladum precio Smolenscū
deseruisse; præsidio & comœatu destituisse, ut ex tanta
præda ægrè sit retentum: sed insuper in bona mentæ Re-
galis, & feudalibus inuolârunt: Telonia reipub: occuparūt:
vias publicas & aditus Ciuitatum insederunt: Curia &
bona nobilium inuasa: Ductoribus eorum fastu & luxu
omnia implentibus, ut contumaciter Regibus æquiparari
contenderent. Confluebat indies multitudo, ad tam cer-
tum & sine sudore ditandi ex alieno modum: ut nec nu-
merus certus, uniuscuiusq; exercitûs recenseri, nec quã-
titas stipendiorum constare, nec prætensionum modus
definiri potuerit: modo hæc, modo alia, indies tamen
plura à Reipub: extorquentibus. Sæuiebantq; in Patriam
veluti in aliquo captiuo regno, spolia adepti, adeo ut
Reipub: extremis suis malis adacta, cogeret ijs exol-
uere summam aureorum, quantam externi nusquam in
Polonia corradi potuisse existimabant. Idem multoties
contigit eidem Reip: ab ijs quos pro retinenda Liuania
conscripserat. Postquam eam Prouinciam expulserat, tor-
rentis instar, inde ad expilandam Samogitiam, deinde
Lituaniam excedebant. Reuocati quandoq; ingenti pro-
positâ mercede, mox leuem ob causam inde excessuri.
Deniq; illud opulentum Reip: patrimonium, tanto san-

guine

*Ex lite-
ris Si-
gis. III
Regis ad
Ioan. Ca-
vel Chod-
kiewicz.*

*ex lite-
ris eius-
dem Re-
gis ad e-
undem*

*Piasceki.
in anna-
libus*

*Heindë-
steinus
lib. 12.*

guine & opibus nostris partum, hostibus in spoliis exposuerunt. Genti quoque æterna labe irrogata. Quantam admiratione posterum legimus, proficiscenti VLADISLAO ad capessendum Moschouicæ Principatum, propriam ipsiusmet cohortem, denegasse obsequium, nec secutam abeuntem Principem, in staniis mansisse. Pacis gloriosæ & cum summo emolumento prætermittis occasiones super Orbem, cum post Moschouiticas Cannas ad Konotopum, Czudnouiam, Kuzliki &c. &c. vincere, non verò uti victoriã nos sciuisse proclamauit. Sed cum Gentem nostram bellicæ gloriæ non pœniteat; nec nos Reip: damna, nostræ ignauie: nec hostes partas ex nobis prædas suæ virtuti debent, nisi præd Etis seditionibus. Alia nunc mens est Genti nostræ, cuius miles, gaudet quidem fructui sibi fuisse robustiore statu Remp: nunc verò gloriam, à se defensæ, sibi vendicat, cum undique bellis pressam, sine stipendijs, per tot annos contra Moschos, Suecos, Turcas, Tartaros, etiamnum feliciter tuctur. Deo, esse cordi Regum & Regnorum causam credamus. Nam nec diuturna unquam illa militaris magistratus potestas, extitit, nec stabiles opes cum vita: quippe præcipiti lapsu, plerisque ad incerta redactos & SIGISMVNDANO sæculo audiuius, & nostro vidimus. ZERONSCIVS, certè & hic Præfectus (à quo digressi sumus) digni meliori fato: & quidem ZERONSCIVS eò infelicio, quòd in sequentibus comitijs, declaratum sit Caput eius invidicabile. *Vndique iam ad MICHAELEM PAC GOSIEV laus*

348
NVS miles, redibatque paulatim amor obsequii. Nex9 resoluti instrumentum *Jacobum Terjesz* imulata Personam & habitu vectoris, ad Regem solvendi nex9, redituri ad obsequium militis, nuntio expeditur. Adhibiti ad consilium gratulabantur: ii quibus temporum momenta, secretum communicare vetabant, dolebant, occasionem sibi præreptam ad præstandum pijs manibus obsequium. Imbelles verò, lividi, reique necis, quem vivum privatim oderant, dum sibi metunt, publice miris laudibus extollunt. Plerique sacris illis, an sacrilegis nexibus se explicatos gratulantur: cuncti generoso spiritu opibusque valentes, soluti seditionoso imperio, jam inde futuri liberi, PAVLVM SAPIBHA & MICHAELEM PAC sibi redditos, militiae Imperatores, lætis animis exceperunt.

Ab Exercitu Legati ad Regem profecti, fidem & obsequium dedicarunt: pugnando cum hostibus, Regis & Reip: se quasituros libertatem; asperissima quoque, laborem, periculumque deposcebant; ut quod ab authoribus factum est, oblitterarent; quantum

*Gosievius
anus miles
resolutus
militarem
seditionem.*

*Legatio
ab Exercitu
ad Regem
docti.*

doquidem quidquid vixerant in Nexu, id omne in suam ignominiam versum, execrarentur. Cæterum ne aliquot Personarum insolentia toti Genti adscriberetur, publico scripto typis vulgato, sunt protestati: suâ quemq; infaniâ furere.

Partâ libertate, redditoq; Regi Exercitu, restitutâ legum dignitate, exusto publicè Nexu, restabat non levis difficultas; unde promenda essent militi stipendia, arario ad præsens tenui? Quo sponsore miles, ea sibi certo solutum iri crederet? Non alia visa certior ratio, quàm si primariâ authoritate, non ludificari se miles comprobaretur. Boni publici cupidus GEORGIVS BIALŁOZOR Vilnensis Præsul, castra in-
 vectus, militem primùm oratione delinivit, tum stipendiorum exolutionem intra annum promissam, (ad præsens verò sexcentorum florenorum millium donativum â Rege pollicitus) juramento comprobavit. Faustis acclamationibus, tormentorum, tubarum, lituorumq; sono, gestientium animis, actæ Regi, Præsuliq; gratiæ:

Stipendia promissa.

tiæ; devota obsequia: iidē Ductoribus clamore extemplò ominati felix faustumq; imperium. Hæc acta sunt in Samogitia.

Hoc modo VINCENTII CORVINI inclyta virtus in postremo vitæ termino, magnitudine Nominis, amplitudine clarè factorū, immane illud seditionis monstrum obruit & oppressit.

Interea Leopoli, Exercitus Regni, incomparabilem Regis sui solertiam, miris eludebat artibus. Iam ille vocabulo Sacer Nexus, re ipsâ rebellis, Lithuanorum adhuc auctus fædere, Leopolim iturus ad arma concurrebat. Rex quanquam Majestate, consilio, Ducum experientiâ, militumq; robore, esset superior: nihilominus ut sine sanguine, vinceret metu rebelles, Tartarorum arma ad confinia Vkrainæ & Podoliæ evocata, ostentavit. Sed posteaquàm allatum est, Lithuanorum Exercitum ingens seditiosi belli subsidium decessisse, publicè in templis privatimq; manibus CORVINI, suo sanguine restinguentis Civile incendium

Nexus
Regni
resolutus

dium, habebatur honos. Exercitus ille G O S I E V I A N V S omni fortunâ Duci & Patriæ fidus, extollebatur; commune P A C I O R V M Nomen, tum maximè M I C H A E L P A C, author tantæ felicitatis, in publico per sacra profanaq; ora, honorificè dilatus, Castrorum Metator appellari desiit; sed cunctis, (qui tunc â Rege deferrî poterant) honoribus auctus est. Palatinatus Smolenscensis, & in Exercitu Imperatoriâ potestas data. Rex productis in aciem copiis, datâ veniâ, sine cædib; & sanguine, armorum & animorum simul civilium, de seditiosis victor evasit.

Positis undiq; Civilibus armis, I O A N N E S C A S I M I R V S, domi exitiosa Polonorum arma recenter expertus, adversus Moschoviæ M. Ducem copias movit in Vkrainâ illâ nimirû rebellionis Patriam, Officinam cladium, Regnum Schismatis; quo stante sui juris, Regis autoritas stare non poterat; eratque alienæ potestatis, Poloniæ tranquillitas. Toties rebelles Kozacorum animos, Regali obtu-

Rex Poloniæ movit in Vkrainâ & in Moschoviæ.

obtinatus Majestate devictos flexit in subjectionem. Hucusq; Vkrainâ exules Cives, in Patriam reduxit: auctus deinde Kozacorum & Tartarorum subsidiis, antiquis Regibus indomitum Boristhenem edomuit. Oppida Woronkow, Baryfzpol, Ostrz, Sofnica, Dewica, Krolewiec; dextrâ parte per Legatos I O A N N E M S O B I E S K I: cui assistebant Principes Tartarorum, & P A V L V M T E T E R A, vi & clementiâ, in deditionem accepit: nonnulla contumaciora diripi permisit, non tam ira & odio, motus, quàm ut miles cœrcitus in tot integrè Captivatis oppidis, aliquo loco fructum victoriæ perciperet. Lithuani parte sinistra adventabant, longè lateq; Rossaviam, Swińsko, Brańsko, igni ferroq; vastantes. Supremo loco Rex, Moschorum ingressus terras, locis infinitas, multitudine populorum innumerabiles: collatisq; ad Karaczeviam feliciter contra Prozorowscium; ad Nowogrodecum Severiæ contra Romadanowscium signis, excisis extemporaneis hostium fortalitiis, Bołchoviam usq; infesta

Boristhenem traiecit ad Ryzow.

Res gestæ.

Ww

pro-

promovit arma. M. Moschorum Princeps Exercitum omnem per Civitates dimisit, ut se ipsos muris, & muros se ipsis tutarentur: cæterum populationum damno fervare univerſa, ſtatuit, quamdiu Exercitus contraheret. Rex ubi animadvertit diſſipatum bellum, hoſtes cædibus & incendiis ad pugnam eliciebat, nec pacis prætermittebat media. *Samuelem*

Węſtaſki Notarium & Cubicularium ſuum, Moſcuam expedit Ablegatum, cumque jam imminente cum vere hyemis reſolutione, periculofum eſſet in hoſtico verſare arma, Moſchi quoq; ſimul Legatos obicerent, & validis copiis inſtarent, hinc *Czerkaſcius*, inde in Alba Ruſſia jam igne & ferro graſſaretur *Chowańſcius*, è paludofis illis & ſylveſtribus Provinciis, Polonicus miles in Vkrainam retrò, Lithuanicus non ſine gravi equorum inter ſylvas & paludes ſtrage, in Albam Ruſſiam, reductus. Rex, maximum celeritatis impedimentum Lithuanis, & ipſe non ſine gravi ſtudio ſuperatis ſylvis, Mohiloviam, deinde Vilnam con-

ceſſit.

ceſſit. Hinc ultra Boriffhenem Vkraina rediit ad ingenium, ubique Noſtris eiectis præſidiis.

Omnia damna noſtra numerofis Moſchorum cladibus affatim perſolvit *Chowańſcius*. Nam cum Lithuani Hyberno, Vernoq; tempore domi feriantur, ille ferox, & anteaſti de-

coris avidus, Lithuaniam invaſurus, ad *Witebſcum* confedit. Martiæ ſuæ fortunæ & virtuti conſiſus MICHAEL PAC, caſtris *Chowańſcii* duorum millium oppoſuit caſtra. Primùm ille negabat ſibi licere abſq; conſenſu Principis, (dum poſitis utrinq; armis, in faciem pacis per Legatos venit) manus conferere; ſed poſtquam per transfugam reſciviſſet, moveri retrò Lithuanorum caſtra, magno impetu advolat inſperatus: egregiè decertantibus Lithuanis, accurrit peditatus (qui jam retrò præceſſerat) perfractiſq; Moſchorum aliis, *Chowańſcius* vinci aſſuetus, aciem, peditatum, caſtra, impedimenta q; deſeruit. Peditatus omnis in campis circumventus, interneſione deletus; eques tum in acie, tum in fu-

Wwz

ga

*Michaël
Pac pro-
figat
Chowań-
ſcium ad
Witeb-
ſcum.*

ga cæsus, ipse Dux fugiendi peritissimus Vitebscum evasit. Signa capta triginta septem, tormenta ænea quinque, castra demum, & Suburbia Witebscensia direpta: lætis animis, quòd adversa hyemis, expeditione prospera pensavissent.

1664

Rex natalem suum Vilnæ celebravit, lætiam Majestatis, recente victoria & triumpho promovente.

Tractatus sub clypeo.

Inter Moschoviam & Lithuaniam, pacis tractatus, cruentus sese obtulit. Dolgorukius non tam paci conficiendæ idoneus, quam bello resuscitando, vir fastuosissimè loquax, Legationi adhibitus, nil aliud nisi vires, potentiam, opes, fortunam, suorum extollit. Polonorum obtulit senescentem cum viribus Majestatem: omnem eorum ferociam in verbis, non in factis esse: eamque in Comitibus magis, quam in bellis apparere. Iam maria, terras, inani sono verborum implevit. Ex Anglia succursum adduci: peditum innumerabilem vim ex Sibiria cum Kassimoviensi Regulo adventare, à quibus nil facti tecti sit (paulò post Kassimoviensis

sis adduxit duo tantum millia.) Ex Astrachania Regno, Victores fugam, Parthorumque more pugnantibus populos Kalmykos, equè viros ac feminas, Gentem armis validam adventare, vaniloquus iactabat. Scire se insuper quantum in Polonia discordiarum. Contra: Principi suo, immotam pacem ubique, & unum id bellum esse. Czerkascius interea septuaginta millibus Moschorum ferox, tormentis centum septuaginta (terrore tamen magis bellum gesturus, quam cupiditate proferendi Imperii, aut dignum ob præmium) Szkloviam aggreditur: illam dum frustra oppugnat, brevi Moscuam revocatur, copiis iisdem Dolgorukius ex Legato, belli Dux, constituitur.

MICHAEL PAC non numero sed animo par, cum quinque millibus suorum ad Mohiloviam confedit: indeque totius Lithuanie salutem, contra advenientes Moschos & Szkloviam oppugnantes, propugnavit. Totis quidem viribus decertatum non est, sed creberrimis per varia stratagemmata cladibus, hostis ab oppugnanda Szklovia submotus, Kopyfiam

Michaël
Pac Mo-
schorum
potentia
resistit.

fiam cinxit obsidione. Illuc Campi Marschal-
cus Lithuaniae, per medias Moschorum statio-
nes, peditatum & comneatum nocturno tem-
pore introduxit, ipseque ad suos evasit. *Dol-*
gorukius vanâ ostentatione armorum ad Kopyfi-
am nil proficiens; insuper mandatum M. Du-
cis Moschoviae interceptum, missum sibi ab
oppidanis accepit, in quo assultus cum iactu-
ra hominum ei interdicebatur: Tartarorum
quoque ex Vkraina confluentium PACIO in-
succursum, de industria sparso rumore, terri-
tus; jamque milite & equis imminutis, campo
diffidens, intra vallum diruti oppidi Dubro-
wna, castra sua contraxit; nec ullâ re clarè
gestâ, cladibus attritus, equis ut plurimum pri-
vatus (nam furto è pascuis sublatorum equo-
rum hinnitu, provocatus numerosissimus grex
equorum, prædatores, Szklôviam usque sequeba-
tur) mense Novembri, retrò, Smolenscum ver-
sus movit.

Pari furore Moschi è Russia Polocensi, Vil-
nae Samogitiæque minitabantur excidium. Sci-
licet

*Literas
interce-
ptas Mo-
schis mit-
tit ne au-
deat vi
attenta-
re assul-
tum.*

licet ut militem ad propria tuenda Mohiloviâ
diffraherent: sed mira DEI providentia, à
CZARNIAW SCIO primum equitatus,
deinde peditatus ad Łufzki deletus est: re-
liqui Dunæ vorticibus impulsî, hausti-
que per errorem à suis met; ex adverso littore tormen-
torum ictibus, læstantes cum aquis occubue-
re.

Posito undique bello, Provinciae feroci im-
positis Białocerkwiæ, Korsuni, Czehryni, præ-
fidiis: profligatis ad Białocerkwiam rebellibus,
edomitis rebellium oppidis à CZARNEC-
CIO Palatino Russiae, generalia Regni & M.
D. L. Comitiam, Varsaviam indicta. Septuagin-
ta hostium signa capta CZARNECCIVS;
PACIVS septuaginta duo per Legatos, Re-
gi in Comitiam publicè in Senatu pro Majeſta-
te sedenti, præsentârunt: erant fanè gloriosa
illa Regni Poloniae consilia, quæ tot in hostico
lectis laureis coronata, tot trophæis, ad parem
maximis imperiis gloriam sublimabantur.

Hucusque, in Castro Margemburgensi Captivi
autho

*Comitia
Regni
Pol. 260
Novembr.
1664.*

authores GOSIEVIANÆ cædis, sub ar-
cta conservati custodia, compedibus vincti,
Varfaviam in locum iudicii, & supplicii addu-
cuntur. *Nowoszyński* in Moschoviam profu-
gus, ibidem meritas sceleri suo invenit pœnas,
nam catenis vinctus, primùm in carcerem
Smolensci coniectus, deinde ad solvendas in
Patria pœnas redditus, diu in carcere conser-
vatus: complures in Valachiam vel in mona-
stera profugerunt: cæteri, quorum approbati-
one, CORVINVS sublatus est, ad Comi-
tia ducenti septuaginta citati.

*Iudiciũ
de fontibus.*

Iudicium in generalibus Regni Comitibus
(non quòd dubium scelus esset, sed quò lucu-
lentiùs CORVINI integritas & gloria pa-
teret orbi) publicè institutum, arrectis omni-
bus Ordinibus, Externorumq; Legatis, quanta
pietas Poloniæ, quæ fides amicis CORVI-
NI, quæ fiducia fontibus superviveret.

Magna CORVINI merita & illi in Se-
natu recitabant, dignaq; meliori fato & grati-
tudine apud Concives, confessi sunt. Omni-

um

um factorum Ejus conscios se fuisse, Moscuæ
& in Patria, agnoscebant: detestabantur necis
atrocitatem: culpam tamen unusquisq; à se in
alium, quàm longissimè mutuò retorquebant.

Rex in præsentia frequentissimi Senatûs,
concessis omnibus juris beneficiis, auditoque
scrutinio, quinquaginta octo Iudicum senten-
tiis, haud aliàs intentiore populo super even-
tu causæ, pronuntiavit decretum contra fon-
tes, in pœnam infamiæ, amissionis vitæ, & bo-
norum ad Fiscum redigendorum. Quinq; cæ-
dis authores & duos cædis ministros pœnâ ca-
pitis, damnavit: residui cædis conscii perpe-
tuâ infamiâ notati. Postquàm præviâ executi-
one in foro Varfaviensi, cædis suæ extitisset
vindex CORVINVS, (quanquam omnem
funeris pompam, testamento Moscuæ scripto
abdica-verit) funebris triumphus eidem decre-
tus est, peractusq; Vilnæ in monumento Majo-
rum, omnibus sacris profanisq; congestis ho-
noribus 12. Febr: in Basilica D. Casimiri: am-
plissima celsoq; fastigio moles erecta, tholum

Xx

Basi-

Basilicæ attingebat, quam è virgine cera quâ quâ versûs frequens cingebat lumen. Complura militaria signa, hostibus, variis bellis erepta, cingebant molem, aderant circumlata omnibus bellis CORVINORVM Gentis insignia. Iam peractis sacris, elatoq; funere, imperatoricæ in Exercitu potestatis insigne, Clava, gladius, hasta, à circumstantibus, fastigio allisa & confracta: alteram armatus eques, intra Basilicam solutis equo habenis, portæ: tertiamq; è publico foro eques decurrens, pari impetu, muro Basilicæ allisit, in frustra; rededit hastam. Murales machinæ, & peditatus, festivâ explosione detonnerunt. Equorum militaris pompa, Equitum instructus ordo, supremum CORVINO præstiterunt obsequium. Oratione sacrâ profanâq;, pietas, belli gloria, in Republicam merita, recensita. Non defuit officio Univerſitas Vilenſis, quæ se obstrictam ejus beneficiis gerens, funebrem Panegyrim sparsit in populum. CHRISTOPHORVS PACM. D. Lith: Cancellarius ad perren-

rennem memoriam Herois meritissimi, in loco cædis, marmoream posuit columnam. Pro qua exornanda certaverunt scriptis, viri elevati ingenii: sed nos pro coronide hujus operis VICTORIS & VICTI gesta, nostro elogio ad memoriam scribamus posteritati.

CAPVT XI.

Elogium Historicum, Natales, honores, gesta in Patria & extra illam, calamitates & obitum VINCENTII CORVINI GOSIEWSKI complectens.

D. O. M.

Subſiſte Viator.

VINCENTIVM CORVINVM GOSIEWSKI

Supremum M. D. L. Theſaurarium,

Fortunæ exemplum,

Sui ſæculi Bellifarium:

CORVINORVM

in Rep: Romana Conſulum,

in Hungaria Regum,

Xx2

in

in Lithuania Senatoriam,
intuere progeniem.

Pater Ei

ALEXANDER CORVINVS GOSIEWSKI

Palatinus Smolenscensis,

septem Moschoviæ Ducum, Exercituumq; victoriis,

Vrbis Moscuae excidio & gubernatione,

Sueticis insuper trophæis celeberrimus;

Mater **EVA PACOWNA,**

Illustrissimâ in Italia olim,

nunc in Lithuania, oriunda profapiâ,

Omnem **CORVINORVM, & PACIORVM**

cum sanguine in Eum transfuderunt

prudentiam, fortitudinem, magnanimitatem.

Auspicia sui Nominis

ex victoria ad Zelburgum de Suecis parta,

antèquàm nasceretur, fortitus,

prævio quasi omine;

quòd Victoriæ filius, **D. VINCENTIO** Tutelari,

multorum hostium futurus esset

VICTOR VINCENTIVS.

Annorum quatuordecim, exterâs adiit nationes.

VR.

VRBANO VIII, FERDINANDO III

Italiæ Germaniæq; Principibus,

ob indolem gratissimus.

Inde, è natali scilicet **CORVINORVM** solo,

post fata Patris redux in Patriam,

intumescens Rheni cohibetur undis.

Quasi eò reditum prohibere conarentur,

ubi cum hæreditate Civium erant odia possidenda.

In Patria florentissimam **VLADISLAI** Aulam,

Ipse gloriâ, favore Principis, opibus florentissimus

Dapifer Lithvaniæ incoluit.

IOANNI CASIMIRO Sueciæ Regi

non minùs adipiscendi Poloniæ Regni,

quàm Frater ejus **CHRISTOPHORVS**, in Galliâ Legatus

è carcere Gallico, Eidem libertatis,

quàm deniq; Pater utriusq;

SIGISMUNDO III, VLADISLAO IV,

obtinendi Moschoviæ sceptri

Author fuit.

Vidisses Gentem **CORVINORVM**

Avita olim sua decora; nunc **IAGELLONIS** deferre,

scilicet & libertatem, & Regna.

ad

Ad Łoiow promotâ strenuè de rebellibus Victoriâ;
 ad Mozyr, Bobroyfk, Pinsk,
 auxiliariâ Duci suo iunctâ manu,
 ad Irpien cæsis decem rebellium millibus:
 ad Dimir profligatis triginta Kozacorum millibus:
 ad Białocerkwiam gloriofè cum Tartaris compositâ pace:
 privatis suis opibus ibidem in obsequio Reip: exutus,
 cum ingentem nonnisi gloriæ meritorumq;
 coacervâisset thesaurum,
 Magni Ducatus Lithuanix agere iussus est Thesaurariû.
 Sumptâ deinde M. D. L. clavâ,
 multa raraq; Ducum, ad Mohiloviam, Vilnam,
 (excidii ejus tempore) præbuit exempla:
 simul ingentem fatorum in se concitavit invidiam.

Primùm

Libertate exutus, Suecorum Regi traditus,
 Digna tanto Victore præda.
 Sic namq; Polonix fata ferebant,
 ut Captivus Dux solveret nexum
 Suecorum & Moschorum contra Poloniam,
 & direptores Polonix olim socios,
 in mutuam armaret direptionem.

Liber

Liber jam inde,
 lætus malis suis, major & clarior in restaurando bello,
 damnisq; suis redditus terribior:
 proprio ære inexpugnabilem, suoq; Nomini
 omni fortunâ fidem contraxit Exercitum:
 cujus virtute
 ad Prostki nobilem copiarum Sueticarum,
 & Brandenburgicarum edidit stragem:
 Birze totamq; Samogitiam Suecis eripuit;
 & Balthici supremo prohibuit dominio.
 Brandenburgico pacem ineundam cum Regno Polonix,
 persuasit armatus.
 Arces Livonix, Moschorum armis impervias,
 Wendâ, Wolmir, Rombork, Armeth, Helmeth, Felin,
 Treydan, Oberpal, attribuit Lithuanix.
 Contra Moschorum potentiam, suo ævo insuperabilem
 (alter Fabius) cunctando restituit rem.
 Ad Caunam belli Dux de Moschis Victor,
 ad Werki pro pace fancienda,
 cum magno Moschovix Duce Cômiffarius,
 post acerrimum sex horarum cum mille equitibus
 contra 30000. certamen,

Bello

Bello aliàs & Legatione felix, circumventus,
 Captivus Dux & Legatus,
 Moscuã, asservandus in malorum remedium, deducitur.
 In Moschovia

Paternos exegit annos tres, menses sex:
 diversâ sorte, æquali merito,
 ille Prorex, hic Captivus.

Intereã Moschi, memorandas, ad Konotop, Połonkam,
 Basiam, Druck, Kufzliki, accepere à Polonis clades,
 dum sibi ingentes Provincias
 datum iri pro Eo pollicentur.

Tum velut jam moniti Superis arbitris,
 velut quadriennali ejus carcere, sibi esset satisfactum,
 velut suorum Majorum Manibus,
 ab ejus Patre cæforum esset parentatum;
 repentinâ animorum mutatione,
 in Captivi conversi misericordiam,
 non sine metu & cunctatione,
 Liberum pronuntiaverunt.

Pretium libertatis, non lytrum,
 nam Heros tantæ gloriæ tantiq; Nominis,
 etiam Moschorum iudicio, omne excessit pretium,
 sed

sed quinq; Moschorum Generalissimi Duces,
 Principes Boiary fuere.

Prodeunti è Moschovia
 ruebant in occursum, Patria, Exercitus, Amici, Affines;
 plausus ubiq;, ubiq; seditiosis comes invidia:
 imò,

si dimittentium hostium, & acceptantium
 seditiosorum spectes animos,
 Hosti avido ad detinendum, quàm seditiosis in Patria,
 desideratior hospes.

Hostes eum dimiserant;
 quia ferè moribundum, à suis desperatum,
 diutius detinere non poterant:
 seditiosi acceptârunt triumphaliter,
 quia Patriã arcere non licuit.
 Hostes magnitudinem ejus admirati,
 ne sibi noceret, stringendum carcere,
 seditiosi, ne seditioni obesset
 vitâ exuendum censuerunt.

Ab hoste adempta libertas, sed non vita:
 à concivibus utrumq;.

Multorum Victor Exercituum, à Civico Exercitu,
 Yy à cõ

â concivibus, â plebe armata, rebelli tumultu,
Civis inclytus, Senator integerrimus,
Dux Patriæ fidissimus,
Patriæ concidit Victima.

Causa cædis,
res atrox, mira, & inaudita:
non nisi post peractam cædem,
ab ipsismet parricidis, quæsitâ; nec inventa.
Major quippe Ejus erat virtutis & animi Majestas,
quàm ut reatui cuiquam subjaceret.

Pretium Viri obitus ostendit:
cùm foris, externorum judicio,
dignior vitâ Heros, pro suis meritis censeretur,
domi, omnium, atq; adeò ipsorummet parricidarum
votis, resuscitandus optaretur.

Mors Ejus nulli, nisi hostibus Patriæ extitit proficua:
cùm Gentem CORVINORVM,
excidiis Moscæ & Livoniæ natam,
in Eo ruere, sibi gratularentur.
Patria tantum facinus abominata,
Vindicans ejus sanguinem,
pro Eo,

quem

quem cōmutatione quinq; Ducū Principumq; redemerat,
quinq; seditionis reos, Comitiali decreto,
capite plecti jussit:

pro Eo,
cujus merita & famam, cordi habuerat,
reliquos cædis complices, infames pronuntiavit.
Habes ô Patria in VINCENTIO CORVINO
Tui ævi Scipionem Africanum,
etiam funeri suo exilium indicentem,
ne in ingrata Patria moreretur, sepelireturque.

Repræsentiâtis ô Parricidæ,
novum in Lithuania Belisarium:
excessistis in cultissima Patria barbaricam tyrannidē.

Abi Viator,
ac illud sæpiùs ingemina:
*Infelices illi animi magni,
qui labentibus jam Monarchis nascuntur.*

Quia.
aut ad munera non adhibentur,
aut ruinæ obsistere nequeunt;
aut eidem impliciti,
Miserè unâ corruunt, sine Honore & Fama

Yyz

*Sarve.
dra in
symbolis*

CA.

CAPVT XII.

COROLLARIUM HISTORIÆ
seu ÆTAS REGNORVM Polonia, M. D.
Lithuania, & Moschorvia, per annos distincta.

*In Moscor.
Hist.* **H**Abent etiam Regna suas ætates temporū-
que vicissitudines, habent natalem, quā ori-
untur, habent supremam quā occidunt & de-
ficiunt, diem. Hinc, *quemadmodum ex solis Co-
lloso Rhodio, multa statua fusa sunt, ita ex Ro-
mano Imperio multa fundata Regna.* Proscripti
olim Romā populi, multis incognitis Gentibus
è Septentrione, vel à mari Caspio, vel Mæoti
Palude devolutis, nomina dedere & originem:
Gotthi, Vandali, Venedi, Sclavi, Hunni, Ala-
ni, Longobardi, Regnorum extitère progeni-
tores. Certitudo tamen temporum & originis
in ambiguo, apud gentes illas, quibus major
ad præsens cura, armis propagandi imperii,
quàm calamo proferendæ ad posteros, rerum
gestarum memoriæ.

Ex ea ratione Moschorum quoq; origo &
Nomen, antiquis scriptoribus, fuit incogni-

tum; idcirco non abs re videtur annectere,
quando, & quā ratione M. Moschoviæ Duces,
ad tantam amplitudinem, quantam nunc vide-
mus, sint evecti. Iam primū omnium con-
stat, Moschos à Monarchis Kioviensibus, qui-
bus olim parebant, Imperium Russiæ derivasse,
(verane successione, an simulatâ? causas procul
habeo) ex quo *Svatostaus* Kioviæ *Iedynon-tadca*,
(id est Monarcha) à *Gedimino* M. Lithu: Duce
Regno pulsus, *Karaczeviam*, *Branscum*, *Volodi-
miriam* profugit: indeq; successores ejus, seu in
vetustam coloniam, seu recenter à se conditam
(obscuram tamen, Tartaris ignobiliter servi-
entem) Moscuam transtulerunt domicilium.
Multâ deinde annorum serie exactâ, Nomen
primū, deinde Monarchia Moschorum cre-
scere cœpit, maximè *CASIMIRI III* Pol:
Regis conniventia. Senio ipse gravis, intentusq;
evhendis filiis suis in Regnorum fastigiâ,
VLADISLAO in Bohemicum, *CASIMI-
RO* seu *IOANNE ALBERTO* in Hun-
garicum, residuis in Polonicum, eripi sibi passus

Ma-

Magnam Novagardiam (quæ VITOLDO centum millia aureorum tributū nomine quotannis pendebat) cæterofq; Principatus à IOANNE BASILIDE Moschoviæ Duce, recenter libero à Tartarico iugo, ac deinceps crescentem potentiam IOANNIS dissimulavit. Quâ ille cum suis posteris innixus, CASIMIRO ipsi, filiis, eorumq; successoribus gravis esse cœpit: sensimq; suos fines & potentiam, in tantum auxerunt Moschi, ut Supremus Turcarum Wezyrius, STEPHANO Regi Pol: suscepti belli Moschovitici precatus felicem exitum, non dissimulanter coram Legato fassus sit, post Cæsaris Turcarum potentiam, primam M. Ducis Moschoviæ se agnoscere.

Placet itaq; per annos ætatem Regnorū recēfere; eorūq; incunabula, incrementa, cognatasq; Regnis crescendi & decrescendi vices, (quibus Poloniæ Lithuanix, Moschoviæ Principatus exagitati,) è variis Authorib; subnectere, quos vel maximè in illo plusquam triennali otio Moschovitico, inter lectionē aliorū complurium librorū

evol-

Heindē,
stein.

evolui Duce & auspice ipso CORVINO, cui meritò & hoc ipsum opusculum meum debeo. Anno. POLONI LECHO suam debent originem - 550.
LITVANI PALÆMONEM suum Conditozem recognoscunt - 900.
Russia Kyg, Sczek, Korew, Libedam, colit Conditozes - 861.

Romulum & Remum, angustus non capiebat ager: quid mirum si uno compendio seculorum, nata, hæc tria vastissima Regna, per multas ætates, usq; ad extremum certabunt.

POLONI sub MIECZYSKO Christiani - 964.
LITVANI sub MENDOGO Cruciferis rei Christianæ ministris, quib; Samogitiã cedere coacti 1230.

sed MENDOGVS ob ereptam sibi Samogitiã intuitu administrati Christianismi & Coronationis, redijt ad suos ritus; documentum præbens posteris, coactam religionem non fore stabilem.

Itaq; sub IAGELLONE secuta universalis Lituaniæ conuersio - 1386.

Ruf.

RVSSI sub WOŁODIMIRO Christiani . 971 .

Aemula Regna in aeternas itura simultates, iam tunc quo magis inter se diffiderent, diversos ritus & mores assumpserunt.

CRACOVIA condita à Craco. Vrbs muro cincta 1496. Arx à IAGELLONE hucusq; lignea lapide cocto munita 1393. Palatium SIGISMVNDVS I. condidit. SIGISM. III reftauravit & ornauit.

VILNA condita à GEDIMINO 1306. muro cincta sub ALEXANDRO . 1506.

KIOVIÆ fundamenta jecit KYG circa annum . 806 .

MOSCVA & SMOLENSCVM muro cinctum . 1600 .

Corona Pol: BOLES LAO collata ab OTTONE III Rom: Imp: . 1001 .

VLADISLAVS ŁOKIETEK, Coronam GNIEZNA transfert CRACOVIAM . 1320 .

LVDOVICVS in Hungariam 1372. IAGELLO inde reportat Cracoviam . 1412 .

Corona Lituaniæ, cum baptifmo collata Mendo go ab INNOCENTIO IV. . 1230 .

Vitol.

VITOLDO à SIGISMVNDO Imperatore . 1429 .

DANIEL Ruffiæ Rex coronatur Drohiczyni ab Opifone & Prandota Crac: Ep: . 1246

IWAN WASILEWICZ M. Dux Mosc: Coronã & Titulos Regales petit à MAXIMILIANO Imp. in præmium rupti foederis cum SIGIS: I R. P. . 1513 .

BASILIVS IWANOWICZ petit Coronam à CLEMENTE VII. obftat SIG: AVGV: . 1552 .

Academiæ Crac: iecit fundamenta CASIMIRVS MAGNVS approbante VRBANO V. ubi nunc Ciuitas Iudæorum . 1361 .

IAGELLO tranftulit intra Urbis mænia . 1400 .

Academia Vilmensis à VALERIANO PROTA . 1570 .

SOWICZ SZVSZKOWSKI sub SIGISM: AVGVSTO inducra: à STEPHANO REGE Priuilegio donata & à Succelloribus confirmata, approbante GREGORIO XIII. . 1579 .

DANIEL Ruffiæ Rex & ritum & linguam latinam exterminare conatur. . 1250 .

Mirum illas duas gentes innotuiffe

Zz

Orbi,

Orbi, eruditione; hanc velle clarescere barbarie.
Kiouia totiusq; Monarchiæ Russiæ diuisio, in
uarios Principatus inter filios WOŁODIMIRI. 1000.

Quibus dissentientibus,
BOLESLAVS CHROBRI, R. Pol. Kiouiam
Victor ingrediens, Portam auream scidit gla-
dio in signum Victoriæ.

*Scilicet hac clauis Regibus, non Urbium solùm aurea,
sed Regnorum portæ ferrea spontè patefcunt.*

BOLESLAVS quoq; AVDAX Victor Kiouia 1060.
ingressus, eandem portam geminatis vicibus
scidit. Fortunata audacia, nisi Victorem gladium à
porta Kiouiensis, in cades suorum, deinde STANIS-
LAI Epi: Crac: convertisset.

*Hinc Chrobreo gladio Victore, conquista Corona;
nimiùm Audaci gladio adempta* - 1061.

Adempto per summos Pontifices, Diademate,
Polonia diuisa post mortem BOLESLAI
KRZYWOVSTY, in Principatus CRACOVIAE 1140
Poznanix: Sendom: Siradiæ, Lanciciæ, Cui-
uiæ, Masouix, Plociæ, &c. omnem sui formi-
dinem amisit. *Tunc*

Tunc nobis Boleslai perire labores

Ruperunt nostrum regna subacta iugum.

Kiouia templum Sophiæ condidit Iaroslauus Mo. 1034.
narcha, & laminis deauratas contextit.

*Pium & splendidum opus, dum culmine gerit delu-
brum, barbaras gentes allexit in pradam. Splendor
namq; deaurati Capitolij euocauit usq; ex Africa &
Septemtrione pradatores.*

Lituani olim incogniti Russos edomant - 1205.

Lituani graues vicini, Polonis in uarios prin-
cipatus diuisis Opator, Sendomiriam, invadunt
1242. Cuiuiam 1243 Lublinum 1273. 1282 Ducem
Masouia captiuant 1262. Mendogus Masouiam,
Plociam, Prussiam, spoliat 1260 Lanciciam 1278.

Witenes Ducem Lancicia profligat & cedit 1294.

Dobrzynia populatur. Siradiam, Kalissiam, &c. tunc 1307.
exitibus inter se certarunt odijs hac duo Regna, in
unam compagem arctius coalitura.

In remedium tot malorum Gedimini M. Ducis
Lit. filia expetita dataq; in connubium Casimi-

ro Magno Regi P. Vladislao eius; patre super- 1325.
 stite. *Felix connubium, cui innexa 25000. ca-*
ptiuorum dotis nomine, simul gratulati sunt & Spon-
sis felix faustumq; imperium, & sibi libertatem.

Iagello ex Lituania vocatus ad Regnum Pol. ba- 1386.
 ptizatus & coronatus foedus Lituanum cum Po-
 lonis instituit 1401. & - 1413.

Idem foedus, *Vladislaus III* filius *Iagellonis*
 confirmat, quod tamen sub *Casimiro III* parum 1438.
 abfuit, quin abrumperetur multoties à Litua-
 nis repetentibus *Podoliam* & *Wolyniam*.

Idem foedus confirmant *Ioann. Albertus* & *Ale-*
xander M. D. L. - 1499.

Terra Belzensis Regno adscribitur - 1462.

Drobiciensis iuri polonico adjicitur 1516. *Bielscē-*
s 1547. *Kiouia Podolia Wolynia* per pacta unio-

nis, regno incorporatur; - 1569.

Iagello & *Vitoldus* 140. millia *Cruciferorū* profligāt
 ad *Grunevaldum* - 1410.

Obijt Vladislaus Iagello Anno 1434. Regni 48. atatis 80.

Russia interim à Polonorum armis li-
 bera

bera diuisa in Principatus (quamvis hi omnes
 utcunq; parebant supremo *Kiouia* Monarchæ &
 Polonorum Principum bellis auxiliarij immisce-
 bantur) internis tamen grauiter laborabat dis-
 fidijs, eò facilius exceptura, suum per Tartaros
 exterminium.

Pereunt plerumq; felicia Regna, virium & ma-
gnitudinis sua diuisione & Roma facile patet Alarico,
Attila, Totila; dum Bizantinus diuisum imperium
cum Roma Cæsar habet. Tu quoq; Palaologe, diuide
in Bizantij; Trapezunti, & Peloponesi orientale
imperium, cum domo Lascari & Angela: ipse in tuis
posteris, per turrim Angeli amissurus vitam cum
imperio: illi tua fata sequentur. Constantinopolim
capit Mahometes 29. maj - 1453.

Trapezuntum 1450. Peloponesum - 1470.
Idem Casam in Taurica Chersoneso vulgò Krym ca-
pit - 1475.

Ægypti Mamaluchorum subuertit imperium Se-
limus, ipsumq; Tomumbicum suspendi iubet in porta
Cairi. - 1517.

Vladislaus ad Warnam casus 1444. Solymanus Budam occupat 1541. Viennam obsidet 1541. Rhodū capit 1522. Selimus II Regnum Cypri 1570. eius clades ad Naupactum 1571. Ad Russos redeo.

*Tartari ex Asia primū effusi inuadunt Po- 1211.
loncos: ij nunc sunt campi deserti inter Vkraï-
nam & Tauricam alluunturque fluminibus
Wolgā Tanai Boristhene, Hypani vul-
gō Bob, & Tyrā, Dniestr. Hinc Russi à Polowcis in
societatem communis belli inuitati, profligan-
tur à Tart. primū dein à Polowcis.*

*Inde victores Tartari impune populantur Kioui-
am, uniuersamq; Albam, Rubram, Nigram Rus-
siam (quo colore vexillorum ituri ad bellum
distinguebantur) illaq; inundatio populorum
à Mari Caspio devoluta, involuit Poloniam, Hun-
gariam, Morauiam, Silesiam.*

*Polonis ad Chmielnik magno bello non præliovi-
ctis; (namq; censentur nouem sacci auricula-
rum repleti) Cracouia ternis vicibus capta.*

*Lublinam, Sandomiria, Masouia Lancicia cum
exter.*

*exterminio expilata 1212. 1240. 124. 1242. 1260.
1267. 1287. &c. &c.*

*Witoldus ad Azonum superato Tanai victor con- 1397.
fligit cum Tamerlane, ad Worsklam vincitur sic fa-
tis uolentibus ut uterq; magnus bellator, euaderet & 1399.
victor & victus*

*Tamerlanes natus Sarmacandia, dicitur ex
utero matris manum plenam sanguine protulif-
se. Duces suos Kaydan, Peta, Perepet cum 500000.
militum, (nonnulli tradunt 1200000.) in bel-
la produxit: Baiazethem Turc. Imperatorem ca-
ptiuauit, aureisq; compedibus uinctum 1399.
in cauea ferrea circumduxit: equum ascen-
surus scabelli loco usus. Hungariam triennio
insedit. Obijt Sarmacandia.*

Tartari à Vitoldo suos Principes accipiunt - 1419.

*Moritur Vitoldus Trocis sepelitur Vilna - 1430.
ei Bona Sfortia Regina Pol. Vilna posuit eius-
modi marmoreum Epitaphium Alexandro Vitoldo
Magno Duci Lituania optimè de sua Patria merito*

posuit

posuit Bona Sfortia sed incendio Moschouitico lapis corruptus

Casimirum III. Principes Tartarorum venerantur. Ab eodem Adzygery in Principem Tartarorum inauguratur presentibus legatis Tart. & Radzivilio in Tauricanum principatum deducitur

1443.

Russia dum premitur bello Tartarico

Gediminus M. D. Litu. 70. Principes Russiae profligat ad Wolodimiriam, Luck, Chelm, Belz, capit,

1303.

ipsamq; Kiouiam caput Monarchiæ: Swatoslao Monarchâ profugiente Wolodimiriam in Moschouiam usq;. Hinc apud Moschos nobilitatis Wolodimirica nunc cum primis celebre nomen. Scilicet inter Polonos & Russos, tertius diremit ueterem partium fortunam. Ite nunc opulenti Kiouia Duces extra portas auro testas; imò extra fines totius vestri imperij; cum Princeps armis quam auro validior, Vestra deaurata subit mœnia

Casimirus Magnus Pol. Rex capit Leopolim, Przemysl,

mysl, Trebowl

1340.

Lituanis quoq; eripit Brestiam, Luck, Chelm, 1366. Belz, Kiouia permanente sub potestate Lituanorum.

Kiouia a Tartarorum Principe Ediga ultimò 1416. capta & exusta sub Jagellone, ut nunquam postea restitui potuerit suo splendori.

Kiouiam in potestate Lituanorum Olekowicij Ducum inter se partiuntur. 1455.

Olekowicij pro Ducatu Kiouensi datur ducatus Kopylensis & Slucensis.

1455.

Kiouia in formam Palatinatûs redacta a Casimiro III. primusq; Palatinus creatus Gastolus. Sic illa uasti Septemtrionis Domina, effecta alieni dominij tenuis portio.

Per pacta unionis, cum M. D. L. cessit in ius Regni,

1569.

Grandis precij inseritur unio Corona Polonica, cum omnem gazam Ducum Litu.; uetustas Domos, & Kiouiam, Podoliam, Wolyniam, Braclauiam, Czernibouiam, Podlachiam, Prouincias Regni instar, in splendorem Corona Pol. contraxit.

Exindequè Polonæ gentis legati, cum Lituanis

Aaa

Mos-

Moscuam adire cœperunt primi *Raphâel Leszczynski* & *Ioannes Krotoszynski* 1569.

Kiouia nostro æuo per rebelles *Kozacos* dedita *M. Mosc:* Duci, nunc à *Moschis* possidetur. - 1655.

Russi *Papam* pro *Capite Ecclesiæ* agnoscunt sub *Casimiro III.* 1476:

Russorum unitorum legatio *Romam* sub *Sigismundo III.* 1595.

Russia totius *Pontificem* se gerens *Harasimus* à *Switrigellone* Duce exurit. Et qui *Russis* lumen se inferre iactabat, ipse factus, magna lux mûdi. 1433.

Isidorus *Metropolita* *Kiou:* cum *Sbigneo* Ep: *Crac:* simul creati *Cardinales* *Rome* . 1439.

Idem *Moscua* captiuatus, profugit. Scilicet in tam profundo *Septentrione*, ubi nox mentis preualet, *Sacra Purpura* non resplendit. 1440.

Mutato, euerloq; primum per *Polonos*, deinde *Tartaros* deniq; per *Lituanos*, *Monarchiæ* *Kiouensis* statu, *Moscua* quoq; *Duces*, *Tartarorum* tributarij vixere. Longè post *Ivan Wasilewicz* excusso *Tartarorum* iugo se legitimum successorem totius *Russicæ* *Monarchiæ*, nonnunquam *Augusti* & *Iulij* *Cæsarum* heredem proclamabat.

Martinus Cromerus eam partem *Russia* parua & obscuram, quam *Moscua* fluius alluit, affirmat paruisse *Ioanni* cuidam *Danielis* filio, cuius operâ ac successorum eius, ad eam devenit vastitatem quam nunc conspiciamus, his successibus.

Olgerdus M. Lituania Dux *Demetrio Semeczka* *Mosc:* Duci bellum denuntianti in æstatem, prior bellum ante *Pascha* intulit, *Moscua* copias admouit, ovumq; paschale ex pacto Duci tradidit: portæ verò hastam illisit. - 1328.

Moschi *Neibausum* in *Liunia* dum oppugnant, occiso *M. Duce* diffugiunt. - 1381.

Moschi *Tartarorum* iugum excutiunt. - 1427.

Magnâ Nouagardiâ potiuntur quæ *Vitoldo* pendebat tributum nomine centum millia aureorû annuatim. 1478.

Tueriam de *Lituanis* capiunt. - 1485.

Moschorum potentia crescit *Casimiro III.* dissimulante. 1490.

Seueria *Duces* offensi compressione digiti à *Regio* ianitore, ab *Alexandro* deficiunt ad *Ioannē Wasilewicz.* 1491.

Aaaz

Alexander

- Alexander M. Dux Litu: in spem pacis, filiam-
Ioannis Helenam ducit. " 1494.
Sed spem fortuna elusit. Nam cum credit se per co-
nubium pacem patriæ intulisse, causas æternorum
belloꝝ, intulit.
Iuangorod in finibus Liuania ex opposito Narua
struunt. 1492.
M. Dux Mosc: Ducēs Mozaysci, Białe, Wiaz-
ma, Osiemietozycenses, Branski, Czernihouia, Staro-
dubenses, Rylscenses, Putiwlia, Rezania, Toropez,
& Lituani auellit, & genero suo Alexandro bel-
lum indicit. 1499.
Moschi ad Wedrussam Ducem Constant: in Ostrog
captiunt. 1499.
à Pletembergio Magistro Cruciferorum 130. mil.
ad Pskow profligantur. 1500.
Iwan Wasilewicz ambit eligi in M. Ducem Lit.
post obitum Alexandri. 1506.
Basilus Iwanowicz occupat & munit Iezierz-
szcze, Wielizelc Plescouiam capit Lituani sub- 1506.
iectam: diadema & titulos Regales totius Rus- 1509.
sæ petit à Maximiliano Imp: in præmium ru- 1513.
pti fœderis cum Sigism: I. Rege Pol. Idem
quid

- quid agendum sit cum Rege Pol. mox capien-
do, consulit Maximilianum. 1514.
Const: Dux in Ostrog redux è Mosc: 1507. Mos-
chos profligat, idem ad Kropiwnam victor ce 1508.
80. millibus Moscorum - 8. Sept. 1514.
Moschi oppugnant Smolenscum 1499. 1500. 1501.
1502. tandem potiuntur proditione - 30. Iulij. 1514.
Moschi dum obsident Polociam, coelitus apparē-
te S. Casimiro Lituani Dunam superant, & Mos- 1518.
chos profligant Duce Gastoldo
S. Casimirus nascitur Crac: 1458. 3. Oct. moritur
1484. Vilna. In Regnum Hung: vocatus 1472. in
numerum SS. relatus 1521.
M. Dux Mosch: Kazaniam expugnat. 1522.
Astrachania Regno potitur Basilus.
Ditatus opibus aliena potentia, Russos & Tartaros 1554.
quasi terram & inferos contra Reges Pol. armauit.
Ita Roma crescit Alba ruinis: deinde euerfione Car-
thaginis, deniq; spolijs Asiaticis: potentia & luxu spar-
sit per Orbem.
tantâ validus potentâ Basilus à Clemente VI I
petit insignia Regni: sed obstante Sigism: August:
non impetrat. Idem titulum Car usurpat, Sigism: 1552.
negat 1549. 1551. 1553. &c. Mos-

Moschorum & Suecorum bellum biennale 1555.
 & idem *Basilus Liuoniam* deditam *Sigismundo* 1556.
Augusto inuadit, *Derpatum* expugnat, monet-
 q; *Augustum* ne se immisceat rebus *Liu: Sigis-* 1558.
mundo Augusto stante pro *Liuonia*, *Basilus Po-*
lociam intercipit - - - 1562.
Moschi ad Czafuki victi. - - - 1567.
 Validissima sed irrita expeditio *Sigismundi Au-*
gusti ad Radoszkowice, ideoq; dicta bellū gallinaceū 1568.
Basilus Duci Holsatie & Piltinensi Magno ad
 se confugienti auxiliatur, eum Regem *Liuo-*
niae creaturus. Cumq; uidet *Liuones* ad eum
 conuolare, ipsemet pro se *Liuoniam* occupat, 1569.
 cum exterminio *Liuonica* nobilitatis in *Ascka-*
rad & Venda &c. & arcium demolitione qua-
 rum nunc plurima extant rudera.

Tartari urbem Moscuam totam incendunt, præ-
 ter *Kremlgorod* hinc sequenti anno superbè 1571.
 per legatos tributum postulantes 300 capite
 percuti iussit securi. Principes verò legatio-
 nis, labijs naso & auribus truncatos, donatos. 1572.
 q; securi, dimisit. Tanti ille cladem & ignomi-
 niam

niam sua gentis estimabat, ut à uiolendis legatis,
 qui iure gentium sancti sunt, non temperauerit.
Moschi Turcas à coniungendo per fossam *Wol-*
gã & Tanae cum clade rejiciunt. Validissima 1559
 sed irrita *Moschorum* expeditio in *Tauricam* 1689.
Krimeam

Stephanus Rex Polociam expugnat - - - 1579.
Luki, Toropez, Wieliz, Nowel, Vsiwiat, Plesconi- 1580.
am obsidet, *Liuoniam* liberat - - - 1582.
Stephanus coronatus 1575. 5. Martij bellum gerit
 contra *Gedanenses* 1577. *Ketlerum Ducem Curlan-*
diae inuestiuit, *Dzysna* 1579. *Riga Liuoniam* or-
 dinat 1582. à *Zborouijs* impetitur 1584. *Rigensum*
 insolentiam còercendam destinat 1586. iudicia tri-
 bunalitia instituit 1578. moritur *Grodna* - - - 1586.

Demetrius M. Dux Mosch. coronatus & occi-
 sus à *Moschis*. Mox alter *Demetrius*; an idem 1607.
 incertum *Moscuam* obsidet biennio

Sigismundus III. ob communem Regum causã,
 ob iura gentium violata legatos cæsos, mag-
 na parte detentos bellum *Moschis* intulit - 1609.
Smolenscum expugnauit - 13 Iunij - 1611.
Stanislaus Zolkiewski 80. mil. *Moschorū & Suecorū*
 12. millia - - - - - profligauit

profligavit ad *Kluszynum*. *Moscuam* urbem in deditioem accepit. *Moschos* cōegit ad fidē coram se præstandam *Vladislao Pol.* Principi electo *M. Mosc.* Duci. Idem *Szuyscium M. Mosch.* 1610. Ducem in comitijs *Varavia* victum produxit 1611. *Moschi* rebelles *Vladislao*, dum *Moscuam* recuperant pro *Michaële Fiedorowicz*, tota *Moschonia* à *Polonis* victorijs peragrata, usq; ad *Auream* anum 1612. *Vladislaus* Princeps *Moscu-* 1613. *am* obsidet. Iam verò *Rex Smolensci* obsidio- 1618. nem victor soluit. - 1634.

ALEXIVS MICHAYŁOWICZ *Kozacos*, rebelles in clientelam suscipit. *Kiouviam*, *Vkrainam*, *Czernihouiam*, *Smolenscum*, *Dabrownam*, *Mohiolouiam*, *Borysow*, *Połock*, *Witebsk*, deditioem capit, religionis & sui honoris prætextu, ut *DEVM* hominesq; in partem victorioso præda vocasse uideretur. 1654. *Vilnam*, *Caunam*, *Grodnam*, victor occupat. - 1655. *Moschi* ad *Brestiam* victi à *Paulo Sapieba*: ad *Wierzchowice* victores, utrobiq; pro victoria stante desperatione - 1655. *Rigam Liouonum* irritò eventu obsidet *Alexius*. 1656. ad *Werki Moschi* victores 1658. 21 Oct. sed dū for-

fortunæ & suæ potentiaæ præfidunt, ad *Konotop* cæduntur.

Ad *Czudnow* deditio *Szeremethii Stanislaw Potocki* 1659. & *Geor. Lubomirski*. Ad *Połonkã* & *Basiam* cæsi à 1660. *Paulo Sapieba* & *Steph. Czarniecki* 1660. ad *Kuszli-* *ki* à *Zeronscio*.

Armistitium coaluit post bellum annorum 13. 1661. *Sienko Razin* rebellis *Astrachaniam Moschis* eripuit, mox captus, manibus, pedibus, & capite truncatus *Moscuæ*, dulce *Moschi* s exhibuit spectaculum palo suffixus. - 1667.

Vnio M. D. Litu: cum *Regno Pol.* coaluit ad iuten- 1670. te *Sigismundo Augusto Lublini*.

Nuntiorum Terrestrium ordo, (Patrio nomine *Poselska izba*) sumpsit initia sub *Casimiro III. Wislicia*, potestas ad præsidium libertatis nata. 1468. 1569

Tribunalis semina iacta in comitijs à *Stephano Bathorio Rege Polonia* - 1577.

Artis tormentariae & pulveris pyrij usq; inventy. 1376. 1440.

Ars Typographica adinventa. - 1440.

Ars conficiendi serici ex bombycibus à duob; monachis ex *Indijs* illata. - 1565.

Mirum tam atrociter naturam conspirasse in excidium generis humani, ut prius formarverit artes, in
Bbb eius

eius perniciem, quàm in culturam ingeniorum & corporis ornamenta.

Artis musicæ incrementa promota à *Guidone Aretino*.

- 1024.

Sal primùm Bochnæ reperitur.

- 1252.

Indiarum prima detectio authore *Columbo* 1462. 1492.

America Vesputio 1492. *Alvaro Capralo Brasilia* detecta.

1500.

Acus nautica adinventæ.

1283.

Hollandi in Noua Zemla lustrant mare glaciale uersus *Chinam*, sed glacies eos reuerti cõegit. Nam 30. *Augu:* glacie constricti commorati sunt in eo mari ad 1. *Iunij:* solis cursum intra duos menses & dies 20. nusquam conspicientes. Inde binis scaphis residuis, nexi reuersi sunt in *Hollandiam*.

1595.

1597.

Liunia quamvis nunc alienas auxit opes, nihilominus cum nostro sanguine parta sit, ac diu defensa, præstat attingere, quâ ratione in nostras devenit manus & contra *Moschos* propugnata. In *Liuniam* Christianismus inuectus per *Lubecenses* & *Meinbardum* Epif: *Kirzholmiam*, *Rigaq;* condita

1200.

Cruciferi

Cruciferi *Theuthonici* ab Archiepo *Rig:* in *Liuniam* introducti: ijdem Cruciferi Archiepisco. 1234. *pis Liuniam* eripiunt, defensi à *Rigensibus* sequentibus annis. Cruciferi *Liunici* ab obedientia Magistri *Prus.* pecuniâ se redimunt. 1513. *Pletenberg* inductus ab *Alexandro* Rege *Pol.* spe communis belli suscipit expeditionem contra *Moschos*, eorumq; 130000 profligat ad *Pskow*, suorum 12000. *Moschi Liuniam* invadunt, *Derpatum* 1500. expugnant. *Liunia* in comitijs *Augustæ Vinde-* 1558. *licorum* à *Ferdinando I.* per *Georgium Ziberg* in suo miserabili statu implorat opem contra 1559. *Moschos*. Idem actum *Spiræ*. Cumq; *Ferd:* nomine *S. R. I.* obtulisset 100. aureorum mil- 1560. lia in subsidium, *Liiones* potiùs nihil, quàm *Krãcius* tantillum accipere maluerunt, protestatique sunt. *Sigismundi Augusti* expeditio in *Liuniam* cū 110 mil. pro *Vilhelmo Brand.* suo sororio *Archiepiscopo Rigensi* incarcerato contra *Firsztembergium* magistrum ordinis *Theuthonici*. Primumq; foedus ad *Posvoliam* cum *Liunia*. 1557. *Firsztemberg Felini* expugnatus, captus, *Moscuæ* interiit. Inde *Liunij* implorantibus opem, *Lit:* 1558.

Bbbz

uani

uani soli suscipiunt defensionem *Liuonia* contra *Moschos*, tuenturq; usq; ad tempora *Stephani*. 1558.

Liuonia à Principibus S. R. I. deserta, suscepta in clientelam *Sigismundi Augusti* quatenus Magni Ducis *Litvania*. 1560.

Litvonum tertium foedus cum *Sigis. Aug.* firmatum subscriptione Senatorum *Litv.* 36. Marchalcorum 7. Notariorum 4. cuius vigore ordo Cruciferorum sublatus; sigillum & privilegia Cæsarum, ipso consentiente Cæsare resignata *Nicolao Radziwil* Nigro in Archivo M. D. L. *David Chytraus.*

Stephanus Ketler in foro *Rigensi* creatus *Liuonia* Gubernator, deposito Magistri Insigni. Stemma *Liuonia Sigismundus Augustus* esse iussit Gryphem album in area rubra gladium vibrantē, pectore complexum literas S & A Regij nominis sibi implexas, Coronatas conservaturus apud posteros sui memoriam, & *Ioannis Chodkiewicz* Administratoris *Litvanie*; quo ministro in tales leges convenēre. Atq; eius parens *Hieronymus* à Rom: Cæsare titulum Comitis S. R. I. collatum & Gryphem pro insigni gerebat. *Sigismundus*

Sigismundus Augustus *Gothardum Ketler* *Vilna* creavit *Curlandia* Ducem. 1568.

Stephanus Dzijna 1579. *Vladislaus IV.* *Iacobū Vilna* 1639. *Fridericum Casimirum Ioannes III.* *Reualia* cum *Esthonia* prodita *Erico Regi Suecia* à Duce *Mechelburgensi Wilhelmo* Coadiutore Archiep. *Rigensis*; qui pro hac prodicione *Lucas Vilna* sub custodia habitus; ad instantiam Prin. *Gornieki* dimissus.

Ad *Basilium M. Mosch.* Ducem confugit *Alsatie* Dux & *Piltinensis* Administrator *Magnus* inductus spe connubij cum sorore *Basilij*, & spe Regni *Liuonia* ad instar Ducis *Prussia* à *Pol.* 1569. Rege creati. *Litvones* læti, quasi veteri Rep. ad *Magnum* confluunt, sed per quem libertatem sperant, per eundem nanciscuntur servitium & ex-*Heindē* cidium *Venda, Ascheradi, Pernauia* &c. *stein* *Magnus Vendam Reualiam* sui iuris facit. 1670.

Sigismundus Augustus natus 1520. *Crac.* 1. *Augu.* Coronatus in *M.* Ducem *Litv.* *Vilna* 1529. in *Regem Pol.* 1530. Ad *Remp.* admoventur 1538. *Litvaniam* administrare incipit 1541. *Elisabetham Austriacam* ducit 1543. *Barbaram Radziwiliam* 1546.

Coronatà 1551. *Quarcianum* militem instituit 1551. *Vpitemsem Districtum* erigit 1542. Moritur *Knyfzjni* 1572. 12. Iulij. Primus Regum literas & diplomata propriâ manu subscribere cœpit. Cùm antea subscriptione Notarij & sigillo Regio tantùm signarentur.

Stephani Regis contra Moschos expeditio pro vindicanda *Livonia* viribus Regni & *Litvania*: 1679.

quam vindicatam prudentissimus Rex qualiter in Ordinem redegerit, dignus scitu *Heindensteinius*. *Stephanus Rex* obiit *Grodna* 12. Dec: 1586.

Sigismundi III. expeditio in *Livoniam* contra *Carolus Sudermania*. - 1600.

Ioanne Zamoyfki in *Livonia* 1660. & abhinc 1601. iterum devoluta defensio *Livonia* ad *Litvanos*.

Ioannes Carolus Chodkiewicz per plurimos felices conflictus administrat *Livoniam*, ad *Kirchelmum* 14. millia *Svecorum* profligat. - 1605.

Gustavus Adolphus *Rigâ* potitus per Civium prodicionem. 27. Sept. 1621.

Fusio rem rerum variarum *Elenchum* per annos distinctum connotandi esset animus; sed quia pleræq; excedunt brevitatis compendium, & propo-

propositum opusculi nostri, studio supersedeo. *Smolenscum* paulisper cum Lectore diuertamus. Vel potius, Heus tu *Smolenscum*? sepulchrum dealbatum, quid superbis turribus, & muro enormi, cùm sis magnorum bellorum causa & clades gentium? citaris ad cognitionem nostram. *Smolenscenses* Duces progenitos se esse à *Włodimiro Kiovia* universæq; *Russia* Monarcha ferebant, uti & omnes alij *Russia* Principes scilicet *Pereastavia*, *Magna Novagardia*, *Plescovia*, *Czernibovia*, *Starodubi*, *Severia*, *Mscistavia*, *Wiazma*, *Mozaysci*, *Tveria*, *Rezania*, *Susdalia*, *Polocia*, *Witebscia*, *Odrucenses* ijq; multifariam diuisi in *Hovy*, *Sokolnia*, *Lubecz*, *Podberézie*, cæteri; plurimi, quos vel vetustas obliteravit, vel domiciliorum vix restant rudera. Ad eundem *Włodimirum Magni* quoq; *Moschovia* Duces se revocant *Svatoslaum Kioviâ* profugum in suam trahentes lineam: & exinde successionem hæreditariam *Smolenscia* & *Kiovia* sibi vindicare, contendunt. Omnibusq; in illa Prouincia Privilegijs hunc titulum præfigunt. Ex patrimonio Magni Principis ac Domini &c. &c. *Smolenscensi*, datur in feudum

dum ager denominatus *N. N. Kuźma, Iwani, vel Mikita Hryszkonis filio &c &c. Smolenscum* itaq; *Vitoldus M. Dux Litv: de Vasilone Duce Smolenscensi capit. Qui ad Sigismundum Imperatorem profugus perijt in Hungaria.* 1396.

Georgius Vasilonis frater Smolenscum occupat: Vitoldus eodem anno recuperat. 1403.

Roboribus munitum Smolenscum sub Litvanis, Moschi oppugnant, Litvani strenuè defendunt 1499. 1500. 1501. 1502.

Ivan Wasilewicz M. Mosch: Dux per proditiōē Glinsci; cepit 30. Iulij. 1514.

Boris Godienow lapidibus sectis & muro munit. 1600.

Sigismundus III. capit à viva forza 13. Iunij. 1611.

Vladislaus IV. de Sebehino oppugnatore victor, eundem obsidet, & ad deditiōem armorū cogit. 1634.

Alexius Michajłowicz Smolensco potitus deditiōe Principatus tot gentium armis, nunquam extremè 1654.

edomitus, nunc tandem Moschorum servit imperio. Sed nos à conspectu Moschorum, ipsiusq; Smolensci iam tandem oculis ac mente recedamus. Cùm verò & in Patria & in Moschorum.

Iam satis invalidos calamo lassavimus artus,

Et manus offotum longius egra negat,

Tu Lector benevole,

Felix (disas) quem sua terra tenet.

F I N I S

Ovidius

Ovidius

PROCESSVS IVDICIARIVS,
In causa cadis *VINCENTII CORVINI*
GOSIEWSKI.

ANte omnia auditi Legati ab Exercitu. Hi crimen horrendum, velatum titulo suæ Comunitatis, contra Ducem magnorum meritorum; simul ejus magnitudinem recensuerunt: utq; in fontes inquireretur, & severè animadverteretur, supplicârunt.

Tum Instigator M. D. Lith: rem exorsus enumeravit magnitudinē, virtutes, merita *CORVINI* contra Directorem circuli, quem fuisse cōcitatore omnium seditionum, probavit ejusmet manu scriptis & sigillo signatis literis. Lectæ publicè literæ ad Præfectum, quem Substitutum vocabant *ZERONSCII*, & ad Exercitum scriptæ: in quibus innuit, venditum esse *Smolenscum*; septuaginta naves *Rigam* transfusas cum auro & gemmis: frivolè agere *GOSIEVIVM* cum Exercitu, Nexum seditionis militaris ab eo dissolvi. Aliæ literæ innuebant cum Externis literarum commercium, scilicet

*Forma
totius
processus
iudicialis.*

scilicet cum Suecis; eorum copias adduci ad Patriam opprimendam, Gallis libertatem vendi. Tertiae literae post captivationem G O S I E V I I scriptae, praemonebant, ne admitteretur in castra Episcopus Vilmensis, homo infensus seditioni & sacro nexui. Tandem aliis literis, post peractam caedem scriptis, nuntiat a se diligenter conquiri documenta contra G O S I E V I V M, nec posse se conquirere, fatetur: hinc inconsulto actum esse arguit, quod scripta ejus simul non sint intercepta. Praecavet denique aliis literis, P A C I V M moliri, resolutionem *Nexûs*. Monet ne se Praefectus obruat potu nimio: Exercitum & potentiam manu teneat: cum Exercitu Regni seditioso, conjunctionem armorum & animorum firmet per Legatos: commercium literarum omnibus praescindat: suis rebus attendat, easq; in futurum firmet. Lecta insuper copia literarum Praefecti militaris (quorum authenticum eadem die, ipsemet fato suo Director ille produxit) quae probabant militem Vilnam

Vilnam missum, ab ejus consensu dependisse: quandoquidem noctu ad eum transmissae literae, & illius ab Vrbe expectabatur consensus in campis: illo consentiente, iubente per internuntios, in forum factam irruptionem. Literae hae Praefecti fusillimè scriptae, hae quinque continebant puncta. Primò. *Mitto ad te directe equitatum pro comprehendendo ZERONSCIO &c. 2dò. Pro G O S I E V I O, si tibi videbitur. 3tiò. Inibis modos, & aperies ei, quibus hoc opus aggredi debeat. 4tò. Si tibi non videbitur, non secuto effectu, obligaris ad secretum. 5tò. Ac in his eâ ratione procedas, ne & tuam & totius Exercitûs ladas conscientiam.*

Ex scriptis & supra dictis, idem Instigator, reum esse perduellionis, Directorem circuli deduxit.

Instigator autem Regni, ex iisdem dictis probavit, fontes nec locum standi habere, nec vocem justificativam: unicum restare ad delibendum, quo genere mortis pro tam atroci crimine, essent interimendi, adductis exemplis
poena.

pœnarum contra seditiosos, tam in Patria, quàm extra eam practicatorum.

A parte citati responsum. Meritò Republicam indolere fati GOSIEVII: citatum verò non fuisse authorem ejus interitûs, his probavit rationibus. Quòd nec ratione ullâ, nec se motore, exacerbatae mentes Exercitûs contra GOSIEVIVM: quidquid verò actum est, id proprio motu egisse Exercitum & Præfectum. In cujus rei fidem produxit Kobri-nense decretum, in quo exprimitur, displicuisse Exercitui, datam directionem commissionis GOSIEVIO Vilnæ.

Produxit literas Præfecti ad se scriptas in quibus objurgatur ob neglectum literarum commercium; pluraque se scire aliunde de rebus Vilnæ gestis, quàm ab illo.

Militem nullatenùs se iubente aut consentiente, irruisse Vilnam affirmabat: nihilominùs non negabat duos ad se delegatos vespere venisse, nil tamen voluisse sibi tunc præsentibus aliis & videntibus aperire, donec mediâ nocte

17. Dec.
Ratio-
nes eius
pro sua
defensio-
ne.

ste sclopetis eisdem munitos suum cubiculum introisse: tum excepto juramento super non divulgando secreto, rem eventuram summo manè aperuisse. Territum se & attonitum, invitum insuper, permisisse totum illorummet arbitrio, illorum consilium nec laudasse, nec reprehendisse præ metu: literisq; Præfecti protunc non lectis, mæstum se obdormivisse ajebat: interea factam in Urbem irruptionem. Captivationem GOSIEVII, per literas Præfecto se exprobrasse. Sed is ibidem publicè negavit, se ullas vidisse ab illo hac de re literas, imò testes adduxit, ab eo factum captivationis summoperè collaudatum: literasq; illi non noctu, sed vesperi oblatas, lectas, approbatas.

Intulit Instigator, sibi minimè esse satisfactum: immo propriis literis, insuper testimoniis Præfecti & concaptivorum, ad oculum convictum esse citatum: utq; causam perduellionis GOSIEVIO & Cancellario producerent, probarent, quam in suis scriptis & di-

Fff

ctis

Etis antehac injuriosè divulgaverunt, iterum iterumq; requirebat. Naves illas fuisse mercatorum Rigensium, non Moschoviticarum deduxit. Easdem revisas ab ipsismet militibus, demonstrasse merces canabi, lini, non gemmas. Smolenscum vi captum ante annos decem, etiam nunc post fata GOSIEVII, infideri forti præsidio, nec egere Moschos ejus mercaturâ; cum suæ præfidant potentiæ.

Suecos (quos jactabant adduci contra se opprimendos) nullibi comparuisse hucusque. Hinc constat mera ejus hæc commenta ad concitanda odia fuisse adinventâ. Nihil ad hæc: solummodò literas illas de nocte latas se non legisse, & totum arbitrio armatorum permisisse respondebat citatus. Reliquas omnes objectiones & scripta, solâ negatione & retorsione in Præfectum Militiæ eludebat.

Talia ad sui defensionem Directore allegante, Præfectumq; Militiæ, omnium quæ sibi obiciebantur reum incufante, non potuit suprema de fontis capite ferri sententiâ; quin Præfectus

*Aff. cõ.
tra Præ.
fectum
militiæ.*

fectus militiæ audiretur. *Itaque à parte lesa hæc ei objecta.*

Primò. Conjuratio per vim cum Exercitu instituta.

Secundò. Proceres Militiæ ad subscribendum decretum coacti.

Tertiò. Literæ datæ Novosynscio, quibus cædes GOSIEVII imperabatur.

Quartò. Violatum jus postæ.

Quintò. Exercitus deductus in bona cæsi.

Sextò. Ibidem habita consilia, innovatæ conjurationes; erectum fortalitium.

Septimò. Arrogatum jus Regibus proprium, convocandi Proceres & Nobilitatem.

Octavò. Lectum insuper decretum mortis post cædem scriptum, in hæc verba: *compertâ manifestâ prodicione tam transmissis navibus Rigam, quàm in correspondendo cum Aula & Supremo Cancellario &c.* Hinc arrogatum jus proprium officio Thesaurarii, revidendi merces, transmittendi impediendiq; naves Dunâ Rigam, indeq; defluentes. Deduxit idem Instigator naves

Fffz

illas

illas fuisse Rigensium, quibus ex vi pactorum Olivensium, transitus liber: qua de re Gubernatoris Suetici ibidem præsentatæ literæ. Deinde naves illas deportasse merces canabi, lini, nilq; aliud præterea: cum tamen adversarii calumniatores sparsissent (ad excitanda odia) septuaginta illis navibus, deportatam à Moschis pecuniam & gemmas, aliquando tormenta bellica, quandoq; salem, & his similia deliria confingebant. Insuper publici ærarii debitum eas persolvisse, in cujus rei fidem, lectæ literæ passûs, à GOSIEVIO datæ Rigensibus, quæ specificè mercatores, merces deportandas, & telonium persolvendum recensebant. Hic calumniæ exaggeratæ, tyrannis, mortis ferries recensita, illata illi homini, cui debebamus tot res gloriosè gestas; cujus prudentiâ res restitutæ &c. &c.

*Ratio-
nes Præ-
fecti mi-
litia.*

A parte Præfecti responsum
imò. Quidquid actum est, id se egisse ex mandato totius Exercitûs: idcirco omnes literæ à se

à se subscriptæ *Nomine Exercitûs*, ubi omnium vox libera, omnium regimen; se verò similem idolo fuisse.

Secundò. Seditiones nullas per se concitatas asseverabat, nec scivisse quidnam rerum Vlnæ gereretur. Vlnæ seditionem ortâ & in castra allatâ: se verò præstolando exolutionem stipendiorum, liberaliter cum commilitonibus bibisse.

Tertiò. Idcirco cum cogeretur ab Exercitu, expedire Equitatum pro captivando GOSIEVIO, rem totam permisisse arbitrio Directoris circuli militaris, illis verbis: *si videbitur. Cave ne ladas tuam, & Exercitûs conscientiam.*

Quartò. Constare & inde ajebat, ex mente communitatis totius missum equitatum: quòd si proprio misisset arbitrio, potuisset Exercitus inire rationes eliberandi GOSIEVII.

Quintò. Negabat se dedisse vel minimum mandatum ad peragendam eadem.

Sextò. Imò scripsisse literas securitatis, quæ
non

non suâ culpâ, post peractam cædem, allatæ.

Septimò. Ratione navium, similiter omnia per negationem expediebat.

Octavò. Decretum mortis negabat se subscripsisse, nisi ultimo loco, idq; à tota communitate coactum.

Nonò. Testimoniis militum & fontium objecit invaliditatem; eùm quisq; reus à se avertendo culpam, in eum coniciat.

Decimò. Querebatur, documenta sibi ablata, per quæ posset deducere suam innocentiam.

Vndecimò. Amnestiam (uti vocant) Comitiorum anni 1662 Exercitui concessam, pro sua defensione trahebat.

Duodecimò. Poscebat scrutinium, non Varaviae, non inter fontes, non ex carcere peragendum; illud allegans: *neminem captivabimus, nisi iure victum.*

E contra Instigatoris officium

*Contra
eundem
Præfectum*

Ad primum produxit manifestationes factas ab Exercitu contra Præfectum ratione vis sibi illatæ.

Ad

Ad 2dum. 3. & 4. Literas Præfecti protulit, missionem militum omnibus insciis; infestas vias præfidiis; sparsum variò Exercitum, ne quid pro cautela vel defensione cæsi attentaret.

Ad 6tum. & 7. Exposcebat (prout & antè hac) ut prodicionem, quam toties in suis literis jactabat, deduceret.

Ad 11mum. Amnestiam in Comitii concessam esse factorum ante Comitia, non faciendorum. Insuper criminales actiones, expressè in illa exclusas.

Ad 12mum. In tam evidentibus documentis, nullum requiri scrutinium. Insuper requisivit, ubinam vellet scrutinium institui? hinc adesse per Legatos Exercitum: hinc omnes cædis complices: hinc scripta omnia &c.

Instigator Regni legè Patriam produxit circa restitutionem famæ; utq; ei satisfaceret, poscebat; dum prodicionem toties scriptis & dictis vulgatam, deducere renuunt: interest quippe ut per eam honoris cæsi & superstitum, Posteritatifq; consulatur.

Subiunxit alius; ex dictis inferri utrumque

inno-

innocentem, crimen mutuò retorqueri, cùm unus asserat se ab Exercitu, alter Vilnâ abfuisse, hic Exercitum non concitâsse, ille mandatum cædi peragendæ non dedisse, hic Vilnâ scriptas literas cædis, ille equitatum non misisse: uterq; factum vel mutuò, vel in communitatem retorqueat: nihilominus, ex una parte scribitur, *Smolenscum venditum, innuit molimina, sat sapienti &c.* Ex altera, *mitto equitatum, si videbitur tibi: compertâ manifestâ proditione &c.* Nullum itaq; restare dubium, nullum locum scrutinio; suis rationibus & scriptis, fontes mutuò convinci.

24. Dec. Prævio juramento à parte læsa, super statuendis incorruptis testibus, deducebatur scrutinium.

30. Dec. Tum quò ampliora fontibus beneficia concederentur; tum in gratiam plurium recenter ad comitia confluentium, ab Instigatore M. D. L. nuper productæ rationes, hodie contra fontem utrumque ornatissimâ eloquentiâ iterate. Quas oppugnavit fusissimè Director mili-

militaris circuli negando objecta, retorquendo crimen in alios, literas Vilnâ scriptas, se subscripsisse, non tanquam privatum, sed tanquam Directorem, in quibus tamen tangitur honor GOSIEVII; se tamen mente diversum sensit: privato suo nomine nil, nisi coactum scripsisse vel dixisse, imò se commilitonem, concaptivum, ubiq; conscium integritatis GOSIEVIANÆ, non potuisse atomum etiam ei obijcere, testatus: qui biennio decubuit ager, nil unquam tractavit, nil transegit cum Moschis; cujus facta, dicta, intentiones, rectitudinem & integritatem ubiq; spirabant.

— Instigator contra.

Consciis rectitudinis GOSIEVIANÆ, & concaptivus, obligabaris negare subscriptionem, tuâq; hac negatione & testimonio tanquam Director, malefanos dirigere: conscius rectè factorum ejus, tueri integritatem, non verò annuere insanientibus, apponere manum, subscribendo condemnationem cæsi, confirmare insanorum iudicium.

Ggg

Ite.

Iterum Director. Se Nomini & Honori
G O S I E V I I semper fuisse addictum: se
ejus beneficiarium ob ingentes ejus virtutes,
dotes, gratias, famam, & similia iactabat; idcir-
cò damnabat semetipsum, uxorem, filios, to-
tamq; domū mille periuriis. Post multa, facto ju-
ramento, cum aliis viginti, evasionem poscebat.

Reliqui tres incarcerati, ministri cædis, &
instrumenta seditionum, facilè convicti: cum
pro sua defensione solam negationem, amne-
stiam, libertatem, illamq; legem, *Neminem ca-
ptivabimus nisi Iure victum*, adducerent.

31. Dec. Semotis arbitris, in Senatu le-
ctum Scrutinium partis utriusque, secutæ Iu-
dicum quinquaginta octo sententiæ, inq; se-
ram noctem protractæ. Tandem, haud aliàs
intentiore populo, super eventu causæ; à Re-
ge, (postquam citatos fuisset rationibus &
literis convinci; tum literas eorundem manu
& sigillis munitas, vidit negari; jamque omnia
beneficia iuris, quæcunque indulgeri poterant,
indulsi) parti læsæ victoria iuris eo die est
adiu-

adiudicata & promulgata. V Quâ præviâ, Rex
frequentissimo Senatu 2 Ian: per Marschal-
cum Curia Regni, ob conjurationem initam contra *Decretū*
Senatorem, Supremum Thesaurarium & Exercitūs
Ducem, Commissionis Marschalcum: ob irruptionem
factam modo guerrico in Civitatem metropolitanam:
ob violatam securitatem publicam Cōmissionis & po-
ste, ob captivationem eademq; prædicti Senatoris: ob
usurpatas universales scribendi literas ad Palatinatus,
ob initas Legationes, quibus atrocis facti improbationem
comprobabant: ob proditoris notam scriptis & dictis
irrogatam, (ad quam probandam nullatenus elici potu-
erunt) ob erectū fortalitium Szadowia &c. &c. De-
cretum infamiae, amissionis vitæ, & bonorum ad fi-
scum redigendorum, pronuntiavit. Tres quidem
cædis authores capite plecti, in quatuor partes dis-
secari, edixit; duos cædis ministros, in pœnam ca-
pitis condemnavit. Cateri cædis conscij perpetuâ
infamiâ aliisque pœnis Civilibus notati. In pro-
fugos pœna capitis & infamiae edita.

3. Ianuarij in foro Varfaviensi executio *Executio decre-*
secuta: scripta quoque omnia, quibus illi glo-
riam *ti.*

riam **C O R V I N I** magnaue alia
Nomina læserunt, carnificis manu publicè ex-
usta, ut posteris.

Discant iustitiam moniti, & non temnere Reges.



Folio	E	A	T	A.
28.	antecedere	Legem	peditatum	
29.	De la Isola		del Isola	
44.	rei ferendæ		rei gerendæ	
75.	observamus		observavimus	
126.	secreto consilio		secretum consilium	
138.	Moscho		Moschi	
152.	neo		nec	
153.	De la umbres	Legem	Del umbres	
158.	vetustissimorum familiarium		vetustissima- rum familiarum	
159.	conservatur		conservari dicitur	
166.	æquorum vi	L.	æquarum vel æquorum	
171.	tinas	L.	tonnas	
182.	quos hac tenus	L.	habeatis	
182.	ut quid interiora		quid inter se loqu	
201.	Fæminæ Principes		fæminæ Principis	
207.	reservati		reservari	
207.	hos præfenti		hâc præfenti	
230.	propè	L.	probè.	
233.	is validis		ijs validis	
246.	Pelingam		Pekingam	
246.	quos par est		quo par est	
253.	allapso		allapfa	
158.	selemniter	L.	solenniter	

274. equis in gyros acti
276. continetur L.
302. in Moschovia L.
79. seiori L.
310. Tanti consistit L.
321. audivisses L.
335. propè L.
364. Rheni L.
393. 13000 profi: L.

gyrū actis
continentur.
Moschoviam
seiori
constitit
vidisses
propè
Eni
130000.



*Hist. Polon.
6. spec.*

47.

